



Bosna i Hercegovina
Federacija Bosne i Hercegovine
Kanton Sarajevo
OPĆINA VOGOŠĆA
OPĆINSKI NAČELNIK



Vogošća, ul. Jošanička br. 80, tel.: 387 33 586 413, fax: 387 33 586 444

Broj: 02-04-1519/26
Vogošća, 11.08.2026. godine

OPĆINA VOGOŠĆA
OPĆINSKO VIJEĆE

PREDMET: Izvještaj o radu Općinskog načelnika, Jedininstvenog općinskog organa uprave i ostalih općinskih službi Općine Vogošća za period 01.01.2026. – 30.06.2026. godine

U prilogu akta dostavljamo Vam **Izvještaj o radu Općinskog načelnika, Jedininstvenog općinskog organa uprave i ostalih općinskih službi Općine Vogošća za period 01.01.2026. – 30.06.2026. godine** na usvajanje.

Dostaviti:

- Naslovu
- a/a

OPĆINSKI NAČELNIK

Migdad Hasanović

★★★★VOGOŠĆA★★★★

IZVJEŠTAJ

**O RADU OPĆINSKOG NAČELNIKA, JEDINSTVENOG OPĆINSKOG
ORGANA UPRAVE I OSTALIH SLUŽBI OPĆINE VOGOŠĆA
ZA PERIOD 01.01.2026. – 30.06.2026. GODINE**

24.06.

Vogošća, august 2026. godine

U V O D

Jedinstveni općinski organ uprave je u periodu od 01.01.2026. do 30.06.2026. godine obavljao upravne i druge stručne poslove iz samoupravnog djelokruga Općine, te redovne poslove i zadatke po Planu rada Općinskog načelnika i službi za upravu, te Budžetu Općine Vogošća za 2026. godinu, Programu prioriternih projekata u oblasti komunalne infrastrukture i Planu javnih nabavki. Pored aktivnosti službi i pružanja usluga građanima u okviru redovne djelatnosti realizovano je i mnoštvo projekata, a Općinski načelnik je imao veliki broj sastanaka, susreta, prijema i prisustvovao je brojnim događajima u izvještajnom periodu.

Općinski načelnik je održao veliki broj radnih sastanaka sa resornim ministrima Kantona Sarajevo, s ciljem rješavanja problema, realizacije i sufinansiranja projekata u skladu sa nadležnostima. Za rezultat imamo unapređenje stanja u brojnim oblastima, realizaciju velikog broja projekata u oblasti društvene i komunalne infrastrukture, te obezbijeđeno finansiranje i sufinansiranje projekata koji su implementirani u prvoj polovini 2026. godine i koji će biti implementirani u drugoj polovini 2026. godini.

- Izgradnja pumpnog postrojenja i rezervoara Krivoglavci I za vodosnabdijevanje gornjih zona naselja Krivoglavci i Svrake ušla je u završnu fazu i prije nego se novoizgrađena vodovodna mreža i prateća postrojenja uvedu u javni sistem vodosnabdijevanja kojim upravlja KJKP „Vodovod i kanalizacija“ d.o.o. Sarajevo, vrše se neophodna ispitivanja i testiranja.
- U naselju Orahov brijeg, od broja 248 do broja 268, realizuje se projekat izgradnje kanalizacione mreže. Kroz projekat „Kolektor 6“, koji je jedan od komunalnih prioriteta biće instalirano novih 270 metara oborinske i fekalne kanalizacione mreže, a ukupna vrijednost ovog projekta iznosi 285.000,00 KM. Nakon završetka radova na „Kolektoru 6“ i instalaciji 26 novih priključaka, uslijedit će i postavljanje nove vodovodne mreže. Po okončanju svih radova, Općina Vogošća je predvidjela i asfaltiranje dijela ulice Orahov brijeg (270 m) u kojoj su se odvijali pomenuti radovi u punoj širini ove putne komunikacije.
- Općinski načelnik Općine Vogošća i njegovi saradnici održali su važan sastanak s predstavnicima Agencije za vodno područje rijeke Save i Svjetske banke, a glavna tema sastanka bila je nastavak uređenja desne obale rijeke Bosne.
- Potpisan je ugovor sa Ministarstvom privrede Kantona Sarajevo za regulaciju i čišćenje rijeka vrijedan 450.000,00 KM.
- Potpisan je sporazum sa Federalnim ministarstvom prometa i komunikacija ukupne vrijednosti 126.406,00 KM namijenjen sanaciji i rekonstrukciji lokalnih i regionalnih cesta.
- Pristupilo se sanaciji i rekonstrukciji mnogih ulica kao što su: Igmanska u dužini od oko 110 metara i vrijednosti oko 70.000,00 KM.
- Pruža se potrebna podrška KJKP „Toplane“ kao nosiocu projekta izgradnje kotlovnice na području općine Vogošća kako bi se trajno riješio problem grijanja u Vogošći.
- U aprilu je održan sastanak sa predstavnicima Ministarstva saobraćaja Kantona Sarajevo, preduzeća „GRAS“ i građanima sa područja naselja Blagovac i Tihovići sa temom rješavanja dugogodišnjeg problema neredovnog prijevoza prema ovim naseljima.
- Okončani su radovi na rekonstrukciji dječijeg igrališta u MZ Gora.
- Uspješno je okončan projekat „Vogošća, Ilijaš i Hadžići zapošljavaju radnike kroz lokalno partnerstvo – VIHOR“, realizovan u okviru programa podrške lokalnim partnerstvima za zapošljavanje – LEP II, koji finansira Evropska unija, a provodi Međunarodna organizacija rada (ILO).
- Otvoren je Registracioni ured (RA ured) ovjeritelja Agencija za identifikacione dokumente, evidenciju i razmjenu podataka Bosne i Hercegovine (IDDEEA BiH).
- Općina Vogošća i Razvojni program Ujedinjenih nacija potpisali su Memorandum o razumijevanju, čime zvanično započinje saradnja na zajedničkom programu Akcelerator rodne ravnopravnosti. Ovaj program ima za cilj unaprijediti rodnu ravnopravnost u lokalnoj zajednici kroz inicijative koje jačaju učešće žena u odlučivanju, ekonomsku osnaženost i pristup jednakoj podršci u svim sektorima.
- Podržavani su projekti vjerskih zajednica, a u izvještajnom periodu Općinski načelnik se u više navrata sretao sa predstavnicima vjerskih zajednica.
- Provedene su aktivnosti na izradi konačne verzije projekta izgradnje škole na Rosuljama kako bi se otpočelo sa radovima na terenu.
- Realizovana je škola plivanja za učenike četvrtih razreda osnovnih škola iz Vogošće i Ilijaša na bazenu u Vogošći.

- U kino sali Upravne zgrade JU Kulturno-sportski centar Vogošća „Jasmin Isanović Žuti“ instalirana je nova oprema, čime je kino sala dobila savremenu tehnološku opremu za prikazivanje filmskih i drugih audiovizuelnih sadržaja. Ukupna vrijednost opreme iznosi 222.438,06 KM, od čega je 150.000,00 KM finansirano putem projektnog odobrenja Federalnog ministarstva kulture i sporta, dok je ostatak od 72.438,06 KM osiguran iz Budžeta Općine Vogošća.
- Uz pomoć Općine Vogošća obnovljene su prostorije Radio Vogošće.
- Tokom zimskih mjeseci na Trgu Branilaca Vogošće postavljeno je klizalište.
- Nastavljen je proces digitalne transformacije općinske uprave.
- U organizaciji Općine Vogošća obilježeni su Dan reintegracije, Dan nezavisnosti, Dan Armije Republike Bosne i Hercegovine i Dan Općine Vogošća.
- Nastavljena je izuzetna saradnja sa udruženjima proisteklim iz odbrambeno-oslobodilačkog rata 1992. – 1995. Data je podrška i realizaciji knjiga i filmova koji afirmišu istinu o agresiji i odbrambeno-oslobodilačkom ratu. 12 ovakvih udruženja, podržano je, iz Budžeta Općine Vogošća sa oko 229.025,00 KM.
- Općina Vogošća je dala značajnu podršku obilježavanju značajnih datuma iz perioda odbrambeno-oslobodilačkog rata i pripreme za odbranu 1991. – 1995. i perioda NOB-a 1941. – 1945. U pitanju su manifestacije: „11 zlatnih“ posvećena šehidima NK „Ozren“; obilježavanje godišnjice Igmanskog marša; obilježavanje godišnjice ubistva Kenana Demirovića; uzeto učešće u projektu „Stazom sjećanja“; obilježena godišnjica oslobođenja Sarajeva i Vogošće; obilježen Dan šehida; obilježena godišnjica akcije „Pretis“; obilježen Dan logoraša; obilježen Dan dobitnika najviših ratnih priznanja; obilježena godišnjica Spomen sobe; obilježen Dan pobjede nad fašizmom i Dan Evrope; obilježena bitka za Krše; obilježen Dan nestalih općine Vogošća; obilježen Dan Patriotske lige Općine Vogošća; obilježen Dan maloljetnih boraca Armije Republike Bosne i Hercegovine.
- Dodijeljene su 92 stipendije studentima za akademsku 2025./2026.godinu. Dodijeljeno je 220 stipendija učenicima srednjih škola. Ukupan iznos sredstava izdvojenih za stipendije iznosi 280.080,00 KM.
- Dodijeljene su 32 sportske stipendije za rezultate ostvarene u 2025. godini.
- Općinski načelnik je upriličio sastanak sa dobitnicima zlatnih i srebrnih znački Univerziteta u Sarajevu, a koji žive na području općine Vogošća.
- Općina Vogošća je potpisala ugovore o sufinansiranju projekata 19 udruženja i fondacija, u ukupnom iznosu od 80.000,00 KM.
- Predstavljena je Strategija prema mladima Općine Vogošća koja je u javnoj raspravi.
- Već tradicionalno i ove godine je uspješno realizovana akcija čišćenja „Čista i lijepa Vogošća“. Pored toga Općina Vogošća je uzela učešće i u kantonalnoj akciji čišćenja održanoj krajem proljeća.
- Vogošćanske škole i učenici bilježili su značajne rezultate i na međunarodnom planu tokom prve polovine 2026. godine. Svaki takav uspjeh pomenut je i zabilježen od strane Jedinstvenog općinskog organa.
- Vogošćanski sportski kolektivi i sportisti bilježili su značajne rezultate tokom prve polovine 2026. godine. Svaki takav uspjeh pomenut je i zabilježen od strane Jedinstvenog općinskog organa.
- Općina Vogošća je iz svog Budžeta podržala 19 sportskih udruženja u ukupnom iznosu od 250.000,00 KM.
- Uspješno je realizovana tradicionalna manifestacija „Vogošćanski dani 2026“. Manifestacija je održana u periodu od 05.06.2026. do 25.06.2026. godine.
- Općina Vogošća je u izvještajnom periodu ostvarila uspješnu saradnju sa Mješovitim ansamblom „Nota“ koji je pripremao prigodne programe za značajne datume.

U nastavku slijede izvještaji službi za upravu za period od 01.01.2026. do 30.06.2026. godine.

SLUŽBA ZA BUDŽET I FINANSIJE

UVODNI DIO

U Službi za budžet i finansije, dijelu Jedinственog općinskog organa uprave, izvršavali su se upravni i drugi poslovi i zadaci u oblastima za koje je Služba osnovana, a na osnovu Ustava, Zakona, Statuta Općine, odluka i drugih propisa i opštih i pojedinačnih akata Općinskog vijeća i Općinskog načelnika.

Polazeći od prava i dužnosti utvrđenih gore navedenim aktima, Služba je i u ovom izvještajnom periodu izvršavala poslove i zadatke iz oblasti budžeta, finansija, te druge poslove i zadatke iz djelokruga rada.

I. IZVJEŠTAJ O IZVRŠENJU PROGRAMA RADA

Služba za budžet i finansije, ima zadatak da na osnovu Zakona o budžetima u Federaciji BiH, Statuta Općine Vogošća, te računovodstvenih kodeksa i standarda prati rad svih organa i službi Općine Vogošća, te evidentira sve nastale promjene i izvršene transakcije u poslovnim knjigama Općine Vogošća. Poslovi su se odvijali u skladu sa Planom i programom rada Službe za 2026. godinu, te u skladu sa Operativnim budžetskim kalendarom za izradu i donošenje Dokumenta okvirnog budžeta za period 2027. – 2029. godine i Budžeta Općine Vogošća za 2027. godinu.

U okviru redovnih poslova i zadataka Služba je u periodu januar – juni 2026. godine pripremila i dostavila na razmatranje i usvajanje vijećnicima Općinskog vijeća Vogošća sljedeće:

- Izvještaj o ostvarenim prihodima i izvršenim rashodima Budžeta Općine Vogošća i godišnji obračun za 2025. godinu;
- Izmjene i dopuna Budžeta Općine Vogošća za 2026. godinu – Prijedlog;
- Informaciju o ostvarenim prihodima i izvršenim rashodima Budžeta Općine Vogošća za period 01.01.2026. – 31.03. 2026. godine.

U vezi sa navedenim, a prema zakonskim propisima u izvještajnom periodu urađen je godišnji obračun Budžeta za 2025. godinu i dostavljen FIA (Finansijsko-informatička agencija) i Ministarstvu finansija Kantona Sarajevo. Pored navedenog obračuna Ministarstvu finansija Kantona Sarajevo dostavljeni su i obrasci za praćenje i ex post kontrolu državne pomoći. Također Ministarstvu finansija Federacije BiH dostavljeni su obrasci o stanju i otplatama duga u Federaciji BiH za period 01.01.2026. – 30.06.2026. godine.

U skladu sa Pravilnikom o finansijskom izvještavanju budžeta pripremljen je Izvještaj o ostvarenju budžetskih prihoda i rashoda za period I-III/26 i isti se dostavio Ministarstvu finansija Kantona Sarajevo. Služba za budžet i finansije je tokom 2026. godine mjesečno dostavljala izvještaj o ostvarenim izvornim budžetskim prihodima, kao i izvještaj o ukupno ostvarenim budžetskim prihodima Općine Vogošća kantonalnom Ministarstvu finansija – Sektoru trezora. Upravi za indirektno oporezivanje mjesečno su dostavljani podaci o porezu na dodatu vrijednost.

U skladu sa Odlukom o uspostavi Registra budžetskih korisnika Općine Vogošća u Službenim novinama Kantona Sarajevo objavljen je Registar budžetskih korisnika Općine Vogošća za 2027. godinu.

U skladu sa Zakonom o budžetima u Federaciji BiH i Operativnim budžetskim kalendarom za izradu i donošenje Dokumenta okvirnog budžeta za period 2027. – 2029. godina i Budžeta Općine za 2027. godinu, donesen je Dokument okvirnog budžeta Općine Vogošća za period 2027. – 2029. godina, usvojen od strane Općinskog načelnika i isti je objavljen na WEB stranici Općine Vogošća, te će biti dostavljen Općinskom vijeću u formi informacije.

Sačinjavanju naprijed navedenih izvještaja i dokumenata koji su u Službi urađeni u izvještajnom periodu predhodile su neophodne radnje kao što su:

- prijem, obrada i uplata pristiglih faktura;
- prijem, obrada, kompletiranje, kontiranje i knjiženje dnevnih izvoda na depozitnom i transakcijskim računima;
- popisivanje imovine i kapitala;
- obračun amortizacije stalnih sredstava za 2025. godinu;
- otvaranje novih poslovnih knjiga za 2026. godinu;
- sređivanje i ažuriranje finansijskog i materijalnog knjigovodstva.

Paralelno sa obavljanjem navedenih poslova, obavljane su sve ostale aktivnosti vezane za izvršavanje tekućih obaveza iz redovnog poslovanja u 2026. godini.

Osim navedenih poslova u okviru Službe za budžet i finansije, u izvještajnom periodu, obavljani su i redovni poslovi:

- obračuna i isplate plaća zaposlenih radnika, uz istovremeno knjiženje mjesečnih primanja radnika na pojedinačnim evidencionim kartonima;
- vršeni su obračuni i isplate naknada i drugih primanja uposlenih radnika (naknada toplog obroka, prijevoza sa posla i na posao i sl.);
- obračuni i isplate po ugovorima o djelu;
- obračuni i isplate naknada povjerenicima Općinskog štaba civilne zaštite;
- obračuni i isplate naknada članovima Savjeta MZ;
- obračuni i isplate naknada općinskim vijećnicima, članovima komisija Općinskog vijeća, članovima općinskih komisija i članovima komisija za tehnički prijem objekata;
- obračuni i isplate naknada članovima Općinske izborne komisije;
- isplate stipendija za učenike i studente;
- vršene su i ostale isplate vezane za rad Jedinog općinskog organa uprave Općine Vogošća;
- Federalnom Zavodu za statistiku dostavljani su mjesečni izvještaji o ličnim primanjima uposlenih radnika;
- izdavana su uvjerenja o ličnim primanjima uposlenika;
- vođena je evidencija obustava po kreditima uposlenih radnika;
- sačinjavani su izvještaji za Ministarstvo finansija Kantona Sarajevo;
- dostavljani su mjesečni izvještaji Poreznoj upravi Vogošća o uplaćenim porezima i doprinosima na sva lična i dodatna primanja, kao i izvještaji o uplaćenom porezu na dohodak.

Služba za budžet i finansije izvještavala je Općinskog načelnika na dnevnom nivou o stanju obaveza po prispjelim fakturama, doznačenim namjenskim sredstvima i o stanju sredstava na transakcijskim računima Općine Vogošća.

Pored gore navedenih aktivnosti, Služba za budžet i finansije, kontinuirano je dostavljala traženu dokumentaciju iz oblasti vezanih za finansijsko poslovanje Općine, te uvezivala ostale Općinske službe na dostavu tražene dokumentacije iz oblasti njihovog djelokruga rada Uredu za reviziju FBiH. Kao rezultat svega navedenog Služba je pripremila i dostavila

SLUŽBA ZA PRIVREDU, INTEGRISANI LOKALNI RAZVOJ I DRUŠTVENE DJELATNOSTI

UVODNI DIO

Služba za privredu, integrisani lokalni razvoj i društvene djelatnosti, kao sastavni dio jedinstvenog općinskog organa uprave, tokom izvještajnog perioda od 01.01. do 30.06.2026. godine obavljala je upravne, stručne i druge poslove iz svog djelokruga, u skladu sa Ustavom, zakonima i podzakonskim aktima, Statutom Općine Vogošća, kao i aktima Općinskog vijeća i Općinskog načelnika.

Služba je djelovala u partnerskom odnosu sa ostalim općinskim službama s ciljem efikasne organizacije, koordinacije i usmjeravanja aktivnosti iz oblasti privrede, integrisanog lokalnog razvoja i društvenih djelatnosti. Pored realizacije redovnih zadataka, preuzimane su i dodatne obaveze koje su proizlazile iz odluka viših nivoa vlasti, uz aktivno učešće u realizaciji strateških i razvojnih ciljeva lokalne zajednice.

U izvještajnom periodu, Služba je zaprimila ukupno **1.612 zahtjeva** stranaka po različitim osnovama, uključujući upravne postupke, akte raspolaganja, upite i druge oblike administrativne podrške.

Zbog širokog spektra nadležnosti i svakodnevne potrebe građana i pravnih lica za stručno vođenje kroz administrativne i pravne procedure, Služba je kontinuirano pružala stručnu podršku i savjetodavne usluge – od pripreme dokumentacije za pokretanje privredne djelatnosti, informisanja o dostupnim podsticajima sa viših nivoa vlasti, do direktne pomoći pri ispunjavanju obrazaca i zahtjeva. Veliki broj stranaka dolazi upravo sa ciljem da dobije konkretnu tehničku pomoć, što značajno povećava radno opterećenje, ali istovremeno i ukazuje na visoku razinu povjerenja u stručnost i profesionalizam zaposlenih.

Dodatno, Služba je radila na praćenju rada privrednih subjekata, rješavanju zahtjeva iz oblasti poljoprivrede i šumarstva, upravljanju općinskim poslovnim prostorima, javnim gradskim prijevozom, te poslovima u oblasti kulture, sporta i drugih društvenih djelatnosti. Posebna pažnja bila je usmjerena na jačanje međusektorske saradnje, uspostavljanje normativnih osnova za efikasniji rad, te stvaranje preduslova za održiv, inkluzivan i uravnotežen razvoj Općine Vogošća.

I. IZVJEŠTAJ O IZVRŠENJU PROGRAMA RADA

Tokom prvog polugodišta 2026. godine na sjednicama Općinskog vijeća Vogošća, iz djelokruga rada Službe predloženi su i usvojeni sljedeći dokumenti:

1. Odluka o usvajanju Lokalnog ekološkog akcionog plana Općine Vogošća (LEAP) – Prijedlog;
2. Odluka o dodjeli u zakup neposrednom pogodbom po osnovu prava prvenstva poslovne prostorije Općine Vogošća u ulici Vogošćanskih odreda broj 5 – Prijedlog;
3. Odluka o dodjeli u zakup neposrednom pogodbom po osnovu prava prvenstva poslovne prostorije Općine Vogošća u ulici Braće Halać broj 12 – Prijedlog;
4. Odluka o davanju saglasnosti za provođenje postupka dodjele koncesije za izgradnju i korištenje postrojenja za pretvaranje energije sunca u električnu energiju (fotonaponsko postrojenje – solarna elektrana) za Aida Commerce d.o.o. Sarajevo;

5. Odluka o davanju saglasnosti na potpisivanje Ugovora o poslovno-tehničkoj saradnji u poslovnom prostoru u ulici Partizanskog odreda Zvijezda broj 34;
6. Odluka o davanju saglasnosti na potpisivanje Ugovora o poslovno-tehničkoj saradnji u poslovnom prostoru u ulici Jošanička broj 13;
7. Odluka o izmjeni Odluke o davanju saglasnosti na potpisivanje ugovora o partnerstvu za realizaciju projekta „Spomen soba šehidima i poginulim borcima općine Vogošća“;
8. Izvještaj o stanju poljoprivrede na području općine Vogošća za 2025. godinu;
9. Odluka o dodjeli u zakup neposrednom pogodbom po osnovu prava prvenstva poslovne prostorije Općine Vogošća u ulici Jošanička broj 46 – Prijedlog;
10. Odluka o pristupanju izradi Strategije ruralnog razvoja Općine Vogošća za period 2027. – 2033. godine – Prijedlog;
11. Odluka o stavljanju van snage Odluke o dodjeli u zakup neposrednom pogodbom po osnovu prava prvenstva poslovne prostorije Općine Vogošća u ulici Braće Kršo bb („Službene novine Kantona Sarajevo“, broj: 2/26) – Prijedlog;
12. Odluka o dodjeli u zakup neposrednom pogodbom po osnovu prava prvenstva poslovne prostorije Općine Vogošća u ulici Braće Kršo bb – Prijedlog;
13. Odluka o dodjeli u zakup poslovne prostorije u ulici Skendera Kulenovića broj 59 – Prijedlog;
14. Informacija o radu sportskih i ostalih udruženja koja se finansiraju iz Budžeta Općine Vogošća za 2025. godinu;
15. Odluka o dodjeli u zakup poslovne prostorije u ulici Igmanjska broj 78 – Prijedlog;
16. Odluka o izmjeni Odluke o dodjeli u zakup neposrednom pogodbom po osnovu prava prvenstva poslovne prostorije Općine Vogošća u ulici Igmanjska broj 72 – Prijedlog;
17. Izvještaj o provedenim aktivnostima na dodjeli stipendija Općine Vogošća u školskoj/akademskoj 2025./2026. godini;
18. Strategija prema mladima Općine Vogošća 2026. – 2031. godina – Nacrt;
19. Informacija o stanju javnog gradskog prijevoza na području općine Vogošća;
20. Odluka o produženju radnog vremena ugostiteljskih objekata i ljetnih bašti povodom odigravanja utakmice nogometne reprezentacije Bosne i Hercegovine protiv reprezentacije Sjedinjenih Američkih Država na Svjetskom prvenstvu u nogometu 2026. godine.

II. OBRAZOVANJE

→ Saradnja i podrška obrazovnim ustanovama

Sve aktivnosti u toku izvještajnog perioda, za oblast obrazovanja, bile su usmjerene na unapređenje odgojno-obrazovnog procesa i uslova rada u vrtićima, osnovnim i srednjoj školi, odnosno stvaranja što povoljnijih uslova za realizaciju nastave. Ostvarena je kontinuirana saradnja i podrška školama i drugim obrazovnim subjektima kroz:

- koordinaciju rada osnovnih škola i školskih odbora;
- saradnju sa direktorima svih pet osnovnih škola i SŠC Vogošća;
- prikupljanje podataka o školskim obveznicima i izrada objedinjene dokumentacije za upis prvačića u školsku 2026./2027. godinu;
- nastavak saradnje sa Vijećem roditelja Kantona Sarajevo;
- pružanje podrške školama u realizaciji projekata samostalno ili u saradnji sa udruženjima i organizacijama.

→ Operativne aktivnosti:

- Okončan je proces dodjele stipendija za školsku 2025./2026. godinu, uključujući potpisivanje ugovora sa korisnicima i isplatu stipendija.
- Organizovana je škola plivanja za 369 učenika četvrtih razreda iz svih pet osnovnih škola sa područja općine Vogošća.
- U skladu sa važećim Pravilnikom, obrađeni su zahtjevi i realizovan je proces dodjele finansijskih sredstava za odlazak učenika osnovnih škola i SŠC Vogošća na ekskurzije.
- Finansijski su podržani projekti obnove i opremanja osnovnih škola i Srednjoškolskog centra Vogošća, u skladu sa zahtjevima škola.
- Izvršena je nabavka ruksaka, pernica i školskog pribora za sve prvačiće u pet osnovnih škola na području općine.
- Organizovana su i okončana općinska takmičenja iz nastavnih predmeta, a najboljim učenicima dodijeljene su diplome i novčane nagrade, a zahvalnice nastavnicima koji su pripremali učenike za takmičenje.
- U saradnji sa vogošćanskim vrtićima i SŠC Vogošća obilježen je Dan planete Zemlje.

- U saradnji sa osnovnim školama i JU KSC Vogošća, u okviru manifestacije Vogošćanski dani organizovan je defile maturanata sa koncertom.
- Obradene su i proslijeđene fakture sa zahtjevom za refundaciju sredstava školskog prijevoza za četiri osnovne škole sa područja općine Vogošća.

III. MLADI

Vođeni potrebom za sistemskom podrškom mladima i unapređenjem njihovog položaja u lokalnoj zajednici, Općina Vogošća je u izvještajnom periodu nastavila s aktivnostima koje doprinose kreiranju povoljnijeg ambijenta za mlade. Poseban akcent stavljen je na normativno uređenje oblasti omladinske politike, kao i na strateško planiranje budućih aktivnosti usmjerenih ka mladima.

U cilju stvaranja institucionalnog i planskog okvira za djelovanje u oblasti mladih, izrađeni su i usvojeni sljedeći dokumenti:

- Okončan je proces izrade Nacrta Strategije prema mladima Općine Vogošća, koja će predstavljati osnovni planski dokument za definisanje ciljeva, mjera i aktivnosti za unapređenje položaja mladih u lokalnoj zajednici.
- Implementacija Pravilnika o kriterijima i načinu dodjele sredstava za mobilnost mladih sa područja općine Vogošća, čime je omogućeno sufinansiranje njihovog učešća na edukacijama, seminarima, volonterskim i drugim programima u zemlji i inostranstvu. U izvještajnom periodu podržano je ukupno 14 učenika i studenata.
- Općina aktivno učestvuje u provođenju EU programa SALTO i mreže Europe Goes Local (EGL) koju čine lokalne zajednice posvećene radu s mladima i jačanju politika prema mladima.
- Služba je u ime Općine Vogošća u izvještajnom periodu ispunila upitnike na platformi www.integritet.ba i time se priključila inicijativi za jačanje integriteta, transparentnosti i odgovornosti u radu javne uprave sa mladima.

IV. VJERSKE ZAJEDNICE

- U saradnji sa JU „Kulturno sportski centar“ Vogošća organizovan je Ramazanski koncert i koncert povodom obilježavanja Kurban bajrama.
- Raspisan je Javni poziv i u toku je obrada zahtjeva za dodjelu finansijskih sredstava za tekuće programe i projekte, kao i za projekte izgradnje i renoviranja vjerskih objekata različitih konfesija u svim dijelovima općine.
- Nastavljena je uspješna saradnja sa Medžlisom Islamske zajednice Sarajevo, kao i sa crkvenim opštinama/općinama koje pokrivaju prostor općine Vogošća.
- Podržani i sufinansirani projekti svih džamija sa područja općine Vogošća, kao i projekti RKT Crkve „Blažena Marija Terezija“ Vogošća i Srpske pravoslavne crkve Reljevo.

V. SPORT

U izvještajnom periodu redovno su se obavljali administrativno-tehnički poslovi vezani za rad sportskih klubova kao i sljedeći poslovi:

- Na osnovu Pravilnika o kriterijima i procedurama za sufinansiranje projekata organizacija civilnog društva sredstvima iz Budžeta Općine Vogošća u oblasti sporta, doznavačavana su finansijska sredstva sportskim klubovima u 2026. godini.
- Aktivno se sarađivalo sa Komisijom za dodjelu finansijskih sredstava sportskim organizacijama iz Budžeta Općine Vogošća za 2026. godinu koja je razmatrala sve pristigle aplikacije i predložila Općinskom načelniku raspodjelu i dinamiku doznavačavanja finansijskih sredstava sportskim organizacijama za 2026. godinu.
- Općinski načelnik je 26.01.2026. godine donio Odluku o raspodjeli finansijskih sredstava sportskim organizacijama, a 28.01.2026. godine upriličeno je potpisivanje ugovora o dodijeljenim sredstvima za 2026. godinu.
- Komisija za ocjenjivanje i odabir projekata nevladinih organizacija po LOD metodologiji izvršila je bodovanje pristiglih aplikacija i predložila Općinskom načelniku raspodjelu sredstava.
- Općinski načelnik je 10.02.2026. godine donio Odluku o raspodjeli finansijskih sredstava udruženjima i fondacijama iz Budžeta Općine Vogošća za 2026. godinu, a 24.02.2026. godine upriličeno je potpisivanje ugovora o dodijeljenim sredstvima.
- Na osnovu donesenog Pravilnika o sufinansiranju kratkoročnih programa i aktivnosti nevladinih organizacija raspisan je Javni poziv koji je otvoren u toku cijele godine odnosno do utroška planiranih sredstava za ove namjene. Po ovom Javnom pozivu uvaženo je 26 zahtjeva u ukupnom iznosu od 72.450,00 KM.
- Na Dan reintegracije Općine Vogošća u prostore Federacije BiH 23.02.2026. godine završen je 28. Tradicionalni malonogometni turnir „Vogošća 2026“. Turnir se odigravao u Sportskoj dvorani „Amel Bečković“ u periodu od

31.01.2026. do 23.02.2026. godine. Turnir je uspješno organizovan i izvršene su dodjele nagrada za najbolje pojedince i ekipe.

- U saradnji sa predstavnicima KJKP „Park“ izvršen je obilazak svih dječijih i sportskih igrališta. Napravljen je zapisnik o stanju igrališta kao i prijedlog šta bi trebalo uraditi na kojem igralištu. Komisija (predstavници Općine i KJKP „Park“) je u tri navrata vršila obilazak. Potpisan Sporazum o međusobnim pravima i obavezama na realizaciji projekata uređenja dječijih i sportskih igrališta na području općine Vogošća sa KJKP „Park“ d.o.o. Sarajevo. Za ove namjene planirano je 100.000,00 KM.
- Na osnovu Pravilnika o stipendiranju sportista sa područja općine Vogošća objavljen je Javni konkurs za stipendiranje sportista. Na ovaj Javni konkurs pristiglo je 36 zahtjeva. Općinski načelnik je dodijelio 32 sportske stipendije za postignute sportske rezultate u 2025. godini. Sa svim dobitnicima sportske stipendije je 22.05.2026. godine potpisan ugovor.
- Donesen je Pravilnik o sufinansiranju odlaska mladih sportista sa područja općine Vogošća na internacionalna takmičenja. Na osnovu ovog Pravilnika raspisan je Javni poziv za odlazak mladih sportista na internacionalna takmičenja koji je otvoren cijelu godinu odnosno do utroška planiranih sredstava za ove namjene. Do sada je uvaženo 5 zahtjeva i izdvojeno je 1.332,00 KM.
- Počela je rekonstrukcija i popravka dječijih i sportskih igrališta na osnovu potpisanog Sporazuma sa KJKP „Park“. Na sportskom igralištu u Bušći, na tribine je postavljeno 240 stolica. Na dječijem igralištu Trg žrtava genocida u Srebrenici, na klupama postavljaju se nove štafle i na kanalicama za odvođe postavljaju se nove rešetke. Izvršena je popravka dječijeg igrališta u Gori kod područne škole, također se radila popravka sportskog igrališta na Kobiljoj Glavi kod OŠ „Zajko Delić“ gdje je izvršena popravka ograde, ofarbana konstrukcija koša i postavljena mrežica, postavljeni su i ankerisani golovi, urađene kapije. Otpočeti su radovi na uređenju dječijeg igrališta u ulici Braće Kršo.
- Obaveza svih sportskih klubova je bila da do kraja mjeseca juna dostave pravdanje za I i II kvartal što su i uradili svi sportski klubovi.
- Vodi se redovna evidencija o aktivnostima sportskih udruženja. Na području općine Vogošća trenutno je na evidenciji nadležne službe 24 sportska kluba.
- Služba je na dnevnoj bazi kontaktirala sa sportskim udruženjima i uključivala se u rješavanje eventualnih problema.

VI. NEVLADINE ORGANIZACIJE

Pored gore navedenih sportskih klubova pratimo rad i 32 udruženja koji su registrovani na području općine Vogošća. U okviru te aktivnosti:

- Služba je pratila rad svih udruženja Vogošće, od prisustva sjednicama upravnih odbora (ili predsjedništava), pružala stručnu i drugu pomoć do učešća u projektima, manifestacijama i slično.
- Služba je sa Komisijom za dodjelu finansijskih sredstava nevladinim organizacijama po projektima iz Budžeta Općine Vogošća za 2026. godinu razmatrala sve pristigle aplikacije i predložila Općinskom načelniku raspodjelu finansijskih sredstava.
- Kroz sastanke sa predstavnicima svih udruženja koja su tretirana u grupaciji „Ostala udruženja“ istaknuta je potreba djelovanja kroz sistemska rješenja i u skladu sa propisanim kriterijima.

VII. KULTURA

- U oblasti kulture, Služba je ostvarivala konstantnu saradnju sa osnovnim školama, JU KSC „Vogošća“, KUD „Vogošća“, Ansambl „NOTA“, pojedincima i drugim organizacijama na polju organizacije manifestacija kulturnog sadržaja (obilježavanje Dana reintegracije, Dana nezavisnosti BiH i Dana Općine Vogošća).
- Intenzivirana je saradnja sa JU KSC „Vogošća“ na realizaciji manifestacije „Vogošćanski dani“ i aktivno smo učestvovali u organizaciji ove manifestacije.
- Služba je razmatrala zahtjeve, molbe i prijedloge institucija i pojedinaca u vezi brojnih naučnih i kulturnih projekata i utvrđivala prijedloge za postupanje po istim.
- Služba je pratila rad JU „KSC“ Vogošća i JP RTV Vogošća.

VIII. POSLOVI GAZDOVANJA I UPRAVLJANJA OPĆINSKIM POSLOVNIM PROSTORIJAMA

U izvještajnom periodu, u skladu sa Zakonom o preuzimanju, izmjenama i dopunama Zakona o zakupu poslovnih zgrada i prostorija („Službene novine Kantona Sarajevo“, broj: 14/97) i Odlukom o dodjeli u zakup poslovnih zgrada i prostorija Općine Vogošća („Službene novine Kantona Sarajevo“, broj: 14/25), Služba je kontinuirano provodila aktivnosti na upravljanju, raspolaganju i unapređenju korištenja poslovnih prostora u vlasništvu Općine Vogošća.

- Tokom izvještajnog perioda okončana je procedura produženja ugovora o zakupu poslovnih prostorija za zakupce koji su ostvarili pravo prvenstva u skladu sa važećom Odlukom o dodjeli u zakup poslovnih zgrada i prostorija Općine Vogošća. Zahtjevi zakupaca razmatrani su od strane Komisije za poslovne prostore i stanove, koja je Općinskom vijeću upućivala prijedloge odluka o dodjeli poslovnih prostorija neposrednom pogodbom. Nakon usvajanja odluka od strane Općinskog vijeća i njihove objave u „Službenim novinama Kantona Sarajevo“, zaključeni su novi ugovori o zakupu.
- Na osnovu Odluke o davanju saglasnosti Općinskom načelniku za produženje postojećih ugovora o korištenju poslovnih prostorija, sa urednim zakupcima zaključeni su aneksi ugovora kojima je zakup produžen do 27.11.2026. godine.
- Redovno su vršeni obračun i naplata zakupnine, pri čemu je u izvještajnom periodu ispostavljeno 150 računa za zakup poslovnih prostorija, kao i 18 računa za režijske troškove u poslovnim prostorima u kojima je njihovo plaćanje ugovoreno. Istovremeno je vršen obračun režijskih troškova za prazne poslovne prostore, praćena naplata zakupnine, evidentirane uplate, te vođeno propisano računovodstvo svih finansijskih transakcija koje se odnose na poslovne prostore. Svim zakupcima dostavljeni su izvodi otvorenih stavki (IOS) za 2025. godinu i izvršeno usaglašavanje međusobnih potraživanja. Naplata zakupnine u izvještajnom periodu bila je na zadovoljavajućem nivou.
- U skladu sa Odlukom Općinskog vijeća zaključen je Ugovor o partnerstvu sa Udruženjem „Haber“ za realizaciju projekta „Spomen soba šehidima i poginulim borcima općine Vogošća“, kojim su regulisana međusobna prava i obaveze u vezi korištenja poslovnih prostorija u ulici Skendera Kulenovića broj 65.
- Nakon provedenih pregovora i postupka dodjele poslovnog prostora zaključen je Ugovor o zakupu sa JP BH Pošta d.o.o. Sarajevo za poslovni prostor u ulici Jošanička broj 46b. Istovremeno je sa svim vlasnicima poslovnih prostora u objektu zaključen Sporazum o regulisanju međusobnih prava i obaveza radi realizacije projekta sanacije krovne konstrukcije, fasade i nadstrešnice objekta u ulici Jošanička. Sporazumom se Općina Vogošća obavezala da obezbijedi sredstva u iznosu od 25.000,00 KM bez PDV-a, kao i stručni nadzor nad izvođenjem radova. Realizacija ovih aktivnosti očekuje se u narednom periodu, čime će se unaprijediti izgled centralnog dijela općine i kvalitet usluga koje pruža JP BH Pošta.
- Nakon pravosnažnog okončanja dugogodišnjeg sudskog postupka za poslovni prostor u ulici Igmanska broj 78, izvršen je priključak električne energije i vode, čime su stvoreni uslovi za njegovo ponovno stavljanje u funkciju. Proveden je javni oglas za dodjelu poslovnog prostora u zakup, Komisija za poslovne prostore i stanove izvršila je pregled i ocjenu pristiglih ponuda, a Općinsko vijeće je na sjednici održanoj u junu usvojilo Odluku o dodjeli poslovnog prostora u zakup, koja je upućena na objavu u „Službenim novinama Kantona Sarajevo“.
- Za poslovni prostor u ulici Skendera Kulenovića broj 59 provedena je kompletna procedura dodjele u zakup. Međutim, prije zaključenja ugovora došlo je do poplave poslovnog prostora. Nakon otklanjanja kvara od strane upravitelja zgrade „OKI“ d.o.o., provedena je javna nabavka izvođača radova za sanaciju nastalih oštećenja, a radovi su u toku.
- Za poslovni prostor u ulici Igmanska broj 56 u martu je raspisan javni oglas, ali nije bilo zainteresovanih ponuđača. Zbog toga je u junu raspisan novi javni oglas, a postupak dodjele je u toku.
- Po zahtjevu dugogodišnjeg zakupca Centrotans d.d. Sarajevo provedena je procedura dodjele poslovnog prostora na adresi Braće Kršo bb, međutim zakupac je nakon donošenja odluke odustao od zaključenja ugovora. Nakon stavljanja van snage donesene odluke, zaprimljeno je pismo namjere JP GRAS d.o.o. Sarajevo, te je u skladu sa važećom odlukom proveden postupak dodjele i zaključen ugovor o zakupu predmetnog poslovnog prostora.
- U izvještajnom periodu okončana je i izrada digitalnog registra poslovnih prostora Općine Vogošća, koji predstavlja centralizovanu evidenciju poslovnih prostora u vlasništvu Općine. Registar je javno dostupan putem službene web stranice Općine Vogošća i omogućava transparentniji prikaz raspoloživih poslovnih prostora, efikasnije upravljanje općinskom imovinom, jednostavnije praćenje statusa poslovnih prostora, te kvalitetniju prezentaciju raspoloživih kapaciteta potencijalnim korisnicima.

IX. PRIVREDA

U izvještajnom periodu rješavano je po zahtjevima građana za obavljanje samostalnih djelatnosti, kao i fizičkih i pravnih lica u postupku pregleda poslovnih prostorija i tokom vođenja upravnog postupka radi donošenja rješenja, vršile su se sljedeće aktivnosti:

→ **Operativne aktivnosti:**

Primljeno ukupno 352 zahtjeva i to:

- 140 zahtjeva za rješenja o obavljanju djelatnosti,
- 177 zahtjeva za izdavanje uvjerenja,
- 25 zahtjeva za ovjeru cjenovnika i normativa,
- 10 zahtjeva za dostavu podataka.

Obradivani su predmeti u vezi osnivanja, izmjene, prestanka i usklađivanja djelatnosti.

Svi predmeti su riješeni u zakonskom roku.

→ **Samostalne djelatnosti:**

U okviru izvještajnog perioda doneseno je:

- 30 rješenja o obrtničkim djelatnostima,
- 5 rješenja o trgovačkoj djelatnosti,
- 35 rješenja o izmjenama djelatnosti,
- 9 rješenja o usklađivanju obrta,
- 8 rješenja o privremenom prestanku,
- 1 rješenje o nastavku nakon prestanka,
- 20 rješenja o trajnom prestanku,
- 2 rješenja za tradicionalne zanate,
- 2 rješenja o domaćoj radinosti,
- 3 rješenja o registrovanju poljoprivredne djelatnosti.

→ **Javne i ugostiteljske djelatnosti:**

Služba je u okviru izvještajnog perioda donijela:

- 8 rješenja o ispunjenosti uslova za ugostiteljstvo (na osnovu 8 pregleda),
- 8 rješenja o osnivanju ugostiteljske djelatnosti,
- 2 privremena rješenja o javnom prijevozu (teret),
- 4 trajna rješenja (1 taxi, 3 teretni prijevoz),
- 3 rješenja o prijevozu za vlastite potrebe.

→ **Uvjerenja i komunikacija s institucijama:**

U periodu izvještavanja izdato je:

- 157 uvjerenja o obavljanju djelatnosti,
- 20 uvjerenja da ne obavljaju djelatnost,
- 10 zahtjeva za podatke (interno dostavljeni).

Svi zahtjevi su riješeni u zakonskom roku.

→ **Administrativno-tehničke i komunikacijske aktivnosti u oblasti pravnih poslova**

Tokom izvještajnog perioda, Služba je kontinuirano provodila niz administrativno-tehničkih i komunikacijskih aktivnosti koje su bile neophodne za efikasno upravljanje postupcima izdavanja i vođenja evidencija o samostalnim djelatnostima. Realizovane su sljedeće aktivnosti:

- pregled i provjera dokumentacije uz kontinuiranu komunikaciju sa strankama radi upotpunjavanja zahtjeva;
- zaduživanje i vraćanje arhivskih predmeta radi postupanja po zahtjevima;
- uputno-informativna komunikacija sa strankama usmenim, pisanim i telefonskim putem, uključujući i formalne dopise radi otklanjanja nedostataka u podnescima;

- davanje stručnih savjeta i informacija prilikom podnošenja zahtjeva, naročito u vezi registracije pravnih lica i izmjena u registraciji, uz poštivanje važećih zakonskih propisa;
- saradnja sa nadležnim inspekcijama i organima reda, uključujući dostavljanje dopisa nadležnim ministarstvima u slučajevima rada bez odobrenja;
- savjetodavne aktivnosti prema nezaposlenim osobama u svrhu samozapošljavanja i izbora djelatnosti;
- upis i ažuriranje rješenja u službenim registrima, kao i elektronska obrada podataka u internoj bazi (registar) po svim relevantnim parametrima (ime, JMB, šifra djelatnosti, lokacija itd.);
- distribucija izdatih rješenja prema nadležnim institucijama i organima svih nivoa, u skladu sa zakonom;
- digitalizacija i online dostava svih rješenja u cilju povećanja efikasnosti i smanjenja papirologije (izuzetak su pojedine institucije koje i dalje zahtijevaju fizičku dostavu);
- redovno sedmično dostavljanje rješenja Poreznoj upravi FBiH – ispostava Vogošća.

→ **Normativne aktivnosti**

U izvještajnom periodu Služba je pripremila Pravilnik o realizaciji Programa poticaja za samozapošljavanje i unapređenje poduzetništva iz sredstava Budžeta Općine Vogošća za 2026. godinu, kojim su definisani uslovi, kriteriji i postupak dodjele poticajnih sredstava. Na osnovu usvojenog Pravilnika objavljen je Javni poziv za realizaciju Programa poticaja za samozapošljavanje i unapređenje poduzetništva iz sredstava Budžeta Općine Vogošća za 2026. godinu. Za provođenje postupka imenovana je Komisija za razmatranje pristiglih prijava, a nakon isteka roka za podnošenje prijava Komisija će izvršiti njihovo razmatranje, evaluaciju i sačiniti prijedlog korisnika poticajnih sredstava u skladu sa utvrđenim kriterijima.

X. POLJOPRIVREDA

→ **Normativne aktivnosti**

U izvještajnom periodu pripremljen je Pravilnik za dodjelu novčanih poticaja za kupovinu novih plastenika.

→ **Operativne aktivnosti**

U periodu od 01.01.2026. do 30.06.2026. godine aktivnosti u oblasti poljoprivrede bile su prvenstveno usmjerene na rješavanje zahtjeva građana, vođenje propisanih registara, realizaciju projekata podrške poljoprivrednim proizvođačima, kao i izvršavanje obaveza prema višim nivoima vlasti.

- U izvještajnom periodu zaprimljeno je i riješeno 713 predmeta iz svih oblasti poljoprivrede.
- Na zahtjev poljoprivrednih proizvođača izdato je 317 potvrda koje su se odnosile na upis u Registar poljoprivrednih gazdinstava i Registar klijenata, u svrhu ostvarivanja prava na novčane podsticaje kod viših nivoa vlasti (federalni i kantonalni podsticaji). Također, izdata je 91 potvrda za objekte koji se nalaze na području općine Vogošća, na kojima je dozvoljeno držanje stoke.
- Tokom izvještajnog perioda izvršen je upis 32 nova poljoprivredna proizvođača u Registar poljoprivrednih gazdinstava i Registar klijenata, od čega se jedan novi upis odnosi na Registar pčelara.
- Po pitanju registracije poljoprivredne djelatnosti izdata su 2 uvjerenja, dok su po zahtjevima koji su se odnosili na javne pozive riješena 222 predmeta.
- U okviru izvršavanja obaveza prema višim nivoima vlasti (Federalni zavod za statistiku, Ministarstvo privrede Kantona Sarajevo i Federalni zavod za poljoprivredu – Centralna IPS FBiH Sarajevo), izrađeni su i dostavljeni sljedeći izvještaji:
 - Izvještaj o površinama i zasadima na kraju proljetne sjetve u 2025. godini;
 - Izvještaj o ostvarenoj animalnoj proizvodnji za 2025. godinu;
 - Program praćenja štetočina na području općine Vogošća za 2027. godinu.
- Kao i prethodnih godina, poljoprivredni proizvođači kontinuirano su informisani o mogućnostima ostvarivanja novčanih podsticaja putem Kantonalne stručne službe.
- U izvještajnom periodu nastavljene su aktivnosti na prikupljanju podataka za upis u Registar poljoprivrednih gazdinstava i Registar klijenata, koje se provode u saradnji sa Federalnim ministarstvom poljoprivrede, vodoprivrede i šumarstva, a odnose se na područje cijele Federacije Bosne i Hercegovine.
- Pored navedenog, poljoprivredni proizvođači sa područja općine Vogošća kontinuirano su upoznavani sa procedurama upisa u Registar pčelara i pčelinjaka, koji se također vodi u saradnji sa Federalnim ministarstvom poljoprivrede, vodoprivrede i šumarstva.

- Tokom izvještajnog perioda upis u Registar pčelara, odnosno reevidenciju, izvršila su 22 pčelara sa područja općine Vogošća, dok je izdato 26 potvrda o lokaciji pčelinjaka.
- U izvještajnom periodu izrađen je Izvještaj o stanju poljoprivrede na području općine Vogošća za 2025. godinu.
- Služba je redovno vršila uviđaje na terenu kod poljoprivrednih proizvođača koji se bave biljnom i stočarskom proizvodnjom, uključujući uzgoj poljoprivrednih kultura, te krupne i sitne stoke, radi utvrđivanja činjeničnog stanja i izdavanja uvjerenja o bavljenju poljoprivrednom proizvodnjom u svrhu registracije poljoprivredne djelatnosti, kao i ostvarivanja prava u okviru projekata koje provodi Služba.
- Služba za privredu, integrisani lokalni razvoj i društvene djelatnosti nastavila je provoditi aktivnosti usmjerene na razvoj poljoprivrede na području općine Vogošća.
- U posmatranom periodu u potpunosti je realizovan projekat pomoći građanima općine Vogošća kroz sufinansiranje troškova nabavke repromaterijala za proljetnu sjetvu u 2026. godini.
- Tokom juna mjeseca raspisan je Javni poziv za sufinansiranje nabavke novih plastenika.

XI. IMPLEMENTACIJA I UPRAVLJANJE PROJEKTIMA IZ EKSTERNIH IZVORA FINANSIRANJA

→ Implementirani projekti u izvještajnom periodu

- Općina Vogošća je i u izvještajnom periodu nastavila aktivno učestvovati u realizaciji projekta „VIHOR – Vogošća, Ilijaš i Hadžići zapošljavaju kroz lokalno partnerstvo”, LEP II, koji finansira Evropska unija, a implementira Međunarodna organizacija rada (ILO) u saradnji sa lokalnim partnerima. Projekat je usmjeren na jačanje lokalne ekonomije i unapređenje zapošljavanja kroz razvoj održivih start-up biznisa.
U izvještajnom periodu održan je završni događaj projekta na kojem su predstavljeni ostvareni rezultati i efekti realizovanih projektnih aktivnosti. Kroz projekat je uspješno uspostavljeno i registrovano ukupno 9 novih poslovnih subjekata koji uspješno obavljaju svoju djelatnost. Također, provedena je obuka za ukupno 52 nezaposlene osobe, od kojih su 24 osobe zasnovala radni odnos, čime je ostvaren značajan doprinos unapređenju zapošljivosti i razvoju lokalnog tržišta rada.
Tokom izvještajnog perioda uspješno su provedeni postupci revizije i evaluacije projekta, pri čemu je potvrđeno da su sve projektne aktivnosti realizovane u skladu sa projektnim ciljevima i ugovornim obavezama. Kao vodeći partner na projektu, Općina Vogošća uspješno je implementirala sve planirane aktivnosti, a završni izvještaj Općine prihvaćen je od strane Međunarodne organizacije rada (ILO). Projektne aktivnosti zvanično su okončane 30.06.2026. godine.
- Općina Vogošća je u izvještajnom periodu nastavila učešće u realizaciji projekta „Promovisanje lokalne bioraznolikosti kroz inovativne akcije na prirodnoj osnovi u poljoprivredno-prehrambenom sektoru BiH (ProBio BiH)“, koji finansira Ministarstvo vanjskih poslova i međunarodne saradnje Republike Italije, a implementira CIHEAM Bari putem Italijanske agencije za razvojnu saradnju (AICS). Projekat je usmjeren na jačanje kapaciteta javne uprave, očuvanje biodiverziteta, te razvoj inovativnih i održivih poslovnih modela u agro-prehrambenom sektoru.
U okviru projektnih aktivnosti Općina Vogošća obezbijedila je finansijska sredstva za izradu Strategije ruralnog razvoja Općine Vogošća, koja je trenutno u fazi izrade. Također, u toku su pripremne aktivnosti za organizaciju Sajma meda, ljekovitog bilja i domaćih proizvoda, koji će biti održan u mjesecu septembru, a čija će realizacija biti sufinansirana kroz navedeni projekat.
Pored navedenog, u izvještajnom periodu vođeni su razgovori i aktivnosti na obezbjeđenju finansijske podrške za mapiranje dijela zaštićenog područja Spomenika prirode „Skakavac“ koje teritorijalno pripada Općini Vogošća, s ciljem unapređenja zaštite i promocije biodiverziteta, kao i stvaranja pretpostavki za održivo upravljanje ovim prirodnim područjem.
- Općina Vogošća je tokom 2025. godine aplicirala na Javni poziv u okviru projekta EU4CAET – Together for Energy Transition, koji sufinansiraju Evropska unija i Savezna Republika Njemačka, a implementira GIZ. U okviru projekta Općina je kandidovala projekat instalacije sistema toplotne pumpe za grijanje, hlađenje i ventilaciju u Sportskoj dvorani „Amel Bečković“. Projekat je odobren za daljnju realizaciju u okviru komponente tehničke pomoći. U ovoj fazi implementacije donator finansira izradu tehničke dokumentacije, koja obuhvata elaborat energetske efikasnosti, idejno rješenje i glavni projekat. Nakon završetka projektna dokumentacije očekuje se objava novog javnog poziva za sufinansiranje investicionih projekata, planirana za januar 2027. godine, na koji će moći aplicirati projekti sa potpuno pripremljenom tehničkom dokumentacijom. U izvještajnom periodu potpisan je sporazum o realizaciji projekta, izrađen je elaborat energetske efikasnosti, dok je u toku priprema projektnog zadatka za izradu idejnog rješenja. Navedene aktivnosti predstavljaju važan korak ka realizaciji projekta koji će

doprinijeti povećanju energetske efikasnosti objekta, smanjenju potrošnje energije i unapređenju uslova korištenja Sportske dvorane „Amel Bečković“.

- Općina Vogošća je kao partnerska organizacija uključena u realizaciju projekta Excellence Project (ExPro), koji se implementira u okviru programa EU4Employment in Bosnia and Herzegovina. Projekat je zvanično započeo 01.06.2026. godine i trajat će 20 mjeseci. Cilj projekta je unapređenje poduzetničkog ekosistema u Federaciji Bosne i Hercegovine i Brčko Distriktu kroz uspostavljanje Jobs of the Future Platforme, jačanje kapaciteta institucija koje pružaju podršku samozapošljavanju, te razvoj i primjenu standarda za podršku zelenom i digitalnom poduzetništvu. Općina Vogošća u projektu učestvuje kao jedan od partnera u aktivnostima usmjerenim na razvoj i institucionalizaciju sistema podrške samozapošljavanju.
- Općina Vogošća provodi projekat „Pečat rodne ravnopravnosti za javni sektor“ (Gender Equality Seal for Public Institutions) u saradnji sa Razvojnim programom Ujedinjenih nacija (UNDP), s ciljem unapređenja institucionalnih kapaciteta za primjenu principa rodne ravnopravnosti u radu lokalne samouprave, kroz usklađivanje internih politika, procedura i praksi sa međunarodnim standardima. Ukupna vrijednost projekta iznosi 135.513,00 KM, od čega UNDP finansira 100.380,00 KM (74,1%), dok učešće Općine Vogošća iznosi 35.133,00 KM (25,9%). U izvještajnom periodu potpisan je Sporazum o finansiranju između Općine Vogošća i UNDP-a, čime su stvoreni uslovi za početak implementacije projekta. Predstojeće aktivnosti obuhvataju stručnu i tehničku podršku u procesu uvođenja standarda Pečata rodne ravnopravnosti, jačanje kapaciteta zaposlenih, korištenje digitalne platforme za praćenje realizacije aktivnosti, te provođenje evaluacije u skladu sa metodologijom UNDP-a, s ciljem sticanja certifikata „Pečat rodne ravnopravnosti za javni sektor“.
- Općina Vogošća je zajedno sa Udruženjem Planinarsko društvo „Planinar“ Vogošća i Udruženjem za zaštitu okoliša i unapređenje turizma „Step“ u januaru 2026. godine aplicirala na Javni poziv za podnošenje prijave za dodjelu bespovratnih sredstava u okviru projekta „Održivi turizam za zeleni razvoj duž staza Via Dinarice u Bosni i Hercegovini“. Projekat Via Dinarica finansira Italijansko ministarstvo vanjskih poslova i međunarodne saradnje (MAECI) putem Italijanske agencije za razvojnu saradnju (AICS), a provodi ga i sufinansira Razvojni program Ujedinjenih nacija u Bosni i Hercegovini (UNDP BiH). Nakon uspješne prijave, projekat je odobren, te su osigurana finansijska sredstva za njegovu realizaciju. UNDP je izvršio uplatu prve tranše odobrenih sredstava, čime su stvoreni uslovi za početak planiranih aktivnosti. U skladu sa preuzetim obavezama iz projekta, Općina je također potpisala Sporazum o sufinansiranju projekta sa Udruženjem Planinarsko društvo „Planinar“ Vogošća, te izvršila uplatu vlastitog učešća u iznosu od 9.000,00 KM, čime je potvrđena opredijeljenost za uspješnu realizaciju projekta i razvoj aktivnosti predviđenih kroz projekat Via Dinarica.
Planirane projektne aktivnosti odnose se na uspostavu „Motka Outdoor Hub-a“ koji predstavlja strateški korak u razvoju održivog turizma na području Općine Vogošća i širem lokalitetu Motke, kroz unapređenje smještajne i turističke infrastrukture, te kreiranje novih turističkih usluga usmjerenih na aktivni i turizam doživljaja. Transformacijom planinarskog doma u multifunkcionalni „Outdoor hub“ osigurava se integracija smještajnih kapaciteta sa edukativnim, rekreativnim i kulturnim sadržajima, što doprinosi jačanju konkurentnosti destinacije. Kroz povezivanje fizičke infrastrukture, digitalnih alata i lokalnih resursa, Motka postaje ključna tačka duž Via Dinarice u BiH, doprinoseći stvaranju integrisanog turističkog proizvoda koji je atraktivan, održiv i inovativan.
- U izvještajnom periodu Služba je aktivno učestvovala u realizaciji aktivnosti u okviru zajedničkog projekta Akcelerator rodne ravnopravnosti (GEA JP), u sklopu stuba (Pillar 3) koji se odnosi na upravljanje i liderstvo. Predstavnici Službe prisustvovali su početnim radionicama pod nazivom „Podrška procesima planiranja kroz Zajednički program Akcelerator rodne ravnopravnosti (GEA), sa posebnim osvrtom na evaluaciju strategija razvoja i pripremu implementacionih dokumenata“, čiji je cilj unapređenje procesa strateškog planiranja i jačanje kapaciteta jedinica lokalne samouprave za primjenu principa rodne ravnopravnosti u razvojnim dokumentima. U okviru projektnih aktivnosti, Služba je na osnovu dostavljenih dokumenata od strane općinskih službi, pripremila preliminaru verziju Akcionog plana, koja je dostavljena konsultantu angažovanom kroz projekat radi pregleda i davanja stručnih preporuka. Također, dana 16.06.2026. godine, održan je radni sastanak konsultanta sa predstavnicima svih općinskih službi, na kojem su razmatrani prioriteti, planirane aktivnosti i mogućnosti unapređenja implementacionih dokumenata u skladu sa Zakonom o razvojnom planiranju i pratećim podzakonskim aktima.
- U izvještajnom periodu uspješno je okončan projekat izrade Lokalnog ekološkog akcionog plana (LEAP) Općine Vogošća za period 2026. – 2031. godine, koji je sufinansiran sredstvima Fonda za zaštitu okoliša Federacije Bosne i Hercegovine. Nakon provedene procedure izrade dokumenta i održane javne rasprave, Prijedlog

Lokalnog ekološkog akcionog plana (LEAP) Općine Vogošća za period 2026. – 2031. godine usvojen je od strane Općinskog vijeća Vogošća. Po okončanju svih planiranih projektnih aktivnosti, Fondu za zaštitu okoliša Federacije Bosne i Hercegovine dostavljen je završni izvještaj o realizaciji projekta. Izvještaj je prihvaćen od strane Fonda, čime su ispunjene sve ugovorne obaveze i projekat je uspješno okončan.

- Služba je u okviru javnog poziva Turističke zajednice Kantona Sarajevo aplicirala sa projektom – Manifestacija „Vogošćanski dani“. Aplikacija je uspješno ocijenjena i odobrena su sredstva u iznosu od 4.000,00 KM. U izvještajnom periodu potpisan je ugovor sa Turističkom zajednicom i zatražena je saglasnost za transfer odobrenih sredstva prema JU KSC Vogošća, kao organizatoru manifestacije.
- U izvještajnom periodu nastavljene su aktivnosti na realizaciji projekta izrade Strategije prema mladima Općine Vogošća za period 2026. – 2031. godine, koji se provodi u saradnji sa Institutom za razvoj mladih KULT, uz finansijsku podršku Evropske unije. U okviru dosadašnjih aktivnosti izrađen je Nacrt Strategije, koji je razmatran i usvojen od strane Općinskog vijeća Vogošća. Trenutno je u toku provođenje javne rasprave, nakon čijeg okončanja će biti izrađen Prijedlog Strategije za razmatranje i usvajanje od strane Općinskog vijeća. Kompletan proces izrade Strategije prema mladima se većinskim dijelom finansira iz sredstva Evropske unije, te je za ove namjene Općina Vogošća kroz aplikaciju uspjela obezbijediti 24.000,00 KM.
- U izvještajnom periodu uspješno je okončan projekat opremanja kino sale u JU „Kulturno-sportski centar“ Vogošća, koji je finansiran sredstvima Ministarstva kulture i sporta Federacije Bosne i Hercegovine u iznosu od 150.000,00 KM. Nakon provedene procedure javne nabavke izvršena je isporuka i instalacija kino opreme, te je provedena obuka zaposlenika za rukovanje i korištenje instalirane opreme. Po završetku svih planiranih projektnih aktivnosti, u februaru 2026. godine Ministarstvu kulture i sporta Federacije Bosne i Hercegovine dostavljen je završni izvještaj sa kompletnom pratećom dokumentacijom, čime su ispunjene sve ugovorne obaveze Općine Vogošća u okviru realizacije projekta. Iako je projekat u potpunosti realizovan i uredno opravdan, do kraja izvještajnog perioda nije izvršena uplata preostalog dijela odobrenih sredstava u iznosu od 20.000,00 KM od strane Ministarstva kulture i sporta Federacije Bosne i Hercegovine.
- U izvještajnom periodu Služba je aplicirala na javni poziv UNDP-a za učešće za tehničku i finansijsku podršku projektima energetske efikasnosti i obnovljivih izvora energije u javnim objektima u Bosni i Hercegovini. U okviru Javnog poziva Općina je kandidovala projekat ugradnje toplotne pumpe u zgradi sjedišta Općine Vogošća. Nažalost, projekat nije odobren iako su formalno-pravni uslovi bili ispunjeni zbog nedostatka sredstava i velikog broja aplikacija, prijava Općine Vogošća nije prihvaćena.

→ Projekti u postupku razmatranja

- U saradnji sa SERDA i Općinom Ilijaš pripremljena je koncept nota, kao prva faza projekta prekogranične saradnje sa Crnom Gorom. Rezultati I faze aplikacije se očekuju tokom 2026. godine. Ukoliko koncept nota bude prihvaćena pristupit će se izradi projekta prekogranične saradnje.
- U izvještajnom periodu Služba je uspješno pripremila i aplikaciju za Javni poziv jedinicama lokalne samouprave (JLS) u Bosni i Hercegovini za podnošenje prijava za učešće u provedbi programa „Napredovanje ka Agendi 2030 kroz upravljanje i održivi rast – SDG2030BiH“. Prijava se podnosi u okviru LOT-2, koji je specifično namijenjen jedinicama lokalne samouprave koje pokazuju jasan interes i značajan potencijal za unapređenje svojih kapaciteta u oblastima lokalnog upravljanja i održivog razvoja. Kroz učešće u ovom projektu, cilj nam je dodatno ojačati institucionalne mehanizme, uskladiti lokalne strategije sa Ciljevima održivog razvoja (SDG), te osigurati dugoročan, stabilan i održiv rast naše zajednice.
- Služba je, u prvom polugodištu 2026. godine, aplicirala na Javni poziv Federalnog ministarstva kulture i sporta za podnošenje prijava za finansiranje/sufinansiranje izgradnje, adaptacije i rekonstrukcije sportske infrastrukture od značaja za kantone, gradove i općine u Federaciji Bosne i Hercegovine. Projektna prijava odnosila se na „Adaptaciju i sanaciju sanitarne infrastrukture i svlačionica sportske dvorane u Vogošći“, s ciljem unapređenja uslova za održavanje sportskih aktivnosti, poboljšanja funkcionalnosti objekta, te stvaranja kvalitetnijih uslova za sportiste, rekreativce i sve korisnike sportske dvorane. Općina očekuje rezultate Javnog poziva, a realizacija projekta, u slučaju odobravanja sredstava, značajno će doprinijeti unapređenju sportske infrastrukture na području općine.

- U izvještajnom periodu Služba je aplicirala na Javni poziv Federalnog ministarstva kulture i sporta za podnošenje prijava za finansiranje/sufinansiranje izgradnje, adaptacije i rekonstrukcije institucija kulture od značaja za kantone, gradove i općine u Federaciji Bosne i Hercegovine. Projektna prijava odnosila se na nastavak uređenja kino sale u upravnoj zgradi JU KSC „Jasmin Isanović Žuti“, s ciljem unapređenja uslova za prikazivanje filmova, poboljšanja funkcionalnosti objekta, te stvaranja kvalitetnijih uslova za kulturu. Općina očekuje rezultate Javnog poziva, a realizacija projekta, u slučaju odobravanja sredstava, podrazumijeva nabavke novog platna, mobilnog razglasa sa pratećom opremom.
- Općina Vogošća je partnerska organizacija na projektu AGE-friendly NET – Western Balkan Network for Age-Friendly and Resilient Towns, koji je prijavljen u okviru programa CERV – Networks of Towns (CERV-2026-CITIZENS-TOWN-NT). Vodeći partner projekta je Općina Mengeš (Slovenija), a konzorcij čine partneri iz Slovenije, Bosne i Hercegovine, Hrvatske, Srbije, Crne Gore i Nizozemske.
Tokom izvještajnog perioda Općina Vogošća je, zajedno s ostalim partnerima, uspješno pripremila i podnijela projektnu prijavu Evropskoj komisiji. U okviru pripreme prijave definisani su doprinos Općine Vogošća projektnim aktivnostima, predstavljena relevantna iskustva i dobre prakse u oblasti aktivnog i zdravog starenja, međugeneracijske saradnje i socijalne uključenosti, te planirane aktivnosti koje će Općina provoditi ukoliko projekat bude odobren.
Projektni prijedlog trenutno se nalazi u fazi evaluacije, te se očekuje objava rezultata poziva. Ukoliko bude odobren, projekat će doprinijeti jačanju kapaciteta Općine Vogošća za razvoj i provedbu politika prilagođenih potrebama starijih osoba, unapređenju međugeneracijske saradnje i razmjeni dobrih praksi sa partnerima iz zemalja Evropske unije i Zapadnog Balkana.
- Općina Vogošća, kao partner na projektu Green Jobs Factory, koji finansira Evropska unija putem Međunarodne organizacije rada (ILO), zajedno sa partnerima iz javnog i privatnog sektora, a na čelu konzorcija je Općina Centar Sarajevo, učestvovala je u pripremi i podnošenju projektnog prijedloga. Tokom izvještajnog perioda projektna aplikacija uspješno je prošla prvu fazu evaluacije i pozitivno je ocijenjena. U narednom periodu planirane su terenske posjete od strane predstavnika donatora, nakon čega se očekuje donošenje konačne odluke i zvanično obavještenje o rezultatima javnog poziva.

Pored navedenih direktnih projekata u kojima je učestvovala Služba za privredu, integrisani lokalni razvoj i društvene djelatnosti, u izvještajnom periodu pružena je podrška i udruženjima građana kroz davanje preporuka i informacija o dostupnim domaćim i međunarodnim javnim pozivima. Na ovaj način Općina Vogošća nastoji dodatno unaprijediti kapacitete civilnog sektora, podstaći njihovo aktivnije učešće u projektnim aktivnostima, te im omogućiti pristup i povlačenje sredstava iz različitih domaćih i međunarodnih fondova namijenjenih razvoju lokalne zajednice i unapređenju kvaliteta života građana.

UVODNI DIO

U izvještajnom periodu Služba za opću upravu, kao dio Jedinstvenog općinskog organa uprave Općine Vogošća, izvršavala je poslove i zadatke iz oblasti za koje je nadležna, a na osnovu zakona, Statuta Općine, odluka i drugih propisa, općih i pojedinačnih akata Općinskog vijeća i Općinskog načelnika.

I. IZVJEŠTAJ O IZVRŠENJU PROGRAMA RADA

Kancelarijsko poslovanje

Ukupan broj zaprimljenih predmeta i akata u periodu od 01.01.2026. do 30.06.2026. godine je 13.874. Od ukupnog broja zaprimljenih predmeta kroz knjige službene evidencije zavedeno je 9.210 (pripremljeni i obrađeni predmeti za rad – upravni predmeti, akti poslovanja i službeni akti o kojima se ne rješava u upravnom postupku). Razliku zaprimljenih predmeta čini pošta koja se ne otvara i ostala pošta tipa izvještaja, informacija i slično. Ukupan broj zaprimljenih predmeta i akata zavodi se u interne dostavne knjige i dostavlja u rad nadležnim organizacionim jedinicama. U navedenom periodu zavedeno kroz Knjigu pošte i putem JU BiH pošte upućeno je 12.530 pošiljki.

Poslovi arhiviranja

U periodu od 01.01.2026. do 30.06.2026. godine izvršeno je ulaganje 4.823 predmeta koji su arhivirani (završeni) iz predhodnih godina i tekuće godine. Zaduženo po službama 61, a vraćeno – razduženo 0 predmeta. Otvorene su 63 nove fascikle u koje su uloženi završeni predmeti. Sve ovo uvedeno je u arhivsku knjigu po godinama nastanka.

Ovjera prepisa, rukopisa i potpisa

U navedenom periodu ovjereno je 201.018 prepisa, potpisa i rukopisa. Uposlenici su u 53 slučaja izašli na teren i izvršili ovjeru potpisa u skladu sa Odlukom o naknadama za posebne usluge u općinskoj Službi za opću upravu, kojom je utvrđeno kao posebna usluga – legalizacija potpisa po posebnom zahtjevu van zgrade Općine Vogošća, a na području općine i u redovno radno vrijeme (od 8,00 do 16,00 sati).

Info – servis

Provodi aktivnosti prijema građana, pružanje savjeta, tehničke pomoći građanima, usmjerava podneske i pruža informacije o općinskim službama. Izdaje zahtjeve, kojih trenutno ima 235 formiranih po ISO standardu (za koje je i zadužen) i druga akta za koja je ovlašten, osigurava dostupnost vodiča, brošura, formulara i uputa za usluge općinskih službi, pruža pomoć građanima pri kompletiranju podnesaka i upućuje na odgovornu službu za stručnu pomoć. Obavlja unos i obradu podataka u bazu za instaliranu softversku aplikaciju.

Poslovi matičara – građanska stanja

U izvještajnom periodu skopljena su 54 braka.

U periodu od 01.01.2026. do 30.06.2026. godine izvršeno je upisa i to:

- Matična knjiga rođenih – 309;
- Matična knjiga vjenčanih – naknadni upisi – 15;
- Matična knjiga umrlih – 206;
- Matična knjiga državljana Federacije BiH – 0;
- Izdato je 10.966 izvoda iz matičnih knjiga;
- Upućeno je 935 akata drugim službama i institucijama;
- Urađeno je 1.712 promjena u matičnim knjigama;
- Izdato je 2.322 razna uvjerenja i potvrde;
- Do petog u svakom mjesecu tokom cijele godine dostavljaju se statistički izvještaji iz ove oblasti Federalnom zavodu za statistiku;
- Dostavljeno Općinskom sudu 206 smrtnica za pokretanje ostavinskih rasprava;

- Izvršeno 2.504 provjere matičnih evidencija za biometrijske pasoše i lične karte;
- Verifikovano 488 upisa u matičnim knjigama.

Pružanje pravne pomoći

U periodu od 01.01.2026. do 30.06.2026. godine, pružena je besplatna pravna pomoć svim građanima koji su se obratili za pravnu pomoć sa područja općine Vogošća, Kantona Sarajevo i Federacije, tako da je u izvještajnom periodu sačinjeno 27 pismenih podneska.

U navedenom periodu kontinuirano je strankama pružana pravna pomoć na usmen način, u 73 slučaja, a koja se sastojala u davanju stručnih pravnih objašnjenja, uputa i sugestija, neevidentiranog broja vezano za primjenu materijalnih i procesnih zakona, odnosno pozitivnog zakonodavstva BiH.

Personalni poslovi

- U izvještajnom periodu Služba je uradila prijedlog 356 rješenja iz oblasti radnih odnosa državnih službenika i namještenika.
- Pored navedenog obavljani su i drugi poslovi i zadaci koji se odnose na prijavu, odnosno odjavu zaposlenika na penzijsko-invalidsko, odnosno zdravstveno osiguranje, redovno ažuriranje Matične knjige zaposlenih radnika Općine Vogošća.
- Izdato 28 uvjerenja o radnom odnosu na osnovu člana 169. Zakona o upravnom postupku Federacije BiH.
- Sačinjeno 25 službenih akata i dopisa prema raznim ustanovama.
- Urađena 92 rješenja o ispravkama, dopunama i naknadnim upisima u matične knjige rođenih, državljana, vjenčanih i umrlih, u skladu sa Zakonom o matičnim knjigama („Službene novine Federacije BiH”, broj: 37/12 i 80/14).
- Urađen Izvještaj o rješavanju upravnih stvari u upravnom postupku za period 01.01. – 31.12.2025. godine.

Iz naprijed navedenog može se zaključiti da su sve programske aktivnosti planirane za ovaj period i realizovane.

Služba je u navedenom periodu sarađivala sa Agencijom za državnu službu Federacije Bosne i Hercegovine, Ministarstvom civilnih poslova BiH, Federalnim ministarstvom unutrašnjih poslova, Federalnim zavodom za statistiku, Ministarstvom unutrašnjih poslova Kantona Sarajevo i drugim organima. Od mjeseca januara počeo je sa radom regionalni centar IDDEEA u kojem građani mogu ostvariti uslugu elektronskog potpisa. Do 30.06.2026. godine izdato je 60 elektronskih potpisa. Obzirom da je Agencija za zaštitu ličnih podataka zabranila izdavanje elektronskih potpisa, te da je nakon toga IDDEEA pokrenula spor, to je usporilo proces izdavanja elektronskih potpisa.

Programska orijentacija Službe je ostvarivanje politike kvaliteta Općine Vogošća, s posebnim akcentom na unapređenje rada u Centru za pružanje usluga građanima, uz maksimalno korištenje uspostavljene LAN mreže i aplikacija koje su instalirane u okviru GAP projekta upravne odgovornosti, te digitalizaciju procesa u Jedinostvenom općinskom organu uprave Općine Vogošća, a sve u skladu sa pozitivnim zakonodavstvom. Programski zadaci postavljeni pred ovu Službu i dalje će se izvršavati planiranom dinamikom, uz jasan prijedlog mjera poboljšanja rada, a sve u cilju bolje usluge i zadovoljena potreba građana općine Vogošća.

SLUŽBA ZA URBANIZAM I PROSTORNO PLANIRANJE

UVODNI DIO

U izvještajnom periodu Služba za urbanizam i prostorno planiranje, kao dio Jedinstvenog općinskog organa uprave, izvršavala je obaveze iz oblasti za koje je osnovana, a na osnovu zakona, Statuta Općine, odluka i drugih propisa, općih i pojedinačnih akata Općinskog vijeća i Općinskog načelnika.

I. IZVJEŠTAJ O IZVRŠENJU PROGRAMA RADA

Aktivnosti Službe u periodu od 01.01.2026. do 30.06.2026. godine bile su usmjerene na: rješavanju zahtjeva fizičkih i pravnih lica; pripremanje prijedloga općinskih propisa i drugih akata vezanih za oblast urbanizma i prostornog planiranja koje donosi Općinsko vijeće i Općinski načelnik; aktivnosti na izradi potrebne razvojne i provedbene prostorno planske dokumentacije; provođenje projekata izgradnje objekata i drugih građevina u Novoj privrednoj zoni, u Privrednoj zoni „Unis“, u naselju Rosulje, u naselju Uglješići; kao i provođenje projekata izgradnje javnih infrastrukturnih i drugih objekata; obračun naknada i praćenje naplate sredstava po osnovu obračunatih naknada.

II. PRIPREMANJE PRIJEDLOGA OPĆINSKIH PROPISA I DRUGIH AKATA VEZANIH ZA OBLAST URBANIZMA I PROSTORNOG PLANIRANJA KOJE DONOSI OPĆINSKO VIJEĆE I OPĆINSKI NAČELNIK

U izvještajnom periodu Služba za urbanizam i prostorno planiranje Općine Vogošća pripremila je i Općinskom vijeću Vogošća na razmatranje i usvajanje dostavila je:

1. Prijedlog Odluke o utvrđivanju prosječne konačne građevinske cijene po 1 m² korisne površine u stambenoj izgradnji na području općine Vogošća u 2025. godini i visini naknade za pogodnost-rentu na području općine Vogošća za 2026. godinu. Ovom Odlukom definisana je visina naknada za pogodnost-rentu po zonama, koja se primjenjuje pri obračunu naknada u postupcima izdavanja odobrenja za građenje objekata.
2. Zaključak o davanju mišljenja na Prijedlog Urbanističkog plana za Urbano područje Sarajevo (Stari Grad, Centar, Novo Sarajevo, Novi Grad, Ilidža i Vogošća) za period od 2016. do 2036. godine – Prijedlog;
3. Odluka o usvajanju i Odluka o provođenju Regulacionog plana „Centar – Vogošća“;
4. Nacrt Odluke o usvajanju i Nacrt Odluke o provođenju Regulacionog plana „Rosulje“;
5. Odluka o usvajanju i Odluka o provođenju Regulacionog plana „Svrake“;
6. Odluka o izmjeni i dopuni Odluke o pristupanju izradi Izmjena i dopuna Urbanističkog projekta „Solaris“ – objekti kolektivnog stanovanja finansijer Jasmin Fazlić;
7. Odluka o pristupanju izradi Izmjena i dopuna Regulacionog plana „Barica“ – A faza – stambeno-poslovni objekat (skraćeni postupak) finansijer „MEDIMPEX“ d.o.o.Sarajevo;
8. Odluka o pristupanju izradi Izmjena i dopuna Regulacionog plana „Uglješići“ – A faza – Izgradnja kotlovnice i reciklažnog dvorišta finansijer Ministarstvo komunalne privrede, infrastrukture, prostornog uređenja, građenja i zaštite okoliša.

Navedeni prijedlozi Odluka urađeni su u skladu sa Zakonom o prostornom uređenju Kantona Sarajevo, Zakonom o građevinskom zemljištu Federacije Bosne i Hercegovine, Statutom Općine Vogošća i metodologijom izrade prostorno planskih dokumenata. Općinsko vijeće Vogošća usvojilo je sve navedene Prijedloge Odluka osim Zaključka o davanju mišljenja na Prijedlog Urbanističkog plana za urbano područje Sarajevo.

III. IZRADA PROSTORNO PLANSKE DOKUMENTACIJE

U prvoj polovini 2026. godine, Služba za urbanizam i prostorno planiranje Općine Vogošća je u saradnji sa ostalim općinskim službama, Zavodom za planiranje razvoja Kantona Sarajevo, Zavodom za izgradnju Kantona Sarajevo, Ministarstvom komunalne privrede, infrastrukture, prostornog uređenja, građenja i zaštite okoliša Kantona Sarajevo, obavljala potrebne aktivnosti iz nadležnosti Službe na izradi razvojne i provedbene prostorno planske dokumentacije.

Izrada provedbene prostorno planske dokumentacije

Služba za urbanizam i prostorno planiranje Općine Vogošća u izvještajnom periodu obavljala je aktivnosti na izradi sljedeće provedbene prostorno planske dokumentacije:

1. Izmjene i dopune Urbanističkog projekta „Solaris“ za lokalitet u ulici Gornja Jošanica II, kojim Planom je na zemljištu u vlasništvu fizičkog lica planirana izgradnja objekata kolektivnog stanovanja odgovarajućih gabarita i spratnosti, te objekata saobraćajne, komunalne i energetske infrastrukture. Prijedlog Odluke o pristupanju izradi izmjena i dopuna ovog Plana donijelo je Općinsko vijeće Vogošća u 2024. godini;
2. Izmjene i dopune Regulacionog plana „Rosulje“, kojim Planom će se riješiti pitanje nedostajućeg broja parking mjesta i rekreacionih površina u obuhvatu planiranja, te izvršiti prostorna reorganizacija planiranih objekata kolektivnog stanovanja u istočnom dijelu obuhvata Plana;
3. Izmjene i dopune Regulacionog plana „Uglješići“ – A faza – Izgradnja kotlovnice i reciklažnog dvorišta;
4. Regulacioni plan radnog naslova „Jošanički potok“, za čiju izradu je pokrenuta Inicijativa prema Zavodu za planiranje razvoja Kantona Sarajevo. U obuhvatu ovog plana, koji se naslanja na Urbanistički projekat „Solaris“ i Urbanistički projekat „Naselje Tomo Mendeš“, planirat će se uređene rekreacione i zelene površine, te individualni stambeni objekti i objekti kolektivnog stanovanja spram prostornih mogućnosti;
5. Regulacioni plan radnog naziva „Hotonj – Ključ“, za čiju je izradu pokrenuta inicijativa od strane fizičkog lica;
6. Izmjene i dopune Regulacionog plana „Donja Jošanica“ – B Faza, za čiju je izmjenu pokrenuta inicijativa prema Zavodu za planiranje razvoja Kantona Sarajevo. Ovom izmjenom planirana je izgradnja vjerskog objekta, džamija sa pratećim sadržajima;
7. Plan parcelacije „Naselje Gora 2“, kojim Planom je planirana izgradnja rezidencijalnog naselja;
8. Plan parcelacije „Naselje Podgora“, kojim Planom je planirana izgradnja rezidencijalnog naselja;
9. Izmjene i dopune Regulacionog plana industrijskog kompleksa „Unis“ u Vogošći, za čiju izradu je pokrenuta Inicijativa prema Zavodu za planiranje razvoja Kantona Sarajevo. Lokalitet se nalazi u obuhvatu Privredne zone „Unis“ i na istom se planira izgradnja dva privredna objekta.

Obzirom na zakonske odredbe kojima su propisane procedure izrade i donošenja Planova, te uzimajući u obzir sve učesnike u postupcima izrade i donošenja Planova (Općinski načelnik Vogošće, Služba za urbanizam i prostorno planiranje Općine Vogošća, Općinsko vijeće Vogošća, Zavod za planiranje razvoja Kantona Sarajevo, komunalna preduzeća na nivou Kantona Sarajevo, javna preduzeća na nivou Federacije BiH) koji imaju svoje poslove i obaveze pri izradi i donošenju Planova, izrada i donošenje Planova traje od minimalno jedne godine pa do tri godine.

IV. RJEŠAVANJE ZAHTJEVA FIZIČKIH I PRAVNIH LICA I PO SLUŽBENOJ DUŽNOSTI

Služba za urbanizam i prostorno planiranje je u izvještajnom periodu rješavala zahtjeve fizičkih i pravnih lica kao i po službenoj dužnosti. Zahtjevi su se odnosili na izdavanje: lokacijskih informacija, urbanističkih saglasnosti za izgradnju nadzemnih i podzemnih objekata i drugih građevina u prostoru, izmjena i dopuna urbanističkih saglasnosti, produženja urbanističkih saglasnosti, odobrenja za građenje, izmjena i dopuna odobrenja za građenja, produženje odobrenja za građenje, odobrenja za privremeno korištenje javnih površina, odobrenja za privremeno postavljanje reklamnih panoa i displeja, odobrenja za uklanjanje građevina, iskolčenja objekata, odobrenja za upotrebu – tehnički prijem objekata, izmjena upotrebni dozvola, izdavanje utvrđujućih rješenja, izmjena utvrđujućeg rješenja, izdavanje potvrda o cjelovitosti (etažiranje objekata), te uvjerenja o namjeni zemljišta i drugih uvjerenja, izdavanje prepisa rješenja, kao i rješavanje u predmetima izrade i donošenja prostorno planske dokumentacije.

U izvještajnom periodu Služba za urbanizam i prostorno planiranje zaprimila je ukupno 325 zahtjeva. Iz prethodnog izvještajnog perioda preneseno je 195 zahtjeva. Tako je ukupan broj zahtjeva u rješavanju u prvoj polovini 2026. godine iznosio 520 zahtjeva.

U navedenom periodu izdato je ukupno 128 uvjerenja iz nadležnosti Službe, 33 upotrebne dozvole, te 8 utvrđujućih rješenja.

Pored toga ova Služba je obradila ukupno 138 zahtjeva za izdavanje urbanističkih saglasnosti od čega je 45 zahtjeva za izmjene i produženje urbanističkih saglasnosti.

Od ukupno obrađenih 138 zahtjeva za urbanističke saglasnosti između ostalih izdate su i sljedeće urbanističke saglasnosti:

- Služba za investicije i komunalne poslove; rekonstrukcija pasarele naselje Hotonj,
- Služba za investicije i komunalne poslove; rekonstrukcija pasarele naselje Kobilja Glava,
- Služba za investicije i komunalne poslove; izgradnja saobraćajnice naselje Hotonj,
- Služba za investicije i komunalne poslove; rekonstrukcija vodovodne mreže naselje Kobilja Glava,
- Služba za investicije i komunalne poslove; rekonstrukcija vodovodne mreže ulica Samira Gradišića,
- Služba za investicije i komunalne poslove; izgradnja otvorenih parkinga i naseljskih saobraćajnica ulica Jošanička,
- BH Telecom dd Sarajevo; izgradnja pristupne mreže, naselje Kobilja Glava,
- BH Telecom dd Sarajevo; izgradnja i rekonstrukcija pristupne mreže u naselju Blagovac,
- Ajanović Almir; izgradnja stambeno poslovnog objekta kolektivnog stanovanja naselje Rosulje,
- Fond Memorijala; izgradnja poslovnog objekta – objekat arhiva, lokalitet Kon Tiki,
- KJKP Toplane Sarajevo; izgradnja termoenergetskog postrojenja, naselje Uglješići,
- Vladić Suada; izgradnja stambeno poslovnog objekta kolektivnog stanovanja, naselje Gornji Hotonj.

U izvještajnom periodu izdato je ukupno 37 odobrenja za građenje, te su između ostalih, izdata sljedeća odobrenja za izgradnju:

- Granof d.o.o.; izgradnja poslovnog objekta, lokacija nova Industrijska zona,
- Nova Vogošća d.o.o.; izgradnja vanjskog uređenja objekata kolektivnog stanovanja,
- KJKP ViK; izmještanje vodovodne i kanalizacione mreže, lokacija OMC Hotonj,
- Solarix d.o.o.; izgradnja fotonaponske elektrane, lokacija Barica,
- EBU d.o.o.; izgradnja poslovnog objekta, lokacija Kobilja Glava,
- Bajra d.o.o.; izgradnja poslovnog objekta, lokacija spoj Tome Mendeša i Igmanska.

Služba je radila i na izdavanju odobrenja za upotrebu objekata, te je u ovom izvještajnom periodu doneseno ukupno 33 odobrenja za upotrebu izgrađenih objekata. U ovim složenim postupcima, donose se minimalno četiri upravna akta i to sljedećim tokom: nakon pregleda dokazne dokumentacije u spisu, u skladu sa Cjenovnikom o tehničkom pregledu

građevina, utvrđuju se troškovi pregleda, te se investitoru izdaje Zaključak o plaćanju troškova, kao i Rješenje kojim se određuje Stručna komisija za vršenje tehničkog pregleda izvedenih radova na predmetnom objektu. Nakon izvršenog pregleda i dostave konačnog izvještaja od strane Komisije ovoj Službi, investitorima se izdaje Rješenje – odobrenje za upotrebu, te se donosi Zaključak o plaćanju Komisije za tehnički pregled građevina.

U izvještajnom periodu, pored ostalih, izdata su i odobrenja za upotrebu za:

- SHAD Invest d.o.o. dva stambeno poslovna objekta kolektivnog stanovanja, lokacija Poljine Hills,
- NOVA ADRESA d.o.o. stambeno poslovni objekat kolektivnog stanovanja, lokacija Gornja Jošanica II,
- Elektrodistribucija d.o.o. Sarajevo; transformatorska stanica Gora, lokacija naselje Gora,
- Elektrodistribucija d.o.o. Sarajevo; priključak za transformatorsku stanicu MBA centar, lokacija nova Industrijska zona.

U izvještajnom periodu rješavani su i pristigli zahtjevi za izdavanje naknadnih odobrenja za građenje i naknadnih odobrenja za upotrebu objekata u postupcima legalizacije bespravno sagrađenih objekata, u skladu sa Odlukom o izmjenama i dopunama Odluke o legalizaciji građevina izgrađenih bez odobrenja za građenje i građevina privremenog karaktera („Službene novine Kantona Sarajevo“, broj: 51/15).

Pored gore navedenog Služba je obradila i izdala ukupno 6 uvjerenja o cjelovitosti objekata tj. zahtjeva za etažiranje objekata.

Tokom prve polovine 2026. godine upućivane su opomene investitorima u slučajevima neplaćanja naknada za uređenje gradskog građevinskog zemljišta i naknada za pogodnost-rente čije plaćanje je definisano ugovorima između investitora i Općine Vogošća, kao i opomene korisnicima javnih površina koji nisu izmirivali svoje obaveze.

Tokom izvještajnog perioda korisnicima javnih površina su redovno dostavljane fakture za korištenje javnih površina iz nadležnosti ove Službe.

U prvoj polovini 2026. godine urađeno je i 4 prepisa ranije izdatih odobrenja za građenje.

V. OSTALE AKTIVNOSTI SLUŽBE U IZVJEŠTAJNOM PERIODU

U izvještajnom periodu, pored naprijed navedenog, Služba je u saradnji sa drugim općinskim Službama, nadležnim kantonalnim ministarstvima, te kantonalnim i federalnim ustanovama, u izvještajnom periodu radila na pripremi potrebne projektne i druge dokumentacije, te obavljala ostale potrebne aktivnosti na pripremi i realizaciji projekata:

1. Izgradnja dvocijevnog tunela „Kobilja Glava“ na trasi I transversale; za koji je izdata urbanistička saglasnost, urađena projektna dokumentacija, riješeni imovinsko pravni odnosi, izdato odobrenje za građenje, izdata odobrenja za izmještanje postojeće infrastrukture, izdata izmjena urbanističke saglasnosti i izmjena odobrenja za građenje, a radovi na izgradnji tunela su u toku;
2. Izgradnja poddionice I transversale od tunela „Kobilja Glava“ do Hotonja; za koju poddionicu je izdata urbanistička saglasnost, urađena projektna dokumentacija, te je u toku rješavanje imovinsko pravnih odnosa, nakon čega će se steći uslovi za izdavanje odobrenja za građenje;
3. Izgradnja IT parka na Šipu koji je planiran dijelom na području općine Centar Sarajevo, a dijelom na području općine Vogošća; za koji je izdato više urbanističkih saglasnosti za izgradnju saobraćajne, komunalne i energetske infrastrukture, te je ova Služba riješila sve zahtjeve podnesene od strane Zavoda za izgradnju Kantona Sarajevo po pitanju izdavanja potrebnih rješenja;
4. Izgradnja raskrsnice sa kružnim tokom saobraćaja na Kobiljoj Glavi; za koju je izdata izmjenjena urbanistička saglasnost, urađen projekat raskrsnice, riješeni imovinsko pravni odnosi, te izdato odobrenje za izgradnju raskrsnice sa kružnim tokom saobraćaja;
5. Pored toga Služba za urbanizam i prostorno planiranje u izvještajnom periodu obavljala je aktivnosti iz svoje nadležnosti na projektima čiji su nosioci izrade druge općinske službe, kantonalni zavodi, kantonalna ministarstva i federalna javna preduzeća.

INSPEKTORAT

I. IZVJEŠTAJ O IZVRŠENJU PROGRAMA RADA

Aktivnosti Inspektorata u periodu od 01.01.2026. do 30.06.2026. godine bile su usmjerene na rješavanje problema bespravne gradnje objekata, bespravnog korištenja javnih površina, zaštite lokalnih cesta u pogledu oštećenja usljed prekomjernog opterećenja kao i prokopa od strane kako pravnih, tako i fizičkih lica, te rješavanje problema komunalne i saobraćajne infrastrukture.

Ujedno su aktivnosti Inspektorata bile usmjerene na saradnju sa Kantonalnom upravom za inspekcijske poslove, Federalnom upravom za inspekcijske poslove i upravnim inspekcijama.

Ukupan broj zaprimljenih akata je 332 kroz knjigu prijemne pošte od čega je zaprimljeno 89 predmeta po zahtjevu stranaka u vidu zahtjeva za inspekcijski nadzor i prijava početka radova, a 243 akta koja su se odnosila na prijave

građana ili drugih institucija, dostave podataka, akata, informacija drugim službama, organima i institucijama. Na osnovu navedenih zaprimljenih akata do sada je pokrenuto 67 upravnih postupaka.

Pored ovih brojki moramo napomenuti da se u Inspektorat javi svakodnevno u prosjeku po 5 stranaka koje dođu fizički u kancelariju ili telefonskim putem sa različitim zahtjevima, žalbama, pritužbama, zahtjevima za konsultacije, savjete i drugo, što također oduzima dosta vremena u toku radnog dana koje bi se moglo iskoristiti za rješavanje predmeta i ostalih akata, te terenske obilaske. Napominjemo da 90 % prijava u Inspektoratu zahtijeva terenske obilaske.

Od ukupnog broja zaprimljenih predmeta u roku je riješeno 19 predmeta, a mimo roka 48, dok je iz prethodnog izvještajnog perioda preneseno 37 predmeta. U oblasti zauzimanja javnih površina svi postupci su pokrenuti i vođeni isključivo po službenoj dužnosti.

INSPEKCIJSKI NADZOR U OBLASTI GRAĐENJA

U periodu od 01.01.2026. do 30.06.2026. godine, urbanističko-građevinska inspekcija Općine Vogošća ima evidentiranih 95 predmeta i prijava, a do sada pokrenutih 45 upravnih postupaka.

Od ukupnog broja predmeta 38 postupaka je pokrenuto i vođeno po zahtjevu stranke, a 7 postupaka je pokrenuto i vođeno po službenoj dužnosti.

Evidentirani predmeti urbanističko-građevinske inspekcije

UKUPAN BROJ PREDMETA	45
Stambeni objekti	7
Dogradnja stambenog objekta	0
Stambeno-poslovni objekat	0
Dogradnja stambeno-poslovnog objekta	0
Poslovni objekat	1
Dogradnja poslovnog objekta	0
Pomoćni objekat	3
Ostalo (zidovi, ograde i slično)	16
Prijave početka radova	18

Najveći broj evidentiranih predmeta odnosi se na izgradnju ograda, potpornih zidova, postavljenih klima uređaja na objektu, curenja krovova na objektima kolektivnog stanovanja, dok prijava za nelegalno izgrađene stambene i pomoćne objekte nema toliko koliko je bilo u prethodnim periodima od strane građana.

Cilj urbanističko-građevinske inspekcije nije rušenje što većeg broja objekata nego sprečavanje neplanske gradnje objekata i gradnja mimo regulacionog plana, na planiranim saobraćajnicama, zaštitnim infrastrukturnim pojasevima, poljoprivrednom zemljištu, javnim zelenim površinama, kao i drugim mjestima i površinama značajnim za naseljeno mjesto za koje je određena druga namjena.

Bitno je pomenuti da je korespondencija sa ostalim inspekcijama kao i drugim općinskim službama od izuzetne važnosti kako bi se adekvatno riješili određeni problemi, kao i zahtjevi stranaka, a sve u cilju sprečavanja bespravne gradnje kao i kontrole učesnika u građenju.

INSPEKCIJSKI NADZOR U OBLASTI KOMUNALNIH DJELATNOSTI I LOKALNIH SAOBRAĆAJNICA

U periodu od 01.01.2026. do 30.06.2026. godine komunalna inspekcija Općine Vogošća imala je evidentiranih 65 prijava, zaprimljenih u vidu akata ili predmeta, na osnovu čega su pokrenuta 22 upravna postupka.

Od ukupnog broja predmeta 17 postupaka je pokrenuto i vođeno po zahtjevu stranke, a 5 postupaka je pokrenuto i vođeno po službenoj dužnosti.

Evidentirani predmeti komunalne inspekcije

UKUPAN BROJ PREDMETA	22
Zauzimanje javne površine	3
Lokalni vodovod	1
Lokalna kanalizaciona mreža	10
Lokalni i ne kategorisani putevi	3
Prokopi javnih površina	3
Odvodnja oborinskih voda	2

U toku izvještajnog perioda, a po provedenom inspekcijskom nadzoru Inspektorat je izdao:

- 15 rješenja;
- 7 zaključaka o dozvoli izvršenja rješenja;
- 1 prijavu za pokretanje prekršajnog postupka;
- 0 prijava za pokretanje krivičnog postupka;
- 2 zaključka o prinudnom izvršenju.

Veliki broj predmeta i zahtjeva stranaka rješava se direktno na licu mjesta u dogovoru sa strankama, te se u ovom slučaju ne izdaju upravni akti, nego se zapisnički na licu mjesta investitorima naređuju mjere, koje inspekcija kontroliše naknadnim inspekcijskim pregledom.

Na rješenja i zaključke o dozvoli izvršenja u ovom izvještajnom periodu izjavljeno je 10 žalbi od kojih je 8 odbijeno kao neosnovano, od strane drugostepenog organa, dok su za ostale ponovljeni postupci.

U prethodnom periodu je konstatovano da se veliki broj prijava odnosio na curenje kanalizacije iz lokalne kanalizacione mreže i kvarove na lokalnoj kanalizacionoj mreži, kao i na stabla sklona padu (opasna stabla) i ostala rastinja. Također su obrađivane prijave klizišta na saobraćajnicama zbog čega je jedna saobraćajnica zatvorena, te prijave vezano za neadekvatno održavanje lokalnih saobraćajnica u smislu čišćenja snijega.

Inspektor učestvuje na većini terenskih sastanaka koji se organizuju radi realizacije kapitalnih projekata gdje se pojave problemi sa građanima, u smislu uzurpacija, nelegalne gradnje, a radi omogućavanja realizacije istih, kao i na svim sastancima i sjednicama na kojem je obavezno prisustvo glavnog inspektora, te na sudskim ročištima kao svjedok.

Obzirom da već više od 10 mjeseci sve poslove u Inspektoratu obavlja jedna osoba, koja primarno obavlja poslove urbanističko-građevinskog inspektora, primjetna su kašnjenja u vršenju inspekcijskih nadzora, u donošenju rješenja i dolazi do nakupljanja predmeta, jer iste nije moguće pravovremeno obraditi. Neophodno je popuniti sistematizaciju radnih mjesta u Inspektoratu sa minimalno još jednim Inspektorom ili administrativnim radnikom kako bi se smanjilo preopterećenje poslom. Bez adekvatne popune kadra ne može se očekivati optimalan rad Inspektorata koji bi se primarno ogledao u preventivnom djelovanju na terenu i radu po službenoj dužnosti, dok je trenutni rad sveden isključivo na rješavanje najhitnijih prijava. S obzirom na stanje na terenu općine Vogošća i na broj stanovnika, za optimalan rad bilo bi potrebno uposliti, pored glavnog Inspektora, 2 urbanističko-građevinska inspektora, 2 komunalna inspektora, 1 saobraćajni inspektor i 1 administrativni radnik.

Inspektorat će u skladu sa svojim nadležnostima i trenutnim kadrom, izvršavati postavljene zadatke koliko je to fizički moguće u ovim okolnostima uz jasan prijedlog mjera poboljšanja rada, a sve u cilju veće efikasnosti preventivnog djelovanja, a na zadovoljstvo naših građana.

SLUŽBA ZA INVESTICIJE I KOMUNALNE POSLOVE

Služba za investicije i komunalne poslove Općine Vogošća je u periodu od januara do juna 2026. godine obavljala poslove i zadatke koji su joj stavljeni u nadležnost zakonskim i podzakonskim propisima, odlukama Općinskog vijeća Općine Vogošća, Programom rada Općinskog načelnika, Jedinственог опćinskog organa uprave i ostalih опćinskih službi Općine Vogošća za 2026. godinu kao i Pravilnikom o unutrašnjoj organizaciji Jedinственог опćinskog organa uprave Općine Vogošća.

U okviru rada službe nalazi se veliki broj različitih aktivnosti koje se odnose na upravno rješavanje, izradu projektne dokumentacije, realizaciju projekata komunalne infrastrukture, objekata saobraćaja, objekata društvene infrastrukture, trajno uređenje riječnih korita, autobuskih nadstrešnica, te kontinuirani uvid u stanje javne komunalne higijene, javnih zelenih površina i praćenje kvalitete usluga koje pružaju javna komunalna preduzeća.

Služba je aktivno učestvovala u izradi dokumenata Budžeta Općine za 2026. i 2027. godinu.

Shodno gore navedenom Služba se angažovala na izvršavanju sljedećih poslova i zadataka:

- Priprema Programa prioriternih projekata u oblasti komunalne infrastrukture u 2026. godini, te priprema i realizacija projekata iz navedenog Programa;
- Priprema plana zimskog održavanja puteva na području općine Vogošća u sezoni 2026./2027. godine;
- Izvještaj o radu опćinske službe za 2025. godinu;
- Izvještaj o realizaciji Programa prioriternih projekata u oblasti komunalne infrastrukture za 2025. godinu;
- Izvještaj o rješavanju upravnih stvari u upravnom postupku za 2025. godinu;
- Izvještaj o korištenju javnih površina sa stepenom naplate za 2025. godinu;
- Izvještaj o zimskom održavanju puteva na području općine Vogošća sa finansijskim pokazateljem u sezoni 2025./2026. godine;
- Izrada Informacije o stanju vodovodno-kanalizacione mreže od strane KJKP „Vodovod i kanalizacija“ d.o.o. Sarajevo na području općine Vogošća za 2025. godinu;
- Izrada Informacije o stanju elektro mreže na području općine Vogošća uz plan i program JP „Elektroprivrede Bosne i Hercegovine“ – Elektrodistribucija Sarajevo za 2026. godinu;
- Izrada Informacije o planovima održavanja komunalne higijene i zelenih površina od strane KJKP „Rad“ d.o.o. Sarajevo i KJKP „Park“ d.o.o. Sarajevo na području općine Vogošća u 2026. godini;
- Izrada Informacije o aktivnostima na toplifikaciji i gasifikaciji općine Vogošća sa informacijama BAGS Energotehnika, Sarajevogas i Elektrodistribucija Sarajevo o pripremama za sezonu grijanja;
- Priprema Plana javnih nabavki službe, kao i mjesečno izvještavanje o realizaciji ugovora;

- Pravljanje i dostava izvještaja o utrošenim finansijskim sredstvima prema kantonalnim i federalnim ministarstvima, kao i prema fondovima;
- Priprema tehničke specifikacije za tendersku dokumentaciju za provođenje procedura za izbor najpovoljnijih ponuđača za izradu Glavnog projekta iz nadležnosti službe tj. komunalne, saobraćajne i društvene infrastrukture;
- Priprema tehničke specifikacije za tendersku dokumentaciju za provođenje procedura za izbor najpovoljnijih ponuđača za realizaciju projekata iz nadležnosti službe tj. komunalne, saobraćajne i društvene infrastrukture;
- Praćenje stanja javne komunalne higijene, javnih zelenih površina, te realizacija hitnih intervencija na objektima komunalne i saobraćajne infrastrukture;
- Izdavanje polugodišnjih odobrenja za prokope javnih površina u cilju redovnog održavanja i rekonstrukcije postojećih komunalnih instalacija, kao i za izgradnju novih instalacija;
- Izdavanje rješenja za privremeno korištenje javnih površina;
- Izdavanje rješenja za postavljanje ljetno-zimskih, montažno-demontažnih bašti uz ugostiteljske objekte;
- Izdavanje rješenja za potkresivanje i sječu stabala i drugog niskog rastinja;
- Izdavanje saglasnosti i odobrenja, a u skladu sa Zakonom o cestama Federacije BiH;
- Rješavanje zahtjeva za izdavanje odobrenja davaocu usluge za ulazak u građevinu i privatno imanje radi kontrole ili isključenja korisnika usluge sa sistema vodosnabdijevanja zbog neplaćanja troškova komunalne usluge, te sumnje da su izvršene neovlaštene prepravke ili dogradnja na vodomjeru i/ili instalacijama komunalne infrastrukture;
- Izdavanje vodnih akata, shodno Zakonu o vodama Kantona Sarajevo;
- Priprema i kandidovanje projekata komunalne infrastrukture prema Vladi i ministarstvima Kantona Sarajevo, te prema fondovima, agencijama i nevladinim organizacijama (većim nivoima vlasti);
- Priprema i potpisivanje Sporazuma o finansiranju projekata komunalne i putne infrastrukture;
- Koordinacija sa predstavnicima KJKP „Vodovod i kanalizacija“ d.o.o. Sarajevo na redovnom i vanrednom održavanju gradske vodovodne mreže na cijelom području općine Vogošća, sanacija lokalnih rezervoara i lokalne vodovodne mreže;
- Koordinacija sa predstavnicima KJKP „Vodovod i kanalizacija“ d.o.o. Sarajevo na redovnom i vanrednom održavanju gradske kanalizacione mreže, kao i održavanje i sanacija lokalne kanalizacione mreže;
- Koordinacija na obezbjeđenju nadzora pri realizaciji projekata sa tehničkog aspekta putem Zavoda za izgradnju Kantona Sarajevo;
- Priprema projektnih zadataka, idejnih rješenja, kao i obezbjeđenje geodetskih podloga za izradu projekata komunalne i saobraćajne infrastrukture;
- Koordinacija na vršenju redovne kontrole ispravnosti vode i isporuci hlór-dioksida na šest lokalnih vodovoda, kao i priprema aktivnosti i dodjela pomoći odborima za vodu za sanaciju lokalnih rezervoara;
- Pribavljanje urbanističkih saglasnosti i građevinskih dozvola za projekte koji se planiraju realizovati;
- Priprema izvještaja o realizaciji zaključaka i inicijativa Općinskog vijeća;
- Priprema informacija, izvještaja, kao i odgovora na vijećnička pitanja i inicijative;
- Prijem stranaka, izlasci na teren i odgovori strankama po zahtjevima.

I. PUTEVI

1. Radovi redovnog održavanja lokalnih i nekategorisanih puteva

Zakonom o cestama Federacije Bosne i Hercegovine („Službene novine Federacije BiH“, broj: 12/10, 16/10 i 66/13) određeno je u članu 13. stav 4. da upravljanje, građenje, rekonstrukciju, održavanje i zaštitu lokalnih puteva i gradskih ulica vrše nadležni općinski ili gradski organi, na kojima se prilikom izvođenja radova osigurava nesmetan i siguran saobraćaj i očuvanje stanja puta. Također, Zakonom o cestama Kantona Sarajevo („Službene novine Kantona Sarajevo“, broj: 1/22) određeno je u članu 13. stav 2. da upravljanje, građenje, rekonstrukciju, održavanje i zaštitu lokalnih cesta, gradskih ulica i javnih staza vrše nadležni gradski ili općinski organi.

Osnovni ciljevi održavanja javnih cesta su:

- sprečavanje propadanja cesta;
- omogućavanje sigurnog saobraćaja;
- smanjenje troškova korisnika dobrim stanjem cesta;
- dovođenje ceste u projektovano stanje uzimajući u obzir izmijenjene potrebe saobraćaja;
- zaštita ceste od korisnika i trećih osoba, zaštita okoliša od štetnog utjecaja ceste i cestovnog saobraćaja.

Standardima redovnog održavanja javnih cesta u skladu sa Smjernicama za projektovanje, građenje, održavanje i nadzor na cestama Federacije BiH osigurava se neometan i siguran saobraćaj na cestama.

Održavanje javnih cesta obavlja se na osnovu godišnjeg plana održavanja, odnosno prioritet kod održavanja cesta određuje se godišnjim planom za svaku cestu ili dionicu ovisno o:

- vrsti ceste;
- namjeni ceste;
- saobraćajnoj funkciji;
- intenzitetu i vrsti saobraćaja.

U okviru održavanja javnih puteva radovi mogu biti:

- radovi redovnog održavanja puteva;
- radovi vanrednog održavanja puteva.

Redovno održavanje čini skup mjera i radnji koje se obavljaju tokom većeg dijela ili cijele godine na cestama uključujući i sve objekte i instalacije sa svrhom održavanja prohodnosti i tehničke ispravnosti cesta i sigurnosti saobraćaja na njima.

Vanredno održavanje javnih cesta obuhvata obimnije radove koji se izvode u cestovnom pojasu, poboljšanje elemenata ceste, stabilnosti i trajnosti ceste i cestovnih objekata i povećanje sigurnosti saobraćaja i izvode se na osnovu tehničke dokumentacije.

Upravitelji cesta direktno ne izvode radove održavanja javnih cesta. Izvođenje radova održavanja cesta upravitelji javnih cesta ustupaju po postupku i na način utvrđen važećim Zakonom o cestama FBiH, Zakonom o cestama Kantona Sarajevo i Zakonom o javnim nabavkama BiH.

1.1. Zimsko održavanje puteva

Uvod

Zimsko održavanje puteva je dio radova redovnog održavanja cesta. Za provedbu godišnjeg plana održavanja javnih cesta izrađuje se operativni program radova. Operativni program izrađuje se posebno za održavanje cesta u zimskom periodu i na osnovu plana rada zimske službe, te se određuju potrebna finansijska sredstva, materijali, količina i vrsta radova i rokovi izvršenja za svaku cestu ili dionicu ceste.

Pod održavanjem cesta u zimskim uvjetima podrazumijevaju se radovi neophodni za održavanje prohodnosti cesta i sigurnog odvijanja saobraćaja. Da je prohodnost ceste osigurana podrazumijeva se ako visina snijega ne prelazi 10 cm, ili 15 cm u zavisnosti od kategorije ceste i ukoliko je saobraćaj moguć vozilima koja su opremljena zimskom opremom. Zimska služba nije dužna osigurati prohodnost na cesti kada se proglasi nastupanje elementarne nepogode (ako je izrazito visok snijeg praćen olujnim vjetrom, kod pojave velikih snježnih nanosa, te pojave ledene kiše na većem području).

Upravitelji cesta planiraju, organizuju i provode zimsku službu putem izvođača osposobljenih i opremljenih za zimsko održavanje cesta.

U skladu sa članom 44. Zakona o cestama Federacije BiH („Službene novine Federacije BiH“, broj: 12/10, 16/10 i 66/13), članom 41. Zakona o cestama Kantona Sarajevo („Službene novine Kantona Sarajevo“, broj: 1/22) i članovima 7. i 8. Odluke o razvrstavanju vangradskih lokalnih cesta na području Kantona Sarajevo („Službene novine Kantona Sarajevo“, broj: 22/13 i 40/14) Direkcija za puteve Kantona Sarajevo i Općina Vogošća su provodile rad zimske službe na osnovu operativnih programa, a u zavisnosti od značaja po prioritetima određenim Planom.

U skladu sa Zakonom o javnim nabavkama BiH, za lokalne i nekategorisane puteve i trotoare koji su u nadležnosti Općine Vogošća, provodi se tenderska procedura za izbor najpovoljnijeg ponuđača zimskog održavanja puteva i trotoara, odnosno isti mora biti registrovan, specijalizovan i opremljen za te radove, te da raspolaže osposobljenim kadrovima za izvođenje predmetnih radova. Dio lokalnih puteva je predat Direkciji za puteve Kantona Sarajevo na održavanje i zaštitu prema zaključenom Ugovoru o regulisanju međusobnih odnosa na poslovima održavanja i zaštite dijela lokalnih cesta na području općine Vogošća.

Služba civilne zaštite Općine Vogošća održava stepeništa i pothodnike koji su u nadležnosti Općine Vogošća.

Izveštaj o radu „Zimske službe“ u sezoni 2025./2026. godine baziran je na realizaciji Plana zimskog održavanja puteva na području općine Vogošća u sezoni 2025./2026. godine, usvojenog Odlukom Općinskog vijeća Vogošća na sjednici održanoj 29.05.2025. godine (u daljem tekstu: Plan).

Usvojenim Planom obuhvaćeni su svi putevi koji su od interesa za Kanton Sarajevo i putevi koji su od interesa za Općinu Vogošća, kao i nekategorisani putevi i trotoari na području cijele Općine.

U prethodnom periodu, a nakon usvajanja Plana, Služba za investicije i komunalne poslove Općine Vogošća je provodila aktivnosti na provjeri tržišta u svrhu raspisivanja javne nabavke i informisanja privrednih subjekata o svojim planovima i zahtjevima u vezi sa nabavkom, što je u skladu sa odredbama člana 14a Zakona o javnim nabavkama BiH („Službeni glasnik BiH“, broj: 39/14, 59/22 i 50/24). Shodno tome, Služba se putem zvaničnih e-mail poruka obratila privrednim subjektima koji su registrovani za obavljanje predmetne djelatnosti i zatražene su informativne ponude od 14 (četnaest)

firmi. U okviru navedene provjere tržišta, Služba nije zaprimila nijedan odgovor na zahtjev za informativnu ponudu. Budući da nije zaprimljena nijedna informativna ponuda, pristupilo se procjeni cijene koštanja za izvođenje radova zimskog održavanja lokalnih i nekategorisanih puteva i trotoara na području općine Vogošća za sezonu 2025./2026. godine na način da su uzete cijene koštanja radova iz prethodne sezone i iste su uvrštene u definisane specifikacije koje su usvojene Planom.

Na osnovu formirane procjene koštanja zimskog održavanja lokalnih i nekategorisanih puteva i trotoara, Služba za investicije i komunalne poslove je, u skladu sa odredbama Zakona o javnim nabavkama BiH, pokrenula postupak javnog poziva za izbor najpovoljnijeg ponuđača radova za zimsko održavanje lokalnih i nekategorisanih puteva i trotoara na području općine Vogošća u sezoni 2025./2026. godine. Nakon izvršenog otvaranja ponuda, Komisija za javne nabavke Općine Vogošća je konstatovala da je zaprimljena jedna ponuda i ista je ispunjavala formalno-pravne uslove. Zatim je Komisija za javne nabavke pristupila razmatranju finansijskog dijela ponude ponuđača, te je izvršena računska provjera dostavljene ponude i utvrđeno je da nema računskih grešaka, a sve u skladu sa odredbama člana 17. stav 1. Uputstva za pripremu modela tenderske dokumentacije i ponuda („Službeni glasnik BiH“, broj: 90/14 i 20/15). Shodno tome, Ugovorni organ je donio Odluku o izboru najpovoljnijeg ponuđača i sa firmom „AME“ d.o.o. Breza je zaključen Ugovor na „Izvođenju radova na zimskom održavanju lokalnih i nekategorisanih puteva i trotoara na području općine Vogošća u sezoni 2025./2026. godine“.

Po zaključenju ugovora i imenovanju nadzornog organa izrađeni su operativni programi rada zimske službe, u čiju izradu su bili uključeni svi nadležni organi (Direkcija za puteve Kantona Sarajevo, izvođač radova, investitor, predstavnici mjesnih zajednica Općine Vogošća, nadzorni organi).

Nadzor na izvršenju Plana rada zimske službe za puteve od interesa za Kanton Sarajevo vršio je Institut za građevinarstvo „IG“ d.o.o. Banja Luka, a za puteve od interesa za Općinu Vogošća Zavod za izgradnju Kantona Sarajevo u koordinaciji sa sekretarima mjesnih zajednica i predstavnicima Službe za investicije i komunalne poslove Općine Vogošća.

Operativni program provođenja zimske službe obuhvatio je period od 15. novembra 2025. godine do 15. marta 2026. godine, gdje se osigurava stalno dežurstvo na punktu zimske službe (zimski sezona traje od 15. novembra do 15. marta, uz mogućnost da radovi mogu početi i ranije, odnosno završiti kasnije).

Prioriteti zimskog održavanja

U Planu zimskog čišćenja puteva predviđeni su prioriteti za održavanje puteva i trotoara, odnosno u skladu s istim se djelovalo na terenu i to:

- I prioritet – Na cestama koje su operativnim programom zimske službe svrstane u prvi prioritet, radovi na osiguranju prohodnosti se moraju izvoditi permanentno u cilju osiguranja stalne prohodnosti i dovršiti u roku od 5 sati u nizijskom odnosno 8 sati u planinskom području, računajući od trenutka prestanka padavina.
- II prioritet – Na cestama drugog prioriteta u vrijeme snježnih padavina i pojave ledene kiše ne smije doći do zastoja u odvijanju saobraćaja duže od 5 sati u toku dana, odnosno obezbijediti potpunu prohodnost u roku od 12 do 24 sata računajući od trenutka prestanka padavina.
- III prioritet – Operativnim programom zimske službe mogu se pojedine ceste ili dijelovi cesta predvidjeti u treći prioritet. Na cestama ovog prioriteta obaveza je stvaranje uslova za sigurno odvijanje saobraćaja, uz kraće zastoje do 9 sati najduže i isti se moraju dovršiti u roku od 24 do 72 sata, računajući od trenutka prestanka padavina.

Općina Vogošća, kao upravitelj cesta, utvrdila je pravila i tehničke uslove za odvijanje rada zimske službe i izradu operativnog programa rada zimske službe.

Metodologija obračuna radova zimskog održavanja

Osnov za obračun radova zimske službe jeste uvođenje stepena pripravnosti u zavisnosti od očekivanih vremenskih uslova i geografsko-klimatskih karakteristika područja, kao i izvještaj o zabilježenim vremenskim prilikama od Federalnog hidrometeorološkog zavoda i Direkcije za puteve Kantona Sarajevo.

Prvi stepen pripravnosti uvodi se sa početkom rada zimske službe, a prema operativnom programu, od 15. novembra do 15. marta uvodi se stalno dežurstvo u mjestima pripravnosti, uspostavlja se stalna veza u skladu sa programom rada, te osigurava dovoljan broj ljudstva i mehanizacije radi intervencije u slučaju potrebe (putarska služba, kamioni sa plugom i posipačem, posebno na važnijim putevima i putevima u brdskim i planinskim predjelima).

U prvom stepenu pripravnosti vrši se preventivno posipanje cesta u slučajevima kada je za očekivati da će se temperature spustiti ispod nule i da će zbog toga doći do poledice na vlažnim mjestima (mostovi, osojna mjesta).

U prvom stepenu pripravnosti izvođaču radova se obračunava 30% od vrijednosti zimskog održavanja jednog dana i onda množi sa brojem dana u mjesecu sa prvim stepenom pripravnosti.

Drugi stepen pripravnosti podrazumijeva uključivanje u rad svih planiranih vozila sa opremom za čišćenje snijega i sprečavanje poledice, pomoćni radnici, kao i sredstva za utovar posipnog materijala, a uvodi se kad to vremenski uslovi zahtijevaju (slabije snježne padavine i pojava poledice).

U drugom stepenu pripravnosti, izvođaču radova se obračunava 100% od vrijednosti zimskog održavanja jednog dana i onda se množi sa brojem dana u mjesecu sa drugim stepenom pripravnosti.

Treći stepen pripravnosti zimske službe uvodi se kad se očekuje dugotrajnije padanje snijega koje zahtijeva posebne radove uklanjanja snijega sa puta, kada se pored vozila sa plugom i posipačem uključuju i jači utovarivači, grejderi i freze za odgrtanje i bacanje snijega sa puta.

U trećem stepenu pripravnosti, izvođaču radova se obračunava 125% od vrijednosti zimskog održavanja jednog dana i onda se množi sa brojem dana u mjesecu sa trećim stepenom pripravnosti.

Četvrti stepen pripravnosti uvodi se kad snježne padavine, uz jak vjetar, imaju karakter elementarne nepogode i kad planirani broj ljudi i mehanizacije nisu dovoljni za uklanjanje snijega i kada se uvode i dodatna sredstva rada i radna snaga. Eventualni radovi u četvrtom stepenu pripravnosti se posebno obračunavaju.

Realizacija plana rada zimske službe

Planom zimskog održavanja puteva na području općine Vogošća, usvojen je obim zimskog održavanja puteva u sezoni 2025./2026. godine i to na cijelom području općine Vogošća, uključujući i puteve od značaja za Kanton Sarajevo.

Na osnovu Ugovora o regulisanju odnosa na poslovima redovnog zimskog održavanja dijela lokalnih puteva na području općine Vogošća, potpisanog između Općine Vogošća i Direkcije za puteve Kantona Sarajevo, Direkcija je vršila održavanje puteva u dužini od 22,56 km.

Općina Vogošća, u skladu sa planom, vršila je održavanje puteva u dužini od 126,501 km (povećanje u odnosu na prethodnu sezonu za 3,241 km), trotoara u dužini od 31,365 km (povećanje u odnosu na prethodnu sezonu za 1,13 km), stepeništa i pothodnika u dužini od 0,72 km, kao i održavanje puteva po potrebi i nalogu u dužini od 11,05 km, uz isporuku dodatnih količina posipne soli mjesnim zajednicama (planirano ukupno 20,00 tona), kao i planiranih dodatnih radova po potrebi (sječenje granja i šiblja uz cestu – 5.000,00 m², ručno čišćenje kolovoza od rasutog materijala, manjih osulina i odrona zemlje – 5.000,00 m², intervencije na zemljanim i/ili betonom uređenim kanalima i sličnim objektima – 200,00 m³).

Zimsko održavanje puteva od interesa za Kanton Sarajevo vršila je također firma „AME“ d.o.o. Breza, a ista je izabrana putem javnog poziva od strane Direkcije za puteve Kantona Sarajevo.

Osnov za rad „Zimske službe“ bio je Plan rada zimske službe i operativni program, sa tabelarnim prikazom svih puteva, koji je pored naziva ulice sadržavao i podatke u smislu količina, dužine, širine i određenih prioriteta na cijelom području općine Vogošća.

Osnovne aktivnosti zimskog održavanja lokalnih i nekategorisanih puteva ogledale su se u uklanjanju snijega sa ceste, uz prateće aktivnosti neophodne za odvijanje bezbjednog pješačkog i motornog saobraćaja, te održavanju saobraćajne signalizacije.

Zimska sezona 2025./2026. godine trajala je ukupno 122 dana, jer je ista produžena za 2 (dva) dana na osnovu prognoze Federalnog hidrometeorološkog zavoda i na osnovu preporuke Direkcije za puteve Kantona Sarajevo, tj. na osnovu pogoršavanja vremenskih uslova krajem mjeseca marta 2026. godine.

Izvršena je isporuka 19 tona posipne soli na području svih mjesnih zajednica i podjela iste u područja u kojima je održavanje otežano ili ga nikako nema (u odnosu na prethodnu sezonu više za 4 tone).

Planom zimskog održavanja puteva na području općine Vogošća planirani su i lokalni putevi koji su u nadležnosti Općine Vogošća, a koji se održavaju po potrebi i nalogu Investitora. Realizovano je ukupno 10 pojedinačnih intervencija u sezoni (manje za 66 intervencija u odnosu na prethodnu sezonu). Dodatnih radova u vidu sječe granja i šiblja, uklanjanja rasutog materijala i intervencija na kanalima nije bilo.

Realizacija ugovora – finansijski pokazatelji

Ugovor o izvođenju radova na zimskom održavanju lokalnih i nekategorisanih puteva i trotoara na području općine Vogošća u sezoni 2025./2026. godine zaključen je sa firmom „AME“ d.o.o. Breza u ukupnom iznosu od 519.558,02 KM bez PDV-a, odnosno 607.882,88 KM sa PDV-om.

Za zimsko održavanje puteva (uklanjanje snijega sa kolovoza, posipanje posipnog materijala zbog sprečavanja poledice, uklanjanje snijega sa trotoara, kao i pojedinačne intervencije, uključujući i podjelu dodatne posipne soli stanovništvu) u sezoni 2025./2026. godine utrošeno je **261.500,33 KM sa PDV-om**, odnosno **43,02 %** od ukupnog iznosa ugovorenih radova.

Opis provođenja plana zimskog održavanja cesta

Operativni plan i program zimskog održavanja puteva u zimskoj sezoni 2025./2026. godine je provođen od strane izvođača radova kojem je povjeren posao za održavanje puteva na području općine Vogošća.

Zimska sezona je započeta 15. novembra 2025. godine uvođenjem izvođača radova u posao od strane nadzornog organa. Na punktu zimske službe je uvedeno stalno dežurstvo, čime su započeti radovi na realizaciji ugovorenih radova.

U mjesecu novembru 2025. godine registrovane su snježne padavine i registrovan je određeni broj dana sa temperaturama ispod 0 °C i izvođač radova je djelovao na terenu uz manje poteškoće. Uglavnom na terenu se djelovalo u skladu sa Operativnim planom i programom, zaprimljen je određeni broj primjedbi od strane građana općine Vogošća i iste su provjeravane na terenu. Opravdane primjedbe, uz intervenciju nadzornog organa, predstavnika Službe za investicije i komunalne poslove i mjesnih zajednica prema izvođaču radova, su otklanjane u zadovoljavajućem obimu. U ovom mjesecu registrovano je ukupno 11 (jedanaest) dana I stepena pripravnosti, 4 (četiri) dana II stepena pripravnosti, 1 (jedan) dan III stepena pripravnosti, isporučeno je ukupno 9 (devet) tona dodatne posipne soli mjesnim zajednicama i izvršena je 1 (jedna) intervencija po potrebi i nalogu investitora.

Mjesec decembar 2025. godine protekao je uglavnom bez značajnijih padavina i sa relativno većim temperaturama u odnosu na uobičajene i bez većih problema na terenu. U skladu s tim registrovano je ukupno 31 (tridesetjedan) dan I stepena pripravnosti zimske službe i isporučena je 1 (jedna) tona dodatne posipne soli, bez intervencija po potrebi i nalogu investitora.

Početkom mjeseca januara 2026. godine nastupile su veće snježne padavine sa izraženim temperaturama ispod 0 °C i sa dodatnom pojavom ledene kiše. Registrovani su brojni problemi na terenu u većem dijelu općine Vogošća. U prvim danima snježnih padavina, tokom ovog mjeseca, zaprimljen je značajan broj primjedbi građana. Predstavnici Službe za investicije i komunalne poslove su u saradnji sa sekretarima i Savjetima mjesnih zajednica vršili 24-satno dežurstvo, terenske provjere i bili u stalnoj komunikaciji sa nadzornim organom i izvođačem radova. Zaprimljene primjedbe, koje su u većini slučajeva bile opravdane, uredno su i na vrijeme prosljeđivane na postupanje nadzornom organu i izvođaču radova. Možemo konstatovati da izvođač radova nije adekvatno pristupio realizaciji Operativnog plana i programa u određenim ulicama. Treba napomenuti da su poteškoće isto tako registrovane i na gotovo svim lokalnim saobraćajnicama koje su predate na održavanje i zaštitu Direkciji za puteve Kantona Sarajevo, te su zaprimljene primjedbe prosljeđivane istim na postupanje.

Predstavnici Službe za investicije i komunalne poslove Općine Vogošća su primjedbe na realizaciju Operativnog Plana i programa dokumentovali na terenu i ista dokumentacija je dostavljena na postupanje nadzornom organu i nadležnim inspeksijskim tijelima.

Održano je nekoliko sastanaka sa nadzornim organom i predstavnicima inspeksijskih organa, kao i sa predstavnicima izvođača radova koji su iznosili svoja objašnjenja, opravdanja i poteškoće na terenu. Predstavnici Službe za investicije i komunalne poslove Općine Vogošća su insistirali na punoj primjeni Operativnog plana i programa i jasno izrazili nezadovoljstvo u vezi sa objašnjenjima i opravdanjima izvođača radova, kao i mišljenjima sudionika u vezi korekcije vrijednosti izvedenih radova u odnosu na obim i kvalitet ugovorenih i izvedenih radova. Radi lakšeg razumijevanja sudionika u izvođenju javnih radova, informišemo da je nadzorni organ u okviru svojih dužnosti (zakonskom legislativom i ugovorom utvrđene dužnosti), ovlašten: da odobrava Operativni plan i program; vrši fizičku kontrolu i evidenciju vozila koja su tražena tenderskom dokumentacijom; da vrši provjeru na terenu i utvrdi kvalitet radova i posipnog materijala u skladu sa propisanim zakonima, važećim tehničkim propisima i standardima koji regulišu predmetne radove; potvrđuje urednost izvođenja radova; vrši pregled i ovjeru obračunskih situacija uz eventualne korekcije (prema usvojenoj metodologiji iz Plana); da po završetku i okončanju radova provjerava na terenu da li je uklonjen sav višak posipnog materijala i opreme sa saobraćajnica, te priprema i dostavlja izvještaj naručiocu o obavljenom nadzoru nad izvođenjem radova.

Zbog poteškoća na terenu, angažovana je dodatno Služba civilne zaštite Općine Vogošća i Vatrogasno društvo Vogošća koje je djelovalo u kritičnim područjima, te su se u pomoć uključili i određeni volonteri, kao npr. članovi ATV kluba „Motka“, određeni broj građana općine Vogošća i drugi.

Zbog neizvršavanja u potpunosti ugovorenih radova na terenu od strane izvođača radova izvršene su inspeksijske kontrole sa nivoa Općine Vogošća i Kantona Sarajevo.

Kantonalna uprava za inspeksijske poslove Kantona Sarajevo zaprimila je više prijava u vezi s neuklanjanjem snijega sa javnih površina od strane firme „Ame“ d.o.o. Breza, kao izvođača radova na području općine Vogošća. U dostavljenoj informaciji od Kantonalne uprave za inspeksijske poslove Kantona Sarajevo, informisani smo da su Zakonom o komunalnoj čistoći („Službene novine Kantona Sarajevo“, broj: 14/16, 43/16, 19/17, 20/18 i 22/19) propisane nadležnosti uklanjanja snijega i to članom 41. Zakona je propisano da uklanjanje snijega sa javnih površina vrše komunalna preduzeća. S obzirom da uklanjanje snijega sa javnih površina u općini Vogošća ne vrše komunalna preduzeća, a da Zakonom o komunalnoj čistoći nije precizirano vršenje uklanjanja snijega sa javnih površina od strane drugih pravnih lica, te nisu definisane ni novčane kazne za isto, informisani smo da komunalni inspektori navedenog Inspektorata nemaju zakonom utemeljenu mogućnost vršenja inspeksijskog nadzora i izricanja sankcija u slučajevima kada pravna lica,

angažovana od Općine, ne vrše planirano uklanjanje snijega sa javnih površina. Inspektorat Općine Vogošća, tj. općinski inspektor je, u okviru kontrole na terenu i kroz sačinjeni zapisnik, konstatovao da se lokalne i nekategorisane ceste, kao i ostale ceste na području općine Vogošća ne održavaju u skladu sa Zakonom o cestama Kantona Sarajevo („Službene novine Kantona Sarajevo“, broj: 1/22) i da je izvođač radova odgovoran za neizvršavanje ugovorenih obaveza. Inspektorat Općine Vogošća je donio rješenje kojim se naređuje da izvođač radova u određenom vremenu izvede sve potrebne radove na uklanjanju snijega i leda sa kolovoza i pješačkih staza i posipanje kolovoza i pješačkih staza radi sprečavanja poledice u svrhu osiguranja nesmetanog i sigurnog saobraćaja na teritoriji općine Vogošća, te da za te potrebe angažuje svu raspoloživu opremu, ljudstvo, te potreban materijal prema Operativnom Planu i ugovorenim obavezama.

Budući da izvođač radova nije postupio po predmetnom rješenju pokrenut je zahtjev za pokretanje prekršajnog postupka i donesen je Zaključak o dozvoli izvršenja.

Treba napomenuti da su i policijski službenici Policijske uprave Vogošća zaprimili veći broj poziva upućenih od strane građana općine Vogošća u vezi problema sa neadekvatnim održavanjem puteva. U skladu sa raspoloživim kapacitetima, policijski službenici su poduzimali mjere i radnje iz njihove nadležnosti na održavanju i dovođenju stanja sigurnosti saobraćaja na veći nivo, kao i poduzimanje mjera i radnji prema preduzeću/pravnom licu zaduženom za zimsko održavanje puteva u skladu sa važećim Zakonom o osnovama sigurnosti saobraćaja u BiH.

U mjesecu januaru 2026. godine registrovano je ukupno 17 (sedamnaest) dana I stepena pripravnosti, 11 (jedanaest) dana II stepena pripravnosti, 3 (tri) dana III stepena pripravnosti, isporučeno je 9 (devet) tona dodatne posipne soli mjesnim zajednicama i izvršeno je 7 (sedam) intervencija po potrebi i nalogu investitora.

Mjesec februar 2026. godine je protekao bez većih snježnih padavina i bez značajnijih problema na terenu. Izvođač radova se uglavnom pridržavao Operativnog Plana i programa i u skladu s istim djelovalo se na terenu. Ukupno je registrovano 26 (dvadeset šest) dana I stepena pripravnosti, 2 (dva) dana II stepena pripravnosti. Nije bilo dodatne isporuke soli, a ni pojedinačnih intervencija po potrebi i nalogu investitora.

U mjesecu martu 2026. godine, u okviru zimske sezone koja je trajala do 15. marta (stalno dežurstvo na punktu zimske službe) nisu registrovane veće padavine niti značajnije intervencije na terenu. Međutim, krajem mjeseca marta registrovane su značajne snježne padavine i zimsko održavanje je produženo za dodatna 2 (dva) dana, tako da je izvođač djelovao na terenu i vršio održavanje puteva i trotoara koji su definisani Planom. U mjesecu martu registrovano je 14 (četnaest) dana I stepena pripravnosti, 2 (dva) dana II stepena pripravnosti i 2 (dvije) intervencije po potrebi i nalogu investitora. Realizacijom navedenih radova završeni su radovi na zimskom održavanju lokalnih i nekategorisanih puteva i trotoara u sezoni 2025./2026. godine. Nakon završene zimske sezone, odnosno po okončanju predmetnih radova, izvođač je dužan izvršiti uklanjanje zaostalog abrazivnog (posipnog) materijala sa saobraćajnica, čime bi se spriječilo začepljenje slivnika i slivničkih rešetki, kao i drugi problemi koje zaostali materijal može izazvati. Zatraženo je više puta od izvođača radova uklanjanje predmetnog materijala, te je o tome informisan nadzorni organ da poduzme aktivnosti iz svoje nadležnosti. Obaveza nadzornog organa je da izvrši provjeru da li je izvršeno uklanjanje abrazivnog (posipnog) materijala sa saobraćajnica, odnosno poduzimanje daljih aktivnosti ukoliko se navedeni poslovi ne izvrše na adekvatan način.

Stepeni pripravnosti evidentirani u sezoni 2025./2026. godine

Na osnovu stepena pripravnosti vršio se obračun izvršenih radova, što je i pokazatelj kakvi su bili uslovi za zimsko održavanje i koliko je realizovano finansijskih sredstava. Zabilježeno je ukupno:

- 99 dana I stepena pripravnosti;
- 19 dana II stepena pripravnosti;
- 4 dana III stepena pripravnosti;
- 0 dana IV stepena pripravnosti.

Općinsko vijeće Vogošća je na sjednici održanoj 26.05.2026. godine donijelo zaključak kojim se usvaja Izvještaj o zimskom održavanju puteva na području općine Vogošća sa finansijskim pokazateljima u sezoni 2025./2026. godine.

*U izvještajnom periodu realizovan je dio radova na zimskom održavanju puteva i trotoara
i ukupno je utrošeno: **171.393,64 KM.***

Također, na sjednici Općinskog vijeća Vogošća održanoj 26.05.2026. godine usvojena je Odluka o usvajanju plana zimskog održavanja puteva na području općine Vogošća u sezoni 2026./2027. godine. Predmetnom odlukom je obuhvaćeno održavanje puteva u ukupnoj dužini od 153,621 km (Općina Vogošća u dužini od 131,061 km, Direkcija za puteve Kantona Sarajevo u dužini od 22,56 km), trotoara u dužini od 36,685 km, stepeništa i pothodnika u dužini od 0,72 km, kao i održavanje puteva prema potrebi u dužini od 12,64 km, uključujući i dodatne količine posipne soli u iznosu od 28 tona i poslovi na sječi granja i šiblja uz cestu koje će se vršiti po potrebi i nalogu nadležne službe.

Po usvajanju navedene Odluke od strane Općinskog vijeća Vogošća, izvršeno je ispitivanje tržišta, odnosno provedene su aktivnosti na pripremi tenderske dokumentacije i podnesen je zahtjev nadležnoj općinskoj službi za raspisivanje javnog poziva (otvoreni postupak u skladu sa važećim Zakonom o javnim nabavkama BiH) za izbor najpovoljnijih ponuđača za izvođenje radova zimskog održavanja puteva i trotoara za sezonu 2026./2027. godine. Pokretanje postupka se očekuje u narednom periodu.

Pokrenuta je i procedura prema nadležnoj općinskoj službi za pokretanje javne nabavke za izbor nadzornog organa za poslove nadzora nad zimskim održavanjem lokalnih i nekategorisanih puteva i trotoara.

1.2. Ostali radovi redovnog održavanja puteva (redovno „ljetno“ održavanje)

Općina Vogošća je u 2025. godini, putem Službe za investicije i komunalne poslove, provela postupak javne nabavke radova redovnog održavanja lokalnih i nekategorisanih puteva na području općine Vogošća i zaključila Okvirni sporazum o uslovima i načinu izvođenju radova na redovnom održavanju lokalnih i nekategorisanih puteva, pješačkih staza, trgova, platoa i parkinga na području općine Vogošća za period 2025. – 2028. godine sa izabranim izvođačem radova.

U skladu sa Okvirnim sporazumom, u 2025. godini potpisan je prvi pojedinačni Ugovor o redovnom održavanju lokalnih i nekategorisanih puteva, pješačkih staza, trgova, platoa i parkinga na području općine Vogošća. Ukupna vrijednost ugovorenih radova iznosi 75.941,02 KM sa PDV-om.

Na osnovu potpisanog sporazuma sa Zavodom za izgradnju Kantona Sarajevo, podnesen je zahtjev za imenovanje stručnog nadzora. Zavod za izgradnju Kantona Sarajevo je u dostavljenom odgovoru obavijestio službu da nisu u mogućnosti imenovati stručni nadzor za predmetne radove po ugovoru iz razloga što je veliki broj inženjera angažovan na velikim infrastrukturnim i građevinskim projektima u kantonu, koji su većeg značaja, iako smo u internoj komunikaciji sa predstavnicima Zavoda imali obećanje da će se imenovati nadzorni tim za potrebe ugovorenih radova. U skladu sa obećanjima od strane predstavnika Zavoda i potpisanim novim sporazumom u 2026. godini podnesen je ponovni zahtjev za imenovanje stručnog nadzora. Međutim, i pored usmenih obećanja, Općina Vogošća je dobila odbijenicu za imenovanje stručnog nadzora za radove na redovnom održavanju lokalnih i nekategorisanih puteva na području općine Vogošća.

Shodno tome, u izvještajnom periodu pokrenuta je javna nabavka za izbor nadzornog organa za radove predviđene predmetnim Okvirnim sporazumom. Procedura javne nabavke je okončana i zaključen je Okvirni sporazum sa najpovoljnijim ponuđačem. U skladu sa Okvirnim sporazumom zaključen je pojedinačni ugovor za vršenje stručnog nadzora za prethodno potpisani prvi pojedinačni Ugovor za izvođenje radova.

Izvođač radova je uveden u posao i radovi su započeti na terenu. U izvještajnom periodu nije vršen obračun izvedenih radova i isti će biti prikazani u završnom izvještaju.

Također, pokrenuta je procedura za zaključenje drugog pojedinačnog ugovora za radove redovnog održavanja lokalnih i nekategorisanih puteva na području općine Vogošća. Planirani su radovi u iznosu od 207.885,48 KM. Po zaključenju drugog pojedinačnog ugovora zatražit će se imenovanje stručnog nadzora u skladu sa prethodno potpisanim Okvirnim sporazumom.

Ranije ugovorene aktivnosti čija je realizacija prenesena u tekuću godinu

Prema Okvirnom sporazumu iz 2024. godine, o uslovima i načinu izvođenja radova na održavanju makadamskih kolovoza, cestovnog i zaštitnog pojasa na području općine Vogošća, u sklopu redovnih aktivnosti održavanja puteva i potpisanim drugim pojedinačnim Ugovorom iz 2025. godine, prenesen je i okončan dio radova u 2026. godini.

Radovi su se odvijali u ulicama: Donja Jošanica I, Uglješići, Branilaca Hotonja, Rašida Bešlije, Dumača, Ahmeda Rizve, Gornja Jošanica I, Donja Jošanica II i dodatni radovi u ulici Branilaca Hotonja. Izvođenje radova u navedenim ulicama je obuhvatalo: uklanjanje materijala sa kolovoza, sanacija propusta, iskopi materijala u okviru makadamskih cesta i njihovo uređenje, čišćenje i intervencije na zemljanim kanalima, sanacija bankina, tamponiranje i drugo.

*Ispostavljena je V privremena situacija za izvedene radove u iznosu od: **10.127,87 KM.***

Također, izveden je i je dio radova u ulicama: Uglješići (gornja dionica), Donji Hotonj, Ljubina i u kraku ulice Blagovac I. Za navedene radove nije zaprimljena obračunska situacija, a u narednom periodu se očekuje ispostavljanje okončane situacije u iznosu od 6.784,71 KM, čime su okončani radovi po predmetnom Ugovoru.

*Ukupno, za radove redovnog zimskog i ostalog održavanja lokalnih i nekategorisanih puteva u izvještajnom periodu utrošeno je: **181.521,51 KM**
(171.393,64+10.127,51).*

2. Sanacija, rekonstrukcija i izgradnja lokalnih puteva u nadležnosti Općine

U toku priprema za početak građevinske sezone. Služba za investicije i komunalne poslove provela je aktivnosti za sanaciju saobraćajnica prema Programu prioritetnih projekata iz oblasti putne i komunalne infrastrukture, a prvobitno za puteve na kojima su riješeni imovinsko- pravni odnosi.

U izvještajnom periodu pripremljen je projektni zadatak, te je izrađen Elaborat sanacije lokalnih puteva na području općine Vogošća za 2026. godinu. Elaboratom je obuhvaćeno devet lokalnih saobraćajnica ukupne dužine 1.365 m, na kojima su evidentirana postojeća oštećenja i definisani potrebni zahvati sanacije i asfaltiranja.

Pregled saobraćajnica obuhvaćenih elaboratom

R. BR.	NAZIV	DUŽINA (m)	PROCJENJENA VRIJEDNOST (KM)
1.	Sanacija puta u ulici Uglješići kod broja 27	160 (m)	137.047,42
2.	Sanacija kraka puta u ulici Gora	170 (m)	69.197,90
3.	Sanacija kraka puta u ulici Krivoglavci I kod broja 89	120(m)	160.332,41
4.	Sanacija (asfaltiranje) dva kraka puta u ulici Mitra Šućura kod brojeva 106-128 i 132-138	280 (m)	113.344,92
5.	Sanacija kraka puta u ulici Branilaca Hotonja kod broja 133	60 (m)	29.568,24
6.	Sanacija kraka puta u ulici Krivoglavci I kod broja 23	100 (m)	52.907,99
7.	Sanacija dijela kraka u ulici Donja Jošanica I kod broja 20	75 (m)	44.660,36
8.	Sanacija (asfaltiranje) dijela puta koji povezuje ulice Blagovac III i Blagovac V	180 (m)	123.885,45
9.	Sanacija kraka puta u ulici Stara cesta (Semizovac) kod broja 65	220 (m)	134.015,31
	UKUPNO	1365 (m)	864.960,00

Izrađeni elaborat predstavlja tehničku osnovu za provođenje postupka javne nabavke i izvođenje radova na predmetnim saobraćajnicama u skladu sa planiranim Programom.

Vrijednost usluga izrade Elaborata iznosi 7.008,30 KM sa uračunatim PDV-om.

Po okončanju zimske sezone, odnosno kada su se stvorili uslovi na terenu, nastavljene su aktivnosti na sanaciji lokalnih puteva na području Općine Vogošća.

Tokom građevinske sezone 2025. godine, u skladu sa redovnim aktivnostima Službe, izvršen je obilazak lokalnih saobraćajnica na području svih mjesnih zajednica, s posebnim fokusom na puteve na kojima su riješeni imovinsko-pravni odnosi. Zbog obima planiranih radova, realizacija projekta podijeljena je u dvije odvojene javne nabavke, nakon čega su provedeni postupci javne nabavke i zaključeni ugovori sa izabranim izvođačima radova.

U okviru prvog ugovora, tokom 2025. godine u potpunosti su okončani radovi na sanaciji lokalnih puteva u ulicama Vogošćanskih odreda, Ljetovik i Nebočaj. Na lokalnom putu u ulici Igmanska izvedena je većina ugovorenih radova, uključujući zemljane radove, izgradnju sistema odvodnje, pripremu kolovozne konstrukcije i ugradnju ivičnjaka. Zbog nepovoljnih vremenskih uslova završni sloj asfalta nije ugrađen do kraja prethodne građevinske sezone, te su radovi okončani početkom 2026. godine, kada su ostvareni odgovarajući vremenski uslovi za asfaltiranje. Također, u potpunosti su završeni radovi na asfaltiranju ulice Garež u dužini od cca 300 m. Nakon završetka radova pokrenute su aktivnosti na okončanju administrativne procedure između nadzornog inženjera i izvođača radova. Po završetku navedenih aktivnosti očekuje se dostavljanje okončane situacije i završetak svih ugovorom predviđenih obaveza.

U okviru drugog ugovora, do kraja 2025. godine završeni su radovi na sanaciji lokalnih puteva u ulicama Barica, Blagovac II i Tihovići. Istovremeno su započeti radovi u ulicama Branilaca Hotonja i Ugorsko III. U izvještajnom periodu u ulici Branilaca Hotonja izvedeni su radovi na sanaciji saobraćajnice u dužini od oko 340 m, uključujući izgradnju sistema odvodnje, uređenje kolovozne konstrukcije, asfaltiranje i postavljanje vertikalne saobraćajne signalizacije. U ulici Ugorsko III izveden je najveći dio ugovorenih radova, dok je završno asfaltiranje planirano po sticanju odgovarajućih uslova za nastavak izvođenja radova.

U nastavku je dat tabelarni pregled izvedenih radova na sanaciji lokalnih puteva na području općine Vogošća, koji su potpuno okončani i za koje je u izvještajnom periodu ispostavljena obračunska situacija.

R. BR.	NAZIV PROJEKTA	DUŽINA (m)	PROSJEČNA ŠIRINA (m)	VRIJEDNOST IZVEDENIH RADOVA (KM)
1.	Sanacija dijela puta u Ulici Igmanska	110	4,0	40.410,40*
2.	Sanacija dijela puta sa pripadajućim krakovima u ulici Branilaca Hotonja	340	3,5	163.209,50
	UKUPNO	450		203.619,90

*Vrijednost od 40.410,40 KM odnosi se na preostali dio radova u ulici Igmanska

*Shodno prikazanoj tabeli, u izvještanom periodu vođene su aktivnosti na cca 450 m lokalnih puteva i krakova u ukupnoj vrijednosti od **203.619,90 KM.***

Sanacija lokalnog puta u ulici Kobilja Glava u dužini od cca 460 m

Također, u skladu sa Programom prioritetnih projekata iz oblasti putne i komunalne infrastrukture, Služba je poduzela sve neophodne aktivnosti na pripremi i realizaciji predmetnog projekta. U okviru pripremnih aktivnosti izrađeno je tehničko rješenje koje je predstavljalo osnov za provođenje postupka javne nabavke.

U saradnji sa stručnim inženjerima Zavoda za izgradnju Kantona Sarajevo sačinjen je prijedlog tehničkog rješenja kojim su definisani obim i način izvođenja radova, tehnički elementi zahvata, kao i ostali uslovi neophodni za uspješnu realizaciju projekta. Na osnovu pripremljene tehničke dokumentacije proveden je postupak javne nabavke u skladu sa važećim zakonskim propisima, nakon čega je izvršen izbor najpovoljnijeg ponuđača. Po okončanju svih procedura, krajem decembra 2025. godine zaključen je ugovor o izvođenju radova.

Iako su sve administrativne i ugovorne aktivnosti završene u planiranom roku, izvođenje radova nije moglo započeti odmah nakon potpisivanja ugovora zbog nepovoljnih vremenskih uslova karakterističnih za zimski period. Dodatnu otežavajuću okolnost predstavljao je zahtjevan položaj predmetne saobraćajnice, zbog čega izvođenje asfaltnih radova u zimskim uslovima ne bi bilo tehnički opravdano niti bi se mogla osigurati propisana kvaliteta izvedenih radova.

Nakon stvaranja povoljnih vremenskih uslova i ispunjavanja svih tehničkih pretpostavki, izvođač radova uveden je u posao, te je započeo realizaciju ugovorenih radova. Do sada je izvršeno asfaltiranje saobraćajnice u dužini od 300 m, dok se preostali radovi odvijaju planiranom dinamikom.

Ukupna vrijednost ugovorenih radova iznosi 215.163,00 KM sa uračunatim PDV-om.

Izgradnja autobusnog stajališta za potrebe OŠ „Mirsad Prnjavorac“

Tokom 2025. godine uspješno su okončani radovi na izgradnji autobusnog stajališta za potrebe OŠ „Mirsad Prnjavorac“ u Vogošći. U okviru projekta izgrađeno je novo autobusko stajalište sa pripadajućom saobraćajnom infrastrukturom, postavljena je nova ograda, ugrađen sistem zaprečnih hidrauličnih stubića, izvedena horizontalna i vertikalna saobraćajna signalizacija, realizovane mjere za smirivanje saobraćaja, te izgrađena nova javna rasvjeta sa tri stuba i šest rasvjetnih tijela. Ukupna vrijednost izvedenih radova iznosila je 309.236,47 KM.

Tokom zimskog perioda, usljed nepovoljnih vremenskih uslova, došlo je do pada stabla na novoizgrađenu ogradu i semafor, pri čemu su nastala oštećenja koja je bilo neophodno sanirati. U izvještajnom periodu proveden je postupak javne nabavke, izvršena sanacija oštećenja, te su stvoreni uslovi za pokretanje postupka tehničkog prijema izgrađene građevine.

*Vrijednost realizovanih radova iznosi **3.492,45 KM.***

U prvoj polovini 2026. godine uspješno je proveden i okončan postupak tehničkog prijema izvedenih radova, čime je realizacija projekta u potpunosti završena.

Sanacija kraka ulice Skendera Kulenovića u dužini od cca 170 m

U skladu s Programom prioritetnih projekata iz oblasti putne i komunalne infrastrukture, u okviru planiranih aktivnosti iz oblasti projektovanja predviđena je izrada projektne dokumentacije za sanaciju kraka ulice Skendera Kulenovića u dužini od približno 170 m.

U cilju realizacije navedenog projekta, nadležna služba provela je sve neophodne aktivnosti na pripremi projektnog zadatka, prikupljanju potrebnih tehničkih podataka i pripremi dokumentacije za provođenje postupka javne nabavke za izbor projektanta. Nakon uspješno provedenog postupka javne nabavke izabran je najpovoljniji ponuđač za izradu projektne dokumentacije, koja je u proteklom periodu izrađena, pregledana, revidovana i isporučena u ugovorenom broju primjeraka.

*Vrijednost izrade projektne dokumentacije iznosi **2.836,08 KM**.*

Za realizaciju projekta Služba je aplicirala na javni poziv Federalnog ministarstva prometa i komunikacija BiH, na osnovu kojeg su odobrena sredstva za sufinansiranje radova u iznosu od 106.406,30 KM. Nakon obezbjeđenja dijela potrebnih finansijskih sredstava, Služba je provela aktivnosti na pripremi tenderske dokumentacije i pokretanju postupka javne nabavke za izbor izvođača radova.

Prema nadležnoj općinskoj službi upućen je zahtjev za pokretanje postupka javne nabavke za izvođenje radova, a nakon provođenja i okončanja procedure i izbora izvođača očekuje se početak realizacije projekta. Realizacijom planiranih radova izvršit će se unapređenje stanja postojeće saobraćajnice i stvaranje kvalitetnijih uslova za odvijanje saobraćaja na predmetnoj lokaciji.

Dogradnja dijela puta u ulici Mitra Šućura – spoj sa naseljem Poljine

Na osnovu ranije pripremljene projektne dokumentacije, Služba za investicije i komunalne poslove je u izvještajnom periodu ishodovala urbanističku saglasnost za rekonstrukciju, dogradnju i djelimičnu dislokaciju postojeće naseljske saobraćajnice (krak 1 od profila P2 do profila P17) u Vogošći – naselje Hotonj – ulica Mitra Šućura u dužini od cca 160 m. Nakon izdavanja urbanističke saglasnosti u maju tekuće godine, pokrenute su aktivnosti na pribavljanju potrebnih saglasnosti od nadležnih komunalnih i infrastrukturnih preduzeća, reviziji projektne dokumentacije i ovjeri sa aspekta zaštite na radu i zaštite od požara.

Također, prije podnošenja zahtjeva za izdavanje odobrenja za građenje neophodno je riješiti imovinsko-pravne odnose na planiranoj trasi. U tom cilju izrađen je projektni zadatak, ispitano tržište i nadležnoj službi podnesen zahtjev za pokretanje postupka javne nabavke za izradu Elaborata eksproprijacije za predmetni projekat. Procijenjena vrijednost usluge iznosi 1.404,00 KM sa PDV-om.

U narednom periodu očekuje se pribavljanje potrebne dokumentacije i ishodovanje odobrenja za građenje, čime će se stvoriti uslovi za realizaciju projekta na terenu.

*U izvještajnom periodu za sanaciju, rekonstrukciju i izgradnju lokalnih puteva
utrošeno je ukupno: **209.948,43 KM**
(203.619,90+3.492,45+2.836,08).*

3. Uređenje pješačkih staza i parkinga

3.1. Izgradnja novih parking površina u centralnom dijelu općine

Zbog povećane potrebe za parking prostorom usljed kontinuiranog rasta broja stanovnika na području općine Vogošća, Služba za investicije i komunalne poslove je kroz proces izrade Regulacionog plana „Centar“ predložila više lokacija za izgradnju novih parking površina, koje su djelimično uvrštene u nacrt plana.

Na osnovu usvojenih prijedloga izrađen je projektni zadatak kojim je obuhvaćena izrada projektne dokumentacije za osam novih parking lokacija na području urbanog dijela općine Vogošća. Projektom su tretirane sve potrebne faze projektovanja, uključujući arhitektonsku, građevinsku, saobraćajnu, hidro, elektro i hortikulturnu fazu, sa posebnim akcentom na racionalno korištenje postojećih prostora i unapređenje funkcionalnosti urbanog područja.

U toku izrade projektne dokumentacije vršene su stručne analize i kontinuirana koordinacija sa projektantima radi usaglašavanja tehničkih rješenja i izrade kvalitetne dokumentacije. Nakon završetka projektne faze provedena je revizija dokumentacije, a primjedbe revidenta su dostavljene projektantu radi izvršenja potrebnih korekcija.

*Vrijednost izrade i revizije projektne dokumentacije iznosi **18.616,00 KM**.*

U izvještajnom periodu ishodovana je urbanistička saglasnost za parking lokaciju u ulici P.O. Zvijezda, dok su za ostale planirane lokacije podneseni zahtjevi za izdavanje urbanističkih saglasnosti. Paralelno sa provođenjem aktivnosti na pribavljanju potrebnih saglasnosti, vrše se aktivnosti na obezbjeđenju finansijskih sredstava za realizaciju izgradnje planiranih parking površina. Nakon stvaranja svih potrebnih uslova pristupit će se realizaciji projekata.

3.2. Rekonstrukcija pasarela u naseljima Kobilja Glava i Hotonj

Po isporuci projektne dokumentacije izvršeno je istraživanje tržišta i provedene su aktivnosti na pripremi specifikacije i druge potrebne dokumentacije za pokretanje postupka javne nabavke radova na rekonstrukciji pasarela u naseljima Kobilja Glava i Hotonj.

Procijenjena vrijednost radova iznosi 152.000,00 KM.

Postupak nije bilo moguće pokrenuti u izvještajnom periodu jer nisu okončane sve potrebne aktivnosti na prikupljanju saglasnosti javnih i komunalnih preduzeća i institucija koje su definisane u urbanističkoj saglasnosti. Nakon ishodovanja navedenih saglasnosti i konačno odobrenja za građenje, steći će se uslovi za pokretanje postupka javne nabavke radova. Ovaj proces je detaljnije opisan u dijelu izvještaja koji se odnosi na projektovanje u oblasti ravnih ploha.

3.3. Sanacija i uređenje stepeništa na području općine Vogošća

Na osnovu stanja na terenu, zahtjeva građana i inicijativa vijećnika, pokrenut je postupak javne nabavke radova za sanaciju i uređenje stepeništa i pješačkih staza u ulicama Ramiza Alića i Skendera Kulenovića.

Predmet nabavke obuhvata izvođenje građevinskih i zanatskih radova: pripremne i zemljane radove, izradu nosivih slojeva, asfaltiranje pješačkih staza, ugradnju ivičnjaka, sanaciju i izgradnju stepeništa i podesta, armirano-betonske i drenažne radove, sanaciju postojećih zidova, te izradu i montažu zaštitnih ograda i prateće opreme. Radovi se izvode s ciljem unapređenja sigurnosti kretanja pješaka, poboljšanja funkcionalnosti i estetskog izgleda postojećih pješačkih površina.

U izvještajnom periodu izvršen je detaljni obilazak terena, izrađen predmjer i predračun, izvršeno ispitivanje tržišta i izrađen i nadležnoj službi upućen zahtjev za provođenje postupka javne nabavke.

Procijenjena vrijednost radova iznosi 49.082,75 KM sa PDV-om.

3.4. Pješačka staza Rosulje

Općina Vogošća je ranije pribavila Glavni projekat izgradnje pješačke staze u dužini cca 70 m na magistralnoj cesti M18 od kružnog toka do ulaza u naselje Rosulje, te sve potrebne saglasnosti i odobrenje za građenje. Planirana pješačka staza prelazi preko industrijske željezničke pruge pod uglom od 90°, a u cilju sigurnosti pješaka projektovane su sigurnosne zaštitne ograde sa obje strane pruge na udaljenosti cca 3,0 m od željezničkog kolosijeka i pješačka staza je na ovom dijelu odvojena od cestovnog kolovoza i cestovnih prijelaza preko industrijske željezničke pruge.

Projektom predviđeni detalj prelaska pješačke staze preko željezničkog kolosijeka bi podrazumijevao ugradnju tzv. kontra šina za vođenje točkova željezničkih vozila. Međutim, zbog dotrajalosti industrijske željezničke pruge, ugradnja predmetnih kontra šina bi podrazumijevala rekonstrukciju industrijske željezničke pruge u dužini od minimalno 30,00 metara u punom profilu, što bi podrazumijevalo novo projektovanje i pribavljanje odobrenja za građenje, a što bi u konačnici iziskivalo značajna finansijska sredstva za realizaciju projekta.

Prema raspoloživim informacijama i istraživanjem utvrđeno je da na tržištu postoje i druga tehnička rješenja koja se primjenjuju za prijelaz pješačkih staza preko željezničkih kolosijeka. U skladu s tim, zaključeno je da je moguće primijeniti tehnička rješenja prelaska pješačke staze preko željezničkog kolosijeka bez ugradnje tzv. kontra šine, a samim tim ne bi se vršila ni rekonstrukcija željezničkog kolosijeka na predmetnom lokalitetu, te je pokrenuta javna nabavka za izradu i razradu potrebnog tehničkog rješenja, uključujući i konsultantske usluge pri realizaciji predmetnih radova. U narednom periodu očekuje se zaključenje ugovora za izradu i razradu tehničkog rješenja prelaska pješačke staze preko željezničkog kolosijeka.

Nakon isporuke zatraženih detalja i kompletiranja specifikacije potrebnih radova, stvorit će se uslovi za pokretanje postupka javne nabavke za izbor izvođača radova, nakon čega slijedi realizacija radova na terenu.

*U izvještajnom periodu za sanaciju, rekonstrukciju i izgradnju lokalnih puteva
utrošeno je ukupno: **18.616,00 KM.***

4. Saobraćajna signalizacija i oprema

4.1. Održavanje i dopuna saobraćajne signalizacije i opreme

Općina Vogošća je na osnovu Okvirnog sporazuma o uslovima i načinu izvođenja radova na nabavci, postavljanju i održavanju saobraćajne signalizacije i opreme iz 2022. godine, zaključila pojedinačni ugovor u 2025. godini za radove na nabavci, postavljanju i održavanju saobraćajne signalizacije (horizontalne i vertikalne) i opreme na više lokacija na području općine Vogošća. U 2025. godini je realizovan veći dio radova u iznosu od 33.428,88 KM, a manji dio radova je prenesen u 2026. godinu.

*Za ove radove je ispostavljena III privremena situacija u vrijednosti od: **5.351,29 KM.***

Također, izveden je i preostali dio radova, ali u izvještajnom periodu za iste nije zaprimljena obračunska situacija i očekuje se ispostavljanje okončane situacije u iznosu od 6.284,64 KM, čime su okončani radovi po predmetnom ugovoru.

4.2. Okvirni sporazum za period 2026. – 2029. godina

U planu javnih nabavki za 2026. godinu planirano je provođenje javne nabavke i zaključenje novog Okvirnog sporazuma o uslovima i načinu izvođenja radova na nabavci, postavljanju i održavanju saobraćajne signalizacije i opreme. Predviđa se zaključenje okvirnog sporazuma na period od 3 (tri) godine, a pojedinačni ugovori će se zaključivati na osnovu izrađenih saobraćajnih projekata i na osnovu potreba na terenu. U izvještajnom periodu pripremljena je specifikacija radova, provedeno istraživanje tržišta i pokrenut postupak javne nabavke za izbor najpovoljnijeg ponuđača.

4.3. Izrada saobraćajnih projekata

Početkom 2025. godine, u skladu sa Planom javnih nabavki Općine Vogošća za 2025. godinu, pokrenuta je javna nabavka za izbor najpovoljnijeg ponuđača za pružanje usluge izrade projekata postavljanja saobraćajnih znakova, opreme i signalizacije na lokalnim cestama na području općine Vogošća putem okvirnog sporazuma. Nakon provedene zakonom propisane procedure, Općina Vogošća je donijela Odluku o izboru najpovoljnijeg ponuđača za izradu saobraćajnih projekata. Na navedenu Odluku izjavljena je žalba i predmet je poslat na razmatranje u Ured za razmatranje žalbi BiH – Filijala Mostar. Ured za razmatranje žalbi BiH – Filijala Mostar je predmet, nakon vijećanja, vratio ugovornom organu i donesena je nova odluka o izboru najpovoljnijeg ponuđača za pružanje predmetnih usluga. U skladu s tim zaključen je Okvirni sporazum o uslovima i načinu pružanja usluge izrade projekata postavljanja saobraćajnih znakova, opreme i signalizacije na lokalnim cestama na području općine Vogošća, maksimalne vrijednosti od 10.881,00 KM, za period od 3 (tri) godine.

U 2026. godini je zaključen prvi pojedinačni Ugovor o uslovima i načinu pružanja usluge izrade projekata postavljanja saobraćajnih znakova, opreme i signalizacije na lokalnim cestama na području općine Vogošća. Vrijednost Ugovora iznosi 5.323,50 KM i ispostavljene su prve verzije saobraćajnih projekata (dopune, novi projekti, novelacije) u ulicama: Vranjak, Donja Jošanica I, Ravne, Igmanska (krak puta), Spasoja Blagovčanina, 24. juna, Tome Mendeša, Rosulje I, Feriza Merzuka i Vogošćanskih odreda. Saobraćajni projekti su poslani Ministarstvu saobraćaja Kantona Sarajevo na saglasnost. Po dobivanju saglasnosti isporučit će se konačne verzije saobraćajnih projekata i izvršiti će se obračunska situacija u skladu sa zaključenim pojedinačnim ugovorom.

4.4. Projektovanje, izgradnja i održavanje autobuskih nadstrešnica i oznaka

U prethodnom periodu Služba za investicije i komunalne poslove Općine Vogošća je pribavila Glavni projekat izgradnje nadstrešnice autobuskog stajališta u naselju Hotonj.

Na osnovu predmetnog projekta prikupljene su saglasnosti komunalnih preduzeća i drugih institucija, odnosno dobijena je građevinska dozvola i izvršena je revizija projektne dokumentacije. Prema sporazumu o vršenju usluga pregleda projektne dokumentacije za potrebe Općine Vogošća, koji je zaključen između Zavoda za izgradnju Kantona Sarajevo i Općine, projektna dokumentacija je poslata na pregled prije raspisivanja javne nabavke za izgradnju autobuske nadstrešnice u naselju Hotonj. U skladu sa određenim smjernicama dobijenih od strane Zavoda za izgradnju Kantona Sarajevo, raspisan je javni poziv za izbor najpovoljnijeg ponuđača radova za izgradnju navedene nadstrešnice. Nakon provedene procedure javne nabavke i nakon žalbenog perioda donesena je Odluka o izboru najpovoljnijeg ponuđača za nabavku radova. U skladu s tim, početkom 2026. godine zaključen je ugovor čija vrijednost iznosi 14.963,59 KM. Izvršeno je imenovanje nadzornog organa i radovi na terenu su započeti. Međutim, nadzorni organ je obustavio započete radove, jer je dio radova izvršen bez saglasnosti i znanja nadzornog organa. Krajem izvještajnog perioda vođene su aktivnosti na usaglašavanju projektnih rješenja sa uslovima na terenu, odnosno aktivnosti na određivanju daljih koraka za realizaciju ugovorenih radova.

U Planu javnih nabavki za 2026. godinu planirana je javna nabavka za izbor najpovoljnijeg ponuđača za sanaciju i zamjenu autobuske nadstrešnice u naselju Gornji Hotonj. Služba za investicije i komunalne poslove je pripremila

dokumentaciju i nadležnoj općinskoj službi predala zahtjev za provođenje procedure javne nabavke za navedene radove. Procijenjena vrijednost radova iznosi 10.003,50 KM.

4.5. Zaprečni stubovi

Zbog izražene potrebe na terenu, Služba za investicije i komunalne poslove Općine Vogošća je u 2026. godini provela javnu nabavku i zaključen je Ugovor o izvođenju radova na izradi i ugradnji zaprečnih stubova na području općine Vogošća. Ukupna vrijednost ugovorenih radova iznosi 6.844,50 KM i isti će se izvoditi u zavisnosti od potreba na terenu, a najduže u periodu od 3 (tri) godine.

*U izvještajnom periodu realizovan je manji dio radova u iznosu od: **684,45 KM.***

*Ukupno, za saobraćajnu signalizaciju i opremu u izvještajnom periodu utrošeno je ukupno: **6.035,74 KM**
(5.351,29+684,45).*

5. Projekti koji se realizuju u saradnji sa Direkcijom za puteve Kantona Sarajevo putem Ministarstva saobraćaja Kantona Sarajevo i JP Ceste Federacije BiH

5.1. Rekonstrukcija raskrsnice na M18 na Kobiljoj Glavi u kružni tok saobraćaja

U ranijem periodu okončane su sve aktivnosti na rješavanju imovinsko-pravnih odnosa i ishodovanju potrebnih saglasnosti, među kojima je i saglasnost KJKP „Vodovod i kanalizacija“ d.o.o. Sarajevo. Navedena saglasnost je bila specifična iz razloga što je zahtijevana rekonstrukcija svih postojećih vodovodnih instalacija u zoni raskrsnice (DN500, DN300 i DN100), za šta su bila potrebna dodatna sredstva u iznosu od 360.000,00 KM. Sredstva je obezbijedila Općina Vogošća kod Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo.

U toku 2025. godine JP Ceste Federacije BiH je kao upravitelj magistralne ceste M18 proveo javnu nabavku radova i usluga nadzora i zaključio ugovore sa odabranim ponuđačima. Ukupna ugovorena vrijednost radova iznosi cca 1.360.000,00 KM, a finansirat će sredstvima JP Ceste Federacije BiH i naprijed pomenutog kantonalnog ministarstva.

Početak radova očekivao se početkom tekuće građevinske sezone, ali je prolongiran jer su se vodile aktivnosti na izmještanju postojećih stubova trolejbuske mreže u zoni raskrsnice. Ove aktivnosti vodi Ministarstvo saobraćaja Kantona Sarajevo, po preocedurama EBRD-a, što već komplikovan proces čini još složenijim.

U izvještajnom periodu nastavljene su aktivnosti na pripremi projektne dokumentacije za realizaciju projekta izgradnje raskrsnice sa kružnim tokom saobraćaja na lokalitetu Kobilja Glava.

JP Ceste Federacije Bosne i Hercegovine izradile su Glavni projekat rekonstrukcije raskrsnice na magistralnoj cesti M18_010 Semizovac – Sarajevo – Malta, km 8+340,00. Projektom su obuhvaćene građevinska, konstruktivna, saobraćajna i elektro faza, a u okviru elektro faze izrađen je projekat javne rasvjete.

Nakon izrade projektne dokumentacije, Ministarstvo saobraćaja Kantona Sarajevo započelo je realizaciju projekta obnove trolejbuske mreže, u okviru kojeg je izvršena rekonstrukcija postojećih i postavljanje novih stubova kontaktne mreže. Istovremeno su pokrenute aktivnosti na izradi projektne dokumentacije za izmještanje dijela postojećih stubova i izgradnju novih, što predstavlja neophodan preduslov za realizaciju projekta izgradnje kružnog toka.

S obzirom na promjene nastale na terenu nakon izrade Glavnog projekta, ukazala se potreba za novelacijom elektro faze projekta – javne rasvjete, kako bi se postojeće projektno rješenje uskladilo sa novim položajem stubova trolejbuske mreže i ostalom infrastrukturom.

Po završetku postupka novelacije projektne dokumentacije bit će stvoreni uslovi za nastavak aktivnosti na realizaciji projekta izgradnje kružnog toka saobraćaja na lokalitetu Kobilja Glava, koji će doprinijeti povećanju sigurnosti i protočnosti saobraćaja na ovom području. Vrijednost ugovorenih usluga novelacije projekta iznosi 4.972,50 KM sa uračunatim PDV-om.

Krajem mjeseca juna zvanično su započeti radovi na realizaciji ovog projekta, koji podrazumijevaju aktivnosti na izgradnji novoprojektovanog AB zida u jednom od krakova kružne raskrsnice. U narednom periodu planirani su radovi u punom kapacitetu.

Nosilac svih aktivnosti je JP Ceste Federacije BiH.

Obaveza Općine Vogošća su radovi na uklanjanju postojećeg i izgradnji novog spomenika poginulim borcima Armije RBiH na novoj lokaciji u zoni raskrsnice.

5.2. Izgradnja dijela saobraćajnice u ulici Rosulje

U proteklom periodu realizovan je projekat izgradnje saobraćajnice u ulici Rosulje, planirane Regulacionim planom, nakon prethodno izgrađene vodovodne i kanalizacione mreže.

Za realizaciju projekta Direkcija za puteve Kantona Sarajevo osigurala je 350.000,00 KM, Federalno ministarstvo raseljenih osoba i izbjeglica 25.000,00 KM, a Općina Vogošća dodatnih 25.000,00 KM za pripremne radove.

Nakon provedenog postupka javne nabavke izgrađena je saobraćajnica u dužini od približno 260 m sa obostranim pješačkim stazama, sistemom odvodnje, saobraćajnom signalizacijom i pratećom infrastrukturom. U okviru istog ugovora izgrađene su i obostrane pješačke staze u dijelu ulice 24. juna u dužini od približno 160 m.

Tokom izvođenja radova ukazala se potreba za izvođenjem dodatnih radova koji nisu bili obuhvaćeni osnovnim ugovorom, a koji su bili neophodni za kvalitetnu i funkcionalnu realizaciju projekta. Izvršena je ugradnja postojećih poklopaca sa rasteretnim pločama na postojećem kolektoru kanalizacije, čime je osigurana njegova zaštita i dugotrajnost. Također, zbog činjenice da nastavak planirane saobraćajnice još nije izgrađen, izvedeno je privremeno rješenje za prihvrat i odvodnju površinskih voda do obližnjeg recipijenta, kako bi se spriječilo zadržavanje vode i oštećenje novoizgrađene saobraćajnice. Pored navedenog, prije završnog asfaltiranja ugrađene su vodovodne kape koje nisu bile obuhvaćene glavnim ugovorom, ali su bile neophodne za pravilno funkcionisanje vodovodne mreže i izbjegavanje naknadnih intervencija na novoizvedenom kolovozu.

Vrijednost ugovorenih radova iznosi 7.488,00 KM sa uračunatim PDV-om.

5.3. Izrada projekta rekonstrukcije mosta u naselju Svrake

Ranije je Direkcija za puteve Kantona Sarajevo pripremila Projektni zadatak za izradu projekta rekonstrukcije mosta preko rijeke Bosne u naselju Svrake i provela postupak odabira projektanta. Projektnim zadatkom tretirana je saobraćajnica u ulici Svrake I od raskrsnice kod objekta MZ Svrake do raskrsnice sa magistralnim putem M18. Izvršena je analiza postojećeg mosta i usvojen zaključak da se projektuje, planira i gradi novi objekat, nakon čega je isporučeno idejno rješenje.

Održano je nekoliko radnih sastanaka sa predstavnicima Direkcije i projektanta, razmotreno dostavljeno rješenje, nakon čega je Služba provela sve potrebne aktivnosti i za pribavljanje urbanističke saglasnosti.

Imajući u vidu složenost i zahtjevnost planiranog zahvata, u proteklom periodu provedena su geološka i geomehanička istraživanja terena, čiji će rezultati poslužiti kao osnova za definisanje odgovarajućih tehničkih rješenja i dimenzionisanje buduće konstrukcije mosta.

Krajem izvještajnog perioda postupak izrade Glavnog projekta ušao je u završnu fazu. Nakon okončanja svih projektantskih aktivnosti i izvršene kontrole projektne dokumentacije očekuje se isporuka Glavnog projekta, čime će biti stvoreni uslovi za pokretanje narednih aktivnosti, uključujući pribavljanje potrebnih odobrenja i planiranje realizacije projekta.

5.4. Sanacija dijela ulice Akifa ef. Biserovića

Na osnovu Programa Direkcije za puteve Kantona Sarajevo za 2026. godinu, u plan realizacije uvršten je projekat sanacije dijela ulice Akifa ef. Biserovića, na dionici od magistralne ceste M18 do raskrsnice sa ulicom Spasoja Blagovčanina, u dužini od približno 50 m. Nakon sanacije ulice Spasoja Blagovčanina koja se prethodnih godina izvela iz više faza, predmetni dio ulice Akifa ef. Biserovića ostao je nesaniran. Realizacijom ovog projekta upotpunit će se sanacija svih saobraćajnica koje su u nadležnosti Direkcije za puteve Kantona Sarajevo u ovom dijelu MZ Vogošća II.

U cilju realizacije navedenog projekta, Služba za investicije i komunalne poslove izradila je tehničko rješenje sa detaljnom specifikacijom potrebnih radova, te dostavila Direkciji za puteve Kantona Sarajevo radi provođenja daljnjih aktivnosti i realizacije projekta.

Projektom je predviđena sanacija dotrajale kolovozne konstrukcije kroz uklanjanje postojećeg oštećenog asfaltnog zastora, zamjenu dijelova kolovozne konstrukcije koji ne zadovoljavaju propisane tehničke uslove, te ugradnju novog asfaltnog zastora.

Krajem izvještajnog perioda zaključen je ugovor za izvođenje radova na sanaciji predmetne saobraćajnice, čime su stvoreni uslovi za početak realizacije projekta. Prema definisanoj dinamici, radovi će biti okončani u prve dvije sedmice jula tekuće godine. Ukupna vrijednost ugovorenih radova iznosi 51.199,00 KM sa uračunatim PDV-om.

5.5. Priprema projekata i aktivnosti za realizaciju u narednom periodu

U sklopu pripremnih aktivnosti za narednu građevinsku sezonu, održano je nekoliko sastanaka sa predstavnicima Ministarstva saobraćaja Kantona Sarajevo i Direkcije za puteve Kantona Sarajevo na kojima su planirani i dogovoreni projekti za realizaciju.

Rekonstrukcija saobraćajnice u ulici Samira Gradišića

Projektom rekonstrukcije ulice Samira Gradišića obuhvaćena je sanacija i uređenje cca 390 m saobraćajnice sa svim pripadajućim krakovima. Pored rekonstrukcije kolovozne konstrukcije, projektom je predviđeno uređenje svih raspoloživih parking površina, pješačkih staza, sanacija AB potpornog zida, unapređenje sistema odvodnje, kao i izvođenje svih pratećih građevinskih radova neophodnih za cjelovito uređenje i funkcionalno unapređenje predmetnog prostora.

S obzirom na to da ulica Samira Gradišića počinje i završava raskrsnicama sa ulicom Jošanička, projektom je planirano proširenje kolovoza na obje raskrsnice kroz povećanje skretnih radijusa. Za projekat rekonstrukcije saobraćajnice ishodovano je pravosnažno odobrenje za građenje, čime su ispunjeni svi neophodni uslovi za početak realizacije radova nakon osiguranja finansijskih sredstava.

Uporedo sa projektom rekonstrukcije saobraćajnice izrađena je projektna dokumentacija za rekonstrukciju vodovodne i kanalizacione mreže u predmetnoj ulici. Projekat je usaglašen sa KJKP „Vodovod i kanalizacija“ d.o.o. Sarajevo, te je za isti pribavljeno odobrenje za građenje.

Nadležna služba provela je sve aktivnosti na pripremi dokumentacije za provođenje postupka javne nabavke za izbor izvođača radova, kojim su obuhvaćeni radovi na komunalnoj i saobraćajnoj infrastrukturi i zahtjev za pokretanje postupka dostavila nadležnoj općinskoj službi. Procijenjena vrijednost javne nabavke iznosi 1.989.000,00 KM sa uračunatim PDV-om, od čega se iznos od 819.000,00 KM odnosi na radove na saobraćajnici, a ostatak na radove na ViK mreži.

Pored navedenih aktivnosti, izrađen je elaborat za sanaciju kompletne javne rasvjete u predmetnoj ulici, kojim je predviđena zamjena dotrajale opreme i unapređenje sistema javne rasvjete radi povećanja energetske efikasnosti i sigurnosti učesnika u saobraćaju. Nakon provedenog postupka javne nabavke odabran je izvođač radova, a postupak potpisivanja ugovora nalazi se u završnoj fazi. Vrijednost ugovorenih radova na sanaciji javne rasvjete iznosi 43.768,50 KM sa uračunatim PDV-om.

Sanacija dijela ulice Jošanička i Akifa ef. Biserovića

Projekat podrazumijeva sanaciju dijela ulice Jošanička, od mosta kod Općine, odnosno raskrsnice sa ulicom Akifa ef. Biserovića, do kružnog toka kod hotela Sunce na magistralnoj cesti M18, u dužini od približno 450 m, sa obostranim pješačkim stazama. Također je obuhvaćena sanacija dijela ulice Akifa ef. Biserovića u dužini od približno 50 m, od raskrsnice sa ulicom Jošanička do raskrsnice sa ulicom Igmanska (M18).

U skladu sa Programom prioriternih projekata iz oblasti putne i komunalne infrastrukture, u okviru planiranih aktivnosti iz oblasti projektovanja predviđena je izrada projektna dokumentacije za rekonstrukciju dijela ulica Jošanička i Akifa ef. Biserovića, uključujući izgradnju novog autobuskog stajališta. U cilju realizacije navedenog projekta, nadležna služba provela je sve neophodne aktivnosti na pripremi projektnog zadatka i provođenju postupka javne nabavke za izbor najpovoljnijeg projektanta. Nakon provedenog postupka zaključen je ugovor sa izabranom projektnom kućom, te je dostavljena Knjiga 1, koja se odnosi na sanaciju ulice. Preostalo je dostavljanje Knjige 2, koja se odnosi na izgradnju autobuskog stajališta. Vrijednost usluga projektovanja iznosi 6.903,00 KM sa uračunatim PDV-om.

Projektom sanacije predviđeno je zadržavanje postojećih geometrijskih elemenata kolovoza i pješačkih staza, uz unapređenje sigurnosti saobraćaja primjenom novih i kvalitetnijih materijala. Radovi obuhvataju zamjenu kolovozne konstrukcije, ivičnjaka, slivničkih kaca, završnih slojeva asfalta i betonskih opločnika.

Također je planirana izrada nove saobraćajne signalizacije i izmjena režima saobraćaja u ulici Jošanička, koja će nakon realizacije projekta biti dvosmjerna. Izgradnjom planiranog parking prostora riješit će se pitanje saobraćaja u mirovanju.

S obzirom na obimnost projekta, realizaciji radova pristupit će se nakon osiguranja potrebnih finansijskih sredstava. Procijenjena vrijednost projekta sanacije saobraćajnice iznosi 860.000,00 KM.

Projekat je u navedenom iznosu uvršten u program rada Direkcije za puteve Kantona Sarajevo za 2026. godinu, ali je zbog izmjene kategorizacije cesta u februaru tekuće godine potrebno ishodovati određena odobrenja Federalnog ministarstva prometa i komunikacija kako bi se ista mogla realizovati.

Sanacija saobraćajnice u ulici Stara kaldrma

Predviđena je sanacija cca 350 m saobraćajnice prema postojećem stanju.

Prije radova na saobraćajnici neophodno je izvršiti sanaciju vodovodne i izgradnju kanalizacione mreže. Za radove na vodovodnoj i kanalizacionoj mreži potrebna su sredstva u iznosu od 600.000,00 KM. Loša postojeća mreža je glavni uzrok oštećenja kolovoza koje se konstantno dešava na terenu i u čije održavanje se ulažu značajna novčana sredstva. U prethodnom periodu Općina Vogošća je vodila aktivnosti na izradi i usaglašavanju projektna dokumentacije za vodovod i kanalizaciju sa KJKP „Vodovod i kanalizacija“ d.o.o. Sarajevo, na šta je utrošeno jako puno vremena. Vodovodna mreža je usaglašena, ali kanalizaciona mreža nije zbog neadekvatnog recipijenta i to u ovom trenutku predstavlja problem.

Održavanje i zaštita saobraćajnice u ulici Stara kaldrma je u nadležnosti Direkcije za puteve Kantona Sarajevo. Projekat saobraćajnice bio je uvršten u Program Direkcije za 2025. godinu, ali nije realizovan zbog naprijed navedenog. Vrijednost projekta iznosi 300.000,00 KM.

Za projekte koji se realizuju u saradnji sa Direkcijom za puteve Kantona Sarajevo i JP Ceste Federacije BiH u izvještajnom periodu nisu ispostavljene obračunske situacije za izvedene radove!

6. Zaključak

U izvještajnom periodu (januar – juni 2026. godine), u oblasti sanacije, rekonstrukcije, izgradnje, redovnog, vanrednog i investicionog održavanja lokalnih puteva na području općine Vogošća, utrošeno je ukupno: **416.121,68 KM.**

II. VODOSNAB DIJEVANJE (IZGRADNJ A I REKONSTR UKCIJA VODOVODNE MREŽE I OBJEKATA)	1. Redovno održavanje puteva (zimsko i redovno)	181.521,51 KM
	2. Sanacija, rekon. i izgradnja lokalnih puteva u nadležnosti Općine	209.948,43 KM
	3. Uređenje pješačkih staza, ravnih ploha i parkinga	18.616,00 KM
	4. Saobraćajna signalizacija i oprema	6.035,74 KM
	5. Projekti koji se realizuju u saradnji sa višim nivoima vlasti	- KM

Općinsko vijeće Vogošća je u januaru 2026. godine usvojilo Program prioriteta iz oblasti komunalne i putne infrastrukture, kojim su definisani prioritetni projekti od značaja za unapređenje komunalne infrastrukture na području općine Vogošća. Na osnovu usvojenog Programa prioriteta, Služba za investicije i komunalne poslove kontinuirano provodi aktivnosti na pripremi i realizaciji projekata iz oblasti vodosnabdijevanja. Za realizaciju ovih projekata finansijska sredstva obezbjeđuju se iz Budžeta Općine Vogošća, uz značajno učešće Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo, Vlade Federacije Bosne i Hercegovine, KJKP „Vodovod i kanalizacija“ d.o.o. Sarajevo, kao krajnjeg korisnika sistema, te drugih nivoa vlasti. Tokom izvještajnog perioda nastavljena je realizacija kapitalnih projekata usmjerenih na rješavanje problema vodosnabdijevanja naselja Krivoglavci i Svrake, te naselja Poturovići i Ljubina. Istovremeno su provođene aktivnosti na izradi projektne dokumentacije, pribavljanju potrebnih saglasnosti, obezbjeđenju finansijskih sredstava i pripremi novih projekata iz oblasti vodosnabdijevanja, čime se stvaraju pretpostavke za nastavak razvoja vodovodne infrastrukture na području općine Vogošća. Realizacijom navedenih aktivnosti nastavlja se unapređenje sistema javnog vodosnabdijevanja, s ciljem obezbjeđenja kvalitetnijeg, sigurnijeg i kontinuiranog snabdijevanja pitkom vodom, povećanja obuhvata stanovništva javnim vodovodnim sistemom, te stvaranja uslova za daljnji razvoj lokalne zajednice.

1. Vodosnabdijevanje gornjih zona naselja Krivoglavci i Svrake

U gornjim zonama naselja Krivoglavci i Svrake, iznad kote 520 m n.v., nije bilo riješeno pitanje vodosnabdijevanja putem gradskog vodovodnog sistema, zbog čega stanovnici ovih naselja nisu imali mogućnost priključenja na javnu vodovodnu mrežu. Vodosnabdijevanje se vršilo putem lokalnih vodovoda, čija voda je u više navrata, na osnovu provedenih analiza, utvrđena kao sanitarno-higijenski neispravna. S ciljem trajnog rješavanja navedenog problema izrađen je Glavni projekat kojim je predviđena izgradnja dva rezervoara i to rezervoara „Krivoglavci I“ zapremine 400 m³, namijenjenog za vodosnabdijevanje naselja Krivoglavci I i Svrake, te rezervoara „Krivoglavci II“ zapremine 200 m³ za potrebe naselja Krivoglavci II. Projektom je predviđena i izgradnja pumpnih stanica „Krivoglavci I“ i „Krivoglavci II“, putem kojih se vrši potiskivanje vode u predmetne rezervoare. Pored navedenih objekata, Glavnim projektom obuhvaćena je izgradnja približno 6.000 m primarne vodovodne mreže sa pripadajućim kućnim priključcima. Procijenjena vrijednost cjelokupnog projekta iznosi približno 5.000.000,00 KM. S obzirom na obim i vrijednost investicije, realizacija projekta planirana je fazno, u skladu sa raspoloživim i obezbijeđenim finansijskim sredstvima. Izvođenje radova započelo je 2023. godine i kontinuirano se nastavlja u skladu sa dinamikom osiguranja finansijskih sredstava.

1.1. Prva faza realizacije projekta

Po obezbjeđenju finansijskih sredstava i na osnovu izrađene projektne dokumentacije proveden je postupak javne nabavke u skladu sa Zakonom o javnim nabavkama Bosne i Hercegovine, nakon čega je zaključen ugovor sa najpovoljnijim ponuđačem, firmom „Mibral“ d.o.o. Sarajevo. Prvom fazom projekta ugovoreni su radovi na izgradnji rezervoara „Krivoglavci I“ zapremine 400 m³ i rezervoara „Krivoglavci II“ zapremine 200 m³. Ugovorena vrijednost radova

iznosi 983.970,00 KM. Finansiranje realizacije prve faze projekta osigurano je zajedničkim sredstvima Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo, putem KJKP „Vodovod i kanalizacija“ d.o.o. Sarajevo i Općine Vogošća. Stručni nadzor nad izvođenjem radova vrši Zavod za izgradnju Kantona Sarajevo, uz učešće krajnjeg korisnika, KJKP „Vodovod i kanalizacija“ d.o.o. Sarajevo. Realizacija prve faze projekta započela je 2023. godine. Tokom 2023., 2024., i 2025. godine izvedeni su građevinski, mašinski i elektroinstalacioni radovi u ukupnoj vrijednosti od 983.076,39 KM. U izvještajnom periodu pristupilo se ispitivanju vodnih komora izgrađenih rezervoara u cilju provjere njihove vodonepropusnosti i ispunjavanja svih propisanih tehničkih uslova. Po uspješno okončanom ispitivanju i potvrđivanju vodonepropusnosti objekata pristupit će se provođenju funkcionalnih proba sistema, nakon čega će biti izvršeno njegovo puštanje u probni rad, odnosno redovnu upotrebu, u skladu sa propisanim tehničkim procedurama i uslovima krajnjeg korisnika KJKP „Vodovod i kanalizacija“ d.o.o. Sarajevo.

1.2. Druga faza realizacije projekta

Za stavljanje u funkciju sistema vodosnabdijevanja gornjih zona naselja Krivoglavci i Svrake, pored izgradnje rezervoara, bilo je neophodno izgraditi i dvije pumpne stanice, koje predstavljaju sastavni dio planiranog sistema. Glavnim projektom predviđena je izgradnja pumpnih stanica „Krivoglavci I“ i „Krivoglavci II“. Po obezbjeđenju finansijskih sredstava i provedenom postupku javne nabavke, u skladu sa Zakonom o javnim nabavkama Bosne i Hercegovine, zaključen je ugovor sa najpovoljnijim ponuđačem, firmom „Unioninvest“ d.d. Sarajevo, za izvođenje druge faze projekta. Ukupna ugovorena vrijednost radova iznosi 713.700,00 KM. Finansiranje projekta osigurano je zajedničkim sredstvima Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo, putem KJKP „Vodovod i kanalizacija“ d.o.o. Sarajevo i Općine Vogošća. Stručni nadzor nad izvođenjem radova vrši Zavod za izgradnju Kantona Sarajevo, uz učešće krajnjeg korisnika, KJKP „Vodovod i kanalizacija“ d.o.o. Sarajevo. Radovi su započeli 2024. godine, a ukupna vrijednost izvedenih radova iznosi 713.670,76 KM. U prethodnom periodu završeni su svi građevinski, mašinsko-montažni i elektroinstalacioni radovi. Realizacija druge faze projekta je okončana. Tokom izvođenja radova na izgradnji pumpne stanice „Krivoglavci I“ evidentirana je pojava podzemnih voda, koje su uzrokovale plavljenje novoizgrađenog objekta i predstavljale potencijalnu prijetnju za njegovu funkcionalnost i dugoročnu stabilnost. Nakon izvršenog uvida na terenu i razmatranja od strane svih učesnika u građenju, utvrđeno je da je, radi trajnog rješavanja nastalog problema, neophodno izvesti sistem drenaže oko objekta. Na osnovu izrađene projektne dokumentacije proveden je postupak javne nabavke u skladu sa Zakonom o javnim nabavkama Bosne i Hercegovine, nakon čega je sa privrednim društvom „Hidrom“ d.o.o. Vogošća zaključen ugovor za izvođenje radova na izgradnji drenažnog sistema oko pumpne stanice. Ugovorena vrijednost radova iznosi 32.719,05 KM. S obzirom na hitnost otklanjanja uočenog problema i zaštite izvedenih radova, odmah se pristupilo izvođenju drenažnog sistema. Radovi su uspješno okončani, a za izvedene radove ispostavljena je privremena situacija u iznosu od 31.041,67 KM.

U izvještajnom periodu izvršeno je ispitivanje vodonepropusnosti komora pumpnih stanica „Krivoglavci I“ i „Krivoglavci II“ u skladu sa tehničkim uslovima i zahtjevima krajnjeg korisnika, KJKP „Vodovod i kanalizacija“ d.o.o. Sarajevo. Provedenim ispitivanjima potvrđeno je da obje komore ispunjavaju propisane uslove vodonepropusnosti, čime su stvorene tehničke pretpostavke za provođenje funkcionalnih proba i puštanje pumpnih stanica u rad, nakon što budu okončane aktivnosti na prvoj fazi projekta i uspostavljeni svi uslovi za funkcionisanje cjelokupnog sistema vodosnabdijevanja.

1.3. Treća faza realizacije projekta

Trećom fazom realizacije projekta planirana je izgradnja primarne vodovodne mreže polaganjem cjevovoda ukupne dužine 2.750,00 m profila DN 100, DN 125 i DN 150, kao i izvođenje radova na izradi 115 kućnih priključaka na novoizgrađenu vodovodnu mrežu za objekte u naseljima Svrake i Krivoglavci I. Nakon provedenog postupka javne nabavke, u skladu sa Zakonom o javnim nabavkama Bosne i Hercegovine, sa firmom „Harysco“ d.o.o. Sarajevo zaključen je ugovor o izvođenju radova u ukupnoj vrijednosti od 972.372,81 KM. Za realizaciju projekta sredstva u iznosu od 522.372,81 KM obezbijeđena su u Budžetu Općine Vogošća, dok su sredstva u iznosu od 250.000,00 KM osigurana na osnovu Ugovora o dodjeli potpore iz Budžeta Federacije Bosne i Hercegovine. Do završetka izvještajnog perioda, od ukupno ugovorene vrijednosti radova, putem privremenih situacija realizovan je iznos od 699.898,99KM. Realizacija treće faze projekta nije okončana u izvještajnom periodu, s obzirom da se nisu stekli tehnički uslovi za izvođenje kućnih priključaka i priključenje korisnika na novoizgrađenu vodovodnu mrežu. Po završetku ispitivanja rezervoara i pumpnih stanica, njihovom puštanju u funkciju i uspostavljanju uslova za nesmetan rad sistema, pristupit će se izvođenju kućnih priključaka i priključenju korisnika na javni vodovodni sistem. Tokom izvođenja radova pojavila se potreba za izvođenjem dodatnih i nepredviđenih radova, budući da je prilikom polaganja cjevovoda došlo do većih oštećenja postojećih asfaltnih površina. Zbog toga je na pojedinim dionicama bilo neophodno izvršiti sanaciju kolovoza asfaltiranjem u punoj širini saobraćajnice. Za izvođenje dodatnih i nepredviđenih radova u izvještajnom periodu zaključen je ugovor u vrijednosti od

188.182,80 KM. U izvještajnom periodu izvedeni su radovi na asfaltiranju saobraćajnica, za koje je ispostavljena privremena situacija u iznosu od 142.816,89 KM. Preostali dio ugovorenih radova odnosi se na završno asfaltiranje prokopa nakon izvođenja kućnih priključaka i bit će realizovan po završetku priključenja korisnika na novoizgrađenu vodovodnu mrežu. S obzirom da do završetka izvještajnog perioda nisu bili ispunjeni svi tehnički uslovi za izvođenje kućnih priključaka i završnu sanaciju saobraćajnica, treća faza realizacije projekta nije okončana, te će preostale aktivnosti biti realizovane nakon puštanja u funkciju rezervoara i pumpnih stanica.

1.4. Četvrta faza realizacije projekta

Za realizaciju četvrte faze projekta vodosnabdijevanja gornjih zona naselja Krivoglavci i Svrake u 2024. godini obezbijeđena su finansijska sredstva u iznosu od 200.000,00 KM putem Javnog poziva Vlade Federacije Bosne i Hercegovine, kao i sredstva planirana u Budžetu Općine Vogošća. Obezbjedenjem finansijskih sredstava stekli su se uslovi za pokretanje postupka javne nabavke za izbor izvođača radova, u skladu sa Zakonom o javnim nabavkama Bosne i Hercegovine. Četvrtom fazom projekta planirana je izgradnja oko 2.000,00 m primarne vodovodne mreže u naselju Krivoglavci II cjevovodom profila DN 100, kao i izvođenje kućnih priključaka na novoizgrađenu vodovodnu mrežu. Nakon provedenog postupka javne nabavke, odabran je najpovoljniji ponuđač, firma „Unioninvest“ d.d. Sarajevo sa kojom je potpisan ugovor o izvođenju radova ukupne vrijednosti 642.246,64 KM. Izvođenje radova započelo je u februaru 2025. godine. Do sada su izvedeni radovi u ukupnom iznosu od 608.153,40 KM. Realizacija četvrte faze projekta nije okončana u izvještajnom periodu, obzirom da nisu ispunjeni tehnički uslovi za izvođenje kućnih priključaka. Po završetku ispitivanja i puštanja u funkciju rezervoara i pumpne stanice pristupit će se izvođenju planiranih kućnih priključaka, čime će biti stvoreni uslovi za završetak četvrte faze projekta i priključenje korisnika na novoizgrađeni sistem javnog vodosnabdijevanja.

1.5. Peta faza realizacije projekta

U cilju nastavka realizacije projekta, Služba za investicije i komunalne poslove kandidovala je petu fazu projekta „Vodosnabdijevanje gornjih zona naselja Krivoglavci i Svrake na području općine Vogošća“ putem Javnog poziva za podnošenje prijave za finansiranje/sufinansiranje projekata od značaja za jedinice lokalne samouprave u Federaciji Bosne i Hercegovine, koji je objavila Vlada Federacije Bosne i Hercegovine. Istovremeno, zahtjev za obezbjeđenje finansijskih sredstava upućen je i Ministarstvu komunalne privrede, infrastrukture, prostornog uređenja, građenja i zaštite okoliša Kantona Sarajevo iz namjenskih sredstava – vodnih naknada za područje općine Vogošća. Ukupna procijenjena vrijednost pete faze projekta iznosi 665.831,13 KM, od čega je u Budžetu Općine Vogošća planirano učešće u iznosu od 30.103,59 KM, dok je preostali iznos od 635.727,54 KM planiran za obezbjeđenje putem javnih poziva i drugih izvora finansiranja. Vlada Federacije Bosne i Hercegovine donijela je odluku o dodjeli sredstava u iznosu od 400.000,00 KM, dok su iz Budžeta Kantona Sarajevo za 2025. godinu, putem Ministarstva komunalne privrede, infrastrukture, prostornog uređenja, građenja i zaštite okoliša, iz namjenskih sredstava – vodnih naknada za područje općine Vogošća, odobrena sredstva u iznosu od 235.727,54 KM. Obezbjedenjem potrebnih finansijskih sredstava stekli su se uslovi za pokretanje postupka javne nabavke za izbor izvođača radova, u skladu sa Zakonom o javnim nabavkama Bosne i Hercegovine. Postupak javne nabavke je u toku, te izbor izvođača radova još uvijek nije okončan. Petom fazom projekta planirana je izgradnja približno 1.500,00 m primarne vodovodne mreže u naselju Krivoglavci II cjevovodom profila DN 100, kao i izvođenje kućnih priključaka na novoizgrađenu vodovodnu mrežu.

1.6. Zaključak

Zaključno sa izvještajnim periodom, za realizaciju prve četiri faze projekta obezbijeđena su i utrošena sredstva u ukupnom iznosu od 3.178.658,10 KM, čime je realizovan najveći dio jednog od najznačajnijih infrastrukturnih projekata u oblasti vodosnabdijevanja na području općine Vogošća.

Također su obezbjedenjem finansijskih sredstava za realizaciju pete faze projekta i time su se stvorili uslovi za završetak cjelokupnog projekta „Vodosnabdijevanje gornjih zona naselja Krivoglavci i Svrake na području općine Vogošća iznad kote 525,00 m n.m“. Okončanjem projekta trajno će se riješiti pitanje urednog i kontinuiranog vodosnabdijevanja gornjih zona naselja Krivoglavci i Svrake putem sistema javnog gradskog vodovoda, uz značajno unapređenje kvaliteta života stanovništva i povećanje pouzdanosti komunalne infrastrukture na ovom području.

Također, u fazi izrade je i projekat „Vodosnabdijevanje gornjih zona naselja Krivoglavci i Svrake na području općine Vogošća – sekundarna mreža“ čime će se obezbijediti snabdijevanje vodom i krakovi koji predmetnim projektom nisu obuhvaćeni.

2. Vodosnabdijevanje naselja Poturovići i Ljubina na području općine Vogošća

Značajan broj stanovnika naselja Poturovići i Ljubina nema mogućnost priključenja na sistem javnog gradskog vodovoda, te se vodosnabdijevanje vrši putem lokalnih vodovoda i individualnih bunara. U ljetnom periodu, usljed dugotrajnih sušnih intervala i smanjenog kapaciteta lokalnih izvorišta, dolazi do ozbiljnih poremećaja u vodosnabdijevanju, zbog čega stanovništvo nerijetko ostaje bez osnovnog izvora pitke vode. Radi trajnog rješavanja ovog komunalnog problema izrađena je projektna dokumentacija, odnosno Glavni projekat „Vodosnabdijevanje naselja Poturovići i Ljubina, na području općine Vogošća“. Projektom dokumentacijom predviđena je izgradnja rezervoara „Poturovići“, pumpne stanice „Poturovići“, kao i rekonstrukcija i izgradnja približno 10.000,00 m vodovodne mreže sa izvođenjem kućnih vodovodnih priključaka. Procijenjena vrijednost projekta iznosi približno 5.500.000,00 KM, a njegova realizacija planirana je fazno, u skladu sa dinamikom obezbjeđenja finansijskih sredstava. Realizacija projekta započela je 2023. godine, nakon što su obezbijeđena finansijska sredstva u Budžetu Općine Vogošća, uz finansijsku podršku Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo, Vlade Federacije Bosne i Hercegovine, te krajnjeg korisnika projekta, KJKP „Vodovod i kanalizacija“ d.o.o. Sarajevo.

U periodu od 2023. do 2026. godine realizacija projekta odvijala se kroz sljedeće faze:

2.1. Prva faza realizacije projekta

Nakon obezbjeđenja finansijskih sredstava u 2023. godini, a na osnovu Glavnog projekta „Vodosnabdijevanje naselja Poturovići i Ljubina na području općine Vogošća“, Služba za investicije i komunalne poslove pokrenula je, u skladu sa Zakonom o javnim nabavkama Bosne i Hercegovine, postupak javne nabavke za izbor izvođača radova prve faze projekta. Prvom fazom projekta predviđena je izgradnja rezervoara „Poturovići“ zapremine 150 m³ i pumpne stanice „Poturovići“. Nakon provedenog postupka javne nabavke, sa najpovoljnijim ponuđačem „Unioninvest“ d.d. Sarajevo zaključen je ugovor o izvođenju radova prve faze projekta. Ukupna ugovorena vrijednost radova iznosi 919.177,01 KM. Investitori projekta su Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo, putem KJKP „Vodovod i kanalizacija“ d.o.o. Sarajevo i Općina Vogošća. Stručno-tehnički nadzor nad izvođenjem radova vrše Zavod za izgradnju Kantona Sarajevo i KJKP „Vodovod i kanalizacija“ d.o.o. Sarajevo.

U dosadašnjem periodu izvođač radova ispostavio je privremene situacije u ukupnom iznosu od 842.171,74 KM. Tokom realizacije projekta ukazala se potreba za izvođenjem dodatnih radova koji nisu bili obuhvaćeni osnovnim ugovorom, a koji su bili neophodni za uspješan završetak i funkcionalno stavljanje objekata u upotrebu. S tim u vezi, u skladu sa Zakonom o javnim nabavkama Bosne i Hercegovine, potpisan je ugovor o izvođenju dodatnih radova i to za elektro radove, kontrolu vodonepropusnosti objekata i izradu projekta izvedenog stanja u vrijednosti od 43.239,92 KM. U izvještajnom periodu pristupilo se ispitivanju vodnih komora rezervoara i pumpne stanice radi provjere njihove vodonepropusnosti i ispunjavanja propisanih tehničkih uslova. Po uspješno okončanom ispitivanju i potvrđivanju vodonepropusnosti objekata, pristupit će se provođenju funkcionalnih ispitivanja cjelokupnog sistema, uključujući implementaciju i testiranje SCADA sistema, nakon čega će biti izvršeno puštanje sistema u probni rad, a potom i u redovnu upotrebu, u skladu sa važećim tehničkim propisima i zahtjevima krajnjeg korisnika, KJKP „Vodovod i kanalizacija“ d.o.o. Sarajevo.

2.2. Druga faza realizacije projekta

Po obezbjeđenju finansijskih sredstava u periodu od 2023. do 2024. godine započela je realizacija druge faze projekta. Ovom fazom projekta predviđena je izgradnja transportnog cjevovoda od rezervoara „Poturovići“ do pumpne stanice „Poturovići“. U skladu sa Zakonom o javnim nabavkama Bosne i Hercegovine proveden je postupak javne nabavke za izbor izvođača radova, nakon čega je sa firmom „Ted Invest“ d.o.o. Sarajevo zaključen ugovor o izvođenju radova u vrijednosti od 687.106,62 KM. U dosadašnjem periodu izvođač radova ispostavio je privremene situacije u ukupnom iznosu od 663.075,89 KM. Za potpuno okončanje druge faze projekta preostala je realizacija kućnih vodovodnih priključaka, za koje se u izvještajnom periodu nisu stekli tehnički uslovi za izvođenje. Naime, za izvođenje kućnih priključaka, kao i za provođenje ispitivanja novoizgrađenog rezervoara, pumpne stanice i izgrađenog dijela vodovodne mreže radi puštanja sistema u funkciju, neophodno je prethodno izvršiti rekonstrukciju postojećeg cjevovoda od ulaza u naselje Poturovići do pumpne stanice, kao i izgradnju dijela ispusnog cjevovoda od pumpne stanice do bezimenog potoka. Navedeni radovi su okončani kroz treću fazu realizacije projekta, te nakon ispitivanja vodonepropusnosti objekata pristupit će se završetku preostalih radova. Obzirom na to da je prilikom izvođenja radova na polaganju cjevovoda došlo do prokopavanja saobraćajnice u njenoj punoj širini, na dionici sa izraženim uzdužnim nagibom koju svakodnevno koristi veliki broj građana, a u cilju osiguranja bezbjednog odvijanja saobraćaja, na zahtjev investitora, izvođač radova je u aprilu 2025. godine izvršio privremenu sanaciju, odnosno asfaltiranje saobraćajnice prije izvođenja radova na kućnim priključcima. Nakon stvaranja uslova za izvođenje kućnih priključaka i njihovog okončanja, izvršit će se ponovno presijecanje kolovozne konstrukcije na potrebnim lokacijama, te konačna sanacija svih prokopa u skladu sa projektom-

tehničkom dokumentacijom. Izvođenjem dodatnih radova na asfaltiranju saobraćajnice došlo je do povećanja ugovorenih količina radova, zbog čega je, u skladu sa Zakonom o javnim nabavkama Bosne i Hercegovine, zaključen ugovor o izvođenju dodatnih radova u vrijednosti od 80.778,79 KM. Sredstva za realizaciju navedenih radova obezbijeđena su u Budžetu Općine Vogošća za 2025. godinu, a radovi na asfaltiranju saobraćajnice uspješno su okončani.

2.3. Treća faza realizacije projekta

Radi nastavka realizacije projekta, odnosno treće faze radova, u 2024. godini obezbijeđena su finansijska sredstva putem Javnog poziva Vlade Federacije Bosne i Hercegovine, kao i u Budžetu Općine Vogošća. Za realizaciju odobrenih sredstava zaključen je Ugovor o dodjeli potpore iz Budžeta Federacije Bosne i Hercegovine između Federalnog ministarstva finansija i Općine Vogošća. Obezbjedenjem finansijskih sredstava stekli su se uslovi za pokretanje postupka javne nabavke za izbor izvođača radova treće faze projekta. Ovom fazom projekta planirana je rekonstrukcija postojećeg cjevovoda od naselja Nova željeznička stanica do pumpne stanice „Poturovići“ u dužini od približno 650 m, kao i izgradnja distributivnog cjevovoda u dužini od 255 m, transportnog cjevovoda u dužini od 210 m, ispustnog cjevovoda u dužini od 200 m od pumpne stanice „Poturovići“ do bezimenog potoka, te izvođenje kućnih vodovodnih priključaka. Ukupna procijenjena vrijednost radova iznosi 621.904,11 KM, od čega su sredstva u iznosu od 400.000,00 KM obezbijeđena putem Ugovora o dodjeli potpore iz Budžeta Federacije Bosne i Hercegovine, dok je preostali dio sredstava planiran u Budžetu Općine Vogošća. Pokrenut je postupak javne nabavke za izbor najpovoljnijeg izvođača radova, a ugovor je potpisan sa firmom „Ted Invest“ d.o.o. Sarajevo. Do sada je ispostavljeno sedam privremenih situacija u ukupnom iznosu od 453.986,87 KM i to u 2025. godini ispostavljeno je šest privremenih situacija u ukupnom iznosu od 398.241,66 KM, a navedena sredstva realizovana su iz sredstava Vlade Federacije Bosne i Hercegovine, odnosno putem Ugovora o dodjeli potpore iz Budžeta Federacije Bosne i Hercegovine. U izvještajnom periodu ispostavljena je sedma privremena situacija u vrijednosti od 55.745,21 KM koja je plaćena iz Budžeta Općine Vogošća. U izvještajnom periodu okončani su radovi na polaganju svih predviđenih cjevovoda treće faze, te je uspješno izvršena tlačna proba novoizgrađene vodovodne mreže. U toku su aktivnosti na povezivanju novoizgrađenog sistema na javnu vodovodnu mrežu u naselju Nova željeznička stanica, kao i ukidanje privremenog voda, nakon čega će uslijediti puštanje sistema u funkciju, u skladu sa propisanim tehničkim procedurama.

2.4. Četvrta faza realizacije projekta

U cilju nastavka realizacije projekta, Služba za investicije i komunalne poslove kandidovala je četvrtu fazu projekta „Vodosnabdijevanje naselja Poturovići i Ljubina na području općine Vogošća“ putem Javnog poziva za podnošenje prijava za finansiranje/sufinansiranje projekata od značaja za jedinice lokalne samouprave u Federaciji Bosne i Hercegovine, koji je objavila Vlada Federacije Bosne i Hercegovine. Istovremeno, zahtjev za obezbjeđenje finansijskih sredstava upućen je i Ministarstvu komunalne privrede, infrastrukture, prostornog uređenja, građenja i zaštite okoliša Kantona Sarajevo iz namjenskih sredstava – vodnih naknada za područje općine Vogošća. Ukupna procijenjena vrijednost četvrte faze projekta iznosi 749.637,77 KM, od čega je u Budžetu Općine Vogošća planirano učešće u iznosu od 113.912,23 KM, dok je preostali iznos od 635.727,54 KM planiran za obezbjeđenje putem javnih poziva i drugih izvora finansiranja. Vlada Federacije Bosne i Hercegovine donijela je odluku o dodjeli sredstava u iznosu od 400.000,00 KM, dok su iz Budžeta Kantona Sarajevo za 2025. godinu, putem Ministarstva komunalne privrede, infrastrukture, prostornog uređenja, građenja i zaštite okoliša, iz namjenskih sredstava – vodnih naknada za područje općine Vogošća, odobrena sredstva u iznosu od 235.727,54 KM. Obezbjedenjem potrebnih finansijskih sredstava stekli su se uslovi za pokretanje postupka javne nabavke za izbor izvođača radova, u skladu sa Zakonom o javnim nabavkama Bosne i Hercegovine. Postupak javne nabavke je u toku, te izbor izvođača radova još uvijek nije okončan. Četvrtom fazom projekta planirana je izgradnja približno 1.550,00 m vodovodne mreže u naselju Ljubina cjevovodom profila DN 100, kao i izvođenje kućnih priključaka na novoizgrađenu vodovodnu mrežu.

U izvještajnom periodu 2026. godine za realizaciju tri faze projekta vodosnabdijevanja naselja Poturovići i Ljubina, na području općine Vogošća realizovana su sredstva u ukupnom iznosu od 74.695,18 KM.

2.5. Zaključak

Zaključno sa izvještajnim periodom, za realizaciju prve tri faze projekta obezbijeđena su i utrošena sredstva u ukupnom iznosu od 2.058.963,26 KM, čime je realizovan veliki dio jednog od najznačajnijih infrastrukturnih projekata u oblasti vodosnabdijevanja na području općine Vogošća. Obezbiđenjem finansijskih sredstava za realizaciju četvrte faze projekta stvoreni su uslovi za izgradnju vodovodne mreže u naselju Ljubina, a prema projektu „Vodosnabdijevanje naselja Poturovići i Ljubina na području općine Vogošća“, čime će se trajno riješiti pitanje urednog i kontinuiranog vodosnabdijevanja naselja Poturovići i Ljubina putem sistema javnog gradskog vodovoda, uz značajno unapređenje kvaliteta života stanovništva i povećanje pouzdanosti komunalne infrastrukture na ovom području.

3. Rekonstrukcija i izgradnja vodovodne mreže u dijelu ulice Menjak na području općine Vogošća

Općina Vogošća je, putem Službe za investicije i komunalne poslove, kandidovala projekat „Rekonstrukcija i izgradnja vodovodne mreže u dijelu ulice Menjak“ prema Ministarstvu komunalne privrede, infrastrukture, prostornog uređenja, građenja i zaštite okoliša Kantona Sarajevo radi obezbijeđenja sredstava iz namjenskih vodnih naknada za područje općine Vogošća. Ukupna procijenjena vrijednost projekta iznosi 365.369,61 KM, od čega je u Budžetu Općine Vogošća planirano učešće u iznosu od 15.369,61 KM, dok je preostali iznos od 350.000,00 KM planiran za finansiranje iz namjenskih sredstava. Iz Budžeta Kantona Sarajevo za 2025. godinu, putem Ministarstva komunalne privrede, infrastrukture, prostornog uređenja, građenja i zaštite okoliša, odobrena su sredstva iz namjenskih vodnih naknada u iznosu od 350.000,00 KM, čime su obezbijeđena sredstva za realizaciju projekta. Obezbiđenjem finansijskih sredstava stekli su se uslovi za pokretanje postupka javne nabavke za izbor izvođača radova, u skladu sa odredbama Zakona o javnim nabavkama Bosne i Hercegovine. Postupak javne nabavke je u toku, te izbor najpovoljnijeg ponuđača još uvijek nije okončan. Projektom je planirana rekonstrukcija i izgradnja približno 600,00 m vodovodne mreže, zajedno sa rekonstrukcijom i izgradnjom kućnih vodovodnih priključaka.

4. Rekonstrukcija i izgradnja vodovodne mreže u ulici Samira Gradišića i dijela ulice Jošanička na području općine Vogošća

Općina Vogošća je, putem Službe za investicije i komunalne poslove, provela aktivnosti na izradi projektne dokumentacije za realizaciju projekta „Rekonstrukcija i izgradnja vodovodne mreže u ulici Samira Gradišića“. Na Glavni projekat pribavljena je saglasnost KJKP „Vodovod i kanalizacija“ d.o.o. Sarajevo, nakon čega su pribavljene i ostale potrebne saglasnosti, izvršena revizija projektne dokumentacije, te ishodovano odobrenje za građenje, čime su ispunjeni svi formalno-pravni uslovi za realizaciju projekta. Radi obezbijeđenja finansijskih sredstava za realizaciju projekta, Općina Vogošća je predmetni projekat kandidovala prema Ministarstvu komunalne privrede, infrastrukture, prostornog uređenja, građenja i zaštite okoliša Kantona Sarajevo u okviru Javnog poziva za dodjelu sredstava iz namjenskih vodnih naknada za 2026. godinu. Procijenjena vrijednost projekta iznosi 232.889,88 KM, a postupak odlučivanja po podnesenoj prijavi još uvijek nije okončan. Po okončanju aktivnosti na pripremi projektne dokumentacije i ishodovanju odobrenja za građenje stekli su se uslovi za pokretanje postupka javne nabavke za izbor izvođača radova, u skladu sa odredbama Zakona o javnim nabavkama Bosne i Hercegovine. Postupak javne nabavke je pokrenut nakon obezbijeđenja finansijskih sredstava planiranih u Budžetu Općine Vogošća, ali i sredstava koja su kandidovana prema Ministarstvu komunalne privrede, infrastrukture, prostornog uređenja, građenja i zaštite okoliša Kantona Sarajevo. Nakon okončanja postupka javne nabavke i zaključenja ugovora sa odabranim izvođačem radova pristupit će se realizaciji projekta rekonstrukcije i izgradnje vodovodne mreže u ulici Samira Gradišića i dijelu ulice Jošanička.

5. Ostale aktivnosti na realizaciji projekata iz oblasti vodosnabdijevanja

Na osnovu objavljenog Javnog poziva za finansiranje i sufinansiranje infrastrukturnih i drugih projekata od značaja za širu društvenu zajednicu u mjestima povratka na prostoru Bosne i Hercegovine za period 2026. – 2028. godine, objavljenog od Federalnog Ministarstva raseljenih osoba i izbjeglica, Općina Vogošća je aplicirala sa značajnim projektima za našu lokalnu zajednicu i to sa sljedećim projektima:

- Vodosnabdijevanje naselja Poturovići i Ljubina u iznosu od 1.500.000,00 KM;
- Rekonstrukcija vodovodne mreže u ulici Samira Gradišića u iznosu od 150.000,00 KM;
- Rekonstrukcija vodovodne mreže u ulici Stara kaldrma u iznosu od 150.000,00 KM.

Po obezbijeđenju finansijskih sredstava pristupit će se realizaciji navedenih projekata, u skladu sa planiranom dinamikom izvođenja radova. U izvještajnom periodu Federalno ministarstvo raseljenih osoba i izbjeglica nije okončalo postupak po navedenom javnom pozivu, te Općina Vogošća nije zaprimila odluku o rezultatima postupka niti informaciju o dodjeli finansijskih sredstava.

Također na osnovu objavljenog Javnog poziva za dodjelu sredstava po osnovu prihoda vodnih naknada za 2026. godinu na području Kantona Sarajevo, Općina Vogošća je aplicirala sa projektom V faze projekta „Vodosnabdijevanje naselja Ljubina i Poturovići na području općine Vogošća“. Za realizaciju navedene faze projekta zatražena su finansijska sredstva u iznosu od 511.151,90 KM, dok ukupna procijenjena vrijednost V faze projekta iznosi 1.022.303,81 KM. Realizacijom V faze projekta nastaviti će se aktivnosti na izgradnji sistema vodosnabdijevanja naselja Ljubina i Poturovići, čime će se stvoriti uslovi za završetak projekta i unapređenje vodosnabdijevanja stanovništva na predmetnom području. U izvještajnom periodu Ministarstvo privrede Kantona Sarajevo nije okončalo postupak po navedenom javnom pozivu, te Općina Vogošća nije zaprimila odluku o rezultatima postupka niti informaciju o odobravanju finansijskih sredstava.

III. LOKALNI VODOVODI NA PODRUČJU OPĆINE VOGOŠĆA

Lokalna izvorišta na području općine Vogošća koriste stanovnici naselja koja nisu obuhvaćena sistemom javnog gradskog vodosnabdijevanja. Ovakav način vodosnabdijevanja predstavlja značajan izazov, kako za korisnike tako i za lokalnu zajednicu, s obzirom na to da lokalna izvorišta u periodima smanjenih padavina, naročito tokom ljetnih mjeseci, često imaju nedovoljan kapacitet ili potpuno presuše, usljed čega stanovništvo ostaje bez osnovnog izvora vode. Pored problema količine raspoložive vode, na lokalnim vodovodima povremeno se evidentiraju i odstupanja od propisanih sanitarno-higijenskih uslova, zbog čega je neophodno kontinuirano provoditi mjere dezinfekcije i redovnu kontrolu kvaliteta vode. U cilju zaštite zdravlja stanovništva i očuvanja funkcionalnosti lokalnih vodovoda, Općina Vogošća u Budžetu kontinuirano planira finansijska sredstva za njihovo održavanje.

Putem Službe za investicije i komunalne poslove kontinuirano se provode aktivnosti na nabavci dezinfekcionog sredstva za vodu, kao i na kontroli zdravstvene ispravnosti vode na šest lokalnih vodovoda na području općine Vogošća: Blagovac, Tihovići, Krivoglavci, Sedam vrela, Paljevo i Ilidža.

Ugovor za nabavku i isporuku dezinfekcionog sredstva za vodu iz 2025. godine istekao je u mjesecu martu 2026. godine. Radi obezbjeđenja kontinuiteta u snabdijevanju lokalnih vodovoda sredstvom za dezinfekciju vode, Služba za investicije i komunalne poslove provela je postupak javne nabavke u skladu sa odredbama Zakona o javnim nabavkama Bosne i Hercegovine, nakon čega je sa firmom „ITR“ d.o.o. Sarajevo zaključen okvirni sporazum na period od dvije godine za nabavku i sukcesivnu isporuku dezinfekcionog sredstva za vodu. Na osnovu zaključenog okvirnog sporazuma, za 2026. godinu zaključen je pojedinačni ugovor kojim je definisana kontinuirana isporuka dezinfekcionog sredstva za potrebe šest lokalnih vodovoda na području općine Vogošća, u skladu sa iskazanim potrebama odbora za upravljanje lokalnim vodovodima. U izvještajnom periodu za nabavku i isporuku sredstva za dezinfekciju vode utrošena su sredstva u ukupnom iznosu od 5.660,31 KM.

Radi zaštite zdravlja stanovništva koje koristi vodu iz lokalnih vodovoda, Javna ustanova „Zavod za javno zdravstvo Kantona Sarajevo“, u skladu sa ugovorom zaključenim 2025. godine, vršila je mikrobiološke i fizičko-hemijske analize vode u periodu od januara do juna 2026. godine. Vrijednost izvršenih usluga iznosi 2.840,00 KM. Po utrošku finansijskih sredstava predviđenih navedenim ugovorom, Služba za investicije i komunalne poslove pokrenut će novi postupak javne nabavke radi izbora pružaoca usluga za nastavak kontrole zdravstvene ispravnosti vode na lokalnim vodovodima. Na taj način osigurat će se kontinuitet redovnog monitoringa kvaliteta vode, s ciljem zaštite zdravlja stanovništva koje se snabdijeva putem lokalnih vodovoda.

U izvještajnom periodu za održavanje lokalnih vodovoda na području općine Vogošća iz Budžeta Općine Vogošća utrošena su sredstva u ukupnom iznosu od 8.500,31 KM.

IV. ODVOĐENJE OTPADNIH VODA (KANALIZACIONA MREŽA I OBJEKTI)

1. Izvođenje radova na izgradnji primarne i sekundarne, kišne i fekalne kanalizacione mreže naselja Hotonj IV – zadnja faza

Općina Vogošća je dana 12.07.2024. godine sklopila Ugovor sa odabranim izvođačem radova „Mibral“ d.o.o. Sarajevo za zadnju fazu izvođenja radova prema Glavnom projektu primarne i sekundarne, kišne i fekalne kanalizacije u naselju Hotonj IV, Aneksu navedenog Glavnog projekta, te Novelaciji Glavnog projekta iz 2023. i 2024. godine. U izvještajnom periodu 2026. godine izvedeni su radovi u vrijednosti od 85.749,91 KM, a ukupna vrijednost izvedenih radova za period 2024. – 2026. godine iznosi 832.209,83 KM, čime se i okončalo izvođenje zadnje faze. Radovi su se sufinansirali od strane Ministarstva komunalne privrede, infrastrukture, prostornog uređenja, građenja i zaštite okoliša u iznosu od 375.000,00 KM, dok je ostatak od 457.209,83 KM plaćen iz Budžeta Općine Vogošća (od čega 85.749,91 KM u 2026.

godini). Investicioni nadzor nad izvođenjem radova vršio je Zavod za izgradnju Kantona Sarajevo, te nadzor ispred krajnjeg korisnika KJKP „Vodovod i kanalizacija“ d.o.o. Sarajevo.

Putem navedenog Ugovora vršila se izgradnja separatne kanalizacione mreže sa izradom kućnih priključaka. Ugrađene su GRP kanalizacione cijevi klase SN 10000, profila DN 300 mm, u ukupnoj dužini od 1.455,90 m i 60 GRP revizionih i kaskadnih okana sa 60 livenoželjeznih poklopaca. Izvršena je sanacija i asfaltiranje saobraćajnih površina asfaltom ANHS 16 na površini od 525,29 m², te sanacija zelenih površina.

CCTV snimanjem izvedene kanalizacione mreže putem nadležnog preduzeća izvršena je kontrola ispravnosti izvedene separatne kanalizacione mreže, te izrada elaborata izvedenog stanja sa geodetskim snimkom i katastrom podzemnih instalacija.

2. Rekonstrukcija fekalne kanalizacione mreže i izgradnja nove oborinske kanalizacione mreže naselja Orahov Brijeg – Kolektor 11

Ugovor za izvođenje radova na rekonstrukciji fekalnog kolektora 11 koji se proteže duž Poljinskog potoka, a koji predstavlja recipijent ostalim projektovanim kolektorima potpisan je 12.07.2024. godine u iznosu od 499.451,39 KM sa firmom „Ted Invest“ d.o.o. Sarajevo.

Realizaciju navedenog ugovora sufinansira Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo u iznosu od 200.000,00 KM, Fond za zaštitu okoliša FBiH u iznosu od 120.000,00 KM, dok se ostatak sufinansira iz Budžeta Općine Vogošća. U 2024. godini izvedeni su radovi u iznosu od 290.697,36 KM, te su sredstva pravdana prema višim nivoima.

Radovi su obustavljeni zbog imovinsko-pravnih problema, odnosno novoizgrađenih objekata na trasi kanalizacione mreže. U cilju nastavka radova, potrebno je bilo izraditi Novelaciju Glavnog projekta. Na izrađenu projektnu dokumentaciju data je saglasnost nadležnog preduzeća KJKP „Vodovod i kanalizacija“ d.o.o. Sarajevo. Također, pojedini vlasnici koji su dali 2008. godine da se izgradi ovaj kolektor kroz njihova imanja sada su pri planiranoj rekonstrukciji tražili da ih se obešteti.

Na sjednici Općinskog vijeća u augustu 2025. godine proglašen je javni interes za projekat rekonstrukcije fekalne kanalizacione mreže i izgradnje nove oborinske kanalizacione mreže naselja Orahov brijeg.

U mjesecu maju 2026. godine izvršen je obilazak terena kako bi se zapisnički uzele saglasnosti vlasnika parcela kojima prolazi projektovana kanalizaciona mreža. Nekoliko stranki koje smo prethodno obavijestili o obilasku nisu bili na terenu, te su obećali naknadno doći u Općinu kako bi dali izjave.

U mjesecu julu održan je sastanak sa izvođačem i nadzorima za nastavak radova prema navedenom Ugovoru. Čeka se imenovanje novog nadzora ispred krajnjeg korisnika KJKP „Vodovod i kanalizacija“ d.o.o. Sarajevo, kako bi se ušlo u nastavak radova.

3. Rekonstrukcija fekalne kanalizacione mreže i izgradnja nove oborinske kanalizacione mreže naselja Orahov brijeg – Kolektor 6

Ugovor za izvođenje radova na izgradnji separatne kanalizacione mreže kolektora 6 naselja Orahov brijeg potpisan je 25.07.2025. godine sa firmom „AME“ d.o.o. Breza u ukupnoj vrijednosti od 284.549,31 KM.

U 2025. godini izvedeni su radovi u vrijednosti od 146.174,54 KM, od čega je 77.033,98 KM pravdano prema Fondu za okoliš FBiH po Ugovoru o dodjeli finansijskih sredstava, a ostatak od 69.140,56 KM plaćen iz Budžeta Općine za 2025. godinu.

U izvještajnom periodu 2026. godine izvedeni su radovi u vrijednosti od 79.659,04 KM, a plaćeni su iz Budžeta Općine Vogošća za 2026. godinu.

Nakon izvedenih radova na izgradnji separatne kanalizacione mreže prema održanom sastanku sa KJKP „Vodovod i kanalizacija“ d.o.o. Sarajevo i postignutom dogovoru izvršit će se rekonstrukcija vodovodne mreže na istom potezu putem nadležnog preduzeća. Kada se izvedu radovi na rekonstrukciji vodovodne mreže, Općina će putem odabranog izvođača vratiti asfaltne površine u prvobitno stanje u ukupnoj širini postojeće saobraćajnice.

4. Rekonstrukcija fekalne kanalizacione mreže i izgradnja nove oborinske kanalizacione mreže naselja Orahov brijeg – Kolektor 7

Po Javnom pozivu Fonda za zaštitu okoliša 2025. godine aplicirano je izvođenje radova na separatoj kanalizacionoj mreži kolektora 7, te su nam putem Ugovora o sufinansiranju dodijeljena sredstva u iznosu od 135.000,00 KM.

Na osnovu navedenog pokrenuta je procedura javne nabavke, ista je u toku, a procijenjena vrijednost radova iznosi 341.640,00 KM.

5. Rekonstrukcija fekalne kanalizacione mreže i izgradnja nove oborinske kanalizacione mreže naselja Orahov brijeg – Kolektor 8 i dio glavnog oborinskog kolektora

Prema Javnom pozivu Vlade Federacije Bosne i Hercegovine, u mjesecu aprilu 2025. godine apliciran je projekat za izgradnju separatne kanalizacione mreže kolektora 8 i izgradnja dijela glavnog oborinskog kolektora naselja Orahov brijeg u procijenjenoj vrijednosti radova od 686.979,41 KM.

Na osnovu navedenog Vlada Federacije je putem Sporazuma iz decembra 2025. godine dodijelila Općini Vogošća sredstva u iznosu od 400.000,00 KM, dok će se ostatak sufinansirati iz Budžeta Općine Vogošća za 2026. godinu.

Procedura javne nabavke za izvođenje ovih radova je u toku.

6. Rekonstrukcija i izgradnja kanalizacione mreže u ulici Samira Gradišića i dijela ulice Jošanička na području općine Vogošća

Općina Vogošća je, putem Službe za investicije i komunalne poslove, provela aktivnosti na izradi projektne dokumentacije za realizaciju projekta „Rekonstrukcija i izgradnja kanalizacione mreže u ulici Samira Gradišića“. Na Glavni projekat pribavljena je saglasnost KJKP „Vodovod i kanalizacija“ d.o.o. Sarajevo, nakon čega su pribavljene i ostale potrebne saglasnosti, izvršena revizija projektne dokumentacije, te ishodomano odobrenje za građenje, čime su ispunjeni svi formalno-pravni uslovi za realizaciju projekta. Radi obezbjeđenja finansijskih sredstava za realizaciju projekta, Općina Vogošća je predmetni projekat kandidovala prema Ministarstvu komunalne privrede, infrastrukture, prostornog uređenja, građenja i zaštite okoliša Kantona Sarajevo u okviru Javnog poziva za dodjelu sredstava iz namjenskih vodnih naknada za 2026. godinu. Po okončanju aktivnosti na pripremi projektne dokumentacije i ishodomano odobrenja za građenje stekli su se uslovi za pokretanje postupka javne nabavke za izbor izvođača radova, u skladu sa odredbama Zakona o javnim nabavkama Bosne i Hercegovine.

Za izvođenje radova na rekonstrukciji vodovodne i kanalizacione mreže, saobraćajnice i javne rasvjete je u pripremi zahtjev za pokretanje procedure javne nabavke, a procijenjena vrijednost nabavke za izvođenje svih navedenih radova je 1.989.000,00 KM.

7. Zaključak

U izvještajnom periodu 2026. godine u Budžetu Općine Vogošća sa EK 615118 naziva sanacija, izgradnja i rekonstrukcija fekalne i oborinske kanalizacije utrošena su sredstva u iznosu od **165.408,95 KM**.

V. HITNE INTERVENCIJE

1. Izvođenje radova u slučaju hitnih intervencija na objektima komunalne infrastrukture na području općine Vogošća

Dana 18.04.2025. godine sklopljen je Ugovor o izvođenju radova u slučaju hitnih intervencija na komunalnoj infrastrukturi na području općine Vogošća za 2025. – 2026. godinu u iznosu od 64.935,00 KM, a izvođač radova je „AME“ d.o.o. Breza. U izvještajnom periodu 2026. godine po ovom Ugovoru izvedeni su radovi hitnih intervencija na devet lokacija na području općine Vogošća, shodno izdatim nalogima u iznosu od 16.998,74 KM, čime je okončan Ugovor.

Sa firmom „Hidrom“ d.o.o. Vogošća, dana 17.06.2026. godine sklopljen je novi Ugovor za izvođenje radova u slučaju hitnih intervencija na komunalnoj infrastrukturi za period 2026. – 2028. godine u ukupnoj vrijednosti od 62.010,00 KM.

1.1. Zaključak

Sa grantu EK 615118 naziva hitne intervencije na komunalnoj infrastrukturi utrošena su sredstva u iznosu od **16.998,74 KM**.

2. Tekuće aktivnosti – Sporazum o izvođenju radova hitne intervencije na lokalnoj vodovodnoj i kanalizacionoj mreži na području općine Vogošća sa KJKP „Vodovod i kanalizacija“ d.o.o. Sarajevo

U 2025. godini Općina Vogošća sa KJKP „Vodovod i kanalizacija“ d.o.o. Sarajevo potpisala je Sporazum u iznosu od 60.000,00 KM za potrebe izvođenja radova hitnih intervencija na lokalnoj vodovodnoj i kanalizacionoj mreži na području općine Vogošća.

Za ove intervencije u periodu januar – juni izdata su i urađena 43 naloga, a utrošeno je **8.803,14 KM**.

VI. OBJEKTI DRUŠTVENE INFRASTRUKTURE

Shodno Odluci o dopuni Odluke o unutrašnjoj organizaciji jedinstvenog općinskog organa uprave i stručnih službi Općine Vogošća, Služba za investicije i komunalne poslove je u prethodnom periodu preuzela na realizaciju nekoliko projekata. Od Službe za privredu, integrisani lokalni razvoj i društvene djelatnosti preuzet je i uspješno okončan projekat dogradnje OŠ „Zahid Baručija“.

Pored ovog projekta, Služba za investicije i komunalne poslove preuzela je i projekte izgradnje dječijih igrališta u naseljima Donja Jošanica I i Orahov brijeg, te projekat nadogradnje upravne zgrade KSC-a Vogošća.

Od Službe za boračko-invalidsku i socijalnu zaštitu preuzet je projekat Izgradnje spomen obilježja poginulim borcima Armije RBiH u Vogošći – naselje Kobilja Glava.

U nastavku je dat detaljniji opis za projekte koji su u fazi realizacije.

1. Nadogradnja upravne zgrade KSC-a

Službi za investicije i komunalne poslove predat je na realizaciju projekat nadogradnje upravne zgrade JU KSC Vogošća, prema projektnoj dokumentaciji pripremljenoj ranije. Nakon detaljnog pregleda projektnog rješenja uočeno je da dokumentacija sadrži određene nedostatke, kao i da su se promijenile okolnosti na terenu, zbog čega je u saradnji sa upravama KSC-a i RTV-a Vogošća i Službom za privredu, integrisani lokalni razvoj i društvene djelatnosti Općine Vogošća odlučeno da se ista koriguje, odnosno izradi nova. Novo projektno rješenje omogućilo bi bolju ekonomsku opravdanost investicije i kreiranje sadržajnijeg i funkcionalnijeg objekta.

Služba je izradila projektni zadatak koji je obuhvatio sve faze, tretirajući postojeći i novi dio objekta kao cjelinu, kako bi potrebni sistemi u objektu funkcionisali jedinstveno.

Na osnovu projektnog zadatka, pokrenut je postupak javne nabavke za odabir projektanta. Odabran je projektant, te je ugovorena usluga izrade Glavnog projekta za nadogradnju upravne zgrade JU KSC Vogošća u vrijednosti od 30.771,00 KM.

U izvještajnom periodu nastavljene su aktivnosti na usaglašavanju, izradi i isporuci konačne varijante projekta, koje su nešto sporije jer se detaljno analizira stanje objekta i mogućnosti, obzirom na starost, lokaciju, potrebe lokalne zajednice i slično. Dodatno je od projektanta zatražena detaljna analiza postojeće konstrukcije u smislu potrebnog ojačanja i izgleda istog sa funkcionalnog i estetskog aspekta. Obzirom na kompleksnost objekta veoma je važno bilo sagledati sve potrebne i planirane zahvate i na osnovu detaljne analize donijeti zaključke.

Nakon mnogobrojnih održanih sastanaka konsultantske prirode u svrhu usvajanja optimalnog rješenja za nadogradnju upravne zgrade JU KSC Vogošća, zaključeno je (shodno izvršenim ispitivanjima) da je za bilo kakvu intervenciju na postojećem objektu potrebno izvršiti ojačanje konstrukcije.

Shodno zaključenom, projektant je dostavio „Elaborat statičke provjere i proračuna nosivosti postojeće konstrukcije za potrebe nadogradnje upravne zgrade objekta kulturno sportskog centra – Vogošća u Vogošći“ gdje je konstatovano da ova dogradnja nije racionalna, ni finansijski isplativa, kao i to da bi predloženo ojačanje narušilo izgled postojećeg objekta. Uzimajući u obzir navedene okolnosti, smatramo da u trenutnim uslovima ne postoje realne pretpostavke za uspješnu i sigurnu realizaciju projekta i da dalja implementacija projekta nije opravdana. Stoga je odustajanje od rekonstrukcije odgovorna odluka, koja ima za cilj sprečavanje potencijalnih finansijskih gubitaka i osiguranje sigurnosti svih uključenih. Shodno odredbama ugovora kojima je definisano da se projekat radi fazno, a da investitor zadržava pravo da odustane od istog u svakoj fazi izrade, Ugovor za izradu glavnog projekta za nadogradnju upravne zgrade JU KSC Vogošća opravdano je raskinut.

*S obzirom da je ugovorena usluga realizovana djelimično, ukupna vrijednost dostavljene fakture za izvršene usluge iznosi: **4.680,00 KM**.*

2. Igralište Donja Jošanica I

U prethodnom periodu Služba za investicije i komunalne poslove preuzela je od Službe za privredu, integrisani lokalni razvoj i društvene djelatnosti Glavni projekat za izgradnju dječijeg igrališta sa plovom za mali nogomet i plovom sa mobilijarom i ogradom oko igrališta u Vogošći – naselje Donja Jošanica I, k.č. br. 2574//2, k.o. Vogošća.

Projektom je predviđena izgradnja dječijeg i sportskog igrališta u Donjoj Jošanici I, koje će biti namijenjeno korisnicima svih uzrasta djece, što podrazumijeva dvije odvojene zone (dječije i sportsko igralište). Dječije igralište će sadržavati prostor za sport i rekreaciju sa gumenom podlogom, sa mobilijarom koji će se lahko moći održavati i koje je predviđeno za djecu manjeg uzrasta. Sportsko igralište obuhvata igralište za mali fudbal sa asfaltnom podlogom koje će biti ograđeno. Uz igralište planirane su i montažne tribine koje se nalaze iza sportskog igrališta po kraćem rasponu. Prilazne sekvence igralištima kao i planirana prilazna rampa za osobe sa umanjnim tjelesnim sposobnostima biće popločane betonskim kockama.

Tokom 2025. godine, nakon detaljnog pregleda projektne dokumentacije od strane Službe za investicije i komunalne poslove kao i od strane Zavoda za izgradnju Kantona Sarajevo (na osnovu Sporazuma o vršenju usluga pregleda projektne dokumentacije za potrebe Općine Vogošća broj: 06-45-731/25 od 24.01.2025. godine), uočeni su određeni nedostaci u projektnoj dokumentaciji, koja je proslijeđena projektantu na korekciju. Nakon što je projektant dostavio izvršene korekcije projektne dokumentacije, ista je proslijeđena na pribavljanje saglasnosti javnih komunalnih preduzeća. Postupak pribavljanja saglasnosti trajao je znatno duže od očekivanog, što je u velikoj mjeri utjecalo na odgađanje uvođenja izvođača u posao. Po okončanju postupka i pribavljanju svih potrebnih saglasnosti ishodovana je i građevinska dozvola. Proveden je i postupak javne nabavke radova i izabran izvođač radova, potpisan ugovor za izvođenje radova, te zatraženo imenovanje nadzornog organa.

U izvještajnom periodu nadzorni organ nas je obavijestio da su u Zavodu za izgradnju Kantona Sarajevo nastupile značajne kadrovske promjene u oblasti elektrostruke, usljed čega trenutno nisu u mogućnosti vršiti stručni nadzor nad izvođenjem predmetnih radova. Nakon toga smo obaviješteni da je Zavod pokrenuo proceduru popune upražnjenog radnog mjesta putem javnog konkursa, što je dodatno uticalo na prolongiranje procesa uvođenja izvođača u posao. Navedene okolnosti nisu bile u nadležnosti niti pod kontrolom Službe za investicije i komunalne poslove, ali su imale značajan uticaj na odgađanje početka izvođenja predmetnih radova.

Konačno, nakon imenovanja nadzornog tima i održanog sastanka sa ciljem otpočinjanja radova, pojavio se problem na lokalnoj kanalizacionoj mreži koja je izvedena na predmetnoj parceli, te određena ograničenja imovinsko-pravne prirode. Kako bi se stvorili uslovi za početak radova na terenu bilo je potrebno dopuniti projektno rješenje sa dodatnim AB zidom u zoni kontakta sa privatnim parcelama i tehničkim rješenjem za izmještanje kanizacionog kolektora.

Krajem izvještajnog perioda navedene aktivnosti su se privodile kraju, nakon čega se očekuje početak radova na terenu.

Vrijednost ugovorenih radova iznosi: 303.685,06 KM.

3. Igralište Orahov brijeg

U prethodnom periodu Služba za investicije i komunalne poslove preuzela je od Službe za privredu, integrisani lokalni razvoj i društvene djelatnosti Glavni projekat sportskog igrališta Orahov brijeg – Hotonj, k.č. br. 492/2, k.o. Hotonj.

Nakon detaljnog pregleda projektnog rješenja uočeno je da dokumentacija sadrži značajne nedostatke, te je neophodno da se ista koriguje, odnosno izradi nova. Preuzeta dokumentacija obuhvata samo površinu za predviđeno igralište dimenzija 30,40x15,45 m, bez potrebne površine za bilo kakav prilaz igralištu, nije obuhvaćena rasvjeta, niti odvodnja i kao takav može se koristiti samo kao idejno rješenje. Novo projektno rješenje omogućilo bi kreiranje sadržajnijeg i funkcionalnijeg objekta.

S obzirom da je navedena parcela u vlasništvu Zavoda za izgradnju Kantona Sarajevo sa istim je potpisan Sporazum o uređenju međusobnih prava i obaveza u vezi sa izgradnjom dječijeg sportskog igrališta u naselju Orahov brijeg – Hotonj na osnovu kojeg je potrebna saglasnost Zavoda za cijepanje parcele. Zbog izrade nove projektne dokumentacije za predmetno igralište, bilo je potrebno ishodovati novu urbanističku saglasnost. Nova ishodovana urbanistička saglasnost dostavljena je Zavodu, a odnosi se na zauzimanje veće površine u odnosu na prethodno projektno rješenje. Međutim, Zavod se izjasnio da je prije izdavanja saglasnosti za odcjepljenje parcele potrebno dostaviti novu projektnu dokumentaciju kako bi izvršili uvid u planirano rješenje.

U izvještajnom periodu pokrenut je postupak javne nabavke za novo projektno rješenje koje će obuhvatati površinu potrebnu za prilaz igralištu (prilazni put), površinu za sportsko igralište, za vanjsko uređenje sa određenim brojem klupa i kanti za otpatke, kao i određeni broj parking mjesta koja su neophodna za korisnike, što će uveliko poboljšati i unaprijediti život lokalnog stanovništva. Izabran je projektant s kojim je sklopljen Ugovor o pružanju usluge izrade Glavnog projekta sportskog igrališta i vanjskog uređenja u naselju Orahov Brijeg.

U narednom periodu se očekuje isporuka projekta, nakon čega će se pristupiti ishodovanju potrebnih saglasnosti i odobrenja za građenje, čime će se stvoriti uslovi za početak radova na realizaciji radova.

Vrijednost izrade projektne dokumentacije iznosi: 4.212,00 KM.

Na osnovu ranije podnesene aplikacije prema Vladi Federacije BiH, za izgradnju ovog igrališta odobrena su sredstva u iznosu od 63.000,00 KM za realizaciju u narednom periodu. Ostatak potrebnih sredstava obezbijedit će Općina Vogošća.

4. Spomen obilježje poginulim borcima Armije RBiH u Vogošći – naselje Kobilja Glava

U cilju stvaranja uslova za rekonstrukciju raskrsnice na M18 na Kobiljoj Glavi u raskrsnicu sa kružnim tokom saobraćaja, potrebno je izvršiti dislokaciju spomenika „Nišan“ koji se nalazi na platou uz magistralnu cestu. Kao upravitelj magistralnih cesta u Federaciji BiH, aktivnosti na rekonstrukciji raskrsnice vode JP Ceste Federacije BiH, koje je sa odabranim izvođačem radova i nadzorom zaključilo ugovore.

Realizacija radova na spomeniku, predviđena je u dvije faze: rušenje postojećeg spomenika i izgradnja novog spomenika na projektovanoj lokaciji. Novi spomenik se gradi kao i postojeći, tj. AB nišan obložen kamenom ukupne visine iznad tla 5,1 m. Oko nišana projektovan je plato površine cca 100 m² popločan betonskim elementima, sa kružnom klupom prečnika 1,5 m i kantom za otpatke. Predviđena je sadnja jednog drveta lipe i 19 grmova čempresa. Nišan i klupa osvijetljeni su dekorativnom rasvjetom. Dinamika radova, početak pojedinih faza, vremenski period između dvije faze, pristup gradilištu i dr. direktno je uslovljen radovima na rekonstrukciji raskrsnice.

Nakon tri poništene javne nabavke, pokrenut je novi postupak javne nabavke u okviru kojeg je izabran izvođač radova. Ugovorena vrijednost radova iznosi 151.993,56 KM sa PDV-om.

U međuvremenu je produžen rok važenja građevinske dozvole, kao i rok važenja Ugovora o sufinansiranju izgradnje spomen-obilježja, uređenja mezarja i grobalja broj: 09-11-1242-1/24 od 25.02.2026. godine, zaključenog sa Federalnim ministarstvom za pitanja boraca i invalida odbrambeno-oslobodilačkog rata.

Za vršenje nadzora nad izvođenjem radova angažovan je nadzorni tim ispred Zavoda za izgradnju Kantona Sarajevo. Služba za investicije i komunalne poslove je u stalnom kontaktu sa JP Ceste Federacije BiH u cilju usaglašavanja i definisanja početka izvođenja radova, kako bi se obezbijedili svi neophodni preduslovi za nesmetanu realizaciju projekta.

U izvještajnom periodu vodile su se aktivnosti na izradi detaljnog Zapisnika zatečenog stanja i izgleda spomenika, te na izradi projekta rušenja, koje podrazumijevaju isporuku dokumentacije od strane izvođača, pregled, koordinaciju i korekciju iste. Na ovaj način obezbijedit će se kompletna i uredna tehnička dokumentacija kao preduslov za korektno izvođenje radova.

5. Zaključak

Na osnovu detaljnih opisa aktivnosti koje su provedene i koje se provode u oblasti realizacije projekata društvene infrastrukture može se donijeti generalni zaključak da je u toku veliki broj aktivnosti, ali da su sve usporene zbog raznih administrativnih i drugih procedura. Ove procedure su neophodne i iste su zakonska obaveza, ali su uglavnom vrlo komplikovane i izuzetno spore. Služba za investicije i komunalne poslove poduzima sve što je u mogućnosti kako bi ubrzala navedene procese, ali u velikom broju slučajeva nema uticaj na iste. Do kraja građevinske sezone očekuje se veliki broj aktivnosti na terenu, čime će i realizacija sredstava predviđenih za ove namjene biti značajno veća.

*U izvještajnom periodu, za objekte društvene infrastrukture gledajući ispostavljene fakture i kroz Budžet realizovane aktivnosti, utrošeno je ukupno: **4.680,00 KM.***

VII. UREĐENJE RIJEČNIH KORITA I ZAŠTITA OD POPLAVA

U cilju zaštite od poplava, odnosno povećanja proticajnog profila korita rijeka iz Budžeta Općine izdvajaju se značajna finansijska sredstva za realizaciju projekata čišćenja riječnih korita, kao i trajnog uređenja korita rijeka na području općine Vogošća. Finansijsku podršku u realizaciju projekata pruža i Ministarstvo privrede Kantona Sarajevo. Za 2025. godinu za sufinansiranje projekata trajne regulacije korita rijeka na području općine, u mjesecu maju 2025. godine potpisan je Sporazum između Ministarstva privrede Kantona Sarajevo, Zavoda za izgradnju Kantona Sarajevo i Općine Vogošća. Navedenim Sporazumom dodijeljena su sredstva u iznosu od 600.000,00 KM sa rokom utroška do 31.12.2025. godine i to za realizaciju sljedećih projekata:

1. Projekat regulacija desne obale korita rijeke Ljubine u općini Vogošća – dionica od P12 (0+108,53) do P21 (0+247,45), L=138,92 m	400.000,00 KM
2. Trajna regulacija rijeke Vogošće na dionici od stacionaže 0+111,80 do stacionaže 0+032,11 – III faza, L= 79,69 m	200.000,00 KM

Obzirom da se realizacija navedenih projekata nije okončala do 31.12.2025. godine, pa samim tim nisu se utrošila dodijeljena sredstva, u mjesecu martu 2026. godine potpisan je Aneks 1 Sporazuma kojim se produžuje rok realizacije do 31.12.2026. godine.

1. Projekat regulacija desne obale korita rijeke Ljubine u općini Vogošća – dionica od P12 (0+108,53) do P21 (0+247,45), L=138,92 m

Projekat regulacije obala korita rijeke Ljubine u općini Vogošća na dionici od mosta za Garež do mosta na M-18, realizuju se na osnovu Novelacije glavnog projekta koja je urađena od strane projektantske kuće „Higracon” d.o.o. Sarajevo u mjesecu julu 2022. godine, kao i Odobrenja za građenje. Sa realizacijom projekta krenulo se 2022. godine i obzirom na veću finansijsku vrijednost projekat se realizuje po fazama. U proteklom vremenskom periodu realizovane su tri faze projekta trajne regulacije korita rijeke Ljubine, u sklopu kojih je sanirano i klizište koje se nalazilo na lijevoj obali korita.

U 2025. godini planirani su radovi na regulaciji desne obale korita rijeke Ljubine u općini Vogošća na dionici od P12 (0+108,53) do P21 (0+247,45), u dužini od 138,92 m. Navedenom fazom regulisala bi se desna i lijeva strana korita rijeke Ljubine u dužini od cca 250,00 m.

Po obezbjeđenju finansijskih sredstava, u mjeseca julu 2025. godine, Služba za investicije i komunalne poslove je u skladu sa Zakonom o javnim nabavkama BiH pokrenula proceduru odabira najpovoljnijeg ponuđača za izvođenje radova na regulaciji desne obale korita rijeke Ljubine u općini Vogošća na dionici od P12 (0+108,53) do P21 (0+247,45), u dužini od 138,92 m. Po okončanju procedure Javne nabavke, donesena je Odluka o izboru najpovoljnijeg ponuđača za izvođenje radova sa kojim je dana 09.10.2025. godine potpisan ugovor. Izvođač radova je firma „Mibral” d.o.o. Sarajevo, a ukupna vrijednost radova po ugovoru iznosi 505.791,00 KM. Sredstva u iznosu od 400.000,00 KM obezbijeđena su po Sporazumu putem Ministarstva privrede Kantona Sarajevo, a razlika sredstava u iznosu od 105.791,00 KM obezbijeđena su u Budžetu Općine Vogošća. Stručno tehnički nadzor nad realizacijom projekta vrši Zavod za izgradnju Kantona Sarajevo i isti je uveo izvođača radova u posao početkom mjeseca decembra 2025. godine i za izvedene radove ispostavljena je situacija u iznosu od 155.510,83 KM. Radovi su nastavljeni i u 2026. godini i u izvještajnom periodu ispostavljene su privremene situacije u iznosu od 350.272,96 KM.

Za realizaciju navedenog projekta realizovana su sredstva u ukupnom iznosu od 505.783,78 KM, a sredstva u iznosu od 400.000,00 KM potraživana su i opravdana Ministarstvu privrede Kantona Sarajevo shodno Sporazumu i Aneksu 1 Sporazuma.

Radovi na terenu su okončani, ali do kraja izvještajnog perioda nije stigla okončana situacija.

2. Trajna regulacija rijeke Vogošće na dionici od stacionaže 0+111,80 do stacionaže 0+032,11 – III faza, L=79,69 m

Na osnovu urađene projektne dokumentacije, izdatog odobrenja za građenje i obezbijeđenih finansijskih sredstava, Služba za investicije i komunalne poslove u mjesecu julu 2025. godine pokrenula je aktivnosti na pripremi tenderske dokumentacije, a sve u cilju odabira najpovoljnijeg ponuđača za izvođenje radova u skladu sa Zakonom o javnim nabavkama BiH. U mjesecu septembru donesena je odluka o izboru najpovoljnijeg ponuđača za izvođenje radova, a to je firma „Mibral” d.o.o. Sarajevo.

Sa navedenim izvođačem radova, dana 09.10.2025. godine potpisan je Ugovor za izvođenje radova na III fazi trajne regulacije rijeke Vogošće na dionici od stacionaže 0+111,80 do stacionaže 0+032,11 u dužini od 79,69 m, a vrijednost radova po Ugovoru iznosi 310.247,85 KM. Sredstva u iznosu od 200.000,00 KM obezbijeđena su po Sporazumu putem Ministarstva privrede Kantona Sarajevo, a razlika sredstava u iznosu od 110.247,85 KM obezbijeđena su u Budžetu Općine Vogošća. Stručno-tehnički nadzor nad realizacijom projekta vrši Zavod za izgradnju Kantona Sarajevo i isti je uveo izvođača radova u posao krajem mjeseca novembra. Radovi se izvode po Glavnom projektu urađenom od strane firme „Higracon” d.o.o. Sarajevo od augusta 2012. godine i Novelacije glavnog projekta urađenom od strane firme „Higracon” d.o.o. Sarajevo u mjesecu aprilu 2019. godine.

Radovi su započeti krajem 2025. godine i za iste je od strane izvođača radova ispostavljena prva privremena situacija u iznosu od 137.745,49 KM. U 2026. godini nastavljeni su radovi i od strane izvođača radova ispostavljene su situacije u iznosu od 172.502,36 KM. Radovi na projektu su okončani u mjesecu maju u ukupnom iznosu od 310.196,79 KM. Sredstva u iznosu od 200.000,00 KM utrošena su po Sporazumu, a ostatak iz Budžeta Općine.

3. Zaključak

U izvještajnom periodu za izvođenje radova na projektima trajne regulacije korita rijeka na području općine Vogošća utrošena su finansijska sredstva u iznosu od **522.775.32 KM**, od čega su sredstva u iznosu od 306.743.68 KM obezbijeđena putem Ministarstva privrede Kantona Sarajevo, a sredstva u iznosu od 216.031.64 KM u Budžetu Općine.

Početkom mjeseca juna 2026. godine Općina Vogošća, Ministarstvo privrede Kantona Sarajevo i Zavod za izgradnju Kantona Sarajevo potpisali su novi Sporazum o sufinansiranju projekata u iznosu od 450.000,00 KM. Finansijska sredstva dodijeljena su za realizaciju sljedećih projekata:

1. Sredstva u iznosu od 400.000,00 KM za realizaciju projekta regulacije korita rijeke Ljubine dionica od P8 (0+148,08) do P11 (0+243,78) u dužini od 96 m i
2. Sredstva u iznosu od 50.000,00 KM za realizaciju projekta čišćenja korita rijeke Jošanice – II faza prema Elaboratu, lokacija 1 od profila P55 (2+700,00) do profila P79 (3+872,68).

Neophodne aktivnosti za izvođenje radova po navedenim projektima pokrenut će se u narednom vremenskom periodu.

VIII. JAVNA RASVJETA

U proteklom vremenskom periodu Služba za investicije i komunalne poslove uradila je projektnu dokumentaciju, odnosno Elaborat za rekonstrukciju i izgradnju javne rasvjete na području općine Vogošća. Navedenim Elaboratom planirana je rekonstrukcija i izgradnja javne rasvjete na području osam mjesnih zajednica, a ukupna vrijednost projekta iznosi cca 450.000,00 KM. Za realizaciju navedenog projekta u mjesecu novembru 2025. godine potpisan je Sporazum sa Ministarstvom komunalne privrede, infrastrukture, prostornog uređenja, građenja i zaštite okoliša Kantona Sarajevo u ukupnom iznosu od 165.000,00 KM, od čega su sredstva u iznosu od 95.000,00 KM obezbijeđena putem Ministarstva, a razlika sredstava u iznosu od 70.000,00 KM obezbijeđena su u Budžetu Općine.

Po obezbjeđenju finansijskih sredstava, u mjesecu decembru 2025. godine Služba je pokrenula zahtjev za provođenje postupka u skladu sa Zakonom o javnim nabavkama BiH, za odabir najpovoljnijeg ponuđača za izvođenje radova. Postupak Javne nabavke tekao je usporenim dinamikom iz razloga žalbe jednog od potencionalnog ponuđača za izvođenje radova.

Po okončanju procedure Javne nabavke, dana 13.05.2026. godine sa izvođačem radova „SES“ d.o.o. Sarajevo potpisan je Okvirni sporazum o uslovima i načinu nabavke radova na rekonstrukciji i izgradnji javne rasvjete na području općine Vogošća. Trajanje Okvirnog sporazuma je 4 godine, a vrijednost radova iznosi 350.881,83 KM.

Obzirom da je rok za utrošak i pravdanje namjenskih sredstava bio 30.06.2026. godine i da se sredstva nisu realizovala, u izvještajnom periodu sa Ministarstvom potpisan je Aneks 1 Sporazuma gdje je produžen rok realizacije dodijeljenih finansijskih sredstava do mjeseca decembra 2026. godine.

Radovi na rekostrukciji i izgradnji javne rasvjete na području općine Vogošća nisu započeti u izvještajnom periodu.

IX. UREĐENJE JAVNIH ZELENIH POVRŠINA I ODRŽAVANJE KOMUNALNE HIGIJENE

Održavanje javnih zelenih površina i osiguranje visokog stepena komunalne higijene na području općine Vogošća u izvještajnom periodu obavljala su kantonalna javna komunalna preduzeća KJKP „Park“ d.o.o. Sarajevo i KJKP „Rad“ d.o.o. Sarajevo. Sve aktivnosti realizovane su na osnovu usvojenih godišnjih Planova i Programa rada za 2026. godinu, a u koordinaciji sa općinskom Službom za investicije i komunalne poslove.

Zakonski osnov: Rad na terenu i postupanje preduzeća primarno se baziraju na odredbama *Zakona o komunalnoj čistoći („Službene novine Kantona Sarajevo“, broj: 11/97)*, čime se osigurava kontinuitet održavanja komunalnog reda tokom cijele godine, bez obzira na sezonske promjene i vremenske prilike.

1. Operativna saradnja i koordinacija

Tokom prve polovine 2026. godine zabilježen je dodatan napredak u efikasnosti i kvalitetu pruženih komunalnih usluga. Ključni mehanizmi za postizanje ovakvih rezultata bili su:

- **Redovni sedmični koordinacijski sastanci:** Predstavnici Službe za investicije i komunalne poslove, te operativci KJKP „Park“ i KJKP „Rad“ kroz sedmične evaluacije postigli su visok nivo usaglašenosti.
- **Preventivno djelovanje:** Ovakav sistem rada omogućio je promptno lociranje izazova na terenu i njihovo rješavanje prije nego što prerastu u komunalne probleme, što je direktno utjecalo na povećanje zadovoljstva građana stanjem javnih površina.
- **Usklađenost sa dinamikom:** Poslovi redovnog održavanja javnih površina tekli su uredno, blagovremeno i bez značajnijih odstupanja od utvrđenih dinamičkih planova.

2. Vanredne aktivnosti i proljetna akcija čišćenja

Pored redovnih aktivnosti, poseban fokus u ovom izvještajnom periodu bio je na sanaciji lokaliteta koji nisu obuhvaćeni programom redovnog održavanja.

U sklopu velike proljetne akcije čišćenja Kantona Sarajevo, koju je iniciralo i organizovalo *Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo*, 23. maja 2026. godine provedena je sveobuhvatna akcija na području općine Vogošća.

UČESNICI AKCIJE	FOKUS I REZULTATI
KJKP „Park“ d.o.o. Sarajevo	Čišćenje i uređenje površina van redovnog programa
KJKP „Rad“ d.o.o. Sarajevo	
Lokalne općinske službe	Detaljno mapiranje i uklanjanje divljih deponija
Općinski štab CZ Vogošća	Značajno ekološko unapređenje zapuštenih lokaliteta
Vatrogasno društvo „Vogošća“	

U izvještajnom periodu u cilju uređenja javnih zelenih površina, kao i održavanja komunalne higijene, Općina Vogošća putem Službe za investicije i komunalne poslove realizuje razne projekte, među kojima su:

→ Nabavka i podjela novih kompleta kanti za odvojeno prikupljanje otpada

U svrhu unapređenja sistema odvojenog prikupljanja otpada, Općina Vogošća je aplicirala prema Fondu za zaštitu okoliša Federacije BiH za obezbjeđenje finansijskih sredstava za realizaciju projekta nabavke kanti za selektivno prikupljanje otpada. Sa Fondom je zaključen Sporazum o dodjeli finansijskih sredstava (broj: 07-11-125/26) kojim su odobrena sufinansijska sredstva u iznosu od 40.000,00 KM.

Po obezbjeđenju finansijskih sredstava Služba je pokrenula javnu nabavku shodno Zakonom o javnim nabavkama BiH za odabir najpovoljnijeg ponuđača za traženu uslugu. Javnom nabavkom planirana je nabavka 949 kompleta kanti za odvojeno prikupljanje otpada (crna i žuta).

Nakon sprovedenog postupka javne nabavke, dana 28.04.2026. godine potpisan je ugovor sa najpovoljnijim ponuđačem „T&A Auto“ d.o.o. Visoko (broj ugovora: 07-11-151/26), a ukupna vrijednost ugovorene nabavke iznosi 87.750,00 KM. Sredstva u iznosu od 40.000,00 KM obezbijeđena su putem navedenog Sporazuma, a ostatak sredstava u iznosu od 47.750,00 KM obezbijeđena su u Budžetu Općine. Kompleti kanti isporučeni su u dogovorenom roku i iste se u koordinaciji sa KJKP „Rad“ d.o.o. Sarajevo dijele na terenu prema utvrđenoj dinamici.

U izvještajnom periodu kante za selektivni otpad podijeljene su u sljedećim ulicama:

- Hilme Krke – Donja Vogošća,
- Ahmeda Rizve,
- Gornja Jošanica I,
- Kobilja Glava,
- Blagovac i
- Rosulje.

Služba za investicije i komunalne poslove redovno prati Javne pozive za dodjelu finansijskih sredstava koja su neophodna prilikom realizacije projekata. U izvještajnom periodu Služba je aplicirala prema Fondu za zaštitu okoliša FBiH za nabavku novih kompleta kanti za odvojeno prikupljanje otpada na području općine Vogošća.

→ Uklanjanje kontejnerskih niša

Nakon podjele kanti za odvojeno prikupljanje otpada stekli su se uslovi da se uklone kontejnerske niše, koje i dalje predstavljaju lokaciju za nelegalno odlaganje otpada. Za poslove uklanjanja dotrajalih i nefunkcionalnih izgrađenih kontejnerskih niša na području općine, sklopljen je ugovor sa KJKP „Rad“ d.o.o. Sarajevo dana 06.05.2026. godine u iznosu od 6.998,94 KM. Radovi se izvode kontinuirano shodno realizaciji projekta podjele kanti za odvojeno prikupljanje otpada.

→ Uređenje obilježja (grba) općine Vogošća

Na raskrsnici ulica Jošanička i Omladinska u zelenoj površini nalazi se obilježje – grb općine Vogošća koji je urađen od malča i ukrasnog materijala. U cilju održavanja i uređenja grba, Služba za investicije i komunalne poslove pokrenula je Javnu nabavku za pružanje usluge uređenja obilježja općine Vogošća. Kao najpovoljniji ponuđač izabran je „Green Servis“ d.o.o. Sarajevo, sa ukupnom cijenom od 7.017,72 KM. Sa odabranim ponuđačem potpisan je ugovor, ali radovi nisu realizovani u 2025. godini. Radovi na uređenju grba općine Vogošća izvedeni su početkom građevinske sezone 2026. godine.

→ **Održavanje fontana na području općine Vogošća**

S ciljem održavanja fontane u centralnom dijelu općine Vogošća, dana 06.05.2026. godine potpisan je ugovor o održavanju, remontu i nabavci potrebnog materijala sa JU „Kulturno-sportski centar“ Vogošća. Vrijednost ugovora iznosi 5.756,40 KM, a održavanje fontane realizuje se u periodu od mjeseca maja do mjeseca oktobra 2026. godine i do sada su ispostavljena dva računa u iznosu od 2.158,65 KM.

→ **Krećenje i farbanje podhodnika, rukohvata i ograda na području općine Vogošća**

Za potrebe izvođenje radova na pripremi, krećenju i farbanju podhodnika, rukohvata i ograda na području općine Vogošća, nakon provedene procedure Javne nabavke sa najpovoljnijim ponuđačem firmom „Dado“ Breza, potpisan je ugovor u vrijednosti radova u iznosu od 7.020,00 KM. Shodno navedenom ugovoru izvršeno je krećenje podhodnika u ulici Tome Mendeša, kao i uklanjanje nelegalnih grafita na zgradama. Za izvedene radove ispostavljen je račun u iznosu od 7.020,00 KM.

→ **Montaža i demontaža svjetlećih dekorativnih elemenata povodom praznika, te postavljanje i skidanje zastava povodom značajnih datuma**

U mjesecu martu sa KJKP „Park“ d.o.o. Sarajevo sklopljen je ugovor za pružanje usluga montaže i demontaže svjetlećih dekorativnih elemenata povodom novogodišnjih i vjerskih praznika, kao i postavljanje i skidanje zastava povodom obilježavanja značajnih datuma u 2026. godini. Vrijednost ugovora iznosi 7.015,53 KM, a usluga se realizuje shodno potpisanom ugovorom.

→ **Baneri za obilježavanje značajnih datuma**

Služba za investicije i komunalne poslove pokrenula je proceduru Javne nabavke za nabavku banera za obilježavanje značajnih datuma na području općine Vogošća, a procijenjena vrijednost nabavke iznosi 10.000,00 KM. Po okončanju procedure Javne nabavke, od strane Općinskog načelnika potpisan je ugovor i isti je dostavljen izabranom ponuđaču „Euro Vez“ d.o.o. Tešanj na potpis. Međutim, ugovor nije potpisan od strane ponuđača uz obrazloženje da su cijene promijenjene i da im se ne isplati dolaziti u Vogošću da postavljaju banere kako je definisano ugovorom. Shodno tome, Javna nabavka je poništena jer je navedeni ponuđač jedini imao ispravnu tendersku dokumentaciju. Služba je uputila novi zahtjev za novu proceduru Javne nabavke, ali ista nije okončana u izvještajnom periodu.

→ **Hvatanja, zbrinjavanja, kastracije, sterilizacije, liječenja, udomljavanja i eutanazije pasa lutilica sa područja općine Vogošća**

U cilju zaštite stanovništva od pojave velikog broja pasa lutilica na području općine Vogošća, Služba je pokrenula proceduru Javne nabavke za hvatanja, zbrinjavanja, kastracije, sterilizacije, liječenja, udomljavanja i eutanazije pasa lutilica. Nakon provedene procedure dana 30.04.2026. godine potpisan je ugovor sa „Veterinarskom stanicom Novi Grad“ za pružanje tražene usluge, a vrijednost ugovora iznosi 9.900,34 KM. Također, Služba kontinuirano prijavljuje prisustvo pasa lutilica na području općine i Ministarstvu komunalne privrede, infrastrukture, prostornog uređenja, građenja i zaštite okoliša Kantona Sarajevo koji također imaju potpisan ugovor za hvatanje pasa lutilica na području svih općina Kantona.

→ **Nabavka, sadnja i postavljanje ukrasnih žardinjera na mostove**

U izvještajnom periodu Služba je pokrenula Javnu nabavku za pružanje usluge nabavke žardinjera sa odraslim sezonskim cvijećem i njihovog postavljanja na mostove na području općine Vogošća, a procijenjena vrijednost nabavke iznosi 10.647,00 KM. Procedura Javne nabavke je poništena iz razloga jer nije bilo pristiglih prijava/ponuda.

→ Izrada projektne dokumentacije hortikulturnog uređenja zelenih površina u ulici Vogošćanskih odreda

Služba je pokrenula Javnu nabavku za pružanje usluge projektovanja hortikulturnog uređenja u ulici Vogošćanskih odreda, a procijenjena vrijednost nabavke iznosi 6.950,00 KM. Postupak javne nabavke za izradu idejnog i izvedbenog projekta hortikulturnog uređenja zelenih površina u ulici Vogošćanskih odreda je ponovo pokrenut, nakon što su u prethodnom postupku pristigle dvije identične ponude.

→ Hortikulturno uređenje kružnih tokova i ozelenjavanje urbanog centra Vogošće

U okviru planiranih aktivnosti na estetskom i ekološkom uređenju javnih i zelenih površina, pokrenuta je realizacija projekta hortikulturnog uređenja kružnih tokova i ozelenjavanja urbanog centra Vogošće. Finansijska sredstva obezbijeđena su po Javnom pozivu Fonda za zaštitu okoliša Federacije BiH, s kojim je 14.01.2026. godine potpisan Sporazum o dodjeli finansijskih sredstava u iznosu od 36.600,00 KM, a preostala potrebna sredstva u iznosu od 24.462,30 KM osigurala je Općina Vogošća iz vlastitog Budžeta.

Nakon provedene procedure Javne nabavke, dana 12.06.2026. godine zaključen je Ugovor za izvođenje radova s firmom „Green Servis“ d.o.o. Sarajevo u ukupnoj vrijednosti od 61.062,30 KM.

Za stručni nadzor nad izvođenjem radova angažovan je Zavod za izgradnju Kantona Sarajevo. Sa imenovanjem i uvođenjem nadzornog organa stvoreni su svi preduvjeti za početak aktivnosti na terenu, te se zvanični početak izvođenja radova na uređenju i ozelenjavanju urbanog centra i kružnih tokova u naselju Krivoglavci i Svrake očekuje.

X. ZAUZIMANJE JAVNIH POVRŠINA

Služba za investicije i komunalne poslove provodi aktivnosti na izdavanju Rješenja za zauzimanje javne površine na području općine Vogošća. Služba izdaje Rješenja za zauzimanje javne površine za potrebe postavljanja ljetne/otvorene, odnosno zimske/zatvorene bašte uz ugostiteljske objekte, postavljanje stalaka za izlaganje i prodaju robe uz trgovačke radnje, postavljanje rashladnih uređaja za prodaju sokova i sladoleda uz postojeće kioske, postavljanje pokretnih tezgi povodom praznika za prodaju cvijeća i drugih prigodnih poklona, postavljanje izložbenih i prodajnih stolova, postavljanja info pultova u svrhu provođenja uličnih akcija i prikupljanja potpisa građana, info pultova u okviru provođenja predizborne kampanje, provođenja humanitarnih akcija.

U izvještajnom periodu za zakup javne površine zaprimljena su 33 zahtjeva, od kojih je 22 riješeno pozitivno. Od toga je 5 zahtjeva humanitarnog karaktera i kao takvi su oslobođeni plaćanja shodno Odluci o privremenom korištenju javnih površina („Službene novine Kantona Sarajevo”, broj: 7/06).

Na osnovu pravosnažnih Rješenja izdata su 26 računa za zakup javnih površina u ukupnom iznosu od 14.957,28 KM. Ostvareni prihodi na osnovu izdatih računa iznose 14.537,25 KM, a iznos od 420,03 KM u izvještajnom periodu nije proknjižen.

XI. PROJEKTOVANJE, REVIZIJA I NADZOR PROJEKTA

PROJEKTOVANJE U OBLASTI SAOBRAĆAJNICA

Služba za investicije i komunalne poslove konstanto vodi aktivnosti na pripremi projektne dokumentacije u cilju pripreme projekata za realizaciju, ali i u cilju stvaranja uslova za apliciranje višim nivoima vlasti za sufinansiranje.

Pojedine najznačajnije aktivnosti opisane su u projektima po oblastima za koje su vezane, te se u ovom dijelu Izvještaja neće tretirati.

1. Rekonstrukcija saobraćajnice u ulici Uglješići

Planirana je rekonstrukcija postojeće saobraćajnice u ulici Uglješići, gdje je trenutno na polovini trase asfaltirana saobraćajnica prosječne širine 3,5 m, a na drugoj polovini je makadam iste širine. Rekonstrukcija podrazumijeva izvođenje saobraćajnice u skladu sa RP-om Uglješići A–faza kojim je predviđena saobraćajnica sa dvije kolovozne trake širine 6 m i obostranim pješačkim stazama.

Ukupna dužina obuhvata je cca 800 m, od mosta na rijeci Vogošći kod SŠC-a Vogošća do spoja sa ulicom Braće Planja. Ova saobraćajnica predstavlja adekvatnu alternativu za ulicu Jošanička čijom izgradnjom bi se veliki dio saobraćaja iz Jošaničke mogao preusmjeriti na istu. Preko ulice Braće Planja ova saobraćajnica se na istočnoj strani povezuje na I

transferzalu, a na zapadnoj strani RP-om Donja Jošanica A-faza predviđena je veza na M18 na Vogošćanskoj petlji. Ova trasa je generalna alternativa i za najopterećeniji dio magistralne ceste M18 kroz centralni dio Vogošće.

Predviđena je zamjena kolovozne konstrukcije, izrada drenaže i oborinskog kolektora, ugradnja ivičnjaka i slivnika za odvodnju, izrada asfaltnih slojeva, postavljanje javne rasvjete, hortikulturno uređenje (sadnja drveća, postavljanje klupa i drugo) i izrada saobraćajne signalizacije. Procijenjena vrijednost planiranih radova iznosi 1.200.000,00 KM.

Obzirom da prema važećoj prostorno-planskoj dokumentaciji, odnosno Regulacionom planu, trasa planirane saobraćajnice zahvata dijelove privatnih parcela, za realizaciju predmetnog projekta neophodno je provesti postupak eksproprijacije zemljišta u skladu s važećim zakonskim propisima. U cilju pokretanja navedene procedure, Služba je prethodno izradila projektni zadatak, na osnovu kojeg je proveden postupak javne nabavke za izbor izvršioca geodetskih usluga. Nakon okončanja postupka javne nabavke izvršen je odabir najpovoljnijeg ponuđača, te je zaključen ugovor o pružanju geodetskih usluga. U skladu s ugovornim obavezama pokrenute su aktivnosti na izradi elaborata eksproprijacije, koji predstavlja osnovni dokument za identifikaciju nekretnina obuhvaćenih eksproprijacijom, utvrđivanje površina koje je potrebno izuzeti, te provođenje daljnjih aktivnosti u postupku eksproprijacije. Vrijednost ugovorenih geodetskih usluga iznosi 3.580,00 KM sa uračunatim PDV-om.

Nakon završetka izrade elaborata, isti će biti dostavljen nadležnoj službi radi pokretanja i provođenja postupka eksproprijacije, odnosno poduzimanja svih daljnjih aktivnosti potrebnih za rješavanje imovinsko-pravnih odnosa i stvaranje uslova za realizaciju planirane saobraćajnice.

2. Rekonstrukcija saobraćajnice Krivoglavci – Svrake

Na osnovu zaključenog ugovora iz prethodnih godina, Općina Vogošća je pribavila Glavni projekat rekonstrukcije saobraćajnice u ulici Krivoglavci I i dijela ulice Svrake IV u dužini od cca 1.600 m. Podnesen je zahtjev i dobijena je urbanistička saglasnost od strane nadležne službe i vođene su aktivnosti na pribavljanju potrebnih saglasnosti i rješavanju imovinsko pravnih odnosa. Za jedan dio projekta pribavljene su saglasnosti, dok za određeni dio projekta JP Autoceste FBiH nisu dali saglasnost. U skladu s tim, za dio projekta za koji nije dobijena saglasnost ugovorena je novelacija i isporučena je prva verzija noveliranog dijela projekta. Ponovo je zatražena saglasnost JP Autoceste FBiH i dalje aktivnosti će se poduzimati na osnovu odgovora koji se očekuje od strane JP Autoceste FBiH. Također, vođene su aktivnosti na reviziji izrađenog osnovnog Glavnog projekta, kao i noveliranog dijela projekta.

3. Izrada projektne dokumentacije za izgradnju, sanaciju i rekonstrukciju lokalnih i nekategorisanih cesta i pješačkih staza

Krajem 2025. godine pokrenuto je nekoliko javnih nabavki za izbor najpovoljnijih ponuđača usluga za izradu projektne dokumentacije na izgradnji, sanaciji i rekonstrukciji lokalnih i nekategorisanih cesta i pješačkih staza na području općine Vogošća. Javne nabavke su pokrenute nakon okončanja postupka raskida prethodno potpisanog Okvirnog sporazuma koji je bio osnova za izradu projektne dokumentacije prema Programu prioriternih projekata.

U nastavku su navedeni pokrenuti postupci sa stanjem u toku i na kraju izvještajnog perioda:

- Glavni projekat izgradnje potpornog zida (AB zida) u ulici Nova cesta kod broja 42 i Glavni projekat sanacije saobraćajnice (asfaltiranje) sa izgradnjom potpornog zida (AB zida) u ulici Tihovići kod broja 25. Konkursna procedura je okončana, donesena je Odluka o izboru najpovoljnijeg ponuđača usluge za izradu projektne dokumentacije i početkom 2026. godine zaključen je ugovor sa najpovoljnijim ponuđačem u vrijednosti od 9.945,00 KM. Isporučene su prve verzije Glavnih projekata, dobijena je urbanistička saglasnost i pokrenute su aktivnosti na prikupljanju potrebnih saglasnosti koje se definisane urbanističko tehničkim zahtjevima.
- Glavni projekat izgradnje dijela saobraćajnice sa izgradnjom potpornih (AB zidova) u ulici Muje Šejte kod broja 71 (u skladu sa Regulacionim planom „Ugorsko – Menjak“ B faza) u dužini cca 250 m i Idejni projekat pristupnog puta za mezarje „Grahovište“ (trasiranje puta) u dužini cca 670 m. Konkursna procedura je okončana, donesena je Odluka o izboru najpovoljnijeg ponuđača usluge za izradu projektne dokumentacije i početkom 2026. godine zaključen je ugovor sa najpovoljnijim ponuđačem u vrijednosti od 11.425,05 KM. U izvještajnom periodu ispušten je Idejni projekat pristupnog puta za mezarje „Grahovište“ (trasiranje puta) u dužini cca 670 m i realizovana su sredstva u iznosu od 7.447,05 KM. Izrada projektne dokumentacije za ulicu Muje Šejte je obustavljena zbog dobijanja potrebne saglasnosti nadležnog ministarstva za geološko-geomehanička istraživanja terena u predjelu dionice gdje je evidentirano klizanje tla. Dobijena je urbanistička saglasnost na idejnu trasu saobraćajnice u ulici Muje Šejte, te dalje aktivnosti će se poduzimati nakon izrade Elaborata o inženjersko-geološkim karakteristikama tla, koji je osnova za nastavak izrade projektne dokumentacije za predmetni projekat.
- Glavni projekat sanacije kraka puta sa pripadajućim dodatnim krakovima (asfaltiranje) u ulici Mitra Šućura od broja 168 do broja 242 u dužini od cca 560 m i Glavni projekat sanacije kraka saobraćajnice (asfaltiranje) u ulici Donja Jošanica I od broja 43 do broja 57 u dužini od cca 270 m. Konkursna procedura je okončana, donesena je

Odluka o izboru najpovoljnijeg ponuđača usluge za izradu projektne dokumentacije i početkom 2026. godine zaključen je ugovor sa najpovoljnijim ponuđačem u vrijednosti od 7.768,80 KM. Isporučene su prve verzije Glavnih projekata i isti su pregledani od strane stručnih lica Službe za investicije i komunalne poslove. Date su primjedbe na dostavljene Glavne projekte i u toku su ispravke od strane projektanta, nakon čega se očekuje isporuka konačnih verzija Glavnih projekata.

U izvještajnom periodu realizovan je dio ugovorenih usluga u iznosu od 1.263,60 KM.

- Glavni projekat sanacije saobraćajnice u ulici Donja Vogošća u dužini cca 1.500 m i Glavni projekat izgradnje pješačke staze koja spaja ulice Izeta Delića i Omladinska u dužini cca 200 m. Konkursna procedura je okončana, donesena je Odluka o izboru najpovoljnijeg ponuđača usluge za izradu projektne dokumentacije i početkom 2026. godine zaključen je ugovor sa najpovoljnijim ponuđačem u vrijednosti od 10.398,96 KM. Isporučene su prve verzije Glavnih projekata i isti su pregledani od strane stručnih lica Službe za investicije i komunalne poslove. Date su primjedbe na dostavljene Glavne projekte i zatražene su ispravke od strane projektanta, nakon čega se očekuje isporuka konačnih verzija Glavnih projekata. Također, uz dostavljene Glavne projekte isporučena su i tehnička rješenja za izgradnju i rekonstrukciju javne rasvjete za predmetne obuhvate. Tehnička rješenja su poslana na saglasnost nadležnom ministarstvu.

U izvještajnom periodu i prema Planu javnih nabavki Općine Vogošća za 2026. godinu pokrenute su javne nabavke i za sljedeće projekte:

- Glavni projekat sanacije saobraćajnice u ulici Menjak u dužini cca 850 m. Konkursna procedura je okončana, donesena je Odluka o izboru najpovoljnijeg ponuđača usluge za izradu projektne dokumentacije i u izvještajnom periodu zaključen je ugovor sa najpovoljnijim ponuđačem u vrijednosti od 6.862,05 KM. Isporučena je prva verzija Glavnog projekta, nakon čega slijede aktivnosti na pregledu projekta od strane stručnih lica Službe za investicije i komunalne poslove i eventualne korekcije prije isporuke konačnog rješenja.
- Glavni projekat saobraćajnice u ulici Blagovac II sa pripadajućim krakovima u ukupnoj dužini cca 1760 m. Konkursna procedura je okončana, donesena je Odluka o izboru najpovoljnijeg ponuđača usluge za izradu projektne dokumentacije i u izvještajnom periodu zaključen je ugovor sa najpovoljnijim ponuđačem u vrijednosti od 8.648,64 KM. Pokrenute su aktivnosti na izradi projektne dokumentacije od strane izabranog projektanta.
- Glavni projekat sanacije i na dijelu rekonstrukcije saobraćajnice u ulici Blagovac I u ukupnoj dužini cca 2170 m. Konkursna procedura je okončana, donesena je Odluka o izboru najpovoljnijeg ponuđača usluge za izradu projektne dokumentacije i u izvještajnom periodu zaključen je ugovor sa najpovoljnijim ponuđačem u vrijednosti od 9.939,79 KM. Pokrenute su aktivnosti na izradi projektne dokumentacije od strane izabranog projektanta.
- Glavni projekat sanacije puta prema naselju Vrapče u dužini cca 3000 m. Za predmetni projekat Općina Vogošća je potpisala Ugovor o finansiranju sa Federalnim ministarstvom prometa i komunikacija u maksimalnom iznosu od 20.000,00 KM, budući da je u postupku istraživanja tržišta procijenjena vrijednost javne nabavke bila u iznosu od 28.000,00 KM. U međuvremenu, procedura javne nabavke je okončana i donesena je Odluka o izboru najpovoljnijeg ponuđača usluge za izradu projektne dokumentacije, te je u izvještajnom periodu zaključen ugovor sa najpovoljnijim ponuđačem u ukupnoj vrijednosti od 10.951,20 KM. Pokrenute su aktivnosti na izradi projektne dokumentacije od strane izabranog projektanta.
- Pokrenute su i aktivnosti na reviziji i usaglašavanju projektnog zadatka za izradu Glavnog projekta rekonstrukcije saobraćajnice i mosta u ulici Stara željeznička stanica. Kašnjenje u izradi konačne verzije projektnog zadatka dogodilo se zbog postojećeg mosta na rijeci Ljubina i dobijanja podataka od strane Kantonalnog zavoda za zaštitu kulturno-historijskog i prirodnog naslijeđa Sarajevo o tome da li se predmetni most nalazi na evidentiranoj listi dobra baštine Zavoda. U prethodnom periodu smo zaprimili odgovor od strane Zavoda i u istom je potvrđeno da je most na rijeci Ljubina u ulici Stara željeznička stanica evidentirano dobro baštine i na listi je Zavoda. U skladu s tim poduzimat će se dalje aktivnosti na izradi konačnog projektnog zadatka za rekonstrukciju saobraćajnice u ulici Stara željeznička stanica.

4. Projekat rekonstrukcije stepenica i pješačkih staza u ulici Tome Mendeša

U skladu s Programom prioriternih projekata iz oblasti putne i komunalne infrastrukture, u okviru planiranih aktivnosti iz oblasti projektovanja predviđena je izrada projektne dokumentacije za rekonstrukciju stepenica i pješačkih staza u ulici Tome Mendeša.

U cilju realizacije navedenog projekta, nadležna služba provela je sve neophodne aktivnosti na pripremi projektnog zadatka, izvršila prikupljanje potrebnih podataka i pripremila kompletnu dokumentaciju za pokretanje postupka javne nabavke.

Nakon uspješno provedenog postupka javne nabavke izvršen je izbor najpovoljnijeg ponuđača za izradu projektne dokumentacije. Krajem mjeseca juna pokrenuta je procedura zaključenja ugovora, nakon čega će uslijediti uvođenje projektanta u posao i otpočinjanje izrade glavnog projekta.

U prethodnom periodu izrađeno je Idejno rješenje kojim je definisan prijedlog rasporeda stepenica ispod pothodnika, kao i položaj pješačkih rampi, s ciljem obezbjeđenja funkcionalnog i sigurnog pješačkog saobraćaja. Na osnovu usvojenog Idejnog rješenja ishodovana je urbanistička saglasnost, kojom su utvrđeni urbanističko-tehnički uslovi i smjernice za izradu glavnog projekta.

Vrijednost ugovora za izradu projektne dokumentacije iznosi 8.728,20 KM sa uračunatim PDV-om.

5. Glavni projekat rekonstrukcije ulice Ramiza Alića i dijela ulice Mitra Šućura

U skladu sa Programom prioriternih projekata iz oblasti putne i komunalne infrastrukture, u okviru planiranih aktivnosti iz oblasti projektovanja, predviđena je izrada Glavnog projekta rekonstrukcije ulice Ramiza Alića u dužini od približno 670 m, kao i dijela ulice Mitra Šućura u dužini od približno 110 m.

Služba je provela postupak pripreme projektnog zadatka i izvršila sve potrebne radnje na pripremi dokumentacije za pokretanje postupka javne nabavke.

Nakon provedenog postupka javne nabavke, izvršen je izbor najpovoljnije projektantske kuće za izradu predmetnog projekta. U proteklom periodu izvršena je izrada Glavnog projekta, koji je nakon završetka svih aktivnosti dostavljen. Izvršena je i revizija projektne dokumentacije.

Izrada predmetnog projekta predstavlja značajan korak ka realizaciji planirane rekonstrukcije predmetnih saobraćajnica i stvaranju uslova za pokretanje narednih faza realizacije projekta.

*Ukupna vrijednost ugovorenih i realizovanih usluga izrade projektne dokumentacije iznosi: **4.029,08 KM.***

6. Izvedbeni projekti mostova preko rijeke Ljubine i Jošaničkog potoka

Izvedbeni projekat mosta preko rijeke Ljubine

Služba za urbanizam i prostorno planiranje Općine Vogošća donijela je Zaključak broj: 05-19-2843/22 od 29.01.2026. godine kojim se prekida postupak pokrenut po zahtjevu Službe za investicije i komunalne poslove Općine Vogošća za izdavanje urbanističke saglasnosti za izgradnju predmetnog mosta, sa uređenjem dijela korita u dužini od 25,00 m na obje strane obale, uzvodno i nizvodno od osovine mosta, u naselju Ljubina. U obrazloženju navedenog akta konstatovano je da, uprkos proteku dužeg vremenskog perioda i upućenim pozivima na dopunu dokumentacije, nije dostavljena saglasnost JP Ceste Federacije BiH na idejno rješenje, te samim tim nisu ispunjeni uslovi za nastavak postupka izdavanja urbanističke saglasnosti. Uslov za ishodovanje saglasnosti JP Ceste Federacije BiH je prethodno ishodovana urbanistička saglasnost ili zahtjev nadležne Službe za urbanizam i prostorno uređenje u postupku ishodovanja iste (kao u ovom slučaju). Iz navedenih razloga predmetni postupak je obustavljen do dostavljanja traženih saglasnosti.

S obzirom da nismo uspjeli ishodovati potrebne saglasnosti, a time ni urbanističku saglasnost, zatražili smo od projektanta da nam, u skladu sa zaključenim ugovorom, isporuče ugovoren broj primjeraka izvedbenog projekta, kako bi se ispunile i okončale obaveze po ugovoru.

Izvedbeni projekat mosta preko Jošaničkog potoka

U izvještajnom periodu Služba za investicije i komunalne poslove podnijela je zahtjev za izdavanje nove urbanističke saglasnosti za izgradnju mosta preko Jošaničkog potoka u ulici Gornja Jošanica u Vogošći, s obzirom da je prethodno izdata urbanistička saglasnost istekla.

U proteklom periodu vršena je koordinacija između projektanta i revidenta na usaglašavanju projektne dokumentacije. Nakon dostavljanja korigovanih knjiga projekta od strane projektanta, iste se proslijeđuju revidentu na pregled i davanje mišljenja. U izvještajnom periodu revident je konačno dao pozitivno mišljenje na dio dokumentacije.

U narednom periodu, nakon izdavanja urbanističke saglasnosti pokrenut će se aktivnosti na ishodovanju potrebnih saglasnosti i odobrenja za ishodovanje odobrenja za građenje, odnosno za nastavak realizacije projekta.

7. Novelacija Glavnog projekta rekonstrukcije puta u ulici Gornja Jošanica I

Služba za investicije i komunalne poslove u izvještajnom periodu izradila je projektni zadatak za izradu Glavnog projekta rekonstrukcije i proširenja ulice Gornja Jošanica I (L080092) u dužini od cca 1.500 m, odnosno za novelaciju ranije

isporučenog rješenja. Projekat obuhvata proširenje saobraćajnice, izgradnju pješačkih staza, hortikulturno uređenje i postavljanje urbanog mobilijara, a izrađuje se na osnovu idejnog rješenja iz 2019. godine.

Trasa je podijeljena na tri dionice, od raskrsnice sa ulicom Vogošćanskih odreda do izletišta, uz uklapanje u postojeću saobraćajnu infrastrukturu. U prethodnom periodu završeni su radovi na uređenju korita Jošaničkog potoka i izgradnji separate kanalizacije, dok je planirana rekonstrukcija vodovodne mreže.

Na osnovu istraživanja tržišta utvrđena je procijenjena vrijednost usluge u iznosu od 9.360,00 KM sa PDV-om. Zahtjev za pokretanje postupka javne nabavke proslijeđen je nadležnoj službi na dalje postupanje.

8. Glavni projekat izgradnje pješačkih staza uz M18

U proteklom periodu ishodovan je Glavni projekat izgradnje pješačkih staza (trotoara) na dvije dionice uz magistralni put M18 u ukupnoj dužini od 1.520,00 m na području općine Vogošća. Isti je proslijeđen je na usaglašavanje JP Ceste Federacije BiH koje je dostavilo primjedbe, smjernice i obavezujuće upute koje je potrebno uvažiti kako bi ishodovali njihovu saglasnost za izgradnju pomenutih pješačkih staza.

Shodno uslovima u projektnom zadatku obratili smo se projektantu koji je dužan postupiti po dostavljenim uputama i zahtjevima upravitelja JP Ceste F BiH, te izvršiti potrebne korekcije, dopune i usklađivanje projektne dokumentacije u skladu sa navedenim primjedbama u procesu prikupljanja saglasnosti od javnih komunalnih preduzeća.

U vrijeme sačinjavanja ovog izvještaja od projektanta nismo dobili korigovanu varijantu projektne dokumentacije, što nam je neophodno kako bismo nastavili sa daljom procedurom ishodovanja potrebnih saglasnosti.

PROJEKTOVANJE U OBLASTI VODOSNABDIJEVANJA, ODVOĐENJA OBORINSKIH I OTPADNIH VODA I RIJEČNIH KORITA

Da bi se pristupilo izvođenju radova potrebno je obezbijediti što kvalitetniju projektnu dokumentaciju, na osnovu koje se ishoduju saglasnosti javnih preduzeća, kao i odobrenje za građenje. Također na osnovu urađene projektne dokumentacije aplicira se većim nivoima vlasti za finansijsku podršku prilikom realizacije istih.

1. Projektovanje sekundarne mreže gornjih zona naselja Krivoglavci i Svrake

Realizacijom Projekta vodosnabdijevanja gornjih zona naselja Krivoglavci i Svrake stvoreni su preduslovi za proširenje javne vodovodne mreže i priključenje novih korisnika na sistem javnog vodosnabdijevanja. Imajući u vidu da pitanje vodosnabdijevanja predstavlja jedan od najznačajnijih i dugogodišnjih infrastrukturnih problema na području navedenih naselja, Služba za investicije i komunalne poslove pokrenula je aktivnosti na izradi Glavnog projekta sekundarne vodovodne mreže za gornje zone naselja Krivoglavci i Svrake. Izrađena projektna dokumentacija trenutno se nalazi u fazi pribavljanja saglasnosti od strane krajnjeg korisnika, KJKP „Vodovod i kanalizacija“ d.o.o. Sarajevo, nakon čega će biti stvoreni uslovi za nastavak aktivnosti na realizaciji projekta i izgradnji sekundarne vodovodne mreže.

2. Projektovanje rekonstrukcije i izgradnje vodovodne mreže u ulici Mitra Šučura od broja 168 do broja 242

Tokom realizacije projekta rekonstrukcije vodovodne mreže u naselju Hotonj, krak vodovodne mreže u ulici Mitra Šučura, od broja 168 do broja 242, nije bio obuhvaćen predmetnim projektom. U skladu sa usvojenim Programom prioriternih projekata Općine Vogošća, Služba za investicije i komunalne poslove pokrenula je aktivnosti na izradi projektne dokumentacije za rekonstrukciju i izgradnju vodovodne mreže na navedenoj dionici. Glavni projekat je izrađen i ovjeren od strane KJKP „Vodovod i kanalizacija“ d.o.o. Sarajevo, čime su stvoreni uslovi za pokretanje daljnje procedure pribavljanja odobrenja za građenje i nastavak realizacije predmetnog projekta.

3. Projektovanje rekonstrukcije i izgradnje vodovodne mreže u dijelu ulice Blagovac II

U dijelu ulice Blagovac II, u naselju Blagovac, usljed izgradnje novih objekata individualnog stanovanja pojavila se potreba za proširenjem postojeće vodovodne mreže, odnosno stvaranjem uslova za priključenje novih korisnika na sistem javnog vodosnabdijevanja. U skladu sa usvojenim Programom prioriternih projekata Općine Vogošća, Služba za investicije i komunalne poslove pokrenula je aktivnosti na izradi projektne dokumentacije za rekonstrukciju i proširenje vodovodne mreže u predmetnom dijelu ulice. S obzirom na kompleksnost i obuhvat projektovanog rješenja vodovodne mreže u naselju Blagovac II, potrebno je pribaviti stručno mišljenje Zavoda za planiranje razvoja Kantona Sarajevo, nakon čega će projektna dokumentacija biti upućena krajnjem korisniku, KJKP „Vodovod i kanalizacija“ d.o.o. Sarajevo, radi pribavljanja potrebne saglasnosti. Nakon pribavljanja saglasnosti od strane krajnjeg korisnika, pristupit će se pokretanju postupka za ishodovanje odobrenja za građenje i realizaciji narednih aktivnosti u cilju stvaranja uslova za izgradnju predmetne vodovodne mreže.

4. Glavni projekat rekonstrukcije vodovodne mreže u ulici Stara kaldrma

Općina Vogošća je, putem Službe za investicije i komunalne poslove, provela aktivnosti na izradi projektne dokumentacije za realizaciju projekta „Rekonstrukcija vodovodne mreže u ulici Stara kaldrma“. Na Glavni projekat pribavljena je saglasnost KJKP „Vodovod i kanalizacija“ d.o.o. Sarajevo, čime su stvoreni uslovi za pribavljanje ostalih potrebnih saglasnosti i mišljenja nadležnih institucija, kao i za provođenje daljnjih procedura u cilju ishodovanja odobrenja za građenje. Nakon pribavljanja svih propisanih saglasnosti i ishodovanja odobrenja za građenje steći će se uslovi za pokretanje postupka javne nabavke za izbor izvođača radova, u skladu sa odredbama Zakona o javnim nabavkama Bosne i Hercegovine, te nastavak aktivnosti na realizaciji predmetnog projekta.

5. Projekat rekonstrukcije i izgradnje vodovodne mreže u ulicama Jasmina Džinde, 28. februara i Karavdića sokak

U skladu sa Programom prioriteta iz oblasti komunalne i putne infrastrukture, Služba za investicije i komunalne poslove pokrenula je aktivnosti na izradi projektne dokumentacije za rekonstrukciju i izgradnju vodovodne mreže u ulicama Jasmina Džinde, 28. februara i Karavdića sokak. S obzirom na funkcionalnu povezanost predmetne vodovodne mreže sa projektom rekonstrukcije vodovodne mreže u ulici Stara kaldrma, izradi projektne dokumentacije pristupljeno je nakon pribavljanja saglasnosti na Glavni projekat za ulicu Stara kaldrma. Glavni projekat je izrađen i dostavljen KJKP „Vodovod i kanalizacija“ d.o.o. Sarajevo radi pribavljanja saglasnosti. Nakon pribavljanja saglasnosti krajnjeg korisnika pristupit će se ishodovanju ostalih potrebnih saglasnosti i mišljenja, kao i provođenju postupka za izdavanje odobrenja za građenje, čime će se stvoriti uslovi za daljnju realizaciju projekta.

6. Projekat rekonstrukcije i izgradnje primarne i sekundarne vodovodne mreže sa priključcima u naselju Donja Vogošća

U naselju Donja Vogošća, usljed intenzivne stambene izgradnje i potrebe za stvaranjem uslova za priključenje novih korisnika na sistem javnog vodosnabdijevanja, ukazala se potreba za izgradnjom primarne i sekundarne vodovodne mreže sa pripadajućim kućnim priključcima, uz rekonstrukciju dijela postojeće vodovodne infrastrukture gdje je to neophodno. U skladu sa usvojenim Programom prioritetnih projekata Općine Vogošća, Služba za investicije i komunalne poslove pokrenula je aktivnosti na izradi projektne dokumentacije za izgradnju primarne i sekundarne vodovodne mreže sa pripadajućim kućnim priključcima u naselju Donja Vogošća. S obzirom na kompleksnost i obuhvat projektovanog rješenja, potrebno je pribaviti stručno mišljenje Zavoda za planiranje razvoja Kantona Sarajevo, nakon čega će projektna dokumentacija biti upućena krajnjem korisniku, KJKP „Vodovod i kanalizacija“ d.o.o. Sarajevo, radi pribavljanja potrebne saglasnosti. Nakon pribavljanja saglasnosti od strane krajnjeg korisnika pristupit će se daljnjoj proceduri u svrhu ishodovanja odobrenja za građenje i provođenju daljnjih aktivnosti neophodnih za stvaranje uslova za realizaciju predmetnog projekta.

7. Projekat rekonstrukcije i izgradnje vodovodne mreže u dijelu ulice Ugorsko II na području općine Vogošća

U dijelu ulice Ugorsko II planirana je rekonstrukcija postojeće vodovodne mreže, uz izgradnju novih dionica gdje je to neophodno, s ciljem unapređenja sistema javnog vodosnabdijevanja, povećanja pouzdanosti isporuke vode i stvaranja uslova za kvalitetnije snabdijevanje postojećih i budućih korisnika. U skladu sa usvojenim Programom prioritetnih projekata Općine Vogošća, Služba za investicije i komunalne poslove pokrenula je aktivnosti na izradi projektne dokumentacije za rekonstrukciju i izgradnju vodovodne mreže u predmetnom dijelu ulice. Po završetku izrade, projektna dokumentacija bit će upućena krajnjem korisniku, KJKP „Vodovod i kanalizacija“ d.o.o. Sarajevo, radi pribavljanja potrebne saglasnosti. Nakon pribavljanja saglasnosti od strane krajnjeg korisnika pristupit će se provođenju daljnjih procedura u cilju ishodovanja odobrenja za građenje i realizaciji ostalih aktivnosti neophodnih za stvaranje uslova za realizaciju predmetnog projekta.

8. Projektovanje separate kanalizacione mreže dijela naselja Vranjak

Na osnovu Okvirnog sporazuma o uslovima i načinu pružanja usluge izrade idejnih i glavnih projekata za rekonstrukciju i izgradnju kanalizacione mreže na području općine Vogošća za period 2022. – 2024. godina, dana 22.02.2024. godine,

potpisan je Ugovor o pružanju usluge izrade Glavnog projekta separatne kanalizacione mreže dijela naselja Vranjak i izrada geološko-geomehaničkog elaborata za navedeni obuhvat, u vrijednosti od 2.667,60 KM.

Do sada su provedene sljedeće aktivnosti:

- Dobila se prethodna vodna saglasnost od Ministarstva privrede Kantona Sarajevo i pozitivno mišljenje Zavoda za planiranje razvoja Kantona Sarajevo;
- Izdata urbanistička saglasnost;
- Izvršen obilazak terena u svrhu pribavljanja saglasnosti vlasnika parcela kojima prolazi projektovana kanalizaciona mreža 16.07.2025. godine;
- U postupku pribavljanje saglasnosti nadležnih preduzeća, imaoca instalacija u svrhu izdavanja građevinske dozvole.

9. Projektovanje separatne kanalizacione mreže naselja Krč i Gora

Na osnovu Okvirnog sporazuma o uslovima i načinu pružanja usluge izrade idejnih i glavnih projekata za rekonstrukciju i izgradnju kanalizacione mreže na području općine Vogošća za period 2022. – 2024. godine, dana 23.02.2024. godine, potpisan je Ugovor o pružanju usluge izrade Glavnog projekta separatne kanalizacione mreže ulica Krč i Gora i izrada geološko-geomehaničkog elaborata za navedeni obuhvat, u vrijednosti od 13.384,80 KM.

Potrebno je bilo da se koriguje projektna dokumentacija jer nismo dobili pozitivno mišljenje Zavoda za planiranje na istu:

- Održan sastanak sa projektantom, te date upute;
- Dobivena saglasnost Zavoda za planiranje razvoja Kantona Sarajevo na ispravljenu projektnu dokumentaciju;
- Projektna dokumentacija poslana Ministarstvu privrede Kantona Sarajevo kako bi se dobila prethodna vodna saglasnost;
- Predat zahtjev prema Službi za urbanizam i prostorno planiranje za izdavanje urbanističke saglasnosti.

Od Ministarstva privrede Kantona Sarajevo tražena dopuna za izdavanje prethodne vodne saglasnosti. Poslana dopuna prema Ministarstvu privrede Kantona Sarajevo, čeka se odgovor.

10. Izrada Idejnog projekta izgradnje separatne kanalizacione mreže za dio naselja Orahov brijeg koji gravitira prema M18

Na osnovu Okvirnog sporazuma za projektovanje separatne kanalizacione mreže na području općine Vogošća, dana 03.02.2025. godine sklopljen je Ugovor za izradu Idejnog projekta izgradnje separatne kanalizacione mreže naselja Orahov brijeg koji gravitira prema M18 u iznosu od 1.550,25 KM.

Idejni projekat je dostavljen i poslan nadležnom preduzeću KJKP „Vodovod i kanalizacija“ d.o.o. Sarajevo na saglasnost.

Nakon uputa od strane nadležnog preduzeća dokumentacija je proslijeđena projektantu na ispravku po istim. Ispravke su u toku.

11. Projektovanje separatne kanalizacione mreže za ulicu Blagovac I

Na osnovu Okvirnog sporazuma za projektovanje separatne kanalizacione mreže na području općine Vogošća, dana 03.02.2025. godine sklopljen je Ugovor za izradu Idejnog projekta izgradnje separatne kanalizacione mreže za ulicu Blagovac I u iznosu od **1.550,25 KM**. Izrađen projektni zadatak, izvršen obilazak trase sa projektantom, sklopljen pojedinačni ugovor na osnovu Okvirnog sporazuma. Dostavljeno od strane investitora sve potrebno za isto. Od strane projektanta dostavljena prva varijanta, izvršen pregled iste, te date upute za dopunu trase. Trasa je dopunjena prema uputama i dostavljen idejni projekat od strane projektanta koji će dalje biti upućen na saglasnosti nadležnim preduzećima. Ugovoriti će se i izrada Glavnog projekta putem istog Okvirnog sporazuma.

12. Izrada Elaborata čišćenja korita rijeke Vogošće na području općine Vogošća

Za potrebe izvođenja radova na uređenju obale i korita rijeke Vogošće, na dionici od mosta na magistralnoj cesti M-18, nizvodno do ušća u rijeku Bosnu u dužini od cca 3 km potrebno je uraditi projektnu dokumentaciju kojom će se sagledati potrebe. Početkom godine Služba je pokrenula neophodne aktivnost na izradi Elaborata čišćenja korita rijeke Vogošće.

Nakon provedenog postupka Javne nabavke sa izabranom projektantskom kućom „HKP Consulting“ d.o.o. Banja Luka, potpisan je ugovor, a vrijednost usluge 4.563,00 KM. Urađena projektna dokumentacija ispostavljena je u mjesecu junu čime je uspješno okončan ugovor u iznosu od **4.563,00 KM**.

PROJEKTOVANJE U OBLASTI RAVNIH PLOHA

Služba za investicije i komunalne poslove konstanto vodi aktivnosti na pripremi projektne dokumentacije u cilju pripreme projekata za realizaciju, ali i u cilju stvaranja uslova za apliciranje višim nivoima vlasti za sufinansiranje.

U skladu sa Programom prioritetnih projekata iz oblasti komunalne infrastrukture, ali i na osnovu zahtjeva Općinskog vijeća i građana, pokrenute su brojne aktivnosti na pripremi projektne dokumentacije za rekonstrukciju određenog broja ravnih ploha koja će u značajnoj mjeri poboljšati uslove korištenja istih.

U nastavku su navedene i ukratno opisane najznačajnije aktivnosti.

1. Izrada glavnog projekta sanacije pasarela na Kobiljoj Glavi i Barici – Hotonj

Obje pasarele se nalaze iznad magistralnog puta M18 koji je u nadležnosti JP Ceste FBiH. Obzirom da su obje pasarele u veoma lošem stanju, Služba za investicije i komunalne poslove obratila se pomenutom preduzeću za mišljenje u smislu nadležnosti za sanaciju pasarela, na šta smo dobili odgovor da JP Ceste FBiH održavaju samo kolovoz, te da je Općina dužna izvršiti pomenute sanacije.

U prethodnom periodu iz sigurnosnih razloga zbog veoma lošeg stanja pasarele na lokaciji Hotonj, Inspektorat Općine Vogošća obustavio je njeno korištenje. S obzirom da je i pasarela na Kobiljoj Glavi također u lošem stanju Služba je pokrenula aktivnosti na pribavljanju projektne dokumentacije za sanaciju pasarela na obje lokacije. Postupak javne nabavke za odabir projektanta je realizovan, te je ugovorena usluga izrade Glavnog projekta sanacije pasarela iznad magistralnog puta M18 u naseljima Hotonj i Kobilja Glava. Potom je po pomenutom ugovoru i u zahtijevanom roku projektant dostavio projekat na pregled i usaglašavanje, što je također završeno. Projektantu su dostavljene primjedbe i prijedlozi za određene korekcije, a sve u svrhu ishodovanja najpovoljnijeg i dugotrajnijeg rješenja predmetnog problema.

U izvještajnom periodu, na osnovu ispostavljene projektne dokumentacije ishodovane su i urbanističke saglasnosti za obje pasarele. Konačna verzija projektne dokumentacije proslijeđena je na reviziju, kao i na izradu Elaborata zaštite na radu i Elaborata zaštite od požara, što je obaveza definisana uslovima iz urbanističkih saglasnosti.

Krajem izvještajnog perioda vođene su aktivnosti na ishodovanju potrebnih saglasnosti od javnih komunalnih preduzeća, gdje je otežavajuća okolnost što se trolni vodovi nalaze ispod pasarele i za koje dodatno moramo ishodovati saglasnosti, pored saglasnosti koje su definisane urbanističkom dozvolom (od JP Ceste Federacije BiH i Ministarstvo saobraćaja KS). Po ishodovanju pomenutih saglasnosti, Služba će podnijeti zahtjev za izdavanje građevinske dozvole za izvođenje radova na sanaciji pasarele. Nakon ishodovanja građevinske dozvole, steći će se uslovi za početak izvođenja radova.

S obzirom da dinamika postupka izdavanja saglasnosti i odobrenja za građenje nije u nadležnosti Službe za investicije i komunalne poslove, nismo u mogućnosti precizno odrediti termin početka izvođenja radova, niti tačan rok završetka sanacije. Po završetku svih zakonom propisanih procedura pristupiti će se realizaciji projekta u najkraćem mogućem roku.

*Ukupna vrijednost izrade Glavnog projekta sanacije pasarela koji je i realizovan u izvještajnom periodu iznosi **9.360,00 KM**.*

2. Izrada glavnog projekta rekonstrukcije fontane i uređenja parka penzionera

S obzirom na lokaciju fontane koja se nalazi u samom centru općine Vogošće, na sadržaj oko iste („Spomenik žrtvama logora Vogošća“ i „Spomenik civilnim žrtvama rata“), kao i na njenu dotrajalost, Služba za investicije i komunalne poslove je na osnovu prethodno pribavljenog Idejnog rješenja pristupila izradi projektnog zadatka za izradu projektne dokumentacije za rekonstrukciju fontane i uređenja parka penzionera.

Projektnim zadatkom je predviđena rekonstrukcija fontane u smislu da će se izvoditi kao ravna ploha u obliku kruga. Mlaznice vode će biti postavljene u radijusu kruga u visini poda, dok se visina skoka vode povećava sa vanjske ka unutrašnjoj strani. Oko fontane je planiran pojas za komunikaciju dok je oko komunikacijskog pojasa predviđena kružna klupa. Predviđena je i sanacija postojećih pješačkih staza, zamjena kanti za smeće i klupa za sjedenje.

Uz fontanu je također projektnim zadatkom predviđena izgradnja javne česme, koja je neophodna za predmetni park i za koju je potrebno obezbijediti pristup za osobe sa invaliditetom. Zbog blizine magistralne ceste i strmih škarpi prema Jošaničkom potoku predviđeno je da se duž potoka i željezničke pruge, u cilju povećanja sigurnosti korisnika parka

planira ugradnja zaštitne panelne ograde. Park posjeduje živu ogradu, koja će se zadržati, te panelnom ogradom dodatno zaštititi park.

Na osnovu Projektnog zadatka, izvršeno je istraživanje tržišta i pokrenut je postupak javne nabavke za odabir projektanta. Odabran je projektant, te je ugovorena usluga izrade Glavnog projekta rekonstrukcije fontane i uređenja parka penzionera općine Vogošća.

Potom je po pomenutom Ugovoru i u zahtijevanom roku projektant dostavio projekat na pregled i usaglašavanje. Projektantu su dostavljene primjedbe i prijedlozi za određene korekcije, a sve u svrhu ishodovanja najpovoljnijeg i dugotrajnijeg rješenja predmetnog problema.

U izvještajnom periodu nastavljene su aktivnosti na usaglašavanju, izradi i isporuci konačne varijante projekta.

Krajem izvještajnog perioda projektant je radio na korekcijama projektne dokumentacije u skladu s primjedbama investitora. Isporuka konačne verzije dokumentacije očekuje se po završetku svih usaglašanih izmjena, nakon čega će se pristupiti ishodovanju potrebnih saglasnosti i na kraju otpočeti realizacija ugovorenih radova.

Vrijednost izrade projektne dokumentacije iznosi 6.552,00,00 KM.

3. Izrada glavnog projekta rekonstrukcije platoa oko objekta MZ Hotonj

U skladu sa Programom prioriternih projekata iz oblasti komunalne infrastrukture, a obzirom na neiskorišteni prostor oko objekta MZ Hotonj Služba za investicije i komunalne poslove je pristupila izradi projektnog zadatka za izradu projektne dokumentacije rekonstrukcije platoa (vanjskog uređenja) oko objekta MZ Hotonj. Projektnim zadatkom je predviđena sanacija/rekonstrukcija vanjskog uređenja u smislu pronalaska najpovoljnijeg rješenja, a projektant je dužan dostaviti dvije varijante idejnog rješenja.

Na osnovu Projektnog zadatka, izvršeno je istraživanje tržišta i pokrenut je postupak javne nabavke za odabir projektanta. Odabran je projektant, te je ugovorena usluga izrade Glavnog projekta rekonstrukcije platoa (vanjskog uređenja) oko objekta MZ Hotonj općina Vogošća.

Potom je po pomenutom ugovoru i u zahtijevanom roku projektant dostavio dvije varijante na pregled i usaglašavanje. Projektantu su dostavljene primjedbe i prijedlozi za određene korekcije, a sve u svrhu ishodovanja najpovoljnijeg i dugotrajnijeg rješenja predmetnog problema.

U izvještajnom periodu nastavljene su aktivnosti na usaglašavanju, izradi i isporuci konačne varijante projekta.

Krajem izvještajnog perioda projektant je radio na korekcijama projektne dokumentacije u skladu s primjedbama investitora. Isporuka konačne verzije dokumentacije očekuje se po završetku svih usaglašanih izmjena, nakon čega će se pristupiti ishodovanju potrebnih saglasnosti. Po zaprimanju varijantnih rješenja konsultovat će se Služba za urbanizam i prostorno planiranje u smislu izbora varijante sa aspekta prostorno-planske dokumentacije, te na osnovu odobrenog planirati da li će se radovi izvoditi kao sanacija postojećeg stanja ili potpuna rekonstrukcija u smislu maksimalnog korištenja svih dostupnih površina i na kraju otpočeti realizacija ugovorenih radova.

Vrijednost izrade projektne dokumentacije iznosi 7.312,50 KM.

4. Izrada glavnog projekta vanjskog uređenja oko Spomenika i spomen-kosturnice borcima NOR-a na Džindinom brdu

Shodno poziciji Spomenika koji se nalazi na ulazu u centralni dio općine Vogošća, koji predstavlja užu urbanu zonu općine i na dosta zapušten i neuredan sadržaj oko istog, Služba za investicije i komunalne poslove je pristupila izradi projektnog zadatka za izradu glavnog projekta vanjskog uređenja oko Spomenika i spomen-kosturnice borcima NOR-a na Džindinom brdu.

Projektnim zadatkom je predloženo da se planiraju adekvatne pješačke staze, kako bi se prostor maksimalno iskoristio u smislu modernizacije, uljepšanja i funkcionalnosti, kao i to da se pješačke staze koje su u neposrednoj blizini Spomenika, shodno postojećim oštećenim betonskim kockama ponovo izvedu sa betonskim kockama. Predložene je i da se položaj postojećih staza u zoni spomenika zadrži, odnosno da se predvidi sanacija istih, sa ciljem očuvanja autentičnog izgleda prostora i njegove arhitektonske vrijednosti. Prilazne pješačke staze prema Spomeniku mogu se dislocirati u svrhu poboljšanja povezanosti lokacije sa obližnjim objektima i ulicama. Bitno je da sve pješačke komunikacije moraju ispunjavati uslove, standarde i normative za otklanjanje i sprečavanje stvaranja arhitektonsko-urbanističkih barijera za kretanje invalidnih osoba koja koriste tehnička i ortopedska pomagala. Veoma je bitno da se predvide logične pješačke komunikacije s kvalitetnom završnom podlogom i da se povede računa o pješačkoj povezanosti s okolnim područjima, džamijom, obližnjim poslovno-stambenim objektima, te omogućiti adekvatan pristup sa ulica kojima je parcela ograničena. Pješačka staza kojom se spomeniku prilazi iz ulice Izeta Delića nema adekvatan pristup, te je potrebno planirati trotoar na tom dijelu ulice ukoliko postoji mogućnost za isti. Vezano za lokalitet k.č. 2062/1, koji je u vlasništvu Medžlisa Islamske zajednice Sarajevo i na kojem se nalazi džamija izrađen je „Glavni projekat platoa ispred džamije, pješačka staza sa

stepeništem“ koji se planira realizovati u skorijoj budućnosti. Shodno tome stepenice je neophodno uzeti u obzir prilikom planiranja pješačkih staza, te projektno rješenje uklopiti sa planiranim stepenicama.

Na osnovu Projektnog zadatka, izvršeno je istraživanje tržišta i pokrenut je postupak javne nabavke za odabir projektanta. Odabran je projektant, te je ugovorena usluga izrade Glavnog projekta uređenja oko spomenika i spomen-kosturnice boricima NOR-a na Džindinom brdu na području općine Vogošća.

Potom je po pomenutom Ugovoru i u zahtijevanom roku projektant dostavio idejno rješenje na pregled i usaglašavanje. Projektantu su dostavljene primjedbe i prijedlozi za određene korekcije, a sve u svrhu ishodovanja najpovoljnijeg i dugotrajnijeg rješenja predmetnog problema.

U izvještajnom periodu nastavljene su aktivnosti na usaglašavanju, izradi i isporuci konačne varijante projekta.

Krajem izvještajnog perioda projektant je radio na korekcijama projektne dokumentacije u skladu s primjedbama investitora. Isporuca konačne verzije dokumentacije očekuje se po završetku svih usaglašanih izmjena, nakon čega će se pristupiti ishodovanju potrebnih saglasnosti i na kraju otpočeti realizacija ugovorenih radova.

Vrijednost izrade projektne dokumentacije iznosi 9.067,50 KM.

NADZOR I OSTALO

Nadzor nad izvođenjem radova je neizostavan dio realizacije projekata, definisan Zakonom o prostornom uređenju i drugim podzakonskim aktima, na svim nivoima vlasti. U proteklom periodu, na osnovu sporazuma koji se zaključivao za svaku kalendarsku godinu, poslove nadzora za Općinu Vogošća je vršio Zavod za izgradnju Kantona Sarajevo. Zbog velikog broja projekata koje vodi ili u svojstvu nadzora prati na području Kantona, Zavod je u velikom broju slučajeva negativno odgovorio na zahtjev Općine za imenovanje nadzornih inženjera. Zbog navedenih činjenica, Služba za investicije i komunalne poslove je u izvještajnom periodu pokrenula određeni broj postupaka javne nabavke usluga nadzora, kako bi se započeli projekti mogli realizovati.

Proces pripreme projektne dokumentacije je složen i dugotrajan proces. U većini slučajeva ne djeluje tako, jer nakon izrade projektnog zadatka i izbora projektanta, postupak nastavlja odabrani konsultant. U toku same izrade projekta, Služba za investicije i komunalne poslove dužna je obezbijediti potrebne podloge i drugu dokumentaciju, a nakon isporuke projekta reviziju i ovjeru iste, te usaglašavanje sa javnim i komunalnim preduzećima.

U nastavku su navedene najznačajnije naprijed opisane aktivnosti, i to:

1. Nadzor nad izvođenjem radova na sanaciji, rekonstrukciji i izgradnji lokalnih saobraćajnica, pješačkih staza, parkinga, stepeništa, putnih objekata (potputnjaci, natputnjaci i pasarele), te saobraćajne opreme i signalizacije

Općina Vogošća, u skladu s Programom prioriternih projekata iz oblasti putne i komunalne infrastrukture, svake godine planira i realizuje značajan broj projekata koji imaju za cilj unapređenje saobraćajne infrastrukture. U okviru navedenih aktivnosti priprema se projektna dokumentacija za sanaciju, rekonstrukciju i izgradnju lokalnih saobraćajnica, pješačkih staza, parking prostora, stepeništa, putnih objekata (potputnjaci, natputnjaci i pasarele), kao i za postavljanje i rekonstrukciju saobraćajne opreme i signalizacije.

Na osnovu izrađene projektne dokumentacije provodi se postupak pribavljanja odobrenja za građenje, nakon čega se, po osiguranju finansijskih sredstava u Budžetu Općine ili putem drugih izvora finansiranja, pokreću postupci javnih nabavki za izvođenje radova.

S obzirom na obim i raznovrsnost planiranih infrastrukturnih projekata, kao i zakonsku obavezu osiguranja stručnog nadzora nad izvođenjem građevinskih radova, neophodno je za svaki ugovor o izvođenju radova angažovati stručni nadzor.

Radi osiguranja kontinuiteta u realizaciji planiranih projekata i blagovremenog angažovanja stručnog nadzora, nadležna služba provela je sve potrebne aktivnosti na pripremi i provođenju postupka javne nabavke usluga stručnog nadzora. Postupak javne nabavke je krajem juna bio u završnoj fazi, nakon čega će biti stvoreni uslovi za zaključivanje okvirnog sporazuma odnosno pojedinačnih ugovora tokom realizacije planiranih projekata.

Procijenjena vrijednost nabavke usluga stručnog nadzora iznosi 92.000,00 KM sa uračunatim PDV-om, dok se planira da će se kroz navedenu nabavku vršiti stručni nadzor nad izvođenjem radova ukupne procijenjene vrijednosti od oko 4.000.000,00 KM.

2. Nadzor nad izvođenjem radova na hitnim intervencijama na komunalnoj infrastrukturi na području općine Vogošća

Na području općine Vogošća veliki broj naselja nema izgrađenu javnu kanalizacionu mrežu. Odvodnja se vrši lokalnom kanalizacionom mrežom na kojoj često dolazi do određenih problema. U cilju hitnog otklanjanja kvarova na objektima

komunalne infrastrukture na području općine Vogošća, potpisan je ugovor sa izvođačem radova. Radi osiguranja praćenja izvođenja radova na hitnim intervencijama, neophodno je prisustvo stručnog nadzora. Za potrebe pružanja usluge obavljanja stručnog nadzora na izvođenjem radova na hitnim intervencijama na komunalnoj infrastrukturi, služba je provela sve potrebne aktivnosti na pripremi i provođenju postupka javne nabavke. Postupak javne nabavke okončan je početkom mjeseca juna kada je i potpisan ugovor. Stručni nadzor vrši firma „IG“ d.o.o. Banja Luka, a vrijednost radova iznosi 1.170,00 KM.

3. Pružanje usluge revizije Glavnih/Izvedbenih projekata sanacije, rekonstrukcije i izgradnje objekata niskogradnje i saobraćajnica sa pratećom infrastrukturom

Služba u programu prioriteta ima predviđen veliki broj izrade projektne dokumentacije koju će biti potrebno revidovati/pregledati. Svrha pregleda projektne dokumentacije je izdavanje saglasnosti na projektnu dokumentaciju, kojom se potvrđuje da je ista usklađena sa zakonskim i podzakonskim propisima, važećim standardima, kao i drugim aktima koji uređuju oblast građenja i korištenja zemljišta. Saglasnost na projektnu dokumentaciju se pribavlja prije podnošenja zahtjeva za izdavanje građevinske dozvole od strane općinskog, kantonalnog ili federalnog organa za građenje, ovisno o nadležnosti. U navedene svrhe Služba je je izradila obrazac za cijenu ponude na osnovu kojeg je izvršeno istraživanje tržišta i ishodovane informativne ponude. Na osnovu dostavljenih ponuda formirana je cijena i pokrenut postupak javne nabavke za odabir revidenta. Odabran je revident, te su ugovorena dva Okvirna sporazuma u trajanju od po 2 godine i to:

1. O pružanju usluge revizije glavnih/izvedbenih projekata sanacije, rekonstrukcije i izgradnje saobraćajnica sa pratećom putnom infrastrukturom, te potputnjaka, natputnjaka, propusta i mostova na području općine Vogošća i
2. O pružanju usluge revizije glavnih/izvedbenih projekata sanacije, rekonstrukcije i izgradnje objekata niskogradnje (parkinzi, parkovi, igrališta, trgovi, spomenici) sa pratećom infrastrukturom na području općine Vogošća.

Vrijednost ugovorene usluge revizije Glavnih/Izvedbenih projekata sanacije, rekonstrukcije i izgradnje saobraćajnica je 5.222,88 KM, dok je vrijednost ugovorene usluge revizije Glavnih/Izvedbenih projekata sanacije, rekonstrukcije i izgradnje objekata niskogradnje 4.357,08 KM.

Potom su, na osnovu navedenih okvirnih ugovora i dostavljenih ponuda u skladu s tim okvirnim ugovorima, zaključeni i pojedinačni ugovori. Za reviziju saobraćajnica ugovorena su dva pojedinačna ugovora u vrijednosti od 956,21 KM i 1.519,87 KM, dok je za reviziju niskogradnje ugovoren jedan pojedinačni ugovor u vrijednosti od 853,98 KM.

Shodno pojedinačnim ugovorima, revidentu su dostavljeni projekti koji su revidovani u ugovorenom roku.

4. Ovjera projektne dokumentacije sa aspekta zaštite na radu i zaštite od požara

Usluga uključuje stručnu analizu i pregled dostavljene projektne dokumentacije, u cilju utvrđivanja usklađenosti iste sa važećim zakonskim i podzakonskim propisima iz oblasti zaštite na radu i zaštite od požara.

U okviru prethodnog ugovora izvršena je ovjera projektne dokumentacije za projekte komunalne i društvene infrastrukture i saobraćaja sa aspekta zaštite na radu i zaštite od požara. Nakon izvršenih usluga okončane su sve finansijske obaveze i izvršena plaćanja čime je projekat okončan.

Vrijednost ove usluge iznosila je 1.170,00 KM.

U mjesecu aprilu 2026. godine izvršeno je ispitivanje tržišta, sačinjena službena zabilješka, te je pokrenut postupak javne nabavke za novi ugovor. Nakon provedenog postupka, zaključen je ugovor u vrijednosti od 7.200,00 KM sa PDV-om.

Nakon potpisivanja ugovora, započete su aktivnosti na ovjeri projektne dokumentacije, koje se odvijaju u skladu s planiranom dinamikom.

5. Terensko i laboratorijsko ispitivanje ugrađenih materijala i izvedenih radova u svojstvu eksterne kontrole kvaliteta za potrebe Općine Vogošća u oblasti putne i komunalne infrastrukture

U okviru realizacije projekata sanacije, rekonstrukcije, rehabilitacije i izgradnje saobraćajnica, pješačkih staza, parkinga i druge putne i komunalne infrastrukture na području općine Vogošća, neophodno je kontinuirano pratiti kvalitet izvedenih radova i ugrađenih građevinskih materijala. U cilju osiguranja da se radovi izvode u skladu sa projektnom dokumentacijom, važećim tehničkim propisima, standardima i ugovorenim specifikacijama, potrebno je angažovati ovlaštenu laboratoriju za vršenje terenskih i laboratorijskih ispitivanja u svojstvu vanjske kontrole kvaliteta.

Vanjska (eksterna) kontrola kvaliteta predstavlja nezavisan mehanizam provjere kojim se potvrđuje da ugrađeni materijali i izvedeni radovi zadovoljavaju propisane tehničke karakteristike i zahtjeve kvaliteta. Rezultati ispitivanja služe kao

stručna osnova za ocjenu kvaliteta izvedenih radova, donošenje odluka tokom realizacije projekata, kao i za preuzimanje izvedenih radova i obračun izvedenih količina.

U okviru predmetne nabavke planirano je provođenje terenskih i laboratorijskih ispitivanja različitih slojeva kolovozne konstrukcije i drugih građevinskih elemenata, uključujući ispitivanje nosivosti i zbijenosti posteljice, kvaliteta tamponskih slojeva, karakteristika ugrađenih asfaltnih mješavina, debljine ugrađenih slojeva, ravnosti kolovozne konstrukcije, stepena zbijenosti, kao i drugih ispitivanja u skladu sa potrebama pojedinačnih projekata i zahtjevima stručnog nadzora.

Provođenje eksterne kontrole kvaliteta predstavlja važan segment sistema kontrole građenja i doprinosi transparentnoj realizaciji investicija, racionalnom korištenju budžetskih sredstava, te osiguranju visokog kvaliteta izvedenih radova na području općine Vogošća.

Vrijednost ugovorenih usluga iznos 6.961,50 KM sa uračunatim PDV-om.

XII. UPRAVNO RJEŠAVANJE

Služba za investicije i komunalne poslove u izvještajnom periodu vodila je prvostepene upravne postupke za izdavanje odobrenja za privremeno korištenje javnih površina, odobrenja za prokop javnih površina, odobrenja/saglasnosti za izgradnju instalacija i objekata u cestovnom i zaštitnom pojasu lokalnih cesta, odobrenja za sječu i potkresivanje stabala i drugog niskog rastinja na javnim površinama, rješenja o dodjeli kućnog broja, izdavanje vodnih akata. Služba je u periodu od 01.01.2026. godine do 30.06.2026. godine, imala u rješavanju ukupno 105 prvostepenih upravnih predmeta, pokrenuta po zahtjevu stranaka i/ili službenoj dužnosti, od čega je riješeno 71 predmet. Preostali neriješeni zahtjevi se odnose na predmete zaprimljene krajem izvještajnog perioda, predmete čija dokumentacija nije bila potpuna prilikom podnošenja, a kojima su upućeni pozivi za dopunu zahtjeva, te predmeti koji su u fazi rješavanja.

Zaprimljeno je ukupno 32 zahtjeva za izdavanje odobrenja za privremeno korištenje javne površine na području općine Vogošća, od kojih je 23 riješeno pozitivno. Od ukupnog broja, 5 zahtjeva su humanitarnog karaktera, a za preostali broj rješenja izdati su računi za naplatu zauzimanja javne površine. U postupku je 10 zahtjeva. Zahtjevi su se odnosili na privremeno korištenje javne površine u svrhu postavljanja ljetne/otvorene odnosno zimske/zatvorene bašte uz ugostiteljske objekte, postavljanje stalaka za izlaganje i prodaju robe uz trgovačke radnje, postavljanje rashladnih uređaja za prodaju sokova i sladoleda uz postojeće kioske, postavljanje pokretnih tezgi povodom praznika za prodaju cvijeća i drugih prigodnih poklona, postavljanje izložbenih i prodajnih stolova, postavljanja info pultova u svrhu provođenja uličnih akcija i provođenja humanitarnih akcija.

Služba je također imala u rješavanju ukupno 6 zahtjeva podnesenih od strane vlasnika podzemnih instalacija (KJKP „Sarajevogas” d.o.o. Sarajevo, KJKP „Vodovod i Kanalizacija” d.o.o. Sarajevo, JP Elektroprivreda, Podružnica „Elektrodistribucija” Sarajevo, DD „BH Telecom” Sarajevo, KJKP „Sarajevogas” d.o.o. Sarajevo, „Logosoft” d.o.o. Sarajevo i dr.) za izdavanje odobrenja za prokopavanje javnih površina u cilju hitnih popravki kvarova na postojećim podzemnim instalacijama, kao i u svrhu polaganja novih i zamjene i opravke postojećih podzemnih instalacija. Od ukupnog broja riješeno je 4 predmeta. Krajem izvještajnog perioda, upućena su 2 zahtjeva za prokope javnih površina u cilju hitnih intervencija, a koja su u postupku dobijanja saglasnosti Općinske i Kantonalne inspekcije. Nadležna služba postupajući po zahtjevima uradila je i 14 pozitivnih stručnih nalaza, koji su sastavni dio rješenja o prokopima. U skladu Odlukom o korištenju cestovnog zemljišta na području Općine Vogošća, podnosiocima zahtjeva koji se odnose na prokop javne površine, izdato je 9 rješenja o naplati, od ukupnog broja podnesenih zahtjeva za prokop javnih površina. Kako je članom 58. Zakona o cestama FBiH („Službene novine Federacije BiH”, broj: 12/10, 16/10 i 66/13), propisano da je u postupku izdavanja odobrenja za građenje ili urbanističke saglasnosti za građenje objekata i instalacija na javnoj cesti ili unutar cestovnog i zaštitnog pojasa javne ceste neophodno pribaviti prethodnu saglasnost, odnosno odobrenje od upravitelja ceste, upućeno je 3 zahtjeva od kojih je 1 zahtjev riješen u izvještajnom periodu.

U izvještajnom periodu Služba je zaprimila i riješila 5 zahtjeva za dodjelu kućnog broja. Također Služba je shodno Zakonu o vodama Kantona Sarajevo vodila postupak izdavanja vodnih akata. Zaprimljeno je ukupno 15 zahtjeva koji su pozitivno riješeni i to 10 zahtjeva za izdavanje prethodne vodne saglasnosti, 4 vodne saglasnosti i 1 vodna dozvola.

Shodno Odluci o sječi i potkresivanju stabala na području općine Vogošća, početkom godine imenovana je Komisija za sječu i potkresivanje stabala na području općine Vogošća. U saradnji sa Komisijom, a nakon izvršenog uviđaja na licu mjesta, u svakom pojedinačnom slučaju, riješeno je pozitivno 9 predmeta od ukupno 18 zahtjeva. Ostali zahtjevi rješavat će se u narednom vremenskom periodu.

SLUŽBA ZA GEODETSKE, IMOVINSKO-PRAVNE POSLOVE I KATASTAR
NEKRETNINA

I. IZVJEŠTAJ O IZVRŠENJU PROGRAMA RADA

Radeći u skladu sa odredbama Zakona o premjeru i katastru zemljišta („Službeni list SRBiH”, broj: 14/78 , 22/84 , 12/87, 26/90 i „Službene novine BiH”, broj: 4/93 i 13/94), Zakona o upravnom postupku („Službene novine FBiH”, broj: 2/98, 48/99 i 61/22), Uredbe o načinu čuvanja i korišćenja podataka premjera i katastra nekretnina („Službeni list SRBiH”, broj:

12/85 i „Službene novine BiH”, broj: 4/93 i 13/94), Zakona o naknadama za korištenje podataka i vršenje usluga u oblasti premjera i katastra nekretnina („Službeni list SRBiH”, broj: 35/85 i 12/87 i „Službeni list RBiH”, broj: 4/93, 21/93 i 13/94), Privremene odluke o naknadama za korištenje podataka premjera i katastarsa („Službene novine FBiH”, broj: 69/05), Pravilnika o formiranju, održavanju, distribuciji i arhiviranju digitalnog geodetskog plana („Službene novine FBiH”, broj: 67/03), Zakona o stvarnim pravima („Službene novine FBiH”, broj: 66/13 i 100/13), Pravilnika o postupku javnog konkursa za raspolaganje nekretninama u vlasništvu Federacije Bosne i Hercegovine, kantona, općina i gradova („Službene novine FBiH”, broj: 17/14), Odluke o građevinskom zemljištu („Službene novine Kantona Sarajevo”, broj: 6/14) i Odluka o izmjenama i dopunama odluke o građevinskom zemljištu („Službene novine Kantona Sarajevo”, broj: 3/15), Zakona o građevinskom zemljištu u Federaciji Bosne i Hercegovine („Službene novine FBiH”, broj: 67/05), Zakona o principima lokalne samouprave („Službene novine FBiH”, broj: 49/06 i 51/09), Zakona o eksproprijaciji Federacije Bosne i Hercegovine („Službene novine FBiH”, broj: 70/07, 36/10, 25/12 i 34/16), Zakona o prodaji stanova na kojima postoji stanarsko pravo („Službene novine FBiH”, broj: 27/97, 11/98, 22/99, 7/00, 61/01, 15/02, 54/04 i 36/06), Zakona o vraćanju, dodjeli i prodaji stanova („Službene novine FBiH”, broj: 28/05 i 2/08), Zakon o zakupu stana („Službene novine Kantona Sarajevo”, broj: 24/15), Zakona o upravljanju zajedničkim dijelovima zgrade („Službene novine Kantona Sarajevo”, broj: 19/17), te drugih važećih zakona i podzakonskih akata vezanih za nadležnosti Općine i same Službe u izvještajnom periodu od 01.01.2026. do 30.06.2026. godine Služba za geodetske, imovinsko-pravne poslove i katastar nekretnina je realizovala većinu aktivnosti i poslova planiranih Programom rada Općinskog načelnika za 2026. godinu – aktivnosti i poslovi iz nadležnosti Službe za geodetske, imovinsko-pravne poslove i katastar nekretnina.

U okviru svojih nadležnosti Služba je obavljala poslove održavanja i ažuriranja katastarskog operata i baze podataka katastra nekretnina, provođenja promjena u katastarskim evidencijama, vođenja upravnih postupaka iz oblasti katastra i imovinsko-pravnih odnosa, izdavanja javnih isprava iz službenih evidencija, provođenja postupaka eksproprijacije i drugih imovinsko-pravnih postupaka, identifikacije nekretnina, izrade historijata parcela, kao i stručne poslove u vezi sa raspolaganjem i upravljanjem nekretninama u vlasništvu Općine.

Rad Službe bio je usmjeren na zakonito, efikasno i blagovremeno rješavanje upravnih i neupravnih predmeta, održavanje ažurnosti službenih evidencija, pružanje stručne pomoći građanima i pravnim licima, te podršku drugim općinskim službama u realizaciji razvojnih i infrastrukturnih projekata.

Tokom izvještajnog perioda Služba je obavljala poslove iz oblasti:

- održavanja katastarskog operata i BPKN-a;
- provođenja promjena u katastarskom operatu;
- provođenja upravnih postupaka iz oblasti katastra nekretnina;
- identifikacije parcela i izrade historijata parcela;
- izdavanja kopija katastarskih planova, posjedovnih listova, uvjerenja i drugih javnih isprava;
- provođenja postupaka eksproprijacije i drugih imovinsko-pravnih poslova;
- saradnja sa Federalnom upravom za geodetske i imovinsko-pravne poslove, zemljišnoknjižnim uredima, sudovima, notarima i ovlaštenim geodetskim organizacijama;
- pružanja stručne pomoći drugim općinskim službama u realizaciji infrastrukturnih i razvojnih projekata.

Službenici Službe svakodnevno su pružali informacije i stručna pojašnjenja građanima u vezi sa katastarskim podacima, mogućnostima parcelacije, evidentiranjem objekata, identifikacijom parcela, promjenama u katastarskom operatu, usklađivanjem katastarskih i zemljišnoknjižnih evidencija, kao i drugim pitanjima iz nadležnosti Službe.

Značajan dio rada odnosio se na pregled katastarske, zemljišnoknjižne i arhivske dokumentacije, stručnu analizu predmeta, koordinaciju sa drugim organima i institucijama, kao i neposredan rad sa strankama.

Pored navedenih aktivnosti, službenici Službe svakodnevno pružaju informacije i stručna pojašnjenja građanima u vezi sa katastarskim podacima, mogućnostima parcelacije, evidentiranjem objekata, identifikacijom parcela, promjenama u katastarskom operatu, kao i drugim pitanjima iz nadležnosti Službe.

S obzirom da je riječ o poslovima koji zahtijevaju detaljan pregled katastarske, zemljišnoknjižne i arhivske dokumentacije, značajan dio radnog vremena odnosi se na stručnu analizu predmeta, koordinaciju sa drugim institucijama i neposredan rad sa strankama.

U periodu od 01.01.2026. do 30.06.2026. godine ostvareni su sljedeći rezultati:

- Djelovodnik
- ukupno evidentirano 1.169 predmeta
- zaključeno 1.121 predmet

- Upravni postupak
- ukupno zaprimljena 432 upravna predmeta
- riješeno i zaključeno 308 predmeta
- otvoren 121 predmet
- odbijena 3 zahtjeva

Tokom izvještajnog perioda riješeno je i 113 upravnih predmeta prenesenih iz ranijih godina.

Riješeni predmeti u okviru upravnih postupaka

	VRSTA PREDMETA	BROJ	
Struktura predmeta se najveći odnosio na promjena prometom	Kupoprodaja	158	riješeni pokazuje da dio rada provođenje nastalih nekretnina,
	Nasljeđivanje	84	
	Dioba	82	
	Ostale promjene u operatu (izrada A lista, ažurna geodetska situacija, ispravka greške na katastarskom planu, cijepanje parcela)	91	
	Pokazivanje granice parcela	40	
	Poklon	40	
	Promet po presudi i pojedinačnim vlasništvima	22	
	Ispravka greške u operatu	6	
	Sudska presuda	2	
	Izrada prijavnog lista A	2	

nasljeđivanjem i drugim pravnim osnovima sticanja ili promjene prava na nekretninama.

U izvještajnom periodu Služba je provodila i veliki broj poslova iz oblasti imovinsko-pravnih odnosa, koji se zbog svoje složenosti i trajanja ne mogu iskazati isključivo kroz statističke pokazatelje. U okviru ovih poslova vođeni su postupci eksproprijacije i izuzimanja zemljišta radi realizacije projekata od javnog interesa, kao i drugi upravni postupci koji se odnose na rješavanje imovinsko-pravnih odnosa. Službenici su pripremali potrebnu dokumentaciju, prikupljali dokaze, zakazivali i održavali usmene rasprave, omogućavali uvid u spise predmeta, saslušavali i uzimali izjave stranaka, te donosili odgovarajuće upravne akte u skladu sa zakonskim propisima.

Značajan dio aktivnosti odnosio se na rješavanje predmeta po žalbama, prigovorima i drugim pravnim sredstvima iz nadležnosti Službe, kao i na saradnju sa nadležnim organima, sudovima, Federalnom upravom za geodetske i imovinsko-pravne poslove, pravobranilaštvima i drugim institucijama uključenim u postupke.

Službenici Službe redovno su učestvovali u terenskim aktivnostima zajedno sa predstavnicima drugih općinskih službi, investitorima, izvođačima radova i drugim nadležnim institucijama radi utvrđivanja činjeničnog stanja, identifikacije nekretnina, uzimanja izjava od vlasnika i korisnika nekretnina, te rješavanja imovinsko-pravnih pitanja neophodnih za realizaciju projekata izgradnje i rekonstrukcije vodovodne i kanalizacione mreže, saobraćajnica i drugih infrastrukturnih objekata od interesa za Općinu Vogošća.

S obzirom na složenost ovih postupaka, njihovo provođenje podrazumijeva kontinuiranu komunikaciju sa strankama, pripremu obimne dokumentacije, koordinaciju sa drugim organima i institucijama, kao i višekratne terenske aktivnosti, zbog čega predstavljaju jedan od najsloženijih segmenata rada Službe.

Tokom izvještajnog perioda Služba je svakodnevno radila sa velikim brojem stranaka koje su ostvarivale svoja prava iz oblasti geodetskih, katastarskih i imovinsko-pravnih poslova.

Strankama su pružane informacije i stručna pomoć u vezi sa:

- identifikacijom parcela;
- cijepanjem parcela;
- evidentiranjem objekata;
- promjenama u katastarskom operatu;
- izdavanjem javnih isprava;
- usklađivanjem katastarskih i zemljišnoknjižnih podataka;
- ostvarivanjem imovinskih prava.

Veliki broj zahtjeva riješen je neposredno kroz rad sa strankama, davanjem stručnih mišljenja i uputa, bez pokretanja posebnog upravnog postupka, što predstavlja značajan dio svakodnevnog rada Službe i nije obuhvaćen statističkim pokazateljima.

Služba je ostvarivala kontinuiranu saradnju sa Federalnom upravom za geodetske i imovinsko-pravne poslove, Općinskim sudom u Sarajevu – zemljišnoknjižnim uredom, notarima, sudskim vještacima, ovlaštenim geodetskim organizacijama, kantonalnim i federalnim organima uprave, kao i drugim općinskim službama.

Službenici su učestvovali u pripremi dokumentacije za realizaciju infrastrukturnih projekata, davali stručna mišljenja i obezbjeđivali potrebne podatke iz službenih evidencija.

Rad Službe u izvještajnom periodu odvijao se u uslovima kontinuirano povećanog obima poslova, posebno u oblasti provođenja promjena u katastarskom operatu, rješavanja upravnih predmeta i neposrednog rada sa strankama. Pored poslova koji se evidentiraju kroz službene statistike, značajan dio radnog vremena odnosi se na pregled katastarske, zemljišnoknjižne i arhivske dokumentacije, izradu stručnih mišljenja, identifikaciju nekretnina, koordinaciju sa drugim organima i institucijama, kao i pružanje stručnih informacija građanima.

Istovremeno, Služba je pružala stručnu podršku drugim općinskim službama u pripremi i realizaciji infrastrukturnih i razvojnih projekata, kroz izradu potrebnih podataka i dokumentacije iz službenih evidencija, te rješavanje imovinsko-pravnih pitanja od značaja za realizaciju projekata.

Pored pružanja informacija iz oblasti katastra, službenici Službe svakodnevno su radili sa strankama u postupcima eksproprijacije, izuzimanja zemljišta i drugim imovinsko-pravnim predmetima. Strankama su omogućavani uvidi u spise predmeta, davana objašnjenja o toku postupka i njihovim pravima i obavezama, zaprimane izjave i podnesci, te organizovane usmene rasprave u skladu sa odredbama Zakona o upravnom postupku i drugih propisa koji uređuju ovu oblast.

U narednom periodu prioriteta rada Službe bit će:

- nastavak ažurnog održavanja katastarskog operata i baze podataka katastra nekretnina;
- blagovremeno rješavanje upravnih i neupravnih predmeta uz smanjenje broja neriješenih predmeta;
- unapređenje kvaliteta i efikasnosti pružanja usluga građanima i drugim korisnicima;
- daljnje unapređenje saradnje sa Federalnom upravom za geodetske i imovinsko-pravne poslove, zemljišnoknjižnim uredom i drugim nadležnim institucijama;
- pružanje stručne podrške realizaciji razvojnih i infrastrukturnih projekata Općine Vogošća;
- kontinuirano unapređenje ažurnosti i pouzdanosti službenih evidencija.

U izvještajnom periodu Služba za geodetske, imovinsko-pravne poslove i katastar nekretnina uspješno je izvršavala poslove iz svoje nadležnosti u skladu sa važećim zakonskim propisima, vodeći računa o zakonitosti, efikasnosti i ažurnosti postupanja.

Ostvareni rezultati potvrđuju kontinuirano povećan obim poslova, posebno u oblasti provođenja promjena u katastarskom operatu, vođenja upravnih postupaka i izdavanja javnih isprava. Pored poslova evidentiranih kroz službene statističke pokazatelje, službenici Službe svakodnevno su obavljali i veliki broj stručnih aktivnosti koje se ne iskazuju brojčano, uključujući pregled arhivske dokumentacije, identifikaciju nekretnina, izradu stručnih mišljenja, koordinaciju sa drugim institucijama, te neposredno pružanje stručne pomoći građanima.

Imajući u vidu ostvarene rezultate, broj riješenih predmeta i uspješno izvršavanje poslova iz nadležnosti Službe, može se ocijeniti da su planirane aktivnosti za izvještajni period realizovane u skladu sa utvrđenim nadležnostima i raspoloživim kadrovskim i materijalnim kapacitetima.

Služba će i u narednom periodu nastaviti s provođenjem aktivnosti usmjerenih na unapređenje kvaliteta rada, održavanje ažurnosti katastarskih evidencija, povećanje efikasnosti u rješavanju predmeta i pružanje kvalitetnih, zakonitih i pravovremenih usluga građanima, pravnim licima i drugim korisnicima.

SLUŽBA ZA BORAČKO-INVALIDSKU I SOCIJALNU ZAŠTITU

I. IZVJEŠTAJ O IZVRŠENJU PROGRAMA RADA

BORAČKO-INVALIDSKA ZAŠTITA

Na osnovu usvojenog Programa rada Službe za 2026. godinu koja obavlja poslove i radne zadatke iz okvira nadležnosti, a u skladu sa:

1. Zakonom o dopunskim pravima boraca – branitelja Bosne i Hercegovine („Službene novine Kantona Sarajevo“, broj: 31/22, 8/24 i 13/25);
2. Zakonom o pravima branilaca i članova njihovih porodica („Službene novine Federacije BiH“, broj: 33/04, 56/05, 70/07, 9/10, 90/17, 29/22, 60/24 i 6/26);
3. Zakonom o pravima demobiliziranih branilaca i članova njihovih porodica („Službene novine Federacije BiH“, broj: 54/19, 29/22, 81/23 i 60/24);
4. Zakonom o posebnim pravima dobitnika ratnih priznanja i odlikovanja i članova njihovih porodica („Službene novine Federacije BiH“, broj: 70/05, 61/06, 9/10, 90/17, 29/22, 60/24 i 6/26);
5. Zakonom o upravnom postupku („Službene novine Federacije BiH“, broj 2/98, 48/99 i 61/22) i
6. Statutom Općine Vogošća, te kontinuiranim radom sa strankama u pogledu davanja uputa vezano za ostvarivanje prava, Služba podnosi izvještaj o svom radu za period od 01.01.2026. do 30.06.2026. godine.

→ Upravni postupak

- U skladu sa pozitivnim zakonskim propisima i provedbenim aktima (Zakon o pravima branilaca i članova njihovih porodica, Zakon o dopunskim pravima boraca – branitelja Bosne i Hercegovine, Zakon o pravima demobiliziranih branilaca i članova njihovih porodica i Zakon o upravnom postupku) provodi se prvostepeni upravni postupak i donose rješenja o regulisanju prava na ličnu invalidninu, ortopedski dodatak, tuđu njegu i pomoć, porodičnu invalidninu, mjesečnu novčanu naknadu nosioca najviših ratnih priznanja i odlikovanja i članova porodice poginulih, umrlih i nestalih dobitnika ratnih priznanja i odlikovanja i ratnih vojnih invalida kojima je priznato pravo na dodatak za njegu i pomoć drugog lica, mjesečnu novčanu naknadu i porodičnu invalidninu za djecu bez oba roditelja za vrijeme nezaposlenosti, zdravstvenu zaštitu, troškove dženaze – sahrane, troškove plaćanja naknade pogodnosti-rente za izgradnju porodično-stambenog i poslovnog objekta, legalizacije objekata izgrađenih bez odobrenja za građenje, banjsko-klimatsko liječenje, besplatan prijevoz za šehidske porodice, ratne vojne invalide i članove šehidskih porodica – studente, novčanu pomoć po osnovu umrlih mirnodopskih vojnih invalida, personalna asistencija za ratne vojne invalide – paraplegičare i ratne vojne invalide kojima je priznato pravo na dodatak za njegu i pomoć od drugog lica, novčanu egzistencijalnu naknadu za demobilisane borce (Kantonalni i Federalni Zakon), novčanu naknadu za supruge umrlih demobiliziranih branilaca i novčanu naknadu demobiliziranim braniocima – povratnicima u RS i Brčko Distrikt BiH.
- Tokom godine se kontinuirano prati i vrši dostavljanje predmeta na vojno-ljekarsku komisiju i nadležnom Federalnom ministarstvu za pitanja boraca i invalida odbrambeno-oslobodilačkog rata, a vezano za postupak revizije i provođenje Zakona o provođenju kontrole zakonitosti korištenja prava iz oblasti boračko-invalidske zaštite. Također se vrši revizija korisnika prava na porodičnu invalidninu, a čija djeca imaju preko 15 godina starosti i nalaze se na redovnom školovanju kao i revizija korisnika prava novčane egzistencijalne naknade.
- Služba tokom cijele godine evidentira i prati identifikaciju svih korisnika prava iz oblasti boračko-invalidske zaštite i postupa shodno određenim promjenama vezano za korisnike prava.

Tabelarni prikaz riješenih zahtjeva u upravnom postupku

PO ZAHTJEVU U UPRAVNOM POSTUPKU			
POZITIVNO		NEGATIVNO	
Porodična invalidnina	LI, TNJP, OD	Porodična invalidnina	LI, TNJP, OD
46	12	9	1
58		10	
68			

Legenda:

LI – Lična invalidnina

PI – Porodična invalidnina

OD – Ortopedski dodatak

TNJP – Tuđa njega i pomoć

→ Legitimacije i karte za prijevoz

U skladu sa Zakonom o dopunskim pravima boraca – branitelja Bosne i Hercegovine („Službene novine Kantona Sarajevo“, broj: 31/22, 8/24 i 13/25), Služba za boračko-invalidsku i socijalnu zaštitu priznaje pravo na besplatan i povlašten prijevoz licima koja ispunjavaju zakonom propisane uslove. Pravo na prijevoz ostvaruju ratni vojni invalidi, šehidske porodice i druga lica koja ovo pravo ostvaruju u skladu sa važećim propisima.

U izvještajnom periodu nije bilo podnesenih zahtjeva za priznavanje prava na gradski prijevoz.

Služba kontinuirano izdaje legitimacije korisnicima lične i porodične invalidnine. Rok važenja legitimacije za ratne vojne invalide vezan je za važenje rješenja o priznatom pravu na ličnu invalidninu, dok šehidske porodice legitimaciju mijenjaju svakih pet godina, odnosno ranije ukoliko nastupe okolnosti zbog kojih je potrebno izvršiti njenu zamjenu.

Tabelarni prikaz izdatih legitimacija

KATEGORIJA	Ratni vojni invalidi	Šehidske porodice	UKUPNO
BROJ	8	28	36

→ Banjsko i klimatsko liječenje (medicinska rehabilitacija)

U izvještajnom periodu Služba za boračko-invalidsku i socijalnu zaštitu je zaprimila zahtjeve za banjsko i klimatsko liječenje (RVI, ŠP, DB). Svi zahtjevi su obrađeni i upućeni u Ministarstvo za boračka pitanja – Ljekarskoj komisiji za banjsko liječenje na odlučivanje o potrebi za banjskim liječenjem.

Ukupan broj podnesenih zahtjeva u izvještajnom periodu je 344.

Ministarstvo za boračka pitanja Kantona Sarajevo je po objavljenom Javnom pozivu za medicinsku rehabilitaciju u 2026. godini i po formiranju komisije za odobravanje korisnika za medicinsku rehabilitaciju pokrenulo aktivnosti na realizaciji istog, a korisnike kojima je odobreno banjsko liječenje će upućivati u liječilišta od mjeseca juna tekuće godine.

Izvještaj za ovu aktivnost bit će dostavljen u sklopu godišnjeg izvještaja.

→ Renta (Oslobađanje obaveze plaćanja naknade za pogodnost)

Za ostvarivanje prava na rentu u skladu sa članom 31. Zakona o dopunskim pravima boraca – branitelja Bosne i Hercegovine, po zahtjevu stranke rješava općinska služba za boračka pitanja u prvostepenom postupku prema mjestu prebivališta odnosno boravišta podnosioca zahtjeva. U drugostepenom postupku po žalbi rješava Ministarstvo.

Tabelarni prikaz rješavanja – RENTA

Broj podnesenih zahtjeva	Pozitivno riješeni zahtjevi	Negativno riješeni zahtjevi	U postupku rješavanja
1	1	-	-

→ Naknada troškova dženaze – sahrane

Zakon o dopunskim pravima boraca – branitelja BiH („Službene novine Kantona Sarajevo“, broj: 31/22, 8/24 i 13/25), definiše uslove za ostvarivanje prava na naknadu troškova dženaze – sahrane.

Novčani iznos naknade troškova dženaze – sahrane, iznosi 3.900,00 KM, shodno Odluci o utvrđivanju iznosa naknade troškova dženaze – sahrane za 2026. godinu („Službene novine Kantona Sarajevo“, broj: 12/26).

Postupak za priznavanje prava na naknadu troškova dženaze – sahrane, može se pokrenuti najdalje u roku od jedne godine od dana smrti lica.

**Tabelarni prikaz rješavanja zahtjeva za naknadu troškova dženaze – sahrane
u periodu od 01.01.2026. do 30.06.2026. godine**

Broj podnesenih zahtjeva	Pozitivno riješeno	Negativno riješeno	Obustavljeni zahtjevi	Rješavanje u toku
63	56	1	1	5

→ **Novčana egzistencijalna naknada**

Novčana egzistencijalna naknada u smislu Zakona o pravima demobiliziranih branilaca i članova njihovih porodica je mjesečna novčana naknada demobiliziranim braniocima koju mogu ostvariti demobilizirani branioци sa navršениh 57 godina života pod uslovima propisanim navedenim Zakonom.

Tabelarni prikaz rješavanja novčane egzistencijalne naknade – Federalni zakon

Broj podnesenih zahtjeva	Pozitivno riješeno	Negativno riješeno
30	30	-

Novčana egzistencijalna naknada u smislu Zakona o dopunskim pravima boraca – branitelja Bosne i Hercegovine je mjesečna novčana naknada demobiliziranim braniocima koju mogu ostvariti demobilizirani branioци do navršениh 57 godina života pod uslovima propisanim navedenim Zakonom.

Tabelarni prikaz rješavanja novčane egzistencijalne naknade – Kantonalni zakon

Broj podnesenih zahtjeva	Pozitivno riješeno	Negativno riješeno
14	12	2

Obračun priznatih prava demobiliziranim braniocima vrši se putem Službe za boračko-invalidsku i socijalnu zaštitu.

→ **Spomen obilježja**

U prethodnom periodu je okončana procedura izbora izvođača radova na izgradnji spomen obilježja poginulim članovima FK „Unis“, te imenovan nadzor za obavljanje stručnog nadzora nad izvođenjem predmetnih radova.

U izvještajnom periodu okončane su aktivnosti na izmjenama Glavnog projekta, Urbanističke saglasnosti i Odobrenja za građenje za spomen obilježje FK „Unis“.

Obzirom da su otklonjeni svi nedostaci u potrebnoj dokumentaciji, u narednom periodu se očekuje početak radova na izgradnji spomen obilježja.

→ **Obilježavanje značajnih datuma**

U kalendaru Općine Vogošća za obilježavanje značajnih datuma nosioci aktivnosti su Služba za boračko-invalidsku i socijalnu zaštitu i boračka udruženja koja egzistiraju na području općine Vogošća, njih 12 (dvanaest).

Obilježeni značajni datumi

R. BR.	ZNAČAJNI DATUMI	NIVO OBILJEŽAVANJA	NOSIOCI AKTIVNOSTI
1.	27.01.1942. godine Igmanski marš	Kanton	UABNOR Vogošća i Kantonalni savez SABNOR-a
2.	23.02.1996. godine Dan reintegracije Općine Vogošća	Općina	JOB
3.	1. mart Dan nezavisnosti BiH	Država – Federacija	Patriotska liga

4.	02.03.1992. godine Dan pogibije K. Demirovića – prva žrtva agresije	Općina	Patriotska liga
5.	06.04.1945. godine Dan oslobođenja Sarajeva	Kanton	UABNOR Vogošća i Grad Sarajevo
6.	15.04.1992. godine Dan Armije	Federacija	Udruženje DB 92–95
7.	18.04.1992. godine Pretis	Kanton	Patriotska liga
8.	05.05.1992. godine Dan logoraša	Općina	Udruženje logoraša
9.	09.05.1997. godine Dan Zlatnih ljiljana	Federacija	Udruženje DNRP
10.	09.05.1945. godine Dan pobjede nad fašizmom	Država	UABNOR Vogošća i SABNOR BiH
11.	25.05.1992. godine Bitka za Krše	Mjesna zajednica	Udruženje ŠP
12.	08.06.1992. godine Bitka za Orlić	Kanton	JOB
13.	15.06.1992. godine Dan PL	Općina	PL
14.	16.06.1992. godine Dan nestalih	Općina	Udruženje nestalih
15.	Dan šehida Drugi dan Ramazanskog bajrama	Općina	Udruženje ŠP

Svaku od ovih aktivnosti zajedno sa boračkim udruženjima je pratila nadležna Služba i finansijski podržala iste na osnovu prijedloga boračkih udruženja.

→ Finansije

Isplata sredstava osnovnog obezbjeđenja učesnicima NOR-a i članova njihovih porodica period od 01.01.2026. do 30.06.2026. godine

Korisnicima osnovnog obezbjeđenja isplata se vrši mjesečno putem banke po doznakama ovih sredstava iz Budžeta Kantona Sarajevo – Ministarstva za boračka pitanja.

Specifikacija korisnika Osnovnog obezbjeđenja

R. BR.	KATEGORIJA OSNOVNOG OBEZBJEĐENJA	BROJ KORISNIKA
1.	II kategorija	1
UKUPNO KORISNIKA		1

Mjesečne novčane naknade za korisnike najviših ratnih priznanja i korisnike tuđe njege i pomoći (iz Budžeta Kantona Sarajevo)

Ova prava su regulisana Zakonom o dopunskim pravima boraca Kantona Sarajevo. Korisnici prava mjesečna novčana primanja – dobitnici NRP i njihovih porodica i djeca bez oba roditelja – na evidenciji Službe za zapošljavanje, do 35. godine života.

1. RVI nosilac najvišeg ratnog priznanja	5 korisnika
2. D.B. nosilac najvišeg ratnog priznanja	12 korisnika
3. ŠP – korisnici po osnovu poginulih boraca nosioca najvećih ratnih	26 korisnika

priznanja	
4. Dijete bez oba roditelja, na evidenciji Službe za zapošljavanje, do 35. godine života	4 korisnika
UKUPNO	47 korisnika

Mjesečne novčane naknade korisnicima najviših ratnih priznanja se isplaćuju putem banaka, na tekuće račune krajnjih korisnika.

Personalna asistencija RVI I grupe 100 % sa dodatkom za njegu i pomoć drugog lica I, II i III stepena (iz Budžeta Kantona Sarajevo)

R. BR.	KATEGORIJA	BROJ KORISNIKA	
1.	RVI I grupe 100 % sa I stepenom dodatka za njegu i pomoć drugog lica	4	764,00
2.	RVI I grupe 100 % sa II stepenom dodatka za njegu i pomoć drugog lica	2	535,00
3.	RVI I grupe 100 % sa III stepenom dodatka za njegu i pomoć drugog lica	2	382,00

Specifikacija korisnika 1941. – 1945. godine – mirnodopski vojni invalidi do 1992. godine po grupama

I	II	III	IV	V	VI	VII	VIII	IX	X	UKUPNO
-	-	-	-	-	2	-	1	-	-	3

Tabelarni prikaz korisnika porodične invalidnine 1941. – 1945. godine

Broj korisnika porodične invalidnine	1
Broj korisnika osnovnog obezbjeđenja	-
UKUPNO KORISNIKA	1

Specifikacija korisnika boračko-invalidske zaštite za koje je regulisano pravo poslije 1992. godine

Tabelarni prikaz RVI koji se nalaze na isplati – po grupama

I	II	III	IV	V	VI	VII	VIII	IX	X	UKUPNO
4	40	23	39	107	99	90	84	120	85	691

Tabelarni prikaz porodične invalidnine

Broj korisnika po 1 osnovu (1 poginuli/nestali)	Broj korisnika po 2 i više osnova (2 i više poginula/nestala)	Supruge umrlih RVI-a	UKUPAN BROJ KORISNIKA
915	161	96	1172

Mjesečni fond isplata usklađuju se sa naredbama Federalnog ministarstva, a isplata primanja po osnovu boračko-invalidske zaštite vrši se putem banaka na račun krajnjih korisnika.

Tabelarni prikaz korisnika egzistencijalne naknade – demobilisani borci (federalni Zakon)

1.	Demobilisani borci – sa navršениh 57 godina života	137 korisnika
----	--	---------------

Tabelarni prikaz korisnika egzistencijalne naknade – demobilisani borci (kantonalni Zakon)

1.	Demobilisani borci – do 57 godina života	125 korisnika
----	--	---------------

→ Otplata kredita korisnika boračko-invalidske zaštite

Putem ove Službe se kontinuirano vrši obračun rata dugoročnih i stambenih kredita koje se odbijaju od njihovih primanja po osnovu boračko-invalidske zaštite, kao i obračun rata po sudskim rješenjima o izvršenju.

Tabelarni prikaz kredita korisnika boračko-invalidske zaštite

Ratni vojni invalidi	Šehidske porodice	UKUPNO
0	9	9

SOCIJALNA ZAŠTITA

Dio službe za socijalnu zaštitu nadležan je za provođenje prvostepenog upravnog postupka u pogledu donošenja rješenja i zaključaka za ostvarivanje prava na: jednokratnu novčanu pomoć licima u stanju socijalne potrebe, jednokratnu novčanu pomoć boračkoj populaciji za troškove liječenja, jednokratnu novčanu pomoć za rođenje djeteta, jednokratnu novčanu pomoć penzionerima koji su korisnici minimalne penzije, jednokratnu novčanu pomoć za sufinansiranje liječenja osoba oboljelih od rijetkih i teških bolesti, jednokratnu novčanu pomoć oboljelim od celijakije, prava na dodatak na djecu, jednokratnu novčanu pomoć za opremu novorođenog djeteta, dodatnu novčanu pomoć na ime prehrane djeteta, status civilne žrtve rata i člana porodice civilne žrtve rata, subvencioniranje troškova obdaništa za djecu predškolskog uzrasta, novčane nadoknade majkama porodiljama koje su u radnom odnosu, novčane pomoći za majke porodilje koje nisu u radnom odnosu, priznavanje prava na zdravstvenu zaštitu po raznim osnovama i prava na status raseljenog lica, a u skladu sa Zakonom o socijalnoj zaštiti, zaštiti civilnih žrtava rata i zaštiti porodice sa djecom („Službene novine Kantona Sarajevo“, broj: 38/14 – Prečišćeni tekst, 38/16, 44/17, 28/18, 52/21, 40/22 i 13/25), Zakonom o osnovama socijalne zaštite, zaštite civilnih žrtava rata i zaštiti porodice sa djecom („Službene novine Federacije BiH“, broj: 36/99, 54/04, 39/06, 14/09, 45/16, 40/18 i 16/23), Zakonom o materijalnoj podršci porodicama s djecom u Federaciji Bosne i Hercegovine („Službene novine Federacije BiH“, broj: 52/22 i 58/24), Zakonom o raseljenim osobama i povratnicima u Federaciji Bosne i Hercegovine i izbjeglicama iz Bosne i Hercegovine („Službene novine Federacije Bosne i Hercegovine“, broj: 15/05), Zakonom o zaštiti civilnih žrtava rata u Federaciji Bosne i Hercegovine („Službene novine Federacije BiH“, broj: 60/23 i 81/23) i Zakonom o raseljenim osobama – prognanicima i izbjeglicama – povratnicima u Kantonu Sarajevo – („Službene novine Kantona Sarajevo“, broj: 27/05) i Zakonom o upravnom postupku („Službene novine Federacije BiH“, broj: 2/98, 48/99 i 61/22), te kontinuiran rad sa strankama u pogledu davanja uputa vezano za ostvarivanje navedenih prava.

→ Jednokratne novčane pomoći licima u stanju socijalne potrebe

U toku je Javni poziv za dodjelu jednokratne novčane pomoći licima u stanju socijalne potrebe sa područja općine Vogošća koji je raspisan na osnovu Pravilnika o kriterijima i raspodjeli novčanih sredstava za dodjelu jednokratne pomoći licima u stanju socijalne potrebe sa područja općine Vogošća broj: 09-31-101/26 od 28.01.2026. godine. Finansijska sredstva za ove namjene planirana su Budžetom Općine u iznosu od **65.000,00 KM**. Izvještaj za ovu aktivnost bit će dostavljen u sklopu godišnjeg izvještaja.

→ Jednokratne novčane pomoći boračkoj populaciji za troškove liječenja

U toku je Javni poziv za dodjelu jednokratne novčane pomoći boračkoj populaciji za troškove liječenja sa područja općine Vogošća koji je raspisan na osnovu Pravilnika o kriterijima i raspodjeli novčanih sredstava za dodjelu jednokratne novčane pomoći boračkoj populaciji za troškove liječenja, broj: 09-37-1241/25 od 13.06.2025. godine.

Na osnovu Pravilnika i Javnog poziva gore navedenih, izuzetno od korisnika boračke populacije pravo na mjesečno novčano primanje u iznosu 200,00 KM mogu ostvariti lica koja imaju priznat status ratnog vojnog invalida 100 % I grupe – paraplegičari koji ostvaruju svoja prava u Službi za boračko-invalidsku i socijalnu zaštitu.

Finansijska sredstva za ove namjene planirana su Budžetom Općine u iznosu od **65.000,00 KM**.

Izvještaj za ovu aktivnost bit će dostavljen u sklopu godišnjeg izvještaja.

→ Jednokratne novčane pomoći za rođenje djeteta

U toku je Javni poziv za dodjelu novčanih sredstava za jednokratnu novčanu pomoć za rođenje djeteta, koji je raspisan na osnovu Pravilnika o ostvarivanju prava na jednokratnu novčanu pomoć za rođenje djeteta, broj: 09-31-1239/25 od 13.06.2025. godine

Finansijska sredstva za ove namjene planirana su Budžetom Općine u visini od **60.000,00 KM**.

Izvještaj za ovu aktivnost bit će dostavljen u sklopu godišnjeg izvještaja.

→ Jednokratne novčane pomoći za sufinansiranje liječenja osoba oboljelih od rijetkih i teških bolesti

U toku je Javni poziv za dodjelu jednokratne novčane pomoći liječenja za sufinansiranje osoba oboljelih od rijetkih i teških bolesti, koji je raspisan na osnovu Pravilnika o kriterijima i raspodjeli novčanih sredstava za dodjelu jednokratne novčane pomoći za sufinansiranje liječenja osoba oboljelih od rijetkih i teških bolesti, broj: 09-31-1242/25 od 13.06.2025. godine.

Finansijska sredstva za ove namjene planirana su Budžetom Općine u visini od **30.000,00 KM**.

Izveštaj za ovu aktivnost bit će dostavljen u sklopu godišnjeg izveštaja.

→ **Jednokratne novčane pomoći oboljelim od celijakije**

U toku je Javni poziv za dodjelu jednokratne novčane pomoći oboljelim od celijakije, koji je raspisan na osnovu Pravilnika o ostvarivanju prava na jednokratnu novčanu pomoć oboljelim od celijakije, broj: 09-31-99/26 od 28.01.2026. godine. Finansijska sredstva za ove namjene planirana su Budžetom Općine u iznosu od **12.000,00 KM**. Izveštaj za ovu aktivnost bit će dostavljen u sklopu godišnjeg izveštaja.

→ **Jednokratne novčane pomoći penzionerima koji su korisnici minimalne penzije**

U toku je Javni poziv za dodjelu jednokratne novčane pomoći penzionerima koji su korisnici minimalne penzije, koji je raspisan na osnovu Pravilnika o kriterijima i raspodjeli novčanih sredstava za dodjelu jednokratne novčane pomoći penzionerima koji su korisnici minimalne penzije, broj: 09-31-100/26 od 28.01.2026. godine. Finansijska sredstva za ove namjene planirana su Budžetom Općine u iznosu od **100.000,00 KM**. Izveštaj za ovu aktivnost bit će dostavljen u sklopu godišnjeg izveštaja.

→ **Podrška osobama treće životne dobi**

U izvještajnom periodu donesen je Pravilnik o načinu ocjenjivanja pristiglih prijedloga ustanova socijalne zaštite u okviru Javnog poziva za realizaciju projekta iz oblasti podrške osobama treće životne dobi, kojim su utvrđeni način ocjenjivanja, kriteriji i postupak vrednovanja projektnih prijedloga. Na osnovu donesenog Pravilnika raspisan je Javni poziv za dostavljanje prijedloga projekta iz oblasti podrške osobama treće životne dobi, s ciljem odabira ustanove socijalne zaštite za realizaciju projekta „Održivo pružanje usluga mobilne kućne njege za starije osobe u općini Vogošća“. Za realizaciju projekta Budžetom Općine Vogošća za 2026. godinu planirana su sredstva u iznosu od 10.000,00 KM. Nakon okončanja postupka po Javnom pozivu izvršit će se odabir aplikanta, zaključivanje ugovora o dodjeli sredstava i realizacija projektnih aktivnosti. Izveštaj o realizaciji ove aktivnosti bit će dostavljen u sklopu godišnjeg izveštaja.

→ **Dodatak na djecu**

Pravo na dodatak na djecu u skladu sa Zakonom o socijalnoj zaštiti, zaštiti civilnih žrtava rata i zaštiti porodice sa djecom u iznosu od 84,00 KM pripada djetetu bez jednog ili oba roditelja, te porodici: u kojoj jedan od roditelja ili dijete ima utvrđen invaliditet od najmanje 90 %, koja ima dijete ometeno u fizičkom ili psihičkom razvoju, što se dokazuje pravosnažnim rješenjem donijetim u skladu sa Pravilnikom o utvrđivanju preostale sposobnosti i razvrstavanju djece i omladine ometene u psiho-fizičkom razvoju („Službene novine Kantona Sarajevo“, broj: 26/08 i 5/12), koja ima dijete oboljelo od karcinoma, šećerne bolesti, leukemije, TBC, celijakije, kronove bolesti, ulceroznog kolitisa, hepatitis B i C, epilepsije ili dijete sa poremećajem autističnog spektra i čiji je jedan od roditelja korisnik stalne novčane pomoći i pravo na dodatak na djecu u iznosu od 61,60 KM ostvaruju porodice koje imaju troje ili više djece, bez obzira na imovinski cenzus. Pravo na jednokratnu novčanu pomoć za opremu novorođenog djeteta u iznosu od 400,00 KM i dodatnu novčanu pomoć u iznosu od 64,00 KM ostvaruje se u skladu sa Zakonom o socijalnoj zaštiti, zaštiti civilnih žrtava rata i zaštiti porodice sa djecom Kantona Sarajevo i važećim podzakonskim aktima.

Pravo na dječiji dodatak za vrijeme redovnog studiranja, pod uslovima propisanim članom 141. Zakona, može se ostvariti do navršanih 27 godina života, uz ispunjavanje zakonom propisanih uslova. Za 2026. godinu iznos ovog prava je 195,13 KM.

Tabelarni prikaz podnesenih zahtjeva za priznavanje prava na dodatak na djecu, jednokratnu novčanu pomoć za opremu novorođenog djeteta i pomoć za prehranu majke porodilje u periodu od 01.01.2026. do 30.06.2026. godine

UKUPAN BROJ PODNESENIH ZAHTEJEVA	POZITIVNO RIJEŠENI			NEGATIVNO RIJEŠENI	Rješavanje u toku (nepotpuna dokumentacija)
	Dodatak na djecu	Dodatna novčana pomoć na ime prehrane djeteta	JNP za opremu novorođenog djeteta		
147	73	30	30	7	7

Zakonom o materijalnoj podršci porodicama s djecom u Federaciji Bosne i Hercegovine omogućeno je ostvarivanje prava na dječiji dodatak za dijete do navršanih 18 godina života, pod uslovom da ukupni mjesečni prihod po članu domaćinstva ne prelazi 40 % najniže plaće u Federaciji BiH (410,80 KM), za period od tri mjeseca koji je prethodio podnošenju zahtjeva, ne računajući mjesec koji neposredno prethodi mjesecu u kojem je zahtjev podnesen.

Tabelarni prikaz podnesenih zahtjeva za ostvarivanje prava na dječiji dodatak po federalnom zakonu u periodu od 01.01.2026. do 30.06.2026. godine

Broj podnesenih zahtjeva u navedenom periodu	Broj odobrenih zahtjeva	Broj odbijenih zahtjeva	Postupak u toku
1175	516	97	562

→ **Pravo na dječiji dodatak za djecu RVI od 20 % – 80 % invaliditeta**

Zakonom o dopunskim pravima boraca – branitelja Bosne i Hercegovine („Službene novine Kantona Sarajevo“, broj: 31/22, 8/24 i 13/25), propisani su uslovi za ostvarivanje prava na mjesečna novčana primanja djece ratnih vojnih invalida sa utvrđenim invaliditetom od 20 % do 80 % (u daljnjem tekstu: dječiji dodatak), bez obzira na imovinski cenzus i ukoliko ovo pravo ne ostvaruje po propisima o zaštiti porodice sa djecom.

Visina iznosa dječijeg dodatka za 2026. godinu, za djecu ratnih vojnih invalida sa utvrđenim procentom invaliditeta od 20 % do 80 %, iznosi 143,25 KM, na osnovu Odluke o utvrđivanju visine dječijeg dodatka za 2026. godinu („Službene novine Kantona Sarajevo“, broj: 12/26).

Pravo na dječiji dodatak pripada djeci koja ispunjavaju uvjete za priznavanje ovog prava od prvog narednog mjeseca od dana podnošenja zahtjeva.

Tabelarni prikaz dodatka na djecu za djecu ratnih vojnih invalida od 20 % do 80 % invaliditeta u periodu od 01.01.2026. – 30.06.2026. godine

BROJ RVI	BROJ DJECE RVI
75	108

→ **Civilne žrtve rata**

Korisnici ovog prava su osobe koje su stekle invaliditet usljed ratnih dejstava, po osnovu boravka u logoru kod kojih je utvrđen procenat invalidnosti preko 60 % ili žrtve seksualnog zlostavljanja i silovanja i članovi porodice lica koje je poginulo ili nestalo kao civilna žrtva rata. Ukupan broj korisnika zaključno sa 30.06.2026. godine je 220, od toga korisnika porodične invalidnine 94, lične invalidnine 72 i korisnika prava na mjesečno lično novčano primanje 54.

U izvještajnom periodu za 2 korisnika urađena su rješenja o priznavanju prava na porodičnu invalidninu, za 1 korisnika je urađeno rješenje o priznavanju prava na mjesečno lično novčano primanje na osnovu nalaza Komisije, a 2 predmeta su poslata drugostepenom organu na ovjeru. Za 1 korisnika je u toku rješavanje po žalbi. Urađen je prestanak statusa zbog smrti za 6 korisnika.

→ **Subvencioniranje troškova obdaništa za djecu predškolskog uzrasta**

Pravo na subvencioniranje troškova obdaništa za djecu predškolskog uzrasta ostvaruju djeca bez oba roditelja, djeca čiji je jedan od roditelja invalid preko 90 % invalidnosti, djeca sa invaliditetom, djeca zaposlenih roditelja gdje prihod po članu domaćinstva ne prelazi 280,00 KM po članu domaćinstva i djeca gdje su oba roditelja zaposlena, a prihod prelazi 280,00 KM po članu domaćinstva pod uvjetom da dvoje ili više djece boravi u obdaništu.

U navedenom periodu podneseno je 36 zahtjeva, od čega je 33 pozitivno, a 3 negativno riješena.

→ **Naknada plaće ženi – majci u radnom odnosu i dodatna pomoć na ime brige i njege djeteta ženi – majci u radnom odnosu i novčana pomoć nezaposlenoj porodilji i dodatna pomoć na ime brige i njege djeteta nezaposlenoj porodilji**

Zakon o socijalnoj zaštiti, zaštiti civilnih žrtava rata i zaštiti porodice sa djecom („Službene novine Kantona Sarajevo“, broj: 38/14 – Prečišćeni tekst, 38/16, 44/17, 28/18, 52/21, 40/22 i 13/25) definiše uslove za ostvarivanje prava na naknadu plaće ženi – majci u radnom odnosu i dodatnu pomoć na ime brige i njege djeteta ženi – majci u radnom odnosu.

Zakonom o materijalnoj podršci porodicama s djecom u Federaciji Bosne i Hercegovine („Službene novine Federacije BiH“, broj: 52/22 i 58/24) utvrđeno je pravo na novčanu pomoć nezaposlenoj porodilji, dok je Zakonom o socijalnoj zaštiti, zaštiti civilnih žrtava rata i zaštiti porodice sa djecom („Službene novine Kantona Sarajevo“, broj: 38/14 – Prečišćeni tekst,

38/16, 44/17, 28/18, 52/21, 40/22 i 13/25) propisano pravo na dodatnu pomoć na ime brige i njege djeteta nezaposlenoj porodilji.

Novčani iznos naknade plaće ženi – majci u radnom odnosu i dodatne pomoći na ime brige i njege djeteta ženi – majci u radnom odnosu i novčane pomoći nezaposlenoj porodilji i dodatne pomoći na ime brige i njege djeteta nezaposlenoj porodilji, utvrđeni su Instrukcijom o iznosima novčanih davanja po Zakonu o socijalnoj zaštiti, zaštiti civilnih žrtava rata i zaštiti porodice sa djecom („Službene novine Kantona Sarajevo“, broj: 20/26).

Isplata naprijed navedenih novčanih davanja za obje kategorije porodilja, traje godinu dana, a brojno stanje je promjenjivo svakog mjeseca.

Tabelarni prikaz podnesenih zahtjeva za naknadu plaće ženi – majci u radnom odnosu i dodatnu pomoć na ime brige i njege djeteta ženi – majci u radnom odnosu i novčanu pomoć nezaposlenoj porodilji i dodatnu pomoć na ime brige i njege djeteta nezaposlenoj porodilji u periodu od 01.01.2026. do 30.06.2026. godine

UKUPAN BROJ PODNESENIH ZAHTEJEVA	POZITIVNO RIJEŠENI		NEGATIVNO RIJEŠENI	POSTUPAK U TOKU
	Žene – majke koje su u radnom odnosu	Žene – majke koje nisu u radnom odnosu		
202	92	82	1	27

Služba je u ponovnom postupku donijela dva rješenja kojim se priznaje pravo na dodatnu pomoć na ime brige i njege djeteta zaposlenoj porodilji.

Služba je donijela dva Zaključka kojim se postupak po Zahtjevu obustavlja.

→ Zdravstvena zaštita

Tabelarni prikaz podnesenih zahtjeva za ostvarivanje prava na zdravstvenu zaštitu u periodu od 01.01.2026. do 30.06.2026. godine

Zdravstvena zaštita za lica u statusu socijalne potrebe	4
Zdravstvena zaštita djece korisnika dječijeg dodatka	0
Zdravstvena zaštita za djecu od rođenja do navršanih 15 godina	1
Zdravstvena zaštita po osnovu ČŽR	0
Zdravstvena zaštita za lica preko 65 godina	10
Zdravstvena zaštita za korisnike BIZ	3
Zdravstvena zaštita za raseljena lica	0
UKUPNO	18

U izvještajnom periodu za 22 korisnika prava urađena su rješenja o prestanku prava na zdravstvenu zaštitu kao npr. zbog zasnivanja radnog odnosa, sticanja uslova za penzionisanje, smrti i preseljenja na područja druge općine.

→ Finansije

Tabelarni prikaz korisnika socijalne i dječije zaštite koji se nalaze na isplati

NAZIV	BROJ KORISNIKA
Dodatak na djecu	722
Jednokratna novčana pomoć za opremu novorođenog djeteta	30
Dodatna novčana pomoć na ime prehrane djeteta	84
UKUPNO	836

Porodilje

NAZIV	BROJ KORISNIKA
Porodilje koje su prijavljene na Birou	128
Porodilje koje su u radnom odnosu	161
UKUPNO	289

Civilne žrtve rata

NAZIV	BROJ KORISNIKA
Mjesečno lično novčano primanje	54
CŽR – lična invalidnina	72
CŽR – porodična invalidnina	94
UKUPNO	220

Zdravstvena zaštita

NAZIV	BROJ KORISNIKA
Zdravstvena zaštita iz nadležnosti socijalne zaštite	269
Zdravstvena zaštita iz nadležnosti boračke zaštite	90
UKUPNO	359

→ Raseljena lica

U izvještajnom periodu urađena su 3 rješenja o prestanku prava na status raseljenog lica zbog odjavljivanja iz mjesta prebivališta i trajnog nastanjenja na području Federacije Bosne i Hercegovine, smrti i rješavanja stambenog pitanja bilo u mjestu prijeratnog prebivališta ili na području Federacije Bosne i Hercegovine (kupovinom stana, izgradnjom kuće – donacijom) što potvrđuje i saradnja naše Službe i Ministarstva za rad, socijalnu politiku, raseljena lica i izbjeglice Kantona Sarajevo koje nas obavještava o saniranim stambenim objektima raseljenih lica. Zaključno sa 30.06.2026. godine na evidenciji Službe za boračko-invalidsku i socijalnu zaštitu evidentirano je 37 porodica raseljenih lica sa 66 članova, pri čemu broj korisnika ima tendenciju daljnjeg smanjivanja.

→ Uvjerena iz oblasti boračko-invalidske i socijalne zaštite

U periodu od 01.01.2026 do 30.06.2026. godine izdato je ukupno 1327 uvjerenja.

Služba za boračko-invalidsku i socijalnu zaštitu izvršavala je obaveze i zadatke u skladu sa pozitivnim zakonskim propisima i drugim podzakonskim aktima. Obim poslova u izvještajnom periodu bio je izuzetno veliki i zahtijevao je kontinuiran angažman svih državnih službenika i namještenika Službe.

Opća ocjena stanja je da je Služba ostvarila zacrtane planske zadatke u značajnom obimu. Također je reagovala brzo i efikasno u svim situacijama koje su se pojavljivale, a nisu mogle biti planirane. Ocjena je da je Služba funkcionisala uspješno.

Saradnja sa federalnim i kantonalnim organima uprave, drugim općinama i službama za nadležnu oblast kao i sa nadležnim institucijama vezano za zdravstvenu i socijalnu zaštitu (Federalno i Kantonalno Ministarstvo za boračka pitanja, Memorijalni centar Sarajevo, Federalno ministarstvo rada i socijalne politike, Ministarstvo za rad, socijalnu politiku, raseljena lica i izbjeglice, Ministarstvo za ljudska prava i izbjeglice, JU Dom zdravlja Kantona Sarajevo, Ministarstvo zdravstva Kantona Sarajevo, JU Centar za socijalni rad Kantona Sarajevo, Zavod za zapošljavanje, Zavod zdravstvenog osiguranja Kantona Sarajevo i svim općinama Federacije BiH i RS) je dobra i tu bi saradnju trebalo i dalje produbljivati i tražiti najbolja rješenja da služba što kvalitetnije izvršava svoje planske zadatke.

SLUŽBA CIVILNE ZAŠTITE

Služba civilne zaštite Općine Vogošća, u periodu od 01.01.2026. do 30.06.2026. godine obavljala je zadatke iz svoje nadležnosti u skladu sa odredbama Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, broj: 39/03, 22/06 i 43/10), Zakona o zaštiti od požara i vatrogastvu („Službene novine Federacije BiH“, broj: 64/09), te poslove i zadatke naznačene u Programu rada Općinskog načelnika, Jedinственог опćinskog organa uprave i ostalih опćinskiх službi Općine Vogošća za 2026. godinu.

U obavljanju poslova iz oblasti zaštite i spašavanja i realizaciji planiranih zadataka iz Programa rada Službe civilne zaštite angažovano je ukupno pet zaposlenika, od kojih su četiri državna službenika i jedan namještenik. Služba civilne zaštite je formirana kao samostalna опćinska služba za upravu u skladu sa Zakonom o zaštiti i spašavanju. U sklopu Službe civilne zaštite organizovan je i Operativni centar civilne zaštite.

Na nivou опćine formiran je Općinski štab civilne zaštite kao operativno-stručni organ civilne zaštite u koji je imenovano 17 članova. Funkciju stručne službe za potrebe Općinskog štaba civilne zaštite obavlja Služba civilne zaštite.

I. AKTIVNOSTI

Općinski štab civilne zaštite Općine Vogošća je u izvještajnom periodu održao dvije sjednice na kojima su razmatrana pitanja vezana za provođenje mjera zaštite i spašavanja ljudi i materijalnih dobara.

U saradnji sa Zavodom za izgradnju Kantona Sarajevo vršeni su kontinuirani obilasci terena, po dojavama građana ili na osnovu ličnog uvida uposlenika Službe civilne zaštite, a sve sa ciljem pravovremenog poduzimanja preventivnih i operativnih mjera kako bi se adekvatno zaštitilo stanovništvo i materijalna dobra na potencijalno ugroženim lokalitetima i spriječile eventualne opasnosti.

Služba civilne zaštite Općine Vogošća je sačinila više informacija koje su dostavljene Kantonalnoj i Federalnoj upravi civilne zaštite, a po potrebi i drugim nadležnim subjektima u kojima je obrađena problematika iz oblasti zaštite i spašavanja.

Početkom mjeseca marta 2026. godine, pokrenut je postupak za izbor najpovoljnijeg ponuđača za izvođenje radova na sanaciji klizišta na lokalitetu Orahov brijeg kod broja 89.

Krajem istog mjeseca pokrenut je postupak nabavke usluge izrade projektne dokumentacije za sanaciju klizišta na lokalitetu ulice Kenana Brkanića kod broja 28.

U mjesecu martu tekuće godine u svrhu materijalnog opremanja organizovanih struktura civilne zaštite (jedinice CZ i povjerenici CZ), izvršena je nabavka bacača snijega.

Tokom mjeseca aprila 2026. godine, pokrenute su aktivnosti za izbor najpovoljnijeg ponuđača za nabavku neophodne opreme – zaštitne odjeće i obuču za organizovane strukture civilne zaštite (OO Crvenog križa Vogošća, Veterinarske ambulante, Službe za zaštitu od požara, Gorske službe spašavanja).

U istom mjesecu započete su aktivnosti i potpisan je ugovor sa izabranim ponuđačem za izradu procjene ugroženosti i Plana zaštite od požara za područje općine Vogošća.

U drugoj polovini mjeseca maja tekuće godine u svrhu materijalnog opremanja organizovanih struktura civilne zaštite (Veterinarska ambulanta Vogošća), pokrenut je postupak nabavke nedostajuće opreme kojom će se unaprijediti rad ove ustanove.

Početkom mjeseca juna 2026. godine, u svrhu materijalnog opremanja Službe prve medicinske pomoći pokrenute su aktivnosti na nabavci EKG uređaja, defibrilatora, aspiratora, tlakomjera, sterilizatora i inhalatora.

Također, u istom mjesecu u svrhu materijalnog opremanja organizovanih struktura od značaja za zaštitu i spašavanje – OO Crvenog križa Vogošća, pokrenuti su postupci za nabavku pomoćnih kreveta na rasklapanje i nabavke šatora i paviljona.

Zbog neuspješnog okončanja predhodnih postupaka, u mjesecu junu pokrenuti su ponovni postupci za izbor najpovoljnijih ponuđača za izvođenje radova na sanaciji klizišta Orahov brijeg kod broja 89 i najpovoljnijeg ponuđača za izradu projektne dokumentacije za sanaciju klizišta na lokalitetu ulice Kenana Brkanića kod broja 28.

Služba civilne zaštite je uložila maksimalne napore na koordinaciji rada i pružanju stručne pomoći službama zaštite i spašavanja na području općine Vogošća i drugim pravnim subjektima i mjesnim zajednicama, kao i pružanju pomoći na provođenju njihovih zadataka koji se odnose na mjere zaštite i spašavanja.

Završeni su i svi materijali koji su iz domena civilne zaštite bili razmatrani i usvajani na sjednicama Općinskog štaba civilne zaštite, a to su:

- Izvještaj o prikupljanju, raspodjeli i korištenju sredstava ostvarenih po osnovu posebne naknade za zaštitu i spašavanje ljudi i materijalnih dobara za 2025. godinu;
- Finansijski plan civilne zaštite za 2026. godinu (Godišnji plan korištenja sredstava za zaštitu i spašavanje);
- Programa aktivnosti Štaba civilne zaštite za 2026. godinu;
- Informacija o nabavci opreme i MTS-a za potrebe Štaba i jedinica CZ;
- Informacija o stanju organizovanosti i opremljenosti Službi zaštite i spašavanja na području općine Vogošća.

II. PLANSKA DOKUMENTA

U sklopu svojih redovnih aktivnosti, kao i aktivnosti vezanih za pripreme sjednica Općinskog štaba CZ, Služba civilne zaštite je vršila ažuriranje postojećih i izradu novih planskih dokumenata. Neki od njih su:

- Ažuriranje Procjene ugroženosti općine Vogošća od prirodnih i drugih nesreća;
- Ažuriranje Plana zaštite i spašavanja općine Vogošća od prirodnih i drugih nesreća;
- Ažuriranje Programa razvoja zaštite i spašavanja općine Vogošća od prirodnih i drugih nesreća;
- Ažuriranje Procjene ugroženosti od požara i Plana zaštite od požara za područje općine Vogošća;
- Ažuriranje popune povjerenika, štabova civilne zaštite i ukupnog sastava civilne zaštite u cilju jačanja spremnosti za eventualno učestvovanje u akcijama zaštite i spašavanja, a u skladu sa pojedinačnom ličnom i materijalnom formacijom štabova, jedinica i povjerenika civilne zaštite i službi zaštite i spašavanja na području općine Vogošća;
- Aktivnosti na izradi planskih dokumenata vezanih za osnivanje službi zaštite i spašavanja od prirodnih i drugih nesreća (odluke o organizovanju službi, ugovori o međusobnim pravima i obavezama, lične i materijalne formacije);
- Stalna dogradnja Liste eksternih dokumenata sa novim ili izmijenjenim propisima;
- Aktivnosti na provođenju primjene ISO standarada u Jedinistvenom općinskom organu uprave sa procedurama i izradi novih procedura.

III. MJERE ZAŠTITE I SPAŠAVANJA

1. Sklanjanje ljudi i materijalnih dobara

Sklanjanje ljudi i materijalnih dobara obuhvata: planiranje i izgradnju skloništa, drugih zaštitnih objekata, kao i zaklona pogodnih za zaštitu i sklanjanje, njihovo održavanje i organizovanje korištenja za zaštitu ljudi i materijalnih dobara.

Na području općine Vogošća postoji 21 blokovsko sklonište. Za potrebe stanara u zgradama koje nemaju izgrađene podrumске prostorije prilikom izgradnje zgrada, prostorije skloništa su privremenim pregradama uređene kao podrumi i to

u skloništima: ulica Braće Kršo 16, ulica Braće Kršo 36, ulica Braće Kršo 42, ulica Tome Mendeša 2, ulica Tome Mendeša 34, ulica Omladinska 46, ulica Omladinska 50 i ulica Omladinska 54.

Skloništa u javnim ustanovama i pravnim licima, javne ustanove i pravna lica koriste za svoje potrebe i o njihovoj uslovnosti brinu ustanove u kojima su izgrađena.

U ranijem periodu sklonište u ulici Remzije Veje do broja 1 dodijeljeno je na korištenje Općinskoj organizaciji Crvenog krsta Vogošća, a u svrhu podjele hrane za korisnike javne kuhinje. Problem u održavanju skloništa predstavlja pojava podzemnih voda koje prodiru u prostorije skloništa, oštećenja na vodovodnoj i kanalizacionoj mreži, izgradnji novih objekata u poslijeratnom periodu u neposrednoj blizini skloništa, te sanacija vodovodnih, kanalizacionih i toplovodnih instalacija koje prolaze pored prostorija skloništa.

2. Zaštita i spašavanje od NUS-a

2.1. Upozoravanje na opasnost od mina

U saradnji sa Centrom za uklanjanje mina u BiH, nadležnim za izradu projektne dokumentacije vezane za minsku situaciju, Služba civilne zaštite Općine Vogošća nastavlja sa aktivnostima na izradi karata minske situacije i upozoravanju na rizičnu površinu susjedne općine Ilijaš. U prethodnom periodu vršene su aktivnosti na postavljanju info panoa kojima se upozorava na preostale rizične površine u susjednoj općini Ilijaš, na lokacijama na kojima građani dolaze u blizinu ovih površina. Nakon provedenih analiza, izviđanja terena, prikupljanja informacija, od strane Centra za uklanjanje mina u Bosni i Hercegovini, u 2026. godini, izrađena je projektna dokumentacija za sumnjivu površinu na lokalitetu Žuč – Ugorsko, ukupne površine 39.661 m² na kojoj bi se trebale tokom ove godine izvesti operacije tehničkog izviđanja i pretrage na postojanje kasetne municije. Sve ove aktivnosti su pokrenute naknadno obzirom da je u neposrednoj blizini ove lokacije prilikom deminiranja pronađena određena količina kasetne municije.

2.2. Prikupljanje NUS-a

Tokom izvještajnog perioda Služba civilne zaštite je u saradnji sa timovima za uklanjanje NUS-a i deminiranje Federalne uprave civilne zaštite, a po dojavama građana, policije i drugih subjekata, vršila prikupljanje zaostalih mina i drugih neeksplozivnih ubojnih sredstava koja su uklonjena i izmještena na uništavanje ili su uništavana na licu mjesta, ako nisu bila sigurna za transport i uklanjanje. U proteklom periodu prikupljeno je više komada različitih ubojnih sredstava (trombloni, minobacačke granate, ručne bombe i dr.) na područjima MZ Svrake, MZ Kobilja Glava, MZ Gora i Stara industrijska zona.

3. Zaštita i spašavanja na vodi i pod vodom

U izvještajnom periodu na području naše općine tokom mjeseca januara usljed jakih kišnih padavina i naglog otopljenja snijega došlo je do pojave bujičnih poplava koje su na području općine Vogošća prouzrokovale probleme na lokalnim saobraćajnicama i okućnicama individualnih stambenih objekata. Tako je na području MZ Semizovac u ulici Nova željeznička stanica i MZ Svrake u ulici Lug u mjesecu januaru ove godine došlo je do manjeg izlivanja rijeke Bosne na području ulice, dok su rijeke Ljubina, Vogošća i Jošanički potok ostali u svojim koritima. U ulici Nova željeznička stanica putem povjerenika CZ i pripadnika vatrogasnog društva izvršeno je postavljanje vreća sa pijeskom u cilju zaštite od daljeg ulivanja vode iza izgrađenog obaloutvrđnog zida, a zatim i isumpavanje vode iz poplavljenih okućnica, te tako nije došlo do ugrožavanja stambenih, privrednih i pomoćnih objekata. U ulici Lug putem Službe za zaštitu od požara izvršeno je isumpavanje vode iz podruma i garaže jednog poplavljenog objekta,

U periodu od 25.01.2026. godine, zbog posljedica intenzivnih kišnih padavina došlo je do pojave bujičnih voda koje su prijetile plavljenju stambenih objekata. U dijelu ulice Dumača, došlo je do pojave bujičnog potoka koji je prijetio stambenim objektima. Intervenirano je putem Službe za zaštitu od požara, odnosno Vatrogasnog društva Vogošća, koji su upotrebom građevinske mehanizacije izvršili prokopavanje kanala i preusmjeravanje vode. U ulici Donja Jošanica I došlo je do izlivanja potoka koji je također prijetio stambenim objektima. Intervenirano je putem izabranog izvođača za hitne intervencije koji je putem građevinske mašine izvršio pročišćavanje potoka.

U MZ Hotonj, u ulici Barica, došlo je do izlivanja potoka i djelimičnog ugrožavanja magistralnog puta M-18. U dijelu ulice Barica došlo je plavljenja dva putnička vozila, gdje su intervencijom pripadnika Vatrogasnog društva Vogošća navedena vozila izvukli iz vode i pročistili slivne kanale.

Na spoju ulica Igmana i Ahmeda Rizve, također je došlo do izlivanja potoka na dijelu navedene ulice. Intervenirano je putem Vatrogasnog društva Vogošća koji su intervenirali, odnosno izvršili pročepljavanja propusta, dok je upravitelj ceste M-18 izvršio čišćenje odvodnih kanala i slivnika.

U MZ Blagovac, na lokalitetu ulice Blagovac I, kod broja 10, došlo je do izlivanja bujičnog potoka, zbog čega je došlo do plavljenja okućnice na navedenom lokalitetu.

Na putnom pravcu Krč – Gora, došlo do izlivanja bujičnog potoka preko lokalne saobraćajnice.

U ulici Muje Šejte, došlo do začepljenja slivnih rešetki na lokalnoj saobraćajnici. Intervenirano putem Vatrogasnog društva Vogošća, gdje se pokušala voda skrenuti u lokalni potok.

U ranim jutarnjim satima 26.01.2026. godine, na dijelu ulice Lug u MZ Svrake došlo je do izlivanja rijeke Bosne iz svog korita i plavljena garaže na adresi Lug broj 6, kao i dijelu ulice Nova željeznička stanica.

Prateći porast vodostaja na navedenim vodotocima putem povjerenika civilne zaštite i angažovane mehanizacije nastojalo se provođenjem preventivnih i operativnih mjera spriječiti izlivanje vode i nastanak šteta na stambenim i objektima komunalne infrastrukture.

4. Zaštita i spašavanje od požara

Na području Kantona Sarajevo osnovana je i djeluje Profesionalna vatrogasna jedinica Kantonalne uprave civilne zaštite Kantona Sarajevo, a na području naše općine kao i ostalih općina na području Kantona Sarajevo organizovana je ispostava profesionalne vatrogasne jedinice.

Shodno članu 62. Zakona o zaštiti od požara i vatrogastvu („Službene novine Federacije BiH“, broj: 64/09), profesionalne vatrogasne jedinice su glavne snage u gašenju požara i spašavanju ljudi i materijalnih dobara ugroženih požarom. Pored ovih snaga za zaštitu od požara koje djeluju kao prvopozivne snage za zaštitu od požara, u udruženju Vatrogasno društvo Vogošća, formirana je Služba za zaštitu od požara, čiji pripadnici djeluju kao drugopozivne snage na gašenju požara.

U izvještajnom periodu na području naše općine nije bilo pojave većih požara koji bi zahtijevali angažovanje Općinskog štaba civilne zaštite Općine Vogošća. Sve požare koji su nastali stavljeni su pod kontrolu od strane Profesionalne vatrogasne jedinice Kantonalne uprave civilne zaštite, Službe za zaštitu od požara formirane u Vatrogasnom društvu Vogošća.

U više navrata, putem medija, Služba civilne zaštite je upozoravala građane i pravna lica da se kod čišćenja imanja i drugih aktivnosti, uzdrže od paljenja vatre na otvorenom, odnosno ostavljanja iste bez nadzora, a sve u cilju smanjenja rizika od požara.

Služba za zaštitu od požara koja djeluje u sastavu Vatrogasnog društva Vogošća kroz svoj angažman utjecala je na smanjenje rizika za nastanak i ublažavanje posljedica požara na području naše općine.

Požarnu sezonu u prvoj polovini 2026. godine, kao i prethodnih godina, okarakterisao je veliki broj požara na otvorenom prostoru koji su uglavnom nastali kao posljedica spaljivanja trave i korova prilikom proljetnog čišćenja bašti i okućnica, te poljoprivrednog zemljišta.

Tokom mjeseca aprila jedan broj pripadnika Vatrogasnog društva Vogošća prošla je obuku za spašavanje na vodi, odnosno Rescue 3 SRTA-W. Radi se o praktičnim vježbama tehnika spašavanja iz brzih voda, upravljanja opremom, te koordinaciju u složenim situacijama na terenu.

U prvoj polovini mjeseca juna 2026. godine u organizaciji Službe civilne zaštite Općine Vogošća i Vatrogasnog društva Vogošća provedene su vježbe evakuacije učenika i uposlenika osnovnih škola sa područja općine Vogošća. Cilj ovih vježbi je upoznavanje učenika, nastavnika i drugih uposlenika škole na postupcima u slučaju nastanka požara ili drugih prirodnih ili drugih nesreća, načinima sigurne evakuacije.

Napominjemo da je u proteklom periodu Vatrogasno društvo Vogošća intenzivno radilo na adaptaciji prostorija za smještaj ljudstva i opreme, a koje je firma „Pretis“ d.d. Vogošća, ustupila Vatrogasnom društvu Vogošća na korištenje. Pored svih izazova sa kojima se Vatrogasno društvo Vogošća susrelo tokom 2025. godine, pripadnici Vatrogasnog društva imali su 5 tehničkih intervencija i 20 izlazaka na obezbjeđenja.

5. Zaštita okoliša

5.1. Klizišta i geološke promjene na zemljištu

Sve aktivnosti na evidenciji, monitoringu, izradi projektne dokumentacije i sanaciji klizišta, Općina Vogošća kao i druge općine sa područja Kantona Sarajevo realizuje u saradnji sa Zavodom za izgradnju Kantona Sarajevo.

Općina Vogošća je prema podacima Zavoda za izgradnju Kantona Sarajevo i prije nastanka prirodne nesreće u maju 2014. godine u kojoj je nastupila totalna šteta na više stambenih objekata, bila općina u Kantonu Sarajevo sa najvećim brojem registrovanih klizišta. Od navedenog broja do pripreme ovog izvještaja sanirano je 46 klizišta, uključujući i ranije izvedene sanacije.

Općina Vogošća nije u mogućnosti da sama značajnije interveniše na sanaciji i izradi projektne dokumentacije za sanaciju svih klizišta, obzirom na broj registrovanih klizišta na području općine Vogošća i realnih budžetskih mogućnosti i izdvajanja.

U mjesecu januaru tekuće godine okončani su radovi na sanaciji klizišta Kobilja Glava do broja 116, započetih u drugoj polovini 2025. godine.

Ukupna vrijednost izvedenih radova na sanaciji klizišta na ovom lokalitetu iznosila je 144.099,10 KM.

U mjesecu junu ponovljen je postupak javne nabavke za izbor najpovoljnijeg ponuđača za izradu projektne dokumentacije sanacije klizišta na lokalitetu ulice Kenana Brkanića kod broja 28.

Također u istom periodu ponovljen je postupak za izbor najpovoljnijeg ponuđača za izvođenje radova na sanaciji klizišta Orahov brijeg kod broja 89, obzirom da prethodni postupak pokrenut u martu nije uspješno okončan.

U izvještajnom periodu povremeno je putem povjerenika CZ vršeno čišćenje kanalica, šahtova, izlaznih građevina i drugo na saniranim klizištima u smislu održavanja funkcionalnosti instalacija.

IV. AKTIVNOSTI OPĆINSKOG ŠTABA CIVILNE ZAŠTITE

Početkom godine na lokalitetu ulice Rašida Bešlije do broja 73, odnosno u blizini objekta Centar Sumero, došlo je do geoloških promjena terena, odnosno pomjeranja zemljišta.

Dana 07.05.2026. godine, održana je sjednica Općinskog štaba civilne zaštite Općine Vogošća na kojoj je na prijedlog Općinskog štaba civilne zaštite Općine Vogošća, Općinski načelnik donio Odluku o djelimičnom proglašenju stanja prirodne nesreće na području Općine Vogošća – MZ Hotonj – ulica Rašida Bešlije broj 73, uzrokovane pomjeranjem i slijeganjem zemljišta, zbog ugroženosti objekata ustanove „Sumero centar za podršku osobama sa invaliditetom u zajednici”.

Od tog perioda do danas, vrše se aktivnosti na pripremi projektne dokumentacije, a koja podrazumijeva izvođenje geoistražnih radova, izradu inženjersko-geološkog elaborata za potrebe procjene stabilnosti terena i definisanja eventualnih sanacionih mjera u ulici Rašida Bešlije do broja 73, MZ Hotonj.

U izvještajnom periodu održane su dvije sjednice općinskog štaba civilne zaštite.

V. AKTIVNOSTI OPERATIVNOG CENTRA SLUŽBE CIVILNE ZAŠTITE

Shodno obavezama naznačenim u Pravilniku o organizovanju i funkcionisanju operativnih centara civilne zaštite („Službene novine Federacije BiH“, broj: 09/19), Operativni centar civilne zaštite Općine Vogošća vršio je prikupljanje, obradu i distribuciju podataka o svim oblicima opasnosti od prirodnih i drugih nesreća na području općine, te podatke i informacije dostavljao nadležnim organima općine i Kantonalnom operativnom centru, prenošenje naredbi Federalnog i Kantonalnog štaba civilne zaštite, prijem, priprema i slanje izvještaja nadležnim tijelima općine i Kantonalnom operativnom centru civilne zaštite o mjerama i aktivnostima koje se poduzimaju u toku provođenja aktivnosti na zaštiti i spašavanju na području općine.

Svakog prvog u mjesecu vršena je provjera ispravnosti sistema za uzbunjivanje na području Općine Vogošća o čemu su sačinjavani izvještaji i dostavljani Službi civilne zaštite i Kantonalnom operativnom centru civilne zaštite.

Svi akti koji su zaprimljeni od viših nivoa vlasti proslijeđeni su nosiocima zaštite i spašavanja na dalje postupanje, a o realizaciji istih sačinjavani su i dostavljani izvještaji.

Za potrebe dijela službi Jedinstvenog općinskog organa uprave Operativni centar civilne zaštite redovno je zaprimao i otpremao akte putem faksa.

U cilju održavanja stalnih veza sa Kantonalnim operativnim centrom civilne zaštite za slučajeve prirodnih ili drugih nesreća putem ranije instalirane radio veze, odnosno putem posebnog kanala se ostvaruje stalna veza sa nadležnom Upravom civilne zaštite.

Napominjemo da su u drugoj polovini 2025. godine, Kantonalna uprava civilne zaštite Kantona Sarajevo i Općina Vogošća potpisale ugovore o dodjeli finansijskih sredstva u svrhu opremanja Operativnog centra civilne zaštite Vogošća sa mobilnim radio stanicama i nabavku opreme za obavješćavanje građana, ukupne vrijednost 153.190,95 KM, čija je realizacija u toku.

VI. POVJERENICI CIVILNE ZAŠTITE OPĆINE VOGOŠĆA

Shodno potrebama povjerenici civilne zaštite su bili angažovani na provođenju preventivnih i operativnih mjera na otklanjanju uzroka koji mogu dovesti do nastajanja vanrednih okolnosti, te provođenju Programa rada Službe civilne zaštite Općine Vogošća za 2025. godinu i realizaciji zahtjeva Općinskog načelnika, drugih općinskih službi i udruženja građana.

Neki od značajnijih poslova koji su realizovani u prvoj polovini 2026. godine:

- Zimsko čišćenje pasarela, pothodnika i stepeništa od snijega i leda, a shodno Programu rada zimskog održavanja puteva na području općine Vogošća, koji su dodijeljeni na održavanje Službi civilne zaštite putem povjerenika civilne zaštite;

- Aktivnosti na čišćenju riječnih korita i propusta od naplavina i nanosa mulja, granja i drveća u skladu sa mogućnostima povjerenika civilne zaštite;
- Pomoć boračkim, sportskim i drugim udruženjima pri organizaciji njihovih aktivnosti i manifestacija, te fizičkim licima po njihovim zahtjevima, a u skladu sa mogućnostima povjerenika civilne zaštite;
- Redovni obilasci saniranih klizišta kao i interventno čišćenje kanalisa, šahtova, ulaznih građevina i drugo u smislu održavanja funkcionalnosti instalacija;
- Pomoć općinskim službama po njihovim zahtjevima pri realizaciji projekata i aktivnosti;
- Uređenje i čišćenje uređenog dijela korita rijeke Vogošće u užoj gradskoj zoni;
- Tekuća održavanja zgrade općine.

STRUČNA SLUŽBA ZA ZAJEDNIČKE POSLOVE I POSLOVE MJESNIH ZAJEDNICA

Služba je u periodu od januara do juna 2026. godine obavljala poslove i zadatke određene zakonskim propisima i aktima Općinskog vijeća i Općinskog načelnika. Također je obavljala poslove praćenja budžetskih pozicija, obrađivala akte koji se odnose na zajedničke poslove i poslove mjesnih zajednica.

Općina Vogošća je preko Stručne službe za zajedničke poslove i poslove mjesnih zajednica postala jedna od 500 općina Zapadnog Balkana koja je uspješno realizovala projekat u sklopu WiFi4WB inicijative koju finansiraju Evropska unija i Vlada savezne Republike Njemačke kroz projekat EU4Digital, a implementira GIZ. Cilj projekta je osigurati besplatan javni WiFi, odnosno poboljšati digitalnu povezanost i pristupačnost za stanovnike i posjetitelje Vogošće. WiFi mreža je postavljena u parku u kojem se nalazi Centralno spomen obilježje civilnim žrtvama rata i logorašima Vogošće. Općina Vogošća je dobila kompletan paket usluga uključujući WiFi opremu, instalaciju, pristup internetu i održavanje do 18 mjeseci.

Pored redovnih poslova koje obavljaju, sekretari mjesnih zajednica obavljali su i druge poslove koji su zahtijevali od njih predstavnici drugih službi. U januaru mjesecu putem sekretara mjesnih zajednica održani su sastanci sa predstavnicima Savjeta mjesnih zajednica na kojima se razgovaralo o prijedlozima u izradi Programa prioritetnih projekata komunalne infrastrukture za 2026. godinu. U saradnji sa Službom za investicije i komunalne poslove bili su uključeni u izradu operativnog programa rada zimske službe, kao i u nadzoru nad provođenjem istog.

U izvještajnom periodu pripremljen je Izvještaj o radu Savjeta mjesnih zajednica za 2025. godinu sa Programom rada Savjeta mjesnih zajednica za 2026. godinu.

Sekretari i članovi Savjeta mjesnih zajednica su učestvovali u koordiniranoj akciji čišćenja u svih osam vogošćanskih mjesnih zajednica, koju je provodilo Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo u saradnji sa Općinom Vogošća, Službom civilne zaštite Općine Vogošća i VD „Vogošća“ te KJKP „Park“, KJKP „Rad“, KJKP „ViK“, KJKP „Pokop“ i KJKP „GRAS“. Akcija čišćenja je provedena na lokalitetima koji nisu obuhvaćeni programima redovnog održavanja, a podrazumijevala je uklanjanje divljih deponija, košenje trave, čišćenje grobalja, pranje ulica, otklanjanje kvarova na vodovodnoj i kanizacionoj mreži, te uklanjanje grana koje ometaju normalan rad javne rasvjete. Također su u saradnji sa Službom za investicije i komunalne poslove bili uključeni u proljetnoj Akciji prikupljanja kabastog otpada, na području općine Vogošća, kao i praćenju realizacije projekata iz Programa prioritetnih projekata u oblasti komunalne infrastrukture.

Pored navedenog sekretari mjesnih zajednica svakodnevno ostvaruju saradnju sa Centrom za socijalni rad – Služba socijalne zaštite općine Vogošća, PU Vogošća i Crvenim križom općine Vogošća. Saradnja se ogleda u dostavljanju

podataka o licima koja su u stanju socijalne potrebe, dostavljanju podataka po pitanju sigurnosti i bezbjednosti na području mjesnih zajednica kao i druge vrste pomoći.

Stručna služba za zajedničke poslove i poslove mjesnih zajednica vrši kontrolu i održavanje informacionog sistema (mrežnih instalacija i opreme koja se koristi u prostorijama Općine i mjesnim zajednicama, te pruža pomoć i podršku uposlenicima oko korištenja softverskih aplikacija i IT opreme). Svakodnevno se vrši održavanje web portala i FB profila Općine Vogošća kroz objavu vijesti, informacija, dokumenta, radnih materijala sa sjednica Općinskog vijeća. Po potrebi se sarađuje sa firmama koje održavaju softverske aplikacije, IT opremu i instalacije u cilju nesmetanog funkcionisanja lokalne mreže računara, internet konekcije i telefonskog saobraćaja („BH Telecom“, „Angermayer“, „Unicredit Bank“, „Halcom“, „Itineris“, održavanje SDH mreže Agencije za identifikaciona dokumenta, evidenciju i razmjenu podataka BiH, Federalna uprava za geodetske i imovinsko-pravne poslove...).

Preko službe je nabavljena kompletna oprema za izdavanje elektronskog potpisa u kancelariji Službe za opću upravu u sklopu novog Registracionog ureda (RA ured) ovjeritelja Agencija za identifikacione dokumente, evidenciju i razmjenu podataka Bosne i Hercegovine (IDDEEA BiH). Na ovaj način unaprijeđen je pristup savremenim elektronskim uslugama, a građanima je omogućeno jednostavnije i brže preuzimanje kvalifikovanog elektronskog potpisa, koji predstavlja osnovu za sigurno, pravno valjano i pouzdano elektronsko poslovanje. Ovim je olakšano korištenje brojnih elektronskih usluga javne uprave, smanjena je potreba za papirnom dokumentacijom, te skraćeno vrijeme obrade zahtjeva. U skladu s važećim zakonskim okvirom i evropskim standardima, novi RA ured doprinijet će većoj dostupnosti elektronskih usluga, povećanju efikasnosti administrativnih procedura i jačanju digitalne transformacije javne uprave. Također su obezbijeđeni svi neophodni tehnički uslovi za rad Općinske izborne Komisije, odnosno Centra za birački spisak (pristup bazama CIK-a) za potrebe održavanja Općih izbora 2026. godine.

Služba je, u izvještajnom periodu, izrađivala prijedloge plana javnih nabavki na osnovu prijedloga službi, te po dostavljenim zahtjevima službi izrađivala prijedlog za izmjene i dopune istog, pokretala postupke javnih nabavki prema utvrđenom planu javnih nabavki, te izrađivala akte za provođenje postupaka javnih nabavki, izrađivala tenderdske dokumentacije javnih oglasa, pripremala i izrađivala ugovore, okvirne sporazume o nabavci radova, roba i usluga po provedenim javnim nabavkama, te pregled realizacije plana nabavki. Također je izrađivala mjesečne izvještaje o radu, finansijske izvještaje i obrađivala zahtjeve za plaćanje.

Za što bolje funkcionisanje Jedinstvenog općinskog organa uprave i ostalih općinskih službi, a u skladu sa Zakonom o javnim nabavkama BiH provedene su sljedeće procedure:

- nabavka materijala za redovno održavanje higijene zgrade i mjesnih zajednica;
- provedena je procedura nabavke osiguranja, registracije, održavanja i servisiranja istih službenih motornih vozila;
- izvršena je nabavka IT opreme za neometano funkcionisanje Jedinstvenog općinskog organa uprave i ostalih Općinskih službi;
- izabrana je firma za pružanje usluga deratizacije, dezinfekcije i dezinsekcije prostorija zgrade Općine Vogošća i mjesnih zajednica;
- izabrana je firma za izvođenje radova na zamjeni vodovodnih i kanizacionih instalacija u zgradi Općine Vogošća, prostorijama MZ i poslovnih prostorija u vlasništvu Općine Vogošća;
- izabrana je firma za održavanje i čišćenje klima uređaja u zgradi Općine Vogošća;
- za potrebe obilježavanja 24. juna Dana Općine Vogošća na osnovu Odluke o dodjeli priznanja i zahvalnica pojedincima i kolektivima izvršena je nabavka istih.

Zajedničke poslove (pomoćno-tehničke poslove) u okviru svojih redovnih aktivnosti vršili su portiri, vozač, radnice na održavanju higijene i radnik na umnožavanju materijala.

Predlažemo Općinskom vijeću da nakon razmatranja usvoji Izvještaj o radu Općinskog načelnika, Jedinstvenog općinskog organa uprave i ostalih općinskih službi Općine Vogošća za period od 01.01.2026. do 30.06.2026. godine.

Broj: 02-04-1519/26

Vogošća, 11.08.2026. godine

OPĆINSKI NAČELNIK

Migdad Hasanović

Na osnovu člana 70. stav 1. tačka 16. Statuta Općine Vogošća („Službene novine Kantona Sarajevo“, broj: 27/14 – Prečišćeni tekst, 14/15, 9/20 i 23/24) i člana 103. Poslovnika Općinskog vijeća Vogošća („Službene novine Kantona Sarajevo“, broj: 27/14 – Prečišćeni tekst, 18/15, 45/15, 10/16, 51/18 i 28/20) Općinsko vijeće Vogošća na sjednici održanoj _____. 2026. godine, donijelo je

Z A K L J U Č A K

Usvaja se Izvještaj o radu Općinskog načelnika, Jedinstvenog općinskog organa uprave i ostalih općinskih službi Općine Vogošća za period 01.01.2026. – 30.06.2026. godine.

Broj: 01-04-____/26
Vogošća, _____. 2026. godine

PREDSJEDAVAJUĆI
OPĆINSKOG VIJEĆA VOGOŠĆA

Nihad Hadžić